


BIBLIOTECA NAZ.
Vittorio Emanuele III

KLIII

Q

5

NAPOLI





M. ANTONII MURETI
O P E R A
T O M U S III

VARIARUM LECTIONUM
LIBROS XV

CONTINENS,

*Accedit Graecorum Locorum Latina
Interpretatio.*

Iuxta Parisiensem Editionem

Anni clō lo xxxi.

Di Gennaro Giannella



VERONAE MDCCXXVIII.

Apud Io. Albertum Tumermanum in Vico Artium.
SUPERIORUM PERMISSU, AC PRIVILEGIO EXCELLEN-
TISSIMI SENATU AD ANNOS XV.



1871 JAN 17

1871 JAN 17

1871 JAN 17

1871 JAN 17

CLARISSIMO ERUDITISSIMOQUE
VIRO
IOANNI ANTONIO
ASTORIO

Ioannes Albertus Tumermanus

S. P. D.



Eteri Italiae fato, clarissime ac eruditissime Vir, quae pleraque ab ea, vel saltem in ea denata sunt, ex transalpinis regionibus, in lucem edituri, petere cogimur. Hoc pridem mihi accidit, dum totus in eo sum, ut M. Antonii Mureti Opera, quae extant, publici iuris facere studeam.

a 2

Nam

DEDICATIO

Nam cum magnus ille vir multa de gravioribus, humanioribusque artibus conscripserit; quae ipsius scripta ad praeclarissimam eandemque summopere necessariam humani iuris scientiam pertinent, facilius nobis est in Italia desiderare, quam invenire. Dum vero ea, quae apud nos haud inveniuntur, a clarissimo, ac litteratissimo D. Ioanne Bruchardo Menckenio in Lipsiensi Academia Professore, ut litteris auctor sponsorque nobis fuit, expectamus, alia vero, quae paullo humaniorem minervam sapiunt aliunde multa; interea loci tertium Mureti Operum Tomum absolvimus, qui Variarum Lectionum inscribitur. Qui cum penitioris eruditionis omnis tot thesauros contineat, aliquis etiam penitiori eruditione fretus, ac insignis vir, cui lepdatum novum libellum donaremus, exquirendus fuit. Illum vero eo dono dignissimum,

quis

DEDICATIO

quis te esse neget vir eruditissime? Notum enim te satis superque in litteraria republica reddidere, & lectissima a prima iuventute studia tua, & peregrina eruditione plenissimae dissertationes, quae a te in lucem editae, tanta cum aestimatione ab eruditis omnibus exceptae sunt. Cum vero summo cum acumine ingenii admirabilem morum suavitatem coniunxeris, hinc ingens te amor primorum inter Venetos Nobilitium, hinc maximus litteratorum hominum honor prosequitur. Testis mihi sit Philippus a Turre Italiae lumen illud eruditissimum, quicum insignem amicitiam aluisti, quoad vitam vixit, testes mihi tot alii vel ultra montes litteratissimi homines, quibus uteris fruerisque in litterario commercio. Sed longe supra eruditionem pietas affulget tua, ob quam Regalis D. Marci Basilicae sacris insignitus, eorum, & doctrinae tuae gratia

D E D I C A T I O

*gratia fit, ut dilectus Deo & hominibus
sis. Plura me de tuis meritis dicere, non
verborum, aut admirationis inopia, sed
modestia tua prohibet. Idcirco finem fa-
ciam, illud unum te orans, ut nempe mu-
nusculum hoc meum, aequi, bonique consu-
las, donantisque animum magis, quam do-
num ipsum respicias. Vale.*





I N D E X

EORUM QUAE SINGULIS LIBRIS PER CAPITA TRACTANTUR.

L I B. I.

- T**Res Isocrates. Cuius sit *καρλίνας* ad Demonicum, indicatum. Cap. 1
Mithridatem cur Dionysium Tralliani honoris causa vocarent. Illustratus locus ex oratione pro Flacco. Eius qui Plutarchi *συμπροσκαλ* interpretatus est, notatus error. cap. 2
Locus quidam Ciceronis in Verrem vindicatus a prava aliorum correctione. Plinii alter declaratus. cap. 3
Horatii locus ex Euripide expressus. cap. 4
Eiusdem Horatii locus ex Isocrate prope conversus. c. 5
Ciceronis locus ex oratione pro P. Quintio pulchre a Paulo Manutio correctus. cap. 6
Epitheton, quo Corinthum ornavit Horatius, e Graeca voce expressum videri. cap. 7
Horatii locus, qui multis in libris corrupte legitur, explicatus. cap. 8
Sententia quaedam Terentiana ab Aeschilo etiam prolata ostenditur: & qui eandem continet, Graecus incerti scriptoris versiculus indicatur. cap. 9
Equitandi verbum quod Euro tribuit Horatius. Euripidem quoque eodem modo locutum esse. cap. 10

INDEX.

- Currum pro navi, ut a Catullo, sic & a Graecis poetis dictum esse. cap. 11
- Libidinosarum mulierum, quae calumniatae sunt eos a quibus spretae ac repudiatæ erant, exempla octo. c. 12
- Falsam quandam historiam a Petró Victorio pro vera traditam esse. cap. 13
- Aristotelem in Hippodamo reprehendendo, parum bona fide versatum esse. cap. 14
- Duræ compositionis duo insignia exempla: ex Euripide unum, alterum e Sophocle. cap. 15
- Coniecturae de aliquot locis e libello Demetrii *de elenchiis*. cap. 16
- De forum aperiendarum ratione apud veteres Graecos multis Plauti ac Térentii locis allata lux. cap. 17
- Quod de famâ Virgilius dixit, idem Callimachum de Cerere, Homerum de contentione dixisse. cap. 18
- Quid sibi velit apud Ciceronem in epistolis ad Atticum pastoricia fistula, explicatum. cap. 19
- Alius locus ex iisdem epistolis declaratus. cap. 20

L I B. II.

- Correctus & explicatus locus e primo libro Aristotelis De arte dicendi. cap. 1
- De Psyllis, & Ophiogenesi. Allatus locus Varronis, cuius testimonio usus erat Plinius. cap. 2
- Sententiam illam, Patria est ubicumque bene est, acute a Lyfia reprehensam. cap. 3
- De vi verbi *Alloquor*. Horatii in Odis explicatus locus. cap. 4
- De Callisthene & Philisto. Locus Ciceronis emendatus & declaratus Capitales interdum veteribus ingeniosos dictos esse. cap. 5
- Pauperum cognationem a nemine libenter agnosci. Térentii locus allatus non dissimilis Menandri. cap. 6
- Ciceronis locus e Dinarcho expressus ostenditur. cap. 7
- Quod

I N D E X.

- Quod Victorius de auctore libri De mundo ad Alexandrum credidit, verum non videri. cap. 8
- Pisces parvulos a maioribus devorari, multorum scriptorum testimoniis confirmatum, emendatus Varronis locus. cap. 9
- Iugurtham, cum in triumpho ductus esset, desipere ac delirare coepisse. Plutarchi in Mario locus. cap. 10
- Aristotelis locus, allatis Theognidis versibus, qui eandem sententiam continent, illustratus. cap. 11
- Genus quoddam loquendi Horatianum indicatur e Graeco fonte manasse. cap. 12
- Platonis locus conversus a Cicerone in Hortensio, in quo Marfilius leviter lapsus est. cap. 13
- Ciceronis locus, quem Silius eleganter imitatus est. cap. 14
- Quodnam sit verbum illud graecum, quo usos esse Athenienses in discordiis sedandis ait Cicero in Philippicis. cap. 15
- Ciceronis ex oratione pro Deiotaro loci duo emendati. cap. 16
- Illustratus locus ex oratione pro Coelio. cap. 17
- Cicero in oratione pro Sylla locum quendam Demosthenis imitatus ostenditur. cap. 18
- Alius Ciceronis locus e Demosthene expressus 2. Philip. cap. 19
- Theocriti *ἀδύρια ζύουα* correctus & explicatus locus c. 20

L I B. III.

- De quorundam admirabili memoria. cap. 1
- Sublata menda quae inhaeserat in Euripideo versu apud Prophyrium. Item de formae dignitate quaedam non indigna cognitu. cap. 2
- Locus Terentii e Phormione illustratus. cap. 3
- Duo genera loquendi, quibus Latini poetae utuntur a Graecis accepta esse. cap. 4
- Aeris

INDEX,

Aeris Corinthii temperatura quomodo inventa .	cap. 5
Indicata vetus scriptura duum locorum e libro secundo de Divinatione .	can. 6
Cur Tibullus porcum hostiam mysticam dixerit .	cap. 7
C. Verres qua ex gente fuerit . Emendatus locus e libro quarto accusationis .	cap. 8
Correctus Plauti locus e Milite glorioso .	cap. 9
Quae se facturos iuraverint Graeci cum Xerxis copiis congressuri .	cap. 10
Locutio quaedam, quae Euripidis esse credebatur, reiecta : & ipsius poetae emendatus locus .	cap. 11
Atticum loquendi genus , quod imperiti ex Euripidis Hecuba sustulerant , restitutum .	cap. 12
Antelogium quid . Plauti e Menaechmis correctus locus .	cap. 13
Historia de oraculo quod Pelæo redditum . Xenophontis locus correctus .	cap. 14
Xenophontis alius locus correctus .	cap. 15
Particulam δ, e quodam loco ex apologia Socratis apud Platonem , delendam videri .	cap. 16
Emendatus Plauti locus e Milite glorioso .	cap. 17
Lenos debitores aliter a Cicerone aliter a Lucilio dictos .	cap. 18
Lucilii versus apud Nonium emendati .	cap. 19
Horatii versus e quinto Odarum illustrati .	cap. 20
Declaratus locus quidam e Ciceronis Hortensio :	cap. 20

L I B. IV.

Historia de Pindaro poeta, multato a suis, ornato ab Atheniensibus .	cap. 1
Quod Aristoteles sensit de iis qui seipsum interficerent , testimonio confirmatum .	cap. 2
Correctus Ciceronis locus e lib. tertio De legibus .	cap. 3
De veteri proverbio, quo dicebatur, quod pulchrum est, placere .	cap. 4
De	

INDEX.

De loco quodam Varronis adversus Petri Victorii sententiam disputatum .	cap. 5
Fragmentum Varronis e Marci pore, quo tempestas eleganter describitur .	cap. 6
Enniani versus ex Euripide expressi , notata Nonii inconstantia .	cap. 7
Emendati Varronis loci duo .	cap. 8
Duo versus Horatii conversi e Simonide .	cap. 9
Sententiae cuidam Ovidianae allata similis ex Euripide .	cap. 10
Quod Aristoteles in antiquis dicendi magistris reprehendit, idem Isocrates ante reprehendisse ostenditur . c. 11	
Antiqui quoties die cibum sumperint .	cap. 12
Terentianus versus imitatus a Caecilio ; loci cuiusdam e quarta Tusculana vulgata scriptura adversus Nonium defensa . Item eiusdem grammatici alia quaedam improbata . Correctus locus e libro quarto De finibus .	cap. 13
Theriacam olim bibi solitam verum non videri ; emendatus Varronis locus .	cap. 14
Sententia quaedam Horatii ab Arato prius prolata ostenditur .	cap. 15
De loco quodam e quarto Aeneidos adversus Servium .	cap. 16
Proverbium quoddam ab illo scriptore qui tam multa alia collegit praetermissum .	cap. 17
In bonorum comparatione dissensio inter Platonem & Aristotelem indicata .	cap. 18
De loco quodam ex Oratione in Pisonem, adversus Petrum Victorium .	cap. 19
Horatiana quaedam ex Graeco ducta .	cap. 20

LIB. V.

Insularum fortunatarum descriptio , & situs .	cap. 1
Tibulli versus illustratus .	cap. 2
Vir-	

INDEX.

Virgilii versus, in quo Ciceronem imitatus videri potest.	cap. 3
Platonis in Hippiam maiorem emendatus locus.	cap. 4
Emendatus locus e Ciceronis agrariis.	cap. 5
Plautinae Stichii principium emendatum, & distinctum.	cap. 6
Adonin Dianae ira interfectum.	cap. 7
Confirmatae duorum locorum Ciceronis emendationes a Petro Victorio factae.	cap. 8
Emendati loci aliquot e Mostellaria Plauti.	cap. 9
Ciceronis locus conversus e Chrysippo.	cap. 10
Explicatus & emendatus locus e secundo Epistolarum ad Atticum.	cap. 11
Virgilii versus ex Aeschilo imitatus.	cap. 12
Ennii hemistichium ex Euripide.	cap. 13
Falsum argumentum allatum esse ab A. Gellio ad ostendendum, inter Platonem & Xenophontem aliquid simultatis intercessisse.	cap. 14
Secundam fortunam difficile ferri, multorum gravium scriptorum testimoniis confirmatum.	cap. 15
Ebrii nomen ad alia quaedam a vino eleganter tralatum.	cap. 16
Horatiana quaedam genera loquendi e Graeco expressa.	cap. 17
Brevitatem & obscuritatem aptam esse ad terrorem inferendum, aliquot exemplis confirmatum.	cap. 18
Locus Virgilii aliter quam a Servio & Macrobio expofitus.	cap. 19
Illustratus Platonis locus ex Alcibiade primo.	cap. 20

LIB. VI.

De praenotionibus, quibus scientiarum omnium principia debentur explicatum & correctum principium posteriorum analyticorum Aristotelis.	cap. 1
Axiomata quomodo Latine vocanda sint.	cap. 2
Com-	

INDEX.

Comparatione quādam Lucretiana usus etiam Themistius ostenditur.	cap. 3
Ut multas alias diphthongos, quae nunc usurpari desierunt, ita oī pro oe, apud veteres fuisse: emendatus Plauti locus.	cap. 4
Dominos, nisi cupiditatibus suis imperent, ne servis quidem suis imperare posse.	cap. 5
Homerum & Aeschylum Athenienses, Tyrtaeum Lacedaemonii, quo honore affecerint.	cap. 6
Illustratus locus ex Aristotelis categoriis.	cap. 7
Correcti loci duo e primo libro Topicorum. Item alius e quinto Ethicorum.	cap. 8
Videri Plautum dixisse <i>rem voluptatum</i> eodem plane modo, quō Graeci dicerent <i>τὸ ἡδονῶν</i> .	cap. 9
De quodam Plautino ioco, itemque de loco quodam e Catone maiore Ciceronis disputatum.	cap. 10
Euripidem aliter, quam ceteros omnes, de Helenae si- dere locutum.	cap. 11
Emendatus Plinii locus.	cap. 12
Emendatus versus quidam Horatianus.	cap. 13
Correcti apud Ciceronem Ennii versus.	cap. 14
Ecquid adhibenda sint in conyitiis acroamata, an minus.	cap. 15
Correctus locus e secundo De divinatione.	cap. 16
Semiramis quō astu ad regnum pervenerit.	cap. 17
Ut <i>honorem</i> Latinis ita Graecis <i>οὐκεία</i> & <i>κλέος</i> ambigua vocabula esse.	cap. 18
Correctus locus ex Oratione Ciceronis pro domo sua.	cap. 19
Correctus locus e secundo de finibus.	cap. 20

LIB. VII.

Sorores uxores ducere, num apud Athenienses lice- rit.	cap. 1
De consuetudine Graecorum non adhibendi honestas mulie-	

INDEX.

- mulieres ad convivia virorum. Illustratus locus ex
Eunuchio Terentii : itemque locus Ciceronis e libro
primo in Verrem. cap. 2
- Euripidis locus in Medea correctus & declaratus. cap. 3
- Quid intersit inter imperium patris & domini. Emendati Afranii versus apud Gellium. cap. 4
- Emendatus Varronis locus, qui citatur a Nonio. cap. 5
- Ab igne ad vitam crebro tralatas esse multas ab antiquis scriptoribus voces. cap. 6
- Correctus locus e primo Rhetoricorum Aristotelis. item locus Callimachi ex hymno in Apollinem. cap. 7
- Conatus emendandi duos locos e tertio libro Aristotelis De arte dicendi. cap. 8
- Illustratus locus e primo Topicorum Aristotelis. cap. 9
- Correctus & illustratus locus e secundo Topicorum. cap. 10
- Emendati loci aliquot e libello Q. Ciceronis de petitione consulatus. cap. 11
- Ex eodem libello emendati aliquot loci. cap. 12
- Ex eodem libello emendati aliquot loci. cap. 13
- Quod apud Ciceronem in epistolis ad Atticum legitur, *av αὐτοῦ ποῖο*, unde sumptum sit. cap. 14
- Proverbium quoddam, quo Cicero De senectute usus est, ex Euripide sumptum esse. cap. 15
- Ut Cicero dixit, *conficere famam*, ita Graeci dicunt *ποικίλιν ὄνομα*. cap. 16
- Quod Theopompus de Lacedaemoniis dixit, idem de fortuna quoque merito dici posse. cap. 17
- Ciceronis e Lucullo correctus & declaratus locus. ca. 18
- Ciceronis locus ex Isocrate, ut videtur, imitatus. ca. 19
- De quodam loco e secundo De finibus, neque Manutii, neque Victorii sententiam veram videri. cap. 20
- Qui fuerint Aristotelis libri De philosophia, quodque illorum argumentum. Illustratus locus e primo libro Ciceronis De natura deorum. cap. 21
- Cice-

INDEX.

- Ciceronis e tertio De natura deorum locus ex Aristote-
le expressus . cap. 22
Locus e Miloniana cum duobus Demosthenis uno, alte-
ro Lyfiae comparatus . cap. 23
Illustrati Virgiliani versus e quarto Aeneidos. cap. 24

L I B. VIII.

- Poetarum & apum comparatio. Illustratus Horatii ver-
sus, Necte meo Lamiae coronam . cap. 1
De quodam loco e libro secundo Rhetoricorum Aristo-
telis, adversus Petri Victorii sententiam . cap. 2
Collatio loci cuiusdam e Phaedro Platonis cum eius-
dem loci interpretatione Ciceroniana . cap. 3
Correctus & explicatus locus Platonis ex apologia So-
cratis . cap. 4
Virgilii versus e sexto Aeneidos ex Homero imitati. c.5
Notatum Petri Victorii *μνημονικὸν ἀμάρτημα* . . cap. 6
De facultate contrariorum, emendatus & declaratus lo-
cus e secundo Aristotelis de arte dicendi . cap. 7
Alius locus ex eodem libro explicatus . cap. 8
Correctus Ciceronis locus ex oratione pro C. Rabirio
perduellionis reo. cap. 9
Ciceronis loci duo ex Aeschine, ut videtur, imitati. c.10
E declamatione in Sallustium loci duo, quorum alter
ex Aeschine, alter e Demosthene expressus videtur .
cap. 11
Infacetum, non ut vulgo, *Infacetum* scribi oportere; & ex
eadem coniugatione cetera ad eundem modum. ca.12
Correctus & illustratus Aristotelis locus e libro quinto
Ethicorum. cap. 13
Verbum *ἡδίστα*, quodam loco e secundo Rhetorico-
rum Aristotelis non videri ita accipiendum, ut Vi-
ctorius censuit . cap. 14
Quid apud Catullum, affini nomine intelligendum esse
videatur . cap. 15
Male

INDEX.

Male conversos videri a Cicerone tres Euripidis. versus.	cap. 16
De quodam loco ex epistolis ad C. Trebatium accurate disputatum.	cap. 17
Locus Platonis e Phaedro, allata vetere quadam Atheniensium consuetudine illustratus.	cap. 18
Quod discrimen sit accusationis & maledictionis, e Demosthene & Cicerone.	cap. 19
De vi veritatis. Ciceronis sententia ex Aeschine. Libri vii loci duo emendati.	cap. 20
Mulieres eruditas plerumque libidinosas esse, duorum poetarum testimoniis confirmatum. Iuvenalis locus cum quodam Platonis collatus.	cap. 21
Iphicratis multa dicta, quibus elatus & excelsus ipsius animus ostenditur.	cap. 22
Medicum fuisse Herculem: & sanatam ab eo Alcestem, quum iam deposita esset.	cap. 23
De immani crudelitate regis Deiotari.	cap. 24
De lege quadam Persarum humanitatis plena.	cap. 25

L I B. IX.

De genere quodam loquendi quo in magis amoris significatione veteres utebantur.	cap. 1
Illustratus Horatii ex Odis locus.	cap. 2
Emendatus versus ex Asinaria Plauti, & locus quidam Appuleii in Floridis.	cap. 3
De loco quodam ex Odis Horatii.	cap. 4
Emendatus locus ex Politicis Aristotelis	cap. 5
De locis aliquot Plautinis ex Pseudolo.	cap. 6
De duobus locis ex primo Odarum Horatii.	cap. 7
Illustratus locus Senecae ex epistolis.	cap. 8
De potu aquae aut vini circumdata nive refrigerati, Macrobiani locus emendatus.	cap. 9
De locis quibusdam e prima epistola libri primi ad Atticum.	cap. 10
	Illu-

INDEX.

Illustratus Plauti ex Asinaria locus	cap. 11
De vetere Proverbio quò usus est Cicero in Catilinam	cap. 12
De locis quibusdam e Truculento Plautina	cap. 13
E Ciceronis Academicis emendatus locus	cap. 14
De locis quibusdam e Truculento Plautina	cap. 15
De Mitylene Horatii loci duo illustrati	cap. 16
Illustratus locus Horatii ex Odis	cap. 17
Emendatus & illustratus locus quidam Plutarchi	c. 18
Tres antiquae voces Ciceroni restitutae	cap. 19
De quibusdam locis Laertii	cap. 20

L I B. X.

Quam vetus sit consuetudo, in honore alicui habendo, manum suam ad os admovendi	cap. 1
Unde sumpsisse videatur Ovidius, quod in oraculo terram, matrem, lapides autem ossa illius vocavit	cap. 2
Versum quendam ex Odyssæa multo aliter a nonnullis accipi, quam ut ab Horatio acceptus est	cap. 3
De duobus locis ex primo libro Commentariorum Caesaris de bello Gallico	cap. 4
Expensus locus ex Asinaria Plauti, in quo Poeta ipse quiddam non satis ex arte fecisse videri potest	cap. 5
Locus quidam Iuvenalis adversus aliorum omnium sententiam declaratus	cap. 6
Non modo, pro, non modo non, saepe apud veteres legi, idque loquendi genus a Graecis ductum esse	cap. 7
De loco quodam ex secundo De Officiis	cap. 8
Illustratus locus ex Oratione pro Flacco	cap. 9
Emendatus Plauti locus in Epidico	cap. 10
De libidine Eunuchorum verum esse quod a Terentio dictum est	cap. 11
Euripidis unus, Ciceronis ex epistolis ad Atticum duo loci	

INDEX,

loci emendati .	cap. 12
Ex Amphitruone Plautina loci aliquot emendati .	cap. 13
Emendatus, & declaratus locus quidam ex epistolis ad Atticum .	cap. 14
Locus Caesaris emendatus .	cap. 15
Ovidii locum quendam ex Apollonio Rhodio sumptum esse .	cap. 16
De quibusdam qui habitus sunt impii , cum ex omnibus popularibus suis longissime ab impietate abessent .	cap. 17
De loco quodam ex Eunuchis Terentiana verius videri sensisse Donatum , quam Turnebum .	cap. 18
Illustrati ex Odis Horatii aliquot loci .	cap. 19
Caesaris locus e primo De bello civili emendatus .	c. 29

L I B. XI.

Emendati loci aliquot ex primo libro Annalium Taciti, ab excessu divi Augusti .	cap. 1
De aliquot aliis ex eodem libro locis .	cap. 2
Ex eodem libro alii aliquot loci .	cap. 3
In eodem libro notata , & emendata nonnulla .	cap. 4
Notatus usus quidam verbi <i>labor</i> , aut <i>dilabor</i> .	cap. 5
Inanes videri regulas duas , quas super versibus heroicis & trimetris iambicis tradidit Gellius .	cap. 6
Quiddam quod occulte significaverat Homerus , non minori artificio a Virgilio significatum esse .	cap. 7
Veterum comicorum loci duo inter se collati .	cap. 8
<i>Radians</i> pro sole . Emendatus apud Ciceronem veteris poetae versus .	cap. 9
Cur Iuno apud Homerum Vulcano blandiens , claudum eum vocet .	cap. 10
Quod de Scipione & Laelio dictum est , idem de duobus antiquis Philosophis dictum esse .	Diogenes Laer-

INDEX.

Laertius locis aliquot illustratus ..	cap. 11
Ciceronis locus e Sophocle expressus ..	cap. 12
<i>Eclogium: Conciliaturæ. Divinaeuli.</i> Tres loci emendati apud Suetonium in Vitellio ..	cap. 13
Restituti Ciceronis loci duo, in quibus librarii duorum veterum scriptorum nomina corruperant ..	cap. 14
De fictis quibusdam amicis, qui levia amicorum peccata reprehendunt, ad graviora connivent ..	cap. 15
Quod Epicurum merito a Plutarcho reprehensum A. Gellius frigide atque inepte defendere conatus sit ..	cap. 16
De duabus antiquis vocibus, <i>Tamenetsi</i> & <i>Insuper habere</i> ..	cap. 17
Locos quosdam e primo Rhetoricorum Aristotelis e Pla- tone sumptos videri ..	cap. 18
Loci aliquot e Pænulo Plautina emendati, & illustrati ..	cap. 19
Unde sumpserit Horatius, quod Amorem in Chio ge- nis excubare dixit ..	cap. 20

L I B. XII.

Emendati loci aliquot e libro primo Senecae De bene- ficiis ..	cap. 1
Eiusdem Senecae locus illustratus ..	cap. 2
Alius eiusdem scriptoris locus emendatus ..	cap. 3
Vetus quaedam consuetudo satis faciendi iis, quibus male precati erant ..	cap. 4
Linguarium quid vocarit Seneca ..	cap. 5
De naturali quadam spei & metus conjunctione ..	cap. 6
De piscibus subterraneis emendati Senecae loci duo ..	cap. 7
De Arimaspiis, cur dicti sint, unum tantum oculum ha- bere: item de populis, apud quos pueri oblongo ca- pite nascuntur ..	cap. 8

INDEX.

De loco quodam Terentii ex Eunuchō confutata Marcelli Virgilii sententia .	cap. 9
De quibusdam , qui piloso sunt corde .	cap. 10
De adverbis quibusdam , quae aliter apud veteres interdum scribebantur, quam nunc solent. Emendatus Ciceronis apud Fabium locus .	cap. 11
De Thalete Milesio historia elegans .	cap. 12
De quibusdam locis e primo Rhetoricorum Aristotelis.	cap. 13
Locus Virgilii expressus e Choerillo .	cap. 14
Emendata multa in oratione Ciceronis pro Archia .	cap. 15
Proverbium ab aliis praetermissum e Plutarcho .	cap. 16
De libro Proverbiorum nuper edito Florentiae .	cap. 17
Dictum elegans Io. Antonii Lucatelli Episcopi Venu- sini .	cap. 18
Emendatus Plauti locus e Bacchidibus .	cap. 19
Loci quidam ex Oratore Ciceronis ad Brutum illu- strati .	cap. 20

L I B. XIII.

Nigidii rationes quaedam quibus contendebat natura inesse in vocibus vim significandi . Unde sumptae sint, indicatum .	cap. 1
Virgilii locus e sexto Aeneidos illustratus .	cap. 2
De Anchisae morte variae veterum Scriptorum sententiae .	cap. 3
Versus Graecus in eos qui robusti cum sint, mendicant tamen , emendatus.	cap. 4
De loco quodam Horatii adversus sententiam cuiusdam , qui eum corrumpit, disputatum .	cap. 5
Alius Horatii locus illustratus.	cap. 6
Illu-	

INDEX.

- Illustratus locus Tibulli. cap. 7
 Refutatum impudens & impium mendacium Petri Criniti. cap. 8
 Puerorum lusus quibus maximè momenti negotia præsignificata sunt. cap. 9
 Locus Demosthenes a Cicerone, singulari artificio expressus. cap. 10
 Oleum numquam congelare, contra quam a Gellio proditum est. cap. 11
 Iucunda narratio super ambiguitate voculae cuiusdam, quae duobus eruditissimis hominibus errorem obiecit. cap. 12
 Quiddam de Urforum adipe dictum a Theophrasto, non satis ex fide a Plinio relatum videri. cap. 13
 Cur maior in nonnullis civitatibus, quam in aliis, existere fortium virorum copia soleat, ex Hippocrate explicatum. cap. 14
 Bacides tres. cap. 15
 Locus Virgilii e Thucydide effectus. cap. 16
 Probam vocem esse, *Exanclare*, & temere ab aliis damnatam. cap. 17
 Emendatus e Plauti Bacchidibus locus. cap. 18
 Loci aliquot veterum scriptorum apud Nonium, emendati. cap. 19
 De Nili & Istri magnitudine non idem videri sentire Sallustium & Arrianum. Tum poenae cuiusdam militaris ratio aliter, quam a Gellio, explicata. cap. 20

LIB. XIV.

- Duo gravissimorum scriptorum loci, quorum in utroque eadem macula haeserat, emendati. cap. 1
 Illustrati loci duo ex Aeneide. cap. 2
 Emen-

INDEX.

Emendati loci aliquot e tertio libro Ciceronis De officiis.	cap. 3
Plinii locus emendatus.	cap. 4
Plauti loci aliquot illustrati.	cap. 5
Dubitatum de iis quae tradit Gellius super vi musicorum cantuum in morbis quibusdam sanandis.	cap. 6
Quid significet vox <i>propaludat</i> .	cap. 7
Loci aliquot ex epistolis ad Atticum emendati.	cap. 8
E libro quarto earundem Epistolarum emendata alia.	cap. 9
Item alia ex eodem libro.	cap. 10
E libro quinto earundem emendata quaedam.	cap. 11
Emendatus locus e secundo Politicorum Aristotelis.	cap. 12
Qui sint versus <i>isôlôpoi</i> . Declaratum epigramma Graecum. Item aliquot quaestiones ludicae, quae apud Gellium proponuntur, dissolutae.	cap. 13
Emendatus locus e septimo Politicorum Aristotelis.	cap. 14
Himeraeae mulieris de Dionysio tyranno fominium eodem prope modo Graece a Timefia, quo Latine a Valerio relatum.	cap. 15
In Plauto & in Euripide notata quaedam non satis exacte facta.	cap. 16
Diverbium Plautinum e Rudente restitutum.	cap. 17
Num qui capiuntur in bello, ignavi propterea habendi sint. Illustratus Plauti e Captivis locus.	cap. 18
Nihili esse verbum <i>excolubrandi</i> , quod quidam pro Plautino obtrudere conatus est.	cap. 19
Detectum Ciceronis erratum in quinto De finibus.	cap. 20

L I B. XV.

Sermo habitus cum Dario Bernardo de stultitia quorundam qui se Ciceronianos vocant. cap. 1

Conatus emendandi locum quondam Taciti pessime a librariis acceptum. cap. 2

Emendata quaedam apud Tacitum in vita Iulii Agricolae. cap. 3

Quid sit apud Ciceronem *amor amicitiae* : & cur idem in flagitiosi amoris mentione, dixerit, *more Graeciae*. cap. 4

Vetus quaedam Aemilli Probi reprehensio adversus eruditum virum qui Aemilium defendere voluit, confirmata. cap. 5

De Chaldaeis Ciceronis locum e Theophrasto conversum videri. cap. 6

De honore qui Olympionicis & interdum imperatoribus re praeclare gesta habebatur, Emendatus Aemilii Probi locus. cap. 7

Emendata quaedam e libro sexto Epistolarum ad Atticum. cap. 8

Emendata multa e libro tertio De officiis. cap. 9

Xenophontis loci duo emendati. cap. 10

Suetonii in Galba unus, & alter in Otthone emendatus & illustratus locus. cap. 11

Aristotelis e primo Politicorum, Hippocratis e libro *de morbis* emendati & illustrati loci. cap. 12

Emendati e Trinummo Plautina loci duo. cap. 13

Notata quaedam apud Livium, in quibus ipse sibi pugnare videri potest. cap. 14

Cur videatur Assa nutricibus dici solitum, Emendatus quidam Varronis locus. cap. 15

Emendati complures variorum scriptorum loci in quibus a librariis eodem modo peccatum erat. cap. 16

Recte

INDEX.

- Recte scriptum a Donato, his verbis', *Hoc age*, silentium
& attentionem imperari. cap. 17
- Confirmatum quod de Aristotele & Hippodamo in
superioribus scriptum est adversus frigidam defensionem
eius qui quod ipsemet ignoravit, aliis pro certo & explorato obtrudere voluit. cap. 18
- D. litteram vocibus in vocalem desinentibus antiquis
interdum addi solitam. Et eius rei proposita aliquot
exempla. cap. 19
- Essentiae nomen a Cicerone novatum esse. Emendatus
Senecae ex epistolis locus. cap. 20



MARCI ANTONII MURETI
AD HIPPOLYTUM ESTENSEM S. R. E.
Cardinalem amplissimum & illustriss.

VARIARUM LECTIO-
NUM

LIBER PRIMUS.

*Tres Isocrates. Cuius sit παραίνεσις ad Demo-
nicum, indicatum.*

C A P. I.



Legans in primis, & cum saluberrimis
referta praeceptis, tum omnibus con-
dita dicendi festivitatis oratio, quae
Paraenesis adDemonicam inscribitur,
non eius scriptoris est, cuius vulgo pu-
tatur. Nam cum ab Isocrate illo qui
Socratis & Platonis aequalis fuit, cu-
iusque domus officina eloquentiae habita est, fluxisse,
eiusque ingenio elaborata esse credatur, id secus est: quod-
que etiam in aliis contigisse scimus: errorem hic obie-
cit hominibus nominum similitudo. Tres enim facun-
di ac disertis fuere homines, quibus omnibus idem Iso-
crateis nomen fuit. Unus is, quem modo diximus: qui
a Socrate commendatur in Phaedro; quemque Cicero,
dissentiente Bruto, tantopere laudabat. Alter huius
discipulus: cuius apud Suidam mentio est, neutrius au-

A

tom

rem horum est ea, de qua loquimur, oratione: sed tertii cuiusdam Isocratis qui Ciceronis temporibus floruit. Id ita esse, didici ex Dionysio Halicarnasseo, qui in aureolo libello de arte rhetorica, quendam ex ea citans locum, Isocratem ipsius auctorem, suum, & Echecratem, ad quem scribit, sodalem vocat. Eius verba sunt: Ἰσοκράτης μὲν ὁ σὺς ἐταῖρος καὶ ἑταῖρος, ὃς Ἐχέκρατες, εἰς ἄλλο τι, φησὶ χεῖναι προσεῖναι τοῖς ἀσφαλείως ἀνθρώποις, ἐν τῇ παραίνεσι τῇ πρὸς τὸν Ἰππόνικον, (ita enim legendum est, non ut in vulgatis libris, πρὸς τὸν Ἰππόνικον) καὶ τὴν φιλοπροσηγορίαν, ὅτι ἐστὶ τὸ προσφωνεῖν τὰς ἀπαντῶντας, ὡς αὐτὸς φησι. Locus autem, quem indicavit Dionysius, ita apud Isocratem legitur: Τῷ μὲν πρόφῃ γίγνου φιλοπροσηγορῶν, τῷ δὲ λόγῳ εὐπροσηγορῶν. ἔστι δὲ φιλοπροσηγορίας μὲν τὸ προσφωνεῖν τὰς ἀπαντῶντας, εὐπροσηγορίας δὲ τὸ τοῖς λόγοις αὐτοῖς οἰκείως ἐντυγχάνειν. Harpocration tamen, qui sit ἐπακτός ὀρκῶν, exponens, Isocratem Apolloniaten eius, de quo agimus, libelli auctorem facit at is veteris illius Isocratis auditor fuit: ut apud Suidam est. Hermogenes autem aperte eundem Isocratem huius paraeneseos, & ceterarum orationum, de quibus nulla dubitatio est, quin sint eius qui cum Socrate & Platone vixit, sed magis me ea, quae supra recitavi, verba Dionysii movent.

Mithridatem cur Dionysium Tralliani honoris causa vocarent. Illustratus locus ex oratione pro Flacco. Eius qui Plutarchi συμποσιακὰ interpretatus est, notatus error.

C A P. II.

M Tullius in oratione pro L. Flacco cum perferet eas laudes quas Tralliani in Mithridatem, regem populo R. infestissimum, congesserant, ita scribit: α) Μιθριδάτην Θεόν, Ἰλλόν, πατέρα, Ἰλλόν, συνσωτῆρα Ἀσίας, Ἰλλόν

illum Dionysum, Bacchum, Liberum nominabant, atque hoc Petrus Victorius admonuit dictum esse ad Demosthenis imitationem, cuius illa sunt ex oratione de corona: *Οἱ μὲν κατάπυστοι Θετταλοὶ, καὶ ἀναίδητοι Θηβαῖοι, φίλον, εὐσεβέτην, σωτῆρα τὸν Φίλιππον ἤγουντο. πάντ' ἐκαίνον ὑπὸ αὐτοῖς.* Pro tulit etiam locum ex Athenaeo, quo confirmatur, Mithridatem vivum ac videntem, divinis affectum honoribus; sed cur Liberi patris potius, quam cuiusquam alii Dei nomine honestaretur ille rex quando de eo sibi non liquere subobscurè indicavit Victorius, ego aperire constitui. Duæ autem eius appellationis causæ a Plutarcho libro primo (b) *συμπόσιων* afferuntur: Una, quod Mithridates præmium proposuerit, qui plurimum edisset, quique plurimum bibisset: ipseque in utroque certamine palmam tulerit: utpote qui omnes ætatis suæ homines bibendo superaret. ob id igitur Dionysum vocatum. Sed eam causam Plutarchus ipse, ut inanem commenticiamque, & minus idoneam reprobatur, ac plane, si hæc vera essent, videri poterant Tralliani, cum Mithridatem Dionysum salutarent, non tam ei honorem tribuere, quam contumeliam facere: quasi ebriosum eum & helluonem ac gurgitem vocarent, quare hæc altera causa putanda est verior. Bis eum fulmine appetitum fuisse: ita ut innocuus incolumisque remanserit, nam cum adhuc infantulus in cunis vagiret, collapsum fulmen, fascias, quibus involutus erat, exussit, neque tamen ipsum laesit. Vestigium modo quoddam ignis in fronte relictum est: quod facile occultaret coma. Rursus cum iam vir esset, ita propinquum ei dormienti cecidit, ut tela in pharetram, quæ haud procul a lecto pendebat, condita conflagraverint. Ipse tum quoque intactus. Iis expositis, addit Plutarch, *Οἱ μὲν ἔν μαρτίῃ ἀπεφάνητο, πλείον αὐτὸν ἰχύσειν ὑπὸ τῆς τοξικῆς καὶ κέρῃς στρατίας, οἱ δὲ πολλοὶ Διόνυσον, αὐτὸν, ὑπὸ τῶν κεραιῶν*

A 2

Be-

(b) cap. 6.

ῥολιῶν, ὁμοίᾳ τῇ πάλαι προσηγόρευσαν. id est: Igitur vates quidem pronuntiarunt, plurimum ipsum sagittariis, & levi armatura esse valiturum. Vulgus autem ei Dionyso nomen fecit, ab illis fulminum iactibus: quod ei simile quiddam, atque Dionyso, contigisset. Hanc postremam partem quidam, qui librum illum Plutarchi Latinum facere studuit, ita reddidit. Quam ob causam vates plurimum sagittariorum manu, levisque armaturae copiis praestiturum praedixerunt. Quanquam non desunt, qui Bacchi nomen a morbo sideratis, ac de coelo tactis familiare datum illi existiment. Quae interpretatio ita est absurda & aliena, ut valde mirer, quid tum illi homini in mentem venerit.

Locus quidam Ciceronis in Verrem vindicatus a prava aliorum correctione. Plinii alter declaratus.

C A P. III.

UTuntur interdum Latini scriptores Graecis quibusdam vocibus, easque Latinis tamen litteris notant: quod qui non animadvertunt, facile in errorem incidunt: praecipue cum eae voces eiusmodi sunt, ut etiam Romanae videri queant id quod accidit homini in primis erudito explicanti orationes Ciceronis in Verrem. Nam cum Cicero impurum illud hominem aestate summa, quo tempore ceteri praetores obire provinciam, & concurfare consueverant totum se ad nequitiam & ad libidinem contulisse diceret, & tabernacula carbaseis intenta velis in littore collocari iussisse, ubi totos dies cum impudicis mulieribus perpotaret: haud ita multis interiectis, verbis ita postea locutus est: (c) *Illo autem tempore iste, tametsi ea est hominis impudentia, quam nostis, ipse tamen, cum vir esset Syracusis uxorem eius parum poterat anti-*

(c) *Alien.*

ma

mo soluto ac libero tot in acta dies secum habere, quorum verborum ille, quisquis est, sensum non videre se dixit: nisi pro, in acta, legatur, in lecto, neque intellexit; Ciceronem, quod antea Romano more lirtus dixerat, id postea actam vocē Graeca, ut videlicet in Sicilia loquerentur, nominasse. Notum est autem, Siculos eo quondam sermone usos, qui e Graecis, Latinisque vocibus permixtus esset. Actam vero solitos eos dicere pro littore, etiam Virgilius indicio, est, qui illud ipsum lirtus eo nomine vocavit. (d)

*At procul in sola secretae Troades acta
Amissum Anchisem flebant.*

Ita igitur actam uterque, ut Terentius, & Cicero ipse urbem Atheniensium, Astu. Sed & S. Ambrosius eadem voce usus est libro quinto Hexameron: (e) Quae, inquit, non in acta, nec in littoribus sed in Atlantici maris profundo feruntur videri. Neque dissimili modo C. Plinius libro VII. naturalis historiae probata pro pecudibus dixit. Eius verba sunt: (f) In eadem Africa familiae quasdam effascinantium Isgonus & Nymphodorus tradunt: quarum laudatione intereant probata, arescant arbores, emoriantur infantes. Non enim quae familiae illae probassent, ea interire affirmavit, sed ut dixi. τὰ ἐπὶ πλάτῃ :

Horatii locus ex Euripide expressus.

C. A. P. IV.

Q UOD Horatius lib. primo epistolarum pereleganter scripsit, esse verba & voces quasdam, quibus animi morbos lenire ac mitigare fas esset, respexisse ipsum arbitror ad locum quemdam Euripidis ex Hippolyto coronato, ubi nutrix Phaedram infano privigni amore incensam alloquens, admonet eam, ut morbum illum suum fortiter ferat: esse enim cantus & sermones

A 3

quos-

(d) v. Aeneid. vers. 607. Euryclia 2. de legib: (e) cap. 22. (f) cap. 20

quosdam, in quibus insit vis ad eum mulcendum ac mol-
liendum. Verus Euripidis hi sunt. (g)

Νοσῶντα δ', εἰπας τὴν νόσον κατασφίρει,

Εἰσὶν δ' ἰπὸδαί, καὶ λόγοι θελακτήριοι.

φαίνονται τι τῆσδε φάρμακον νόσου.

Horatii autem hi: (h)

Fervet avaritia, miseroque cupidine pectus?

Sunt verba, & voces, quibus hunc lenire dolorem

Possis & magnam morbi deponere partem.

non tamen uterque idem intellexit. Nam illa de magi-
cis carminibus: hic de sermonibus philosophicis loqui-
tur, a quibus, vera omnium morborum animi petenda
medicina est. Quanquam si quis Euripidem quoque idem
κατ' ἀληθοῦσαν τινὰ significare voluisse censcat, libenter me
focium ipsius sententiae ascripserim. Gaudet enim poe-
ta ille eiusmodi sententiis, quae neque a populari con-
suetudine discedant, & philosophicum tamen intra se
aliquid occultent. Nam quod in versibus Horatii lego,
miseroque cupidine, non ut in plerisque libris legitur, *mi-
seraque cupidine*, in eo veteres libros auctores habeo, ac
praeterea, esse id ex Horatii consuetudine, nullo nego-
tio probare possum. Ita enim alibi. (i)

At bona pars hominum decepta cupidine falsi,

Nil satis est, inquit. & in Odis:

Nec leves somnos timor, aut cupido

Sordibus aufert:

ut dubitari plane non possit, quin ea vera scriptura sit.

Eidem Horatii locus ex Isacrate prope

conversus.

C A P. V.

VENIT mihi in mentem quorundam eiusdem poetae
versuum e sermonibus, quibus exponit, quae pri-
mis temporibus vita hominum fuerit, agrestis videlicet,

&

(g) AB. 2. (h) 1. Epist. 1. vers. 33. (i) 1. Sermion. 1. v. 82. 2. car. 16.

& serina : atque post rationis & orationis beneficio, ad civiliorē vivendi modum, & humanae naturae magis consentaneum venerint : qui quidem versus tantam habent cum Isocrate a quadam eiusdem rei narratione similitudinem & convenientiam ut eam poeta non modo imitatus, sed prope interpretaturus esse videatur . Qua certe ut cuiusvis utriusque linguae intelligenti existimare liceat, utriusque verba subiciam . His igitur versibus eam Latinus vates sententiam est executus . (k)

*Cum procepserunt primis animalia terris,
Mutum & turpe pecus, glandem atque cubilia propter,
Unguibus & pugnis, dein fustibus, atque ita porro
Pugnabant armis, quae post fabricaverat usus :
Donec verba, quibus voces sensusque notarent,
Nominaque invenere, dehinc absistere bello,
Oppida coeperunt munire, & ponere leges .*

Isocrates autem ita Nicoclem loquentem facit : Εἰς γὰρ τοῖς θεοῖς ἡμῖν τὸ πείθειν ἀλλήλους, καὶ διὰ τὴν πρὸς ἡμᾶς αὐτοῖς οὐκ ὄντι ἀνθροπότητι, οὐ μόνον τοῦ θηριώδους ζῆν ἀπαιτῶμεθα, ἀλλὰ καὶ συναλλοτρίους πόλεις ἐκτίσασθαι, καὶ νόμους θέμεθα, & quae sequuntur .

*Ciceronis locus ex oratione pro P. Quinctio
pulchre a Paulo Manutio correctus.*

C A P. VI.

Quod si facere nolit, atque inhibuerit eiusmodi rationibus illum ad suas condiciones perducere : sese nihil precari, & si quid agere velit, iudicio defendere . Ita leguntur Ciceronis verba haec ex oratione pro P. Quinctio in omnibus impressis libris, praeterquam in Manutianis . Quae cum corrupta esse constaret, fuerunt, qui inhibuerit, reponerent, instituerit . At praeclare, ut solet, Manutius : de quo viro merito dubitari potest, plus ne

(k) 1. Sermo III. A 4 ipse

ipse Ciceroni, an ipsi Cicero debeat. Nam & ipse tractandis assidue Ciceronis scriptis eam affecutus est eloquentiae laudem, qua vincit omnes: & cum ad ingenium, quo excellit, addidisset eam diligentiam, eamque laborum perpeffionem ac tolerantiam, qua vires, ipsamque adeo valetudinem suam, magno nostro omnium, quotquot eum, quia plane novimus plurimi etiam facimus, dolore prostravit; incredibile est, quot ab errorum milibus eos libros felicissime vindicarit. At aetas nostra mirificam quandam extulit vim hominum improborum, qui magnam laudem in obrectatione positam putant, neque quicquam cupidius faciunt, quam ut quicquid possunt, quacunque ratione possunt, ex aliena gloria deterant, creduntque ita se demum emersuros, si eos qui extant, deprefferint. Quam rationem grassendi ad famam nemo unquam sapiens approbavit. Sed me amoris quidam aestus ab eo, de quo dicere coeperam, abduxit. Omnino autem, cum de Paulo Manutio loquendum est, moderari orationi meae neque volo, neque possum, neque debeo. Alii complures rationem iniire potuerunt, quot ipsi locos in Cicerone correxerint: illi aut uni; aut cum paucissimis, licet dicere,

Pauperis est numerare pecus.

In illius igitur libris (tandem enim ad propositum me referam tamen) is, de quo agebam, locus ita legitur: *Quod si facere nolit, atque imbiberit eiusmodi rationibus illud ad suas condiciones perducere, &c.* praeclare, ut dixi. *Imbiberit* enim est, hoc sibi plane proposuerit, hoc ita in mente ac cogitatione sua defixerit, ut evelli non queat, est autem ita scriptum omnibus litteris, in longe plurimis vetustis codicibus. Sed insolentiae locutionis sefelle: at alios, quae Manutium non fugit. Meminerat enim ta locutum Lucretium lib. III.

Qui petere a populo fasces, saevasque secures
Imbibit. & libro sexto.

--- non quod violari summa deum vis

Possit, ut ex ira poenas petere imbibat acres.

ut ergo a Lucretio dictum est, *imbibat petere*, sic a M. Tullio, qui eum poetam studiosissime legerat, *imbiberie perducere*. Usus eodem modo & Livius libro secundo Annalium: *Neque memor eius, quod initio consulatus imbiberat, reconciliandi animos plebis*.

Epitheton, quo Corinthum ornavit Horatius, e Graeca voce expressum videri.

C A P. VII.

BImarem Corinthum cum diceret Horatius, (l) non dubito quin exprimere voluerit Graecam vocem ἀμριθάλασος. Est autem ea vox non admodum frequens, proba tamen & antiqua: ususque ea est Xenophon, cum verbis Atheniensis commoditates celebraret, doceretque, eam opportuno admodum loco sitam ad importanda & exportanda quae opus foret. Ita enim loquitur: Καὶ μὲν ἐπερίρρυτὲς γὰρ ἔσται, ὅπως ὥσπερ νῆσος πᾶσιν ἀνέμοις, ἀπὸ πάντων τε ὧν αἰτῶται, καὶ ἀποπέμπεται ἢ βύλεται, ἀμριθάλασος γὰρ ἐστὶ. Hoc eo annotare visum est, quoniam in scholiis Horatianis, quae abhinc annos quatuor, ad Io. Avansonium V. C. qui tum Romae Gallorum regis legatus erat, miseram, cum ceterarum urbium epitheta unde sumpta essent, indicassem: nescio quo modo contigit, ut hoc, quod minime decuerat, praetermitteretur.

Horatii locus, qui multis in libris corrupte legitur, explicatus.

C A P. VIII.

Versus hi sunt e secundo odarum Horati. (m)

Vivet extento Proculus aegro

Notus in fratres animi paterni

Illum aget penna metuentes solus

Fama superstes.

(l) 1. Carm. 7. (m) Od. 2.

quo.

quorum qui proxime ultimum antecedit, ita in multis libris legitur,

Ullum aget penna baud metuente solvi.

constat autem ita correctum esse ab aliquo, qui sententiam quidem videret, sed vim verborum non satis perspiceret: putaretque ita melius aeternitatem famae significatum iri, si particula illa negandi vim habens adderetur. Alioqui fore, ut parum firmitatis inesset ea in fama, cuius pennae solutionem metuere dicerentur. Firmitas enim fiduciam, infirmitas metum parit. At ille, quisquis fuit, inani & frivolo argumento delusus est. Nam, quia quae metuimus, refugimus, longissimeque nos ab iis abducimus, factum, ut Horatius pennam metuentem solvi dixerit eam, quae semper longissime ab omni solutione abfutura esset. Est autem simile illud Virgilii (n).

Arctos Oceani metuentes aequore tingi.

nam ut metuentes tingi dixit is, quae nunquam tingentur: ita hic pennam metuentem solvi, quae nunquam solveretur. Hoc eo libentius annotavi, quod ut alia multa, ita hoc quoque mendum in eos libros, quibus addita sunt mea scholia, operarum negligentia, me absente atque inscio, irreperat.

Sententia quaedam Terentiana ab Aeschylō etiam prolata ostenditur: & qui eandem continet, Graecus incerti scriptoris versiculus indicatur.

C A P. IX.

QUOD apud Terentium adolescens amore saucius dixit, (o)

Facile omnes cum valemus, recta consilia aegrotis damus:

eius non dissimile quiddam Prometheum dicentem fecerat Aeschylus. Cum enim miserum illum & acrum-
nosum

(n) 1. Geor. vers. 245. (o) Carinus Andria, act. 2.

nosum deum nymphae Oceanitides reprehenderent, quod peccasset: ita eum respondentem induxit: facile esse iis qui malis soluti sunt, admonere ac corripere eos qui adversis rebus premuntur. Versus Aeschyli, si quis eos requirit, hi sunt: (p)

Ελαφρόν, ὅς τις πυμάτων ἔξω πόδα

ἔχει παραινεῖν, νυθεῖν τε τὸς κακῶς

Πράσσοντας. id est:

Haud difficile est, pati nulla quem attingit mali,

Monere eos, ac corripere, qui misertis

Urgentur.

tale igitur aliquid eo loco dixerat & Menander. Sed & hunc versum alicubi legere memini:

Τῶνς ποσειῶτα πάντα πᾶς τις νυθεῖ.

Equitandi verbum quod Euro tribuit Horatius, Euripidem quoque eodem modo locutum esse.

C A P. X.

A Udaci sane metaphora usus videtur Horatius, cum Euro vento equitandi verbum tribuit, notus est enim ille versiculus, (q)

Per Siculas equitavit undas.

neque unquam id, ut opinor, sine veterum exemplo ausus esset. Sed meminerat, Euripidem quoque eodem modo locutum esse de Zephyro. Itaque fecit more suo, ut, persequendis Graecorum vestigiis, τὸ τῆς λέξεως καὶ νότον καὶ ξενικὸν quaereret, seque quam longissime atrita & plebeia loquendi consuetudine abduceret. Quod in genere plane singularis fuit: neque, meo quidem iudicio, Graecas loquendi formas Latinorum poetarum quisquam vel frequentius, vel fidentius, vel feliciter imitatus est. Locus autem ille Euripidis, quem dico ita, scriptus est in Phoenissis: (r)

Ζεφύρῳ πρὸς ἱππεύσαντο· ἐγὼ ὑπάρω.

Out-

*Currum pro navi, ut a Catullo, sic & a
Graecis poetis dictum esse.*

C A P. XI.

ETiam illud Graecorum exemplo fecit Catullus, ut navim currum vocaret in libello De nuptiis Pelei & Thetidos: (s)

*Diva quibus retinens in summis urbibus arces,
Ipsa levi fecit volitantem flamine currum.*

siquidem apud Aeschylum Prometheus in illa longa enumeratione artium, quas a se in usum mortalium excogitatas & inventas gloriatur, ait repertum suum esse currus illos nautarum, qui lineis alis vagentur per mare. (t)

*Θαλασσοπλάγκτα δ' ἔστις ἄλλοι ἀντ' ἰμοῦ
Λινοῦ περ' εὖρε ναυτίλων ὀχήματα.*

Sed & Euripidem eadem figura usum memini apud quem nuntius, qui Medeam admonet, ut se mandet fugae, praecipit ei, ut neque id vehiculum spernat, quod navigandi, neque id, quod terrestris itineris conficiendi causa comparatum est: (u)

*Ὡ δεινὸν ἔργον παρανόμως εἰργασμένη
Μήδεια, φεύγε, φεύγε, μήτε θάλασσαν
Λιποῦς ἀπλώσω, μήτ' ὄχον πεδοσέω.*

Sed hoc quoque, ut totum prope veteris eloquentiae choragium, ab Homero est: qui primus aurigam navis pro gubernatore dixerat. (x) φθέγγετο δ' ἡνίοχος νηὸς κυανοπράοιο. Et naves, equos maris vocaverat. (y)

*Νηῶν αἰκυπόρων ὀπιβαινέμεν, αἰὲν ἁλὸς ἵπποι.
Ἀνδράπ γίγνεται.*

Li-

[s] Var. 8. [t] Pag. 31. edit. H. S. [u] Aët. 5. [x] Plut. lib. de Hom. [y] Odys. 4. v. 708.

*Libidinosarum mulierum, quae calumniatae sunt
eos a quibus spretae ac repudiatæ erant ,
exempla octo.*

C A P. XII.

EXempla octo memini legere, earum mulierum, quae viros a se impudice appetitos, cum eos ad restinguendum libidinis suae ardorem flectere nequivissent, calumniatae sunt postea, tanquam ab ipsis tentatae forent: eisque partim creaverunt ingens periculum, partim etiam exitium attulerunt. Eorum unum est in sacra historia, de Iosippo Iacobi filio, qui, cum obtemperare herae suae, Phutipharis uxori, nolisset structis ab ea calumniis in vitae discrimen adductus est. Atque hoc, ut quod omnibus notum sit, nihil est necesse pluribus verbis exponere. Hyppolytum quoque Thesei filium ut Phaedra noverca tentarit: seque ab eo spretam videns reverso ab inferis marito persuaserit, eum sibi vim afferre voluisse, (quanquam paulo aliter est apud Euripidem) utque castissimus adolescens crudelissime ob eam rem discerptus dilaniatusque sit, & lippis, ut ait Horatius, & tonsoribus notum est. Sed & Tenni Cycni filio, Neptuni nepoti idem contigisse memoratur. Eius enim ephebi iam, & ut Graeci dicunt, ἀσπράσας desiderio tacta noverca Phylonome, seu, ut alii vocant, Periboea, sermonem cum eo de stupro contulit. Reiecta & repudiata, insimulavit eum apud patrem, eodem plane modo quo Hippolytum Phaedra. Credulus parens inclusum in capsam quandam filium proiecit in mare. Tulit opem Neptunus innocenti nepoti. Delataque est capsula ad insulam Leucophryn: quam cum incolae apperuissem, remque cognossem: non tantum Tenni regnum detulerunt; sed etiam de nomine ipsius, insulam Tenedon nominarunt. Quin & mortuum coluerunt pro Deo. Eodem modo prope perditus est Bellerophon ab Antaea Proeti

Proeti uxore: & Peleus ab Hippolyte uxore Acasti
De quibus apud Horatium sunt illa: (2)

Ut Proetum mulier perfida credulum

Falsis impulerit criminibus, nimis

Casto Bellerophonti

Maturare nocem, refert.

Narrat paene datum Pelea tartara,

Magnessam Hippolyten dum fugit abstinens.

Nos autem utramque sive historiam sive fabulam alibi copiosissime exposuimus. Hippodamia quoque cum eam aveheret Pelops, siti aliquando correpta esse dicitur. Cumque Pelops, querendae aquae causa descendisset e curru, iamque longius abiisset (magnae enim circum solitudines erant) illa Myrtilum aurigam, cum quo sola remanserat, sollicitare coepit, ut secum rem haberet. Volebat videlicet, interea dum reverteretur Pelops, aliam quandam sitim restinguere. Sed cum Myrtilus morem gerere noluisse: accusatus est apud reversum Pelopem, quod ipsam violare conatus esset: ob idque proiectus in vicinum mare: quod ex eo Myrtoum usurpari coepit. Philostratus libro sexto (a) de vita Apollonii, Timasionem quendam Aegyptium a noverca frustra adamatum, deinde illius calumniis solum vertere coactum esse narrat. Etsi illa quidem alio quodam modo, quam ceterae, privignum calumniata est. Denique Fausta, Maximiani filia, Constantini Magni uxor, eodem modo ut Phaedra, Crispum privignum suum accusavit. Itaque imperator optimus, sed hac quidem in re non satis consideratus, immerentem filium morte multavit. Idemque postea, re cognita, etiam de uxore supplicium sumpsit. Sunt & alia duo exempla non dissimilia in libro De fluminibus, qui Plutarcho tribuitur, in Hebro, & in Lycorma.

Fals-

[2] Lib. 1. Carm. Ode 7. [a] cap. 1.

*Falsam quandam historiam a Petro Victorio
pro vera traditam esse.*

C A P. XIII.

Falsum est, quod Victorius tradidit libro duodeci-
mo (b) Variarum lectionum, extitisse quandam ca-
pitalem importunumque hominem Athenis, qui dixe-
rit, se, dum regno Athenarum uno die potiri posset, nul-
lum supplicii genus recusaturum: passurumque aequo
animo, ut acerbissimis cruciatibus postea afficeretur:
omnisque ipsius familia funditus periret. Nam quod pu-
tavit id Plutarchum in Solone dicere: declaravit exem-
plo suo, quamvis eruditos homines caecutire & παρορᾶν,
ubi aliquid conniventer leguntur. Nihil enim tale Plu-
tarchus, quale Victorius credidit, narrat, tantum, Solo-
nem, cum delatam sibi a civibus suis tyrannidem ma-
ximo animo reiiceret, & aspernaretur a multis repre-
hensum esse, & parum sanæ mentis habitum. Aiebant
enim, eum, si sciret, accepturum fuisse tyrannida, vel
propositis iis conditionibus quas supra exposuimus. Ergo
eos reprehensorum suorum sermones his versibus trochai-
cis inclusit Solo:

Οὐκ ἔφου Σόλων βαθύφρων, ἢ δὲ βελευτῆς ἀνὴρ.
Ἐθλα γὰρ θεοῦ διδόντο, αὐτὸς ἐκ ἰδίῃατο.
Περὶ βάλων δ' ἄγρην, ἀγρευτῆς ἐκ ἀνίστασε μέγα
δίκτυον, θυμοῦ δ' ἁμαρτῶν, καὶ φρενῶν σποσφαλῆς.
Ἦθελε γὰρ κεν κράτῆσας, πλοῦτον ἄρθρον λαβεῖν,
καὶ τυραννεύσας Ἀθηνῶν ἡμέραν μίαν,
Ἀσπὸν ὕστερον δεδιῆναι καὶ ἀπιτεργεῖν γένεο.

Neque ego haec indicarem, nisi viderem, periculum es-
se, ne quis Victorii testimonio fretus, ne quaerendum
quidem amplius putaret, vera essent, an minus.

Aris

[b] cap. 10.

*Aristotelem in Hippodamo reprehendendo parum
bona fide versatum esse.*

C A P. XIV.

Videtur Aristoteles interdum non satis bona fide
retulisse eorum sententias, quos redarguere ac
reprehendere statuisset. Cuius rei libet nunc exemplum
proferre unum, ex quo de multis similibus coniectura
fieri possit. Etenim libro secundo πολιτικῶν, ubi exagi-
tat eam reipublicae formam quae ab Hippodamo Milesio
descripta erat, ait civitatem ab eo distributam esse in
tres partes: nempe in artifices, in agricolas, & in mili-
tes. Κατεσκεύαζε δὲ, inquit, τὴν πόλιν τῷ πλήθει μὲν μυρία-
νδρον, οἷς τρεῖς δὲ μέρη διρημένῳ· ποίει γὰρ ἓν μὲν μέρος τε-
χνίτας· ἓν δὲ γεωργούς, τρίτον δὲ τὸ ποροπολεμῶν, καὶ τὸ ὅπλιν
ἔχον. Quod si verum esset, inscipienter sane, & imperite
se gessisset Hippodamus, qui civitatem sine consilio,
tanquam corpus sine animo, esse voluisset. At vero non
ita inconsultus fuerat. Extant enim magna ex parte le-
ges ipsius, quae Aristotelis, hac quidem in re, singula-
rem quandam improbitatem manifesto patefaciant. De-
scripserat autem ille civitatem tres in partes, quarum
primam fecerat eorum qui consilio rempublicam guber-
narent: alteram eorum, qui eandem armis defenderent:
tertiam ex iis constituerat, qui artes necessarias exerce-
rent. Atque in hanc postremam, & opifices, et agri-
colas, & mercatores incluserat. Id adeo prolatis ipsis
verbis intelligitur: Φαμὶ δ' ἰσθῆναι μοιρας τρεῖς διεσθῆναι τὴν
σύμπασαν πολιτείαν, καὶ μίαν μὲν εἶναι μετὰ τῶν ἀγαθῶν, κυβερ-
νῶντων τὰ κοινὰ· δευτέραν δὲ τῶν δυναμει, τρίτην δὲ τῶν ἐκπαιρά-
σκει καὶ χορηγία τῶν ἀναγκῶν· ὁνομαζέτω δὲ τὸ μὲν πρῶτον πλά-
θος, βουλευτικόν· τὸ δὲ δεύτερον, ἐπικούρον· τὸ δὲ τρίτον, βανταμόν·
& aliquando post: Τῷ δὲ βανταμόν καὶ βιοπονητικῷ, τὸ μὲν δευ-
τέρον, καὶ πλεονεξίας καὶ κατεργασίας τῆς χώρας καταχολούμην·
τὸ δὲ τεχνασικόν, ὄργανα καὶ ὅπλιν μηχανήματα τοῖς τῷ βίῳ πράγμα-
σιν

εν ὑποζυγίων· τὸ δὲ μεταβατικόν, καὶ ἱμφορικόν, ὃ τὰ μὲν ἐν
 τῇ πόλει περιπαῖζοντα, ὅττι τὰς ξύνας διάγεται· τὰ δὲ, ὑπὸ τῶν
 ξύνας ἐς τὰς πόλιν. Sed & cetera si quis attente confide-
 re: , videbit, non tam multa in iis reprehendenda esse,
 quam videtur eis qui audita tantum altera parte, pro-
 nunciant. sunt autem apud Stobaeum ἐν τῇ αὐτῇ πολι-
 τείας· (c)

*Durae compositionis duo insignia exempla: ex Eu-
 ripide unum, alterum e Sophocle*

C A P. XV.

INter ea quae duram atque insuavem orationis com-
 positionem efficiunt, vix quicquam est, quod magis
 reprehendatur a dicendi magistris, quam crebra & con-
 tinuata eiusdem litterae repetitio. Itaque in Virgi-
 lio (d) casus Cassandra canebat: in Terentio, tantam, tam
 improvisam, & consilia consequi consimilia: in Cicerone,
 statua tua stabat: &, invisae visae, & in Caeliana, unquam,
 quanquam, eiusdemque modi alia in aliis primae classis
 auctoribus notantur. Sed enim quae duo eius rei exem-
 pla in duobus optimis ac praestantissimis poetis reperi,
 ea (ita insignia visa sunt) hoc loco proponenda esse du-
 xi. Eorum unum Euripidis est: apud quem Medea cum
 Iasoni exprobraret, illum sua opera servatum esse, ita
 loquitur: (e)

Ἔσσω δ' ὅς τις ἴσασσι Β'λλώων ὄσοι.

Ταυτὸν συνιστάσθαι Ἀργῶν σκάφος.

quorum versuum in priore, crebra illa repetitio litterae
 σ, locum etiam comicis, iocis ac salibus dedit. Siqui-
 dem Plato comicus & Eubulus eiusdem homo artificii Eu-
 ripidem ea de causa urbanissime tetigisse traduntur. Al-
 terum Sophoclis, & quidem ea in fabula, quae quasi
 regnum possidere inter tragoedias dicitur. Ibi enim
 Oedipus cum Tiresia iurgans, eique & aurium, & men-
 tis,

B

tis,

[c] Sermo 41. [d] Aen. 183. [e] Medea, act. 3.

tis, & oculorum caecitatem obiiciens hoc cum versu indignabundus incescit: (f)

Τυφλὸς τὰ τ' ἄτα, τὸν τε νοῦν, τὰ τ' ὀφθαλμοὺς εἶ

Ubi eum saepius etiam inculcaverit litteram τ, quam ille alter litteram σ, tamen Euripides dicacium aculeos expertus est: Sophocli a nemine, quod sciam, notatus. Sophoclei non dissimilis est Ennianus ille, me puero, decantatus in scholis,

O Tite tute Tati tibi tanta tyranne tulisti.

neque valde ab eo absuit Homericum illud,

Μηδὲ γέροντα κακοῦ κακακωμένον.

Coniecturae de aliquot locis e libello Demetrii

περὶ ἐρμηνείας.

C A P. XVI.

Quicumque ille Demetrius fuit, cuius est libellus qui nunc omnium manibus teritur, *περὶ ἐρμηνείας*, [non enim mihi facile quisquam persuaserit, Phalereum esse] utile profecto nobis, & minime trivialis doctrinae plenum ingenii sui monumentum reliquit. Neque vero paruum emolumentum Petrus Victorius studiosis attulisse censendus est, cum olim ad eum librum purgandum incubuit: laborque ipsius, ut semper alias, ita hic quoque admodum utilis & fructuosus fuit. Cuius summi viri exemplo nos etiam incitati, longe quidem ac multum impari facultate, sed non dispari voluntate, eandem viam sequimur, & veterum scripta, quantum in nobis est, obscura illustrare, depravata emendare conamur. Igitur quae, cum eum librum attente diligenterque legeremus, nobis & correctione aliqua indigere, & non ita difficile corrigi posse visa sunt, eorum hic partem aliquam cum studiosis communicabimus: si forte nostra quoque industria tam polito scripto-

ri

ri opis aliquit afferri. queat . Ipsum autem libri principium scio negotium exhibuisse multis . Ita enim legitur : ὥσπερ ἡ ποίησις διαιρεῖται τοῖς μέτροις, οἷον ἡμιμέτροις, ἢ ἑξαμέτροις, ἢ τοῖς ἄλλοις : ἔτω καὶ τὴν ἐρμηνείαν τὴν λογικὴν διαιρεῖ καὶ διακρίνει τὰ καλλέμενα κῶλα· sed cum absurdum sit , pro metrorum exemplo ἡμιμέτρα ponere , pro , οἷον ἡμιμέτροις, legendum censeo , οἷον ἢ διμέτροις .

Item ubi loquitur de iis periodis quae habent speciem aliquam ἀντίθεσεως, cum tamen ἀντίθεσις in eis nulla sit, exemplo quidem hoc Epicharmi utitur, Τόκα μὲν ἐν τλώσις ἰγὼν λῶ, τόκα δὲ παρὰ τλώσις ἰγὼν· deinde addit : τὸ αὐτὸ μὲν γὰρ εἴρηται, καὶ ἐδὲν ἰναρτίον· ὁ δὲ πρότερος τῆς ἐρμηνείας μεμιγμένον, ἀντίθεσιν τινα πλανῶντι ἔοικεν· quam ultimam partem ita lego: Ὁ δὲ πρότερος τῆς ἐρμηνείας μεμιγμένον ἀντίθεσιν τινα, πλανῶντι ἔοικε· Haud ita multo post, ubi de similiter desinentibus verbis disputatur, ostenditurque id ornementum ad affectus exprimendos inutile esse: ubi legitur, Ποίαν γὰρ πόλιν ἢ ἰχθρῶν τοι αὐτὴν ἔλαβον, ὁποίαν ἢ ἰδίαν ἀπίκαλον, pro ἔλαβον, libentius legerim, ἀπίκαβον· Ubi de magnifica oratione differitur, cum dixisset scriptor ille, de Aristotelis sententia, paeonicam orationem magnificam esse: paeona etiam duplicem esse docuit, unum προκαταρκτικὸν, qui quatuor syllabis constat, longa prima, ceteris brevibus: eiusque exemplum ponit, ἤρξατο δὲ: alterum, qui superiori illi ex altera parte respondeat, & a tribus exorsus brevibus in longam desinat. Huius autem exemplo esse vult, τὰ ἀράβεια· quod quin corruptum sit, dubitari non potest. Legi autem debere arbitror, τυραβία· Exemplum Antiphontis, quo docet negligentia quadam interdum orationi dignitatem ac granditatem comparari, ita legendum videtur: Ἡ γὰρ νῆσος ἦν ἐρχομένοις δήλη μὲν, καὶ πέρριπτον μὲν ὅτιν ὑψηλὴ, καὶ περικεῖα, καὶ τὰ μὲν χεῖρμα καὶ ἐργάσιμα μικρὰ αὐτῆς ὅτι, τὰ δὲ ἀργὰ πολλὰ, σμικρὰς αὐτῆς ἔσσης. Paulo post autem, ubi agit περὶ παραπληρωμα-

πρῶτον, notatque nonnullos qui eis intempestive utebantur: ubi est καὶ τῷ νυ, καὶ τῷ πρότερον: lego καὶ τῷ νυ, καὶ τῷ ποτὶ. Unum si addidero, cetera in aliud tempus reiciam, ubi enim eos ipsos, quos modo dixi comparat cum ineptis fabularum actoribus, verba, quibus ea comparatio exponitur, ita in omnibus libris leguntur: Οἱ δὲ πρὸς ἑδὴν ἀπαληρωῦντες, φησὶ δὲ σμύδισμον, ἰσῆσαι τοῖς ὑπεκρίταις, τοῖς τὸ καὶ τὸ πρὸς ἑδὴν ἔπ' αὐτὸν λέγουσι: quibus in verbis insit fortassis etiam aliquid aliud vitii: illud quidem certe vix dubium est, quin postrema pars ita legenda sit: ἰσῆσαι τοῖς ὑπεκρίταις, τοῖς τὸ αἶ, καὶ τὸ φεῦ πρὸς ἑδὴν ἔπ' αὐτὸν λέγουσι: non quin sciam, τὸ καὶ τὸ, Graecis valere, hoc & illud: sed exempla ipsa, quae ponuntur a Demetrio, faciunt, ut ad eum, quem dixi, modum legi debere suspicer.

De forium aperiendarum ratione apud veteres Graecos, multis Plauti ac Terentii locis allata lux.

C A P. XVII.

QUaesitum est ex me, cur in Plauti ac Terentii fabulis nunquam fere quisquam egrederetur domo, ut non antea crepuisse fores dicerentur. Respondi, eas fabulas e Graeco conversas esse, idcircoque quarundam consuetudinum, quibus olim Graeci usi essent, impressa in eis extare vestigia. Quod autem Roma antiquis temporibus M. Valerius Poplicolae frater honoris insigne habuisse dicitur, ut fores aedium ipsius, non introrsum trahendo, sed in viam publicam pellendo aperirentur, id quondam in Graecia vulgatum fuit: omnesque omnium aedium fores eo modo pandebantur. Quoniam igitur periculum erat, ne quispiam, qui aut praeteriret, aut pro foribus staret, ab impulsâ ianua pelleretur: ideo qui exituri erant domo, solebant prius ipsi-
met

met intrinsecus fores aedium suarum percutere: ut illo strepitu admonerentur, qui foris erant, cavere sibi, atque eatenus abstinere, ut ne laederentur. Hoc a Plutarcho memoriae proditum est: cuius haec sunt in Poplicola: Τὰς δὲ ἐλλεικὰς, de ianuis loquitur; πρότερον ὅταν εἶχεν ἀπάσας λέγων, ὑπὸ τῆς κομφιδίων λαμβάνοντες· ὅτι κόπτεται καὶ φοβῶνται τὰς ἐαυτῶν θύρας ἵσθαι οἱ προϊῆσαι μέλλοντες, ὅπως ἀδύνατος ἔξω γένοιτο τοῖς παρερχομένοις ἢ προϊῶσι, καὶ μὴ κατὰ λαμβάνοιεν τοῖς προϊῶσι τὰς κλεισθῶντες εἰς τὸν σενωπὸν:

Quod de fama Virgilius dixit, idem Callimachum de Cerere, Homerum de contentione dixisse.

C A P. XVIII.

SUspicari fortasse possit quispiam, versum illum, qui de fama apud Virgilium libro quarto (g) Eneidos legitur,

Ingréditurque solo & caput inter sidera cōndit,
e Callimacho versum esse. Quamvis Callimachus non de fama id; sed de Cerere dixerat: sed potuit Latinus poeta, quod de una dea Graecus dixisset; ad aliam accommodare. Versus quidem certe tantum non ad verbum expressus est: (h)

Ἰθμάτα μὲν χέρον, κεφαλὰ δὲ οἱ ἄψατ' ὀλύμπῳ.
sed tamen verisimilius est totum illum Latini poetae locum expressum esse ex iis quae apud Homerum de Contentione dicuntur: (i)

Ἦτ' ὀλίγη μὲν πρῶτα κόρυς τετα, αὐτὰρ ἔπειτα
οὐρανὸν ἱστῆρε καὶ κεφαλὴν, ὅττι χθονὶ βάινει.

Quid sibi velit apud Ciceronem in epistolis ad Atticum pastorica fistula, explicatum.

C A P. XIX.

Ciceronis e libro primo (k) epistolarum ad Atticum verba sunt haec: *Itaque & ludis, & gladiatoribus*

B 3

miran-

(g) Vers. 177: (h) *Hymn. in Cerere.* v. 58. (i) *Iliad.* 4. v. 442. (k) *Ep.* 13

mirandas ἐπισημασίας sine ulla pastoricia fistula auferebamus, Quo loco ἐπισημασίας vocat plausus, acclamationes, & similia, quibus populus bonum suum animum erga quempiam significare solitus erat, & laetitiam, quam ex illius aspectu caperet, ostendere. Hoc enim Graeci vocant ἐπισημαίνεσθαι. Ut apud Isocratē in Panthenaico: καὶ ὅτ' ἄλλων ἰδεῶν ὅτ' ἐν ταῖς ῥητορείαις διαλαμπυσῶν. καὶ τοὺς αἰκλόντας ἐπισημαίνεσθαι. καὶ βορυεῖν ἀναγκαζουσῶν. Sed quod addit, sine ulla pastoricia fistula, id ita declarat Paulus Manutius: Pastores qui fistula scienter utuntur, ita interdum delectant, ut qui audiunt, influentem sensibus voluptatem gestū significant. At nos, inquit populo ita cari sumus, ut ludorum gladiatorumque confesso mirandas ἐπισημασίας, id est, significationes daret, non ulla pastoricia fistula permotus, sed more studioque impulsus. Quae declaratio cur mihi nullo modo placeat, non dicam. Quod mihi verum videtur, id proponere satis habeo. Veritatis enim prolata lux omnis facile tenebras dissipabit. Intelligendum igitur est, non nunquam contigisse, ut cum quispiam alicui parti multitudinis carus & acceptus erat, ceteris autem odiosus & invisus, partim plausu exciperetur, partim sibilo. Plaudentibus enim iis quos aspectus ipsius hilarabat, ceteri sibilabant. Ergo Cicero ut ostendat ἐπισημασίας illas suas eiusmodi non fuisse, sed puras omnino, & εἰλικρινεῖς, ait eas fuisse sine ulla pastoricia fistula: id est, sine sibilo, cuius similem sonum notum est e pastoriciis fistulis reddi. Itaque Graeci in utroque dicunt συρίζειν: iidemque interdum σύργγα, id est pastoriciam fistulam pro sibilo dicunt. Haec cum iam scripsissem: venit ad me Petrus Morinus Parisiensis, adolescens utriusque linguae peritissimus, idemque omnium artium, quae quidem ingenuum hominem decent, scientia mirifice instructus, quicum ego, quam diu hic fuit, mea omnia ioca seria, ut dicitur, libentissime comuni-

cabam

cabam: cum prope assidua quadrienii consuetudine raram quandam in eo & exquisitam eruditionem pari coniunctam bonitate cognossem. Is igitur non modo declarationi meae calculum suum adiecit: verum etiam, quod tum in legendis Platonis libris De legibus studiofissime versabatur, locum mihi indicavit, qui eam summo opere confirmaret. Quem appingere libuit: ut & sententiam stabilirem meam, & iucundissimam magni amici memoriam grata recordatione renovarem. Ergo ita scriptum est in extremo tertio De legibus: Τὸ δὲ κῦρος τούτων γινώσκει τε, καὶ ἅμα γρόντα δικάσαι, ζήμιον τε αὖ τὸν μὴ πενθόρομον, ὃ σύργει ἡ, οὐδέ τις ἀμουσοῖ βασι πληθους, καθάπερ πανυῖ, οὐδ' αὖ κρέτοι ἐπαίνους ἀποδιδόντες. ἀλλὰ τοῖς μὲν γεγονόσι περὶ παιδείας, δεδομένον ἀκούειν ἡ. αὐτοῖς μετὰ σφῆς διὰ τέλους, παῖσι δὲ καὶ παιδαγωγῶσι, καὶ τῷ πλείῳ ἑκάστου κοσμούσης ἢ νοθέτης ἐγγίγνεται ubi Plato idem plene σύριγγα dixit, quod Cicero pastoriciam fistulam. Sed quam supra ad verbum e Pauli Manutii commentariis declarationem descripsi, eam admoneo in iis tantum exemplaribus legi, quae editae sunt antequam hi libri a me in publicum emitterentur. Nam ab iis quae biennio post edidit, delatae sunt ea omnia: & in eorum locum substituta quaedam quae cum hac mea interpretatione consentiunt. Cuius rei eo admonere lectores volui, ne quis forte quae a me, ut suo iure potest, accepit Manutius, ea me ipsi surripuisse suspicaretur. Profitetur enim, me, non more multorum, quicquid ab aliis accepi, id semper ad auctores ipsos referre: cum contra quidam, qui mea impudenter compilavit, compilatum se a me impudentius conqueritur.

Alius locus ex iisdem epistolis declaratus.

C A P. XX.

NE haec quidem satis intelliguntur, quae posita sunt in epistola prima libri secundi: *Prognostica mea cum oratiunculis propediem expecta*. Ait enim Manutius, putare se, libellum significari, qui prognostica Ciceronis de republica complecteretur. Sed ego malo tenere quod scio, quam putare quod nescio. Scio autem Ciceronem interpretatum versibus Arati prognostica: ut constat e libris De divinatione. Quare non habeo dubium, quin ea intelligat. Meminit horum etiam libro earundem epistolarum XV. his verbis: *Equidem etiam pluvias metuo, si prognostica nostra vera sunt. Ranae enim* *ἐπιπορεύουσαι*. Respicit autem ad illos versus:

*Vos quoque signa videtis aquarū dulcis alumnarum,
Cum clamore paratis inanes fundere voces,
Absurdoque sono fontes & stagna cietis.*

qui conversi sunt ex illis Arateis, sed liberius, id est Ciceronis more,

*Ἡ μᾶλλον θελαὶ γεναὶ, ὕδροισιν ὄνεαρ,
Αὐτὸθεν ἐξ ὕδατος πατέρες βοῶσι γυρίων.*

Hic quoque meam sententiam secutus est Manutius, in libris quos biennio post horum editionem divulgavit.



MARCI ANTONII MURETI
AD HIPPOLYTUM ESTENSEM S. R. E.

Cardinalem amplissimum & illustriss.

VARIARUM LECTIO- NUM

LIBER SECUNDUS.

Correctus & explicatus locus e primo libro Aristotolis de arte dicendi.

C A P. I.

MOres dicentis plurimum valere ad persuadendum, & a magnis ac sapientibus viris traditum est, & res ipsa loquitur. Omnes enim facile adducimur, ut assentiamur iis quos bonis moribus praeditos esse opinamur. Sed opinio & fama probitatis, duobus modis comparari potest, primum ipso genere ac ratione vivendi, quae certissima & honestissima est via. Deinde etiam spargenda eiusmodi sententiis oratione, quae significationem habeat animi ingenui ac liberalis, & honestatem omnibus aliis rebus anteponentis. Prior ille modus ad rhetoricum artificium non pertinet. Posterioris cum ab aliis dicendi magistris, tum in primis ab Aristotele multa praecepta traduntur. qui etiam negat se eorum sententiae accedere, qui iis in libris quos de arte ediderant, posuerant, probitatem dicentis nihil habere momenti ad faciendam fidem. A quibus ipse ita dissentit, ut fere plurimum in ea positum esse dicat. Sed cum verba quibus hoc exprimitur, corrupta sint in eis codicibus qui non
im-

immerito ceteris emendatiores putantur: homoque doctissimus, qui primus vero ac serio praetulit faciem omnibus Aristotelicam in eo genere doctrinam intelligere cupientibus, in eorum explicatione sui dissimilis fuisse videatur: constitui primum ipsa philosophi verba proponere, ut, leguntur. Deinde quid in eis mutandum putem, & cur putem, indicare: quo praestito, simul etiam sententia, quae illum, quem dico, summum virum latuit, facile intelligetur. Ergo ita Aristoteles: (1) Οὐ γὰρ, ὥσπερ ἔνιοι τῶν τεχνολογούντων τίθεσσι ἐν τέχνῃ καὶ τῷ ἐπιείκῃ τοῦ λέγοντος. quibus verbis optimus interpres accusari putat eos qui, cum artem exponerent, in arte, dicentis intergritatem collocabant. Deinde ὡς ἔδῃ συμβαλλομένῃ πρὸς τὸ πιθανόν. Hoc idem interpres putat cum stomacho & contemptu illorum magistrorum pronunciatum esse. Sed profecto & valde coacta videtur haec declaratio: & ipsemer, quasi hoc sentiens, titubanter loqui videtur. Sequitur, ἀλλὰ σχεδὸν, ὡς εἰπείν, κυριωτάτῃ ἔχει πρὸς τὸ ἥθος. Ubi ille, Hinc, inquit, inscitia horum doctorum intelligi potest: qui nihil momenti ad fidem faciendam habere crediderint, quod maximam omnium ferme vim habet. Haec ille. Quae quam cohaereant, quamque inter se apta sint, omnibus perspicuum esse arbitror. Ego quae ille divulsit, coniungenda duo: & quam scripturam ipse, cum reperisset in illo suo optimo & antiquissimo libro, rationem eius se non dispicere fassus est, verissimam esse statuo: συμβαλλομένῃ. videlicet, non συμβαλλομένῃ. Etiam voculam καὶ deleo multis impressis libris auctoribus: atque ita lego denique: Οὐ γὰρ, ὥσπερ ἔνιοι τῶν τεχνολογούντων τίθεσσι ἐν τῇ τέχνῃ τῷ ἐπιείκῃ τοῦ λέγοντος, ὡς ἔδῃ συμβαλλομένῃ πρὸς τὸ πιθανόν. ἀλλὰ σχεδὸν, ὡς εἰπείν, κυριωτάτῃ ἔχει πρὸς τὸ ἥθος. quid autem tam manifestum quam illud, συμβαλλομένῃ, πρὸς τῷ ἐπιείκῃ referri? ἐν τέχνῃ autem est,

[1] l. 2. Rhet.

est, in libris de arte scriptis. Particulam *ῥαδδν*, eo addidit, quia sine dubio plurimum ad fidem valent *αἱ ἀποδείξεις*. In eodem etiam libro, ubi ostendit rhetoricen aequalem esse dialecticæ: atque inter cetera argumenta eius rei ponit id quoque, ut dialecticus adhibeat ad probandum duo instrumenta. Syllogismum & inductionem, sic a rhetore adhiberi alia duo, quæ illis respondendant, enthymema & exemplum, non dubito quin ita legendum sit: *Τῶν δὲ διὰ τῆ δεικνύαι, ἢ φαίνεσθαι δεικνύαι, καθάπερ ἐν τοῖς διαλεκτικοῖς, τὸ μὲν, ἰπαγωγὴ ὅτι, τὸ δὲ συλλογισμός. καλῶ δὲ ἐνθύμημα μὲν. ῥητορικὸν συλλογισμὸν. παράδειγμα δὲ, ἰπαγωγὴν ῥητορικὴν*. Quaecunque autem inculcata sunt, recte aberant ab aliis libris: & addita sunt ab iis, qui errore ducti, deesse aliquid existimarent; cum tamen nihil desit. Hoc enim dicit Aristoteles: Eorum quæ faciunt fidem, quod aut demonstrent, aut demonstrare videantur, aliud syllogismum esse, aliud inductionem: quemadmodum & in dialecticis. Se enim vocare enthymema syllogismum oratorium exemplum vero, oratoriam inductionem. Verbum *φαίνεσθαι*, & vox *καθάπερ* obiecisse errorem videntur iis qui aliquid præterea addendum censuerunt.

De Psyllis, & ὀφιογενέσιν. Allatus locus Varronis, cuius testimonio usus erat Plinius.

C A P. II.

Plinii verba sunt hæc e capite secundo libri septimi: *Crates Pergamenus in Hellesponio circa Parium genus hominum fuisse tradit, quos Ophiogenes vocat, serpentum ictus contactu levare solitos, & manu imposita, venena extrahere corpori. Varro etiam nunc esse paucos ibi, quorum salivæ contra ictus serpentum medeantur. Similis & in Africa gens Psyllorum fuit, ut Agatharchides scribit, a Psyllo rege dicta, cuius sepulcrum in parte Syrtium maiorum est.* Horum corpo-

ri in-

vi ingentum fuit virus exitiale serpentibus, ut cuius odore sopirent eas. Mos vero, liberos genitos protinus oblicienda. saevissimis earum: eoque genere pudicitiam contugnum experiendi: non profugientibus adulterino sanguine natos serpentibus. Haec Plinius. Qui cum Varronis testimonio utatur, cuius scripta, maximo studiorum incommodo, desiderantur; ego autem ea, quibus hoc ipsum doctissimus ille scriptor exposuerat, verba repperim, operae pretium facturum esse me duxi, si ea sic apponerem, ac cum Plinianis contenderem. Citat igitur haec Priscianus e Varronis libro primo rerum humanarum: *Ut habent Paril; qui vocantur ὀφιογυνεῖς, & in Africa Psyllos. Quorum ὀφιογυνεῖς, cum arbitrantur, suppositum esse aliquem in stirpe, ei admovent ut pungat, colubram cum pupugerit, si de genere sit, vivete; si non sit, mori. In eodem: Admota aspis cum pupugerit, si non occidat, sciat, ex Psyllorum stirpe esse.*

Sententiam illam, Patria est, ubicunque bene est, acute a Lysia reprehensam.

C A P. III.

QUOD in vetere tragoedia Telamonis filius Teucer dixisse traditur, Patriam esse cuique, ubicunque cuique esset bene; id etsi pulchre ac sapienter dictum videtur, profectumque ab animo excelso, & despiciente omnes acerbitates, quas homini obicere fortuna posset: graviter tamen & vere reprehensum est ab oratore prudentissimo, & acutissimo Lysia: demonstratumque eam sententiam hominis esse de suis tantum commodis solliciti, neque ad civilem communionem apti. Non enim valde laborabit, quid patria sua fiat, quicunque eo erit animo, ut illius caritatem opportunitatibus suis metiatur. Solum ipsum, cui primum instituit, & coelum ipsum, unde primum spiritum duxit, diligit oportet; qui se bonum civem perhiberi vult:

ant

aut si forte cum alibi natus esset, civitate donatus est, eam imbibat opinionem, ut nisi civitati bene sit, ne sibi quidem putet bene esse posse. Itaque Ulyxes, ut est in fabulis, cum apud Calypsonem posset in omnibus deliciis vivere, tamen illam asperam & lapidosam patriam suam anteposuit etiam immortalitati: non ita facturus, si illam, quam diximus, Teucris sententiam approbasset. Verum ipsa verba, quibus eam exagitat Lysias, praestat, ut opinor, ascribere. Sunt autem in oratione adversus Philonem, hoc modo: Καὶ γὰρ οἱ φύσιν μὲν πολίτας εἰσι, γνώμῃ δὲ χεῖνται, ὥς πᾶσα γῆ πατρὶς αὐτοῖς εἶναι, ἐν ἧ ἂν τὰ ἐπιτήδεια ἔχουσιν, ἔτι δὲ δῖοι εἰσιν, ὅτι ἂν παρέντες τὸ τῆς πόλεως κοῖνὸν ἀγαθόν, ἐπὶ τὸ ἑαυτῶν ἰδίον κέρδιον ἔλθοιεν, διὰ τὸ μὴ τιμὴν πόλιν, ἀλλὰ τιμὴν οὐσίαν πατρίδα αὐτοῖς ἡγεῖσθαι. Igitur dictum illud Teucris, bonum quidem virum aliquando fortasse non dedecet; bonum certe civem non decet. Est apud Ovidium sententia quaedam non valde dissimilis, nisi quod latius patet. Ita enim apud eum Carmenta: (m)

Omne solum fortis patria est, ut piscibus aequor:

Ut volucris vacuo quicquid in orbe patet.

Sunt autem ii versus expressi ex illis Euripideis: (n)

Ἄπας μὲν ἀνὴρ αἰὲρ ἀνδρὶ πέρασται.

Ἄπασα δὲ χερσὶν ἀνδρὶ γενναίῳ πατρίς

*De vi verbi alloquor. Horatii in Odis
explicatus locus.*

C A P. IV.

Alloquendi verbum proprie admodum & venuste usurpatum esse a veteribus in eo sermone qui legendi ac minuendi alieni doloris causa haberetur, e Varronis libris iampridem Petrus Victorius annotavit. (o) Acceptum autem id a Graecis videtur, παραμυθεῖσθαι

enim

(m) 1. Fastor. (n) Apud Stobaeum Sermon. 38. (o) Lib. 3. var. cap. 28.

enim, aut παραγορεύειν verbum e verbo, est *alloqui*. Praeclare igitur Seneca: apud quem ita in Troade Uliſſes: (p)

Alios parentes alloqui in luctu decet.

Tibi gratulandum eſt.

quo exemplo haud ſcio an ullum in ſcriptoribus antiquis extet inſignius, & illuſtrius. Et eſt profeſſo poeta ille praeclarior, & vetuſti ſermonis diligentior, quam quidam inepte ſaſtidioſi ſuſpiciantur. Allocutionem etiam dicunt παραγορεύειν ἢ παραμύθια: ut Catullus, (q)

Quem tu, quod minimum, facillimumque eſt,

Qua ſolatus eſ allocutione.

& alloquium, παραμύθιον. Quod cum eſſet ignotius, data eſt occaſio imperitis corrumpendi carminis cuiusdam Horatiani. Quod cum in veteribus libris ita legeretur, (r)

Illic omne malum vino cantuque levato,

Deformis aegrimoniae dulcibus alloquitur,

iſti fecerunt, *Deformis aegrimoniae, & dulcibus alloquitur*. Atque ita interpretati ſunt, moneri Achillem a Chirone, ut ad Troiam levaret omne malum deformis aegrimoniae tribus rebus; vino, cantu, & iucundis ſermonibus. Non autem id dixit Horatius: ſed vinum & eantum vocavit dulcia deformis aegrimoniae alloquia, id eſt γλυκιά παραμύθια.

De Calliſthenes & Philoſto. Locus Ciceronis emendatus & declaratus. Capitales interdum a veteribus ingenioſos dictos eſſe.

C A P. V.

M Tullii verba haec ſunt in epiſtola quadam ad Q. fratrem: (s) *Itaque ad Calliſthenem & Philoſtum redeo: in quibus te video volutatum. Calliſthenis quidem vulgare & notum negotium: quemadmodum Graeci aliquot locuti*

[p] Aſt. 3. ſc. 1. (q) Ad Cornificium. (r) Epod. 13. (s) l. 2. ep. 21.

locuti sunt: Siculus ille capitalis, creber, acutus, brevis, paene pusillus Thucydides. Sed est apud me liber vetus, in quo haec ita scripta animadverti: *Itaque ad Callisthenem & Philistum video: in quibus te video volutatum*. Unde suspicor, primum quidem errore librarii bis positum esse verbum, video, quod semel tantum poni oporteret. Deinde aliquem, qui corrigere vellet, ex *video*, illo priori fecisse *redeo*; Satis autem erat delere. Videtur enim Cicero ὑλεττικῶς, ut saepe alias*, locutus, hoc modo: *Itaque ad Callisthenem & Philistum; in quibus te video volutatum*. Eo magis, quod in iis quae antecesserunt, de duobus illis historicis nulla mentio est: ut ad eos redire dicatur. Sequitur in eodem illo libro: *Callisthenes quidem vulgare & notum negotium: quemadmodum Graeci aliquot: Siculus ille capitalis, creber, acutus, brevis, paene pusillus Thucydides*. Quam scripturam veram & emendatam esse iudicio. Ipsum enim Callisthenem dicit esse vulgare & notum negotium, id est, εὐκαταφρόνητον πρᾶγμα, καὶ οὐ πολλοῦ ἄξιον. Negotiumque ita dixi, ut Graeci interdum πρᾶγμα Lucianus in asino: Ζένῳ, εὐκαταφρόνητον πρᾶγμα, aut χεῖμα. Theocritus σοφόν τι χεῖμα ἄνθρωπῳ. Et Cicero ipse alibi: (s) *Teucris illa, lentum sane negotium*. Vulgare autem & notum, triviale, & in quo nihil admodum excellat. Horatius, (r)

leivus stomachus raro vulgaria temnit. Idem:

Ex noto fictum carmen sequar.

quod enim ibi notum dicit, paulo post vocat de medio sumptum. Iam illa verba, *locuti sunt*, quin melius absint, non dubito. Hoc enim dicit, aliquot allos Graecos similes esse Callisthenis, id est, non magni ipsos quoque pretii. Nam quod a Manutio dictum scio, Callisthenem locutum in historia non exquisitè, sed quomodo vulgo loquerentur; miror unde id sumpserit: cum ipsius scripta non extent: Cicero autem ipse alibi aiat,

eum

[s] Lib. 1. ad At. epist. 9. [t] 2. Serm. 1. Ars. Poet. v. 140.

eum paene rhetorico more historiam scripsisse. Dissentio etiam ab eodem, in eo quod *capitalē*, gravem, & capita rerum attingentem exponit. Primum, quoniam si Philistus capita modo rerum attigit, plane Thucydidis similis non fuit. Fuisse autem, & Cicero hic, & libro secundo de Oratore, & Marcus Fabius libro decimo docet omnium autem optime ac luculentissime Dionysius Halicarnassensis, cuius verba melius erit ascribere: cum & admodum pervulgata non sint, & illud ostendant, Philistum neque gravem fuisse, sed humilem & abiectum: neque capita modo rerum attigisse, sed potius eo nomine reprehensum quod in descriptionibus quibusdam prone otiosis nimis immoraretur. φίλος δὲ μίμητις ἐστὶ Θουκυδίδου, ἔξω τὰ ἥθους· τὸ μὲν γὰρ, εἰλεύθερον, καὶ φρονήματός· μέσον· τὺτο δὲ θεραπευτικὸν τῆς τυράννου καὶ ἄλλων πλεονεξίας· ἐξήλωκε δὲ πρῶτον μὲν τὸ τιμὴν ὑπόθεσιν ἀτελεῖ κατὰ λιπῆν, τὸν αὐτὸν ἐκείνου τρόπον, ὃ μὴν ἀλλὰ καὶ τιμὴν ἀταξίαν αὐτῷ, τῆς οἰκονομίας· καὶ διασπαρακούμενον τιμὴν πραγματείαν τῇ συγχύσει ἥτις εἰρημένων πεποίηκε· τῆς δὲ λήξεως τὸ μὲν γλωσσηματικὸν καὶ περίεργον οὐκ ἐξήλωκε Θουκυδίδου, τὸ δὲ ἐρώγγυλον, καὶ πυκνὸν, καὶ εὐτόνον, καὶ ἐναγώνιον πάνυ ἀκριβῶς ἀπεμάξατο· οὐ μὴν ὁμοίως ἢ καλλιλογίαν, καὶ τιμὴν σεμνότητα, καὶ τιμὴν ἀρθομίαν ἥτις ἐνθυμημάτων, καὶ τὰ βάρη, καὶ τὰ πάθη, καὶ τοὺς χρηματισμούς· μικρὸς δὲ ἐστὶ καὶ ταπεινὸς κομιδῇ ταῖς ἐκφράσεσιν ἥτοι τόπων, ἢ ναυμαγιῶν, ἢ πεζῶν παρατάξεων, οἰκισμοῦ πόλεων, ὅθεν ὁ λόγος τῷ μεγέθει τοῦ πράγματός· ἐξισοῦται. σωπετὸς μέντοι, καὶ ἔτι τιμὴν ἐριμνείαν. Θουκυδίδου πρὸς τὰς ἀληθεῖς ἀγῶνας ἀρελυμώτερος. Haec igitur, cur ei declarationi non assentiar, una causa est. Altera quod nomen capitalis eam vim habere apud Latinos non puto. Quo fit, ut hoc loco capitale accipiam ingeniosum, & ut paulo post dicitur, acutum. Id autem vauisse vocabulum illud apud veteres, docet Ovidius libro tertio Fastorum, qui de Minerva capta differens, multasque eius appellationis causas proferens: hanc primam ponit, dictam videri

videri posse captam, quasi capitalem: quod ingeniosa sit. Versus, quibus sententia continetur, hi sunt: (u)

Parva licet videas captae delubra Minervae,

Quae dea natali coepit habere suo.

Nominis in dubio causa est. Capitale vocamus

Ingenium solers. Ingeniosa dea est.

neque me latet, alibi Philisti brevitatem a Cicerone laudari. Sed aliud est brevem esse, aliud capita rerum attingere. Brevitas quidem etiam in Thucydide, Salustioque laudatur. Fieri tamen potest, ut ille aliud quippam secutus sit, quod me fugiat. Neque ego ipse iudicio meum anteponi postulo. Tantum, quid mihi videatur, aperte ac libere dico: iudicium aliorum facio.

Pauperum cognationem a nemine libenter agnoscere.

Terentii loco allatus non dissimilis Menandri.

C A P. VI.

QUOD homo impurus apud Terentium subdole & malitiose Phormiodicit, idcirco nolle Demipho, nem agnoscere, eam puellam, cuius ipse se defensore esse simulabat, tanquam cognatam sibi; quod illa egens relicta esset: id olim Menander generatim atque univarse, summa cum elegantia, dixerat: pronunciaratque, difficile & operosum esse, reperire cognatum pauperis. Neminem enim fateri, sibi quicquam esse eum, qui auxilii alicuius indigeret: propterea quod statim poterat a se aliquid petatum iri. Terentii versus sunt: (x)

Quia egens relicta est misera, ignoratur parens,

Negligitur ipsa. Vide, avaritia quid facit.

Menandri autem, ἔργον εὐρεῖν συγγενῆ

Πιπντός ἐστιν. ὁ δὲ οὐκ οἶσιν,

αὐτῷ προσέχειν ἢ βοηθεῖας τινας

Δούλον. αἰτεῖται γὰρ αἶμα τὸ προσδοκᾷ.

C

Me-

(u) Bruto de cl. orat. [x] Phorm. Act. 2. sen. 2.

Menandrea vero haec ita in Latinum sermonem converterit quispiam:

--- aegre inveneris

*Cognatum agentis . Nemo enim agnoscit libens ,
Ad se attinere cum, opis alicuius qui indiget ,
Nam mox petatum quippiam a se iri putat .*

*Ciceronis locus e Dinarcho expressus
ostenditur .*

C A P. VII.

M Tullium in orationibus suis multa e Graecis orationibus mutuatum esse constat: neque tantum artificii, quo illos in versandis ac regendis auditorum animis usos esse perspiceret, acrem ac diligentem imitatoreni fuisse, verum etiam integra non parum saepe enthymemata illorum, in orationes suas transfuisse. Iuvat autem me, quatenus licet, id observare: profiteorque me ex eiusmodi locorum contentione singularem quandam, eamque, ut opinor, neque illiberalem, neque frugis expertem capere animo voluptatem. Et quia ex meo sensu de aliis iudico, puto ceteris quoque idem usuvenire: nemo ut sit paulo humanior, cui non gratum ac iucundum sit cognoscere, quid a quoque Cicero sumpserit, quoque modo quae illorum erant, imitando fecerit sua. Quocirca talia quaedam his libris inspergere est animus: non ullo quidem certo ordine, neque enim genus hoc scriptionis ordinem postulat; sed ut quicque in mentem venerit. Nunc autem occurrit illud quod scriptum est in priore actione in Verrem. Nam cum iudicum fidem non nihil suspectam haberet orator, acute vidit, quomodo eos excitare ac perterrefacere, ne se corrumpi sinerent, oporteret. Affirmavit enim, totam civitatem esse in speculis, observantem, quam quisque reipublicae praestaret fidem: &, ut ipsi de Verre iudicassent.

cassent, ita de ipsis populum R. iudicaturum. Idem autem, & iisdem prope verbis dixerat antiquis temporibus Dinarchus in acerbissima oratione qua infectatus est Demosthenem: ut non sine caussa videri possit, Ciceronem, cum illa scriberet, Dinarchi locum sibi propositum, quem imitaretur, habuisse. Quod ut magis intelligatur, Ciceronis primum, deinde Dinarchi verba subiiciam. Cicero: *Nunc autem homines in speculis sunt: observant, quemadmodum se unusquisque vestrum gerat in retinenda religione, conservandisque legibus.* Et paulo post: *Hoc est iudicium, in quo vos de reo, pupulus R. de vobis iudicabit.* Dinarchus: Ὁρατε γὰρ ὦ ἀθηναῖοι, ὅτι παρὰ μὲν ὑμῶν Δημοσθένες ὑποὶ κρίνεται, παρὰ δὲ τοῖς ἄλλοις ὑμεῖς· αἱ σκοποῦσι τινὰ ποτὲ γνώμῳ ἔχετε περὶ τοῦ τῇ πατριᾷ συμφερόντων, καὶ πότερον τὰς ἰδίας τέτων δημοδοκίας καὶ πονηρίας ἀναδέχεσθε εἰς ὑμᾶς αὐτοὺς, ἢ φανερὸν πάντων ἀνθρώποις ποιήσετε, ὅτι μισοῖτε τοὺς κατὰ τῆς πολιτείας δῶρα λαμβάνοντας;

Quod Victorius de auctore libri de mundo ad Alexandrum credidit, verum non videri.

C A P. VIII.

Liber qui vulgo Aristoteli tribuitur, de mundo ad Alexandrum, quin Aristotelis non sit, nemini dubium esse arbitror. Nam, si nihil aliud, ipsum certe dictionis genus ita ab Aristoteleo dissidet, ut eam discrepantiam qui non videat, nihil omnino videat: etsi Iustinus Martyr ἐν τῇ πρὸς ἑλλήνας παραινετικῇ λόγῳ, (γ) eum Aristoteli tribuere videtur. Sed quod P. Victorius putavit se verum illius auctorem reperisse, in eo falsus opinione sua videtur. Neque sane satis mirari possum, quid hominem & magna doctrina, & acri iudicio præditum moverit, ut, nullo alio argumento, nisi quod Nicolaus Damascenus aliquid iisdem de rebus scripserit,

C 2

librum

{ γ } Lib. var. 25. cap. 13.

librum eum illius esse affirmarit. Nicolaus enim, ut notum est, Augusti temporibus vixit. At liber ille ad Alexandrum Philippi filium scriptus est. Quomodo igitur haec quadrare possunt? non enim minus ridiculus fuisset hac ratione Nicolaus, quam si quis hodie ad Priamum, aut ad Hectorem scriberet. Itaque etiam si antea creditum esset, librum illum a Nicolao scriptum, tamen id falsum esse, aperte, eo, quod dixi, argumento convinceretur. Nedum, in tanta temporum repugnantia, sine ulla firma ratione ei tribui debeat.

Pisces parvulos a maioribus devorari, multorum scriptorum testimoniis confirmatum. Emendatus Varronis locus.

C A P. IX.

Petrus Victorius libro sexto (2) Variarum lectionum, cum doceret, id quod hodieque proverbii loco dicitur, minutos pisces maioribus pro cibo esse, etiam antiquis temporibus dici solitum: confirmavit id duobus locis prolatis, uno Polybii, altero Varronis. Sed Varronis versus, nisi me fallit opinio, non satis emendate scriptos protulit. Visum est igitur ita eos proponere, ut distinguendos emendandosque arbitrarer. Varro Margopoli πει ἀρχῶν: (a)

Natura humanis omnia sunt parva.

Qui pote plus, urget. Pisces ut saepe minutos

Magnus comest: ut aves enecat accipiter.

eam autem esse in piscibus feritatem, ut in genus suum faeviant, multi optime notae auctores prodiderunt: ut Oppianus libro secundo ἀλιευτικῶν his versibus:

Ἰχθύσι δ' ἔτε δίχη μεταρίθμιος, ἔτε τις αἰδώς,

Οὐ φιλότις· πάντες γὰρ ἀνέροισι ἀλλήλοισιν

Δυσμμεῖς πλώουσιν· ὁ δὲ κρατερώτερος αἰεὶ

Δαί-

(2) Cap. 3. (2) Νονίας v. comest.

Δαίνυντ' ἀμεινότερος· ἄλλω δ' ἐπιήχεται ἄλλω.

Πότμον ἄγων· ἑτέρω δ' ἐτέρω πόρουνεν ἐδωδὴν.

neque tantum a maioribus minores, sed interdum quoque maiores a minoribus arte susperari ac vorari docet. Homerus quoque Troianos Achillem fugientes comparat piscibus delphina fugientibus, ne ab ipso vorentur. Versus ipsius sunt Iliados φ. (b)

Ὡς δ' ὑπὸ δελφῶν μεγακῆτι· ἰχθύες ἄλλοι
Φεύγοντες πιμπλᾶσι μυχοὺς λυμένους εὐόρμῳ,
Δειδέτες· μάλα γὰρ τε κατεδίει ὅθ' κε λάβουσιν,
Ὡς πρῶτες ποταμῶν κατὰ δεινοῖα ρέεθρα,
Πτῶσιν ὑπὸ κρημνοῖς.

Sed & apud Aelianum principio librorum De varia historia, & apud Aristotelem libro VIII. (c) De natura animalium: quaedam idem confirmantia leguntur.

Inguvtham, cum in triumpho ductus esset, desipere ac delirare coepisse. Plutarchi in Mario locus.

C A P. X.

DE vi doloris Venetiis, magna stipatus studiosorum hominum corona, aliquando disputabam; cumque mihi occurrisset, ut dicerem, eo dolore, quem e magnis infortuniis & calamitatibus homines caperent, mentem quoque ipsam saepe turbari adigique ad insaniam eos, qui antea cati in primis & sollertes fuissent, cum alios complures nominavi quibus id contigisset - tum Numidarum regem Iugurtham. Eius autem rei testem atque auctorem laudavi Plutarchum in Mario. Postridie eius diei venit ad me unus eorum qui sermoni illi interfuerant, homo & probus, & ceteroqui non ineruditus, sed Graecarum inscius litterarum. Is cum mihi prius, sive officii causa, sive quod ipse errore ductus ita sentiret, magnopere gratulatus esset, dixisseque,

C 3

me

(b) Ver. 22. (c) c. 19. & lib. 9. cap. 2.

me & sibi & aliis valde in eo sermone placuisse: Unum, inquit, est quod magnam hercule mihi molestiam exhibuit. Nam cum, domum reversus, in bibliothecam me abdidissem, coepi ea quae tu dixeras, mecum in animo recolere. Ac cetera quidem, nihil absuit, non sane multum, quin ita uti tu dixeras, in iis, quos dixeras, libris scripta repererim. Unum de Iugurtha reperendi nulla potestas fuit. Et quidem ea caussa totam Marii vitam ita diligenter perlegi, ut ne littera quidem una me fugerit. Velim igitur, si commodum est, quem mihi iniecisti scrupulum, tute eximas; recogitesque tecum, unde id sumpseris. Nam de Plutarcho quidem, fugit te ratio. Tum ego: Facile istuc quidem, nequam, fuerit. Nam & memoria nemo est hominum qui valeat minus: & here ad dicendum non sane valde meditatus accesseram. Sed tamen quid vetat Plutarchum a me quoque inspicere? Ut tibi quidem, inquit, plane satisfacias, animumque expleas. Nam quod reperire te id posse censeas, nihil est. Haec eo dicente, ego, iam puerum codicem poposceram: in quem ut primum conieci oculos, obtulit se mihi id quod quaerebam, his verbis explicatum: Καὶ Μάριος ἐκ Λιβύης μετὰ τῷ στρατεύματι διακομισθεὶς, αὐταῖς καλαῖς Γανερταῖς, ὡς ἔτους ἀρχὴν ἄγουσι Ῥωμαῖοι, τινὲς ὑπατεῖαν ἀνέλαβε, καὶ τὸ θρίαμβον εἰσήλασεν, ἄπιστον ὀπιδειξάμενος θέαμα Ῥωμαίοις ἰσχυρῶς αἰχμάλων, οἳ ζῶντες οὐδ' ἂν εἰς ἡλπίσι πολεμίων κρατήσεν. οὕτω τις ὡς ποικίλῃ ἀνὴρ τύχαις ὁμιλῆσαι, καὶ πανουργία πολλῇ μεμιγμένον ἔχων τὸ θυμοειδές. ἀλλ' ἐξίστηγε πομπευθεὶς; ὡς λεγούσι, τότε τὸ φρονεῖν καὶ μετὰ τοῖς θρίαμβον εἰς τὸ δεσποτήριον ἱμπετῶν, ὡς οἱ μὲν αὐτοῦ βία πεπέρριξαν τὴν χιτωνίσκον, οἱ δὲ ἀπεύδοντες ἀφελίδαι βία τὸ χρυσοῦν ὑλόνιον, ἅμα τὸν λοβὸν συναπέρριξαν, αὐτοὶ δὲ γυμνὸς εἰς τὸ βάραθρον κατεβλήθη, μετὸς ἂν ταραχῆς, καὶ διασσηρῶς, Ἡράκλεις, εἶπεν, ὡς ψυχρὸν ὑμῶν τὸ βαλανεῖον. quae, pro tempore, ipsius caussa, et cum a me in latinum sermonem conversa sunt: At Marius ex Africa cum exercitu

citu adveſtus, Kal. Ian. ipſis, quod anni principium Ro-
 manis eſt, tum conſulatum denuo inniit, tum trium-
 phum egit, in quo incredibile Romanis ſpectaculum
 exhibuit, captivum Iugurtham, quo vivo ſe potiturum;
 nemo hoſtium ipſius ſperaret. Ita vario erat vir ille;
 & multiplici ingenio, & ad fortunæ viciffitudines ver-
 ſatili, & ea præditus audacia; cui multa calliditas eſſet
 admixta. Sed in triumpho ductus, deſipere; ut fertur,
 ac delirare coepit. Itaque poſt triumphum in carcerem
 compactus, ut ei alii quidem violenter abruperent tunicu-
 lam, alii autem auream in aurem per vim eripere prope-
 tantes; infirmam una quoque auriculam diſciderunt;
 ipſe autem nudus in barathrum pulſus ac deiectus eſt,
 ſtuporis plenus, reſectis, ridentis in mortem, dentibus;
 Iupiter, inquit, ut frigidum veſtrum balneum eſt. His
 lectis, & interpretatis, miratus ille; ſuum quoque librum
 afferri voluit. Sed in eo ita erant omnia hæc, non ille-
 pide modo & incondite, verumetiam abſurde, & procul
 a vero poſita, ut meminiffe pigeat. Indignatus igitur,
 & multa mala precatus iſtis librorum contortoribus, ita
 tum diſceſſit a me, ut qui ſe, eſſi natu iam grandior;
 primo quoque tempore alicui Græcæ linguæ magiſtro
 operam daturum eſſe iuraret. Non eſt autem præte-
 reundum ſilentio, ſuſpicari me quod apud Plutarchum
 legitur, *τύχῃς ὁμιλῆσαι*, legi debere, *ὁμιλῆσαι*. Puto
 enim *τύχῃς ὁμιλῆσαι*, eſſe, naturam ſuam verſare, &
 ad fortunæ mutationes inſectere. Sed de hoc alii iudi-
 cabunt.

*Ariſtotelis locus, allatis Theognidis verſibus, qui ean-
 dem ſententiam continent, illuſtratus.*

C A P. XI.

Ariſtoteles primo Rhetoricorum, cum enumeraret
 ea quæ animum facere alicui poſſent ad iniuriarum

alteri inferendam, id quoque posuit, quod quotidie experimur, amicitiam: non illam quidem veram & perfectam, sed ut vulgo amicitiae nomine utimur, cum quamlibet familiaritatem ac consuetudinem vitae, amicitiam vocamus: eam igitur efficere, ut homines improbi ad imponendam iniuriam sint audentiores facilius enim se id quod volunt, effecturos esse credunt: cum ab inimicis omnes sibi caveant: ab amicis nemo sibi cavendum putet. Id autem ante Aristotelem sapientissimus poeta dixerat Theognis: cuius hi versus sunt: (d)

Εχθρὸν μὲν χαλεπὸν καὶ δυσμενὴ ἔξαπατῆσαι.

Κύρνε, φίλον δὲ φίλῳ βέβαιον ἔξαπατᾶν.

quos versus ita ludibundi convertimus:

Fallere difficile est inimicum. At amicus amicum

Fallere non magno Cyrne labore potest.

Sed & Cicero lib. primo accusationis ait, nullas esse occultiores insidias, quam eas quae latent in simulatione officii, aut in aliquo necessitudinis nomine.

Genus quoddam loquendi Horatianum indicatur e Graeco fonte manasse.

C A P. XII.

Cur me querelis exanimas tuis?

Nec diis amicum est, nec mihi, te prius

Obire Maecenas, mearum

Grande decus columenque rerum.

Versus hi sunt, ut notum est e secundo lib. (e) Odarum Horatii: in quibus genere loquendi usus est apto illo quidem & eleganti, sed apud Latinos non valde, nisi me fallit animus, usitato. Nam amicum esse aliquid diis, pro eo quod est, diis ita videri, ac placere, ubi praeterea legatur, equidem haud facile dixerim. Neque sane ea dicendi ratio Romanis domestica vernacula

(d) *Extremo lib. (e) Od. 17.*

cula est, sed trans mare petita, ob idque non obefae naris hominibus ἰδίης τις ὄξεσα ξενίας. Id ut magis perspiciatur, aliquot illius exempla e duorum post homines natos eloquentissimorum hominum sumpta libris proferam; Homeri, & eius quem Panaetius Homerum philosophorum vocabat. Apud Homerum igitur Pallas ad Iovem pro Ulyssē verba faciens, orat eum, ut, si quidem diis amicum est eum domum redire, Mercurium mittat, qui id Calypsoni nuntiet. Eius verba sunt: (f)

ὦ πάτερ ἡμέτερε Κρονίδη ὕπατε κρείοντων,

εἰ μὲρ δὴ γυν τοῦτο φίλον μακάρεσσι θεοῖσι,

Νοστήσαι Οδυσῆα δαιφρονα ὄνδε δόμονδε, &c.

Apud Platonem autem Socrates, in apologia, cum dixisset, se tentaturum, si posset e iudicum animis evelere pravam illam opinionem, quam adducti calumniatorum sermonibus, de ipso conceperant: sed putare, id difficile factu fore: Verum tamen, inquit, hac quidem de re ita sit, ut deo amicum est. ὅμως δὲ τοῦτο μὲρ ἦτω, ὅπῃ τῷ θεῷ φίλον & in dialogo πρὸς Πρακτοῦ, cum ei dixisset Crito navem eo die e Delo appulsuram, ideoque ipsi postridie e vita migrandum fore: Atqui, inquit, o Crito, bene eveniat: si ita diis amicum est, ita esto. Ego tamen eam hodie venturam non puto. Ἀλλ' ὦ Κρίτων τύχη ὑγαθὴ· εἰ ταύτῃ τοῖς θεοῖς φίλον, ταύτῃ ἔσω. Οὐ μέντοι οἶμαι ἤξεν αὐτὸ τήμερον. Et in Theage: Ἐάν μὲρ τῷ θεῷ φίλον ᾦ, πάνυ πολὺ ὀφειδύσεις, καὶ ταχύ. & libro X. legum: Τὰ μὲρ ἔν τῇ τῶν ἀρχαίων πίρι, μεθείδω, καὶ χαίρω, καὶ ὅπῃ θεοῖσι φίλον, λυγέσω ταύτη· tale quoque est illud Aeschyli: g)

— ὡς μάθοι τί χρεῖ

Δρῶντ' ἢ λέγον τα δέμασι πρᾶττεν φίλα.

Sed & illa non dissimilia sunt: (b) Πικυδάμα σὺ μὲρ ἐκ ἔτ' ἔμοι φίλα ταῦτ' ἀγορεύεις: & in Protagora: (i) ἔισσι φίλον: & apud Euripidem in Ione, τῷ θεῷ γὰρ ἡμῶν φίλον. eius-

(f) Odyss. 1. vers. 81. (g) Prometheus. pag. 41. (h) Iliad. 22. vers. 677

(i) Metempsi in prolog.

eiufdemque generis alia . Saepe autem monui, solitum Horatium, infpergenda fcriptis fuis Graecitate, falem eis ac Venerem quaerere.

Platonis locus converfus a Cicerone in Hortenfio, in quo Marfilius leviter lapfus eft.

C A P. XIII.

QU*i* aut aucupandae inanis gloriolae ftudio, aut convincendi magis quam docendi adverfarii gratia difputant, ii acriter urgeré ac premere eum folent: neque fere, fi quid ipfe inconfideratius aut faffus, aut inficiatus eft, mutandae pofttea fententiae poteftatem facere. At qui veritatem modo in difputando fpectant, & docere eos, cum quibus agunt, volunt, aequiores liberalioresque funt, neque ad vivum omnia refecant: fed fi quid is quicum fermo eft, dederit, cuius pofttea dati poeniteat, in eo non pertendunt, pervicaceſque funt: lubentibusque ipsis, corrigere fe, qui ſibi lapfus videtur, poteft. Id ſe facere, cum ſignificare vellet Socrates in Hipparcho, eleganti admodum fimilitudine uſus eft, ſumpta a ludo XII. ſcriptorum, his verbis: *Ἀλλὰ μὴν καὶ ὡς πεπύων, ἐθίλω σοι ἐν τοῖς λόγοις ἀναθέσθαι ὃ, τὶ βέλαι ἢ εἰρημίων, ἵνα μὴ οἷη ἐξαπατᾶσθαι.* Quae ſummi philoſophi verba cum a ſummo oratore Romano in Latinum ſermonem elegantiffime converſa reperiffem, non indignum id putavi, quod annotarem. Citat igitur haec Nonius Marcellus e Ciceronis Hortenſio: (k) *Itaque tibi concedo, quod in XII. ſcriptis ſoleamus, ut calculum reducas, ſi te alicuius dati poenitet.* Marſilius autem, qui locum illum Platonis ad ludum talorum retulit, falſus videtur. Sed & in illo e Protagora, *Ἀλλ' ἔτι καὶ νῦν ἀναθέσθαι ἐξέτι, primo πολιτείῳ,* ubi Pole-

mar-

[k] In v. *Scriptas.*

marchus, aliter amicum & inimicum definere volens, quam prius fecerat, ita loquitur: Ἀλλὰ μεταβάμεθα· κινδυνεύομεν γὰρ ἐκ ὁρθῶς ἢ φίλον καὶ ἐχθρὸν θέσθαι: & aliis similibus locis, facile crediderim, metaphoram ex eodem illo XII. scriptorum ludo desumptam subesse.

Ciceronis locus, quem Silius eleganter imitatus est.

C A P. XIV.

Silium Italicum poetam, meo quidem iudicio, praestantem, Ciceronis apprime studiosum fuisse, eiusque libros diligentissime atque assiduissime lectitasse, non modo Martialis, qui eius coevus fuit, testimonio cognoscimus, sed multo magis ex eo intelligimus, quod eum multa Ciceronis in poema suum transtulisse, eaque scienter admodum accommodasse ad illa, quae tum tractabat, videmus. Cuius rei exemplum hic unum proponere libitum est. Libro igitur septimo, cum Q. Fabius Annibalem ludificando, & cunctando, & bellum trahendo frangeret; Romanique milites pugnae avidi, & conferendarum cum hostibus manuum ingenti desiderio incensae, quidque mora profiteretur, nescientes, imperatorem suum, tanquam ignavum, &, ut Horatius loquitur, inaudacem, summa verborum immoderatione increpant: iamque sublato clamore, iniussu ipsius rem gerendam esse vociferarentur: gravi oratione furentem illorum impetum repressurus Fabius, ita exorditur, ut dicat, nunquam sibi Romanos in tanto discrimine summam rerum tradituros fuisse, si se talibus clamoribus turbatum iri credidissent.

*Fervida si nobis corda, abruptumque putassent
Ingenium patres, & si clamoribus, inquit,
Turbari facilem mentem: non ultima rerum,
Et deplorati mandassent Martis habenas.*

Cice-

Cicero quoque in ea oratione, qua C. Rabirium perduellionis rerum protexit & eripuit, cum quiddam paulo confidentius dixisset, clamorque concionalis secutus esset: *Nihil me, inquit, clamor iste commovet, sed consolatur: cum indicat, esse quosdam cives imperitos, sed non multos. Nunquam, mihi credite, populus R. hic, hic qui flet, consulem me fecisset, si vestro clamore perturbatum iri arbitraretur.*

Quodnam sit verbum illud Graecum quo usos esse Athenienses in discordiis sedandis ait Cicero in Philippicis.

C A P. XV.

Verbum Graecum quo in sedandis discordiis ait Cicero usam esse Atheniensium civitatem, non est, ut opinor, ἀμνηστία: quanquam ab omnibus qui eum locum attigerunt, ita esse traditum scio. Neque me movet, quod Plutarchus ἐν τοῖς πολιτικοῖς παραγγέλμασι scitum illud vocat τὸ τῆς ἀμνηστίας νόμισμα: quoque alii scriptores Latini idem confirmant. Neque enim nego ita eam legem postea vocatam esse. At verbum ipsum, σιγή in lege positum est, aio fuisse, μὴ μνησικαχεῖν. cuius, ei multos locupletes & idoneos auctores habeo. Xenophontem, cuius haec sunt e secundo ἐλλήνων. Καὶ ὁμόσартις ὄρκους ἢ μὴ μὴ μνησικαχέσθαι, ὅτι καὶ νῦν ὁμοῦ τε πολιτεύονται, καὶ τοῖς ἄλλοις ἐμμένει ὁ δῆμος. Ut Aeschinem, qui in oratione De corona ita loquitur: Νῦν δὲ ἑκάστοις μὲν μεγάλων κακῶν συμβαάντων, ἴσως τι πάλιν, τὸ κάλλιστον ἐκ παλαιάς ῥῆμα φθεγγόμενοι, μὴ μνησικαχεῖν. Quin & Aristoph.

codem respexit hoc versu: (1)

Μὴ μνησικαχέσθης, εἰ σὺ φυλῶν κατέλαβας.

Sed quid coniecturis, ut in re dubia, utimur? triplex iusiurandum fuit, quo se, compositis rebus, obstrinxerunt Athenienses. Unum commune totius civitatis, quod

(1) Pluto.

quod in haec verba conceptum est: Οὐ μνησκαήσω ὅρ' πολιτῶν ἑδνὶ, πλὴν ὅρ' τριάκοντα, καὶ ὅρ' ἑνδεκα, ἑδὲ τέτων ὅς ἄν ἰθέλοι εὐθυίας δίδοναι τῆς ἀρχῆς ἥς ἤρξεν. alterum senatus: Οὐ δέξομαι ἑνδεξις, ἑδὲ ἀπαγωγῶν ἕνεκα ὅρ' πρότερον γεγενημένων, πλὴν ὅρ' φευγοντας. tertium eorum qui res iudicabant: Οὐ μνησκαήσω, οὐδὲ ἄλλο πείσομαι. φηρισῶμαι δὲ χ' τοὺς κειμένους νόμους. Haec ita scripta sunt apud Andocidem in oratione De mysteriis.

*Ciceronis ex oratione pro Deiotaro loci duo
emendati.*

C A P. XVI.

Soleo libenter veteres libros, quicumque in manus meas incidunt evoluerē: cuicumodi tandem illi sunt, & quocunque literarum charactere exarati, quod enim Plinius de toto librorum genere dicere solebat, nullum esse tam malum, ex quo non caperetur aliquid fructus: id ego in his maxime verum esse comperio. Multos enim nanciscor mutilos, laceros, corruptos, evanescen-
tibus litteris: tum, quod molestius est, descriptos ab hominibus imperitissimis, ideoque ἁλισταφύοντας. Ut in eis legendis incredibilis quaedam molestia, exhaustiunda sit. Sed non in multos incido, qui omni ex parte frustrentur opinionem meam. Fere enim semper aliquid tamen lucelli facio. Sive autem haec constantia vocanda est, sive etiam quidam mentis error, (non enim, quominus quisque quo volet nomine appellet, impedio) ita obstinato animo sum, nulla ut sit tanta erratorum multitudo, quae me a legendo absterreat. Neque mihi male operam collocasse videor, cum ex illis difficultatibus, tanquam e salebris quibusdam, emerfus, in recensione reperio, unum aut alterum boni alicuius scriptoris locum bidui triduique labore purgatum esse. Multi autem amici, qui me hoc morbo teneri sciunt, multas ad me
scidas

scidas undecunque collectas mittunt. Neque ego illa mihi ἀποβλητέα δῶρα esse duco; quin avide arripio quicquid offertur, & in hac inopia, ubi filigineus panis deest, cibario me, ut possum, tueor: beatos illos esse ducens, quibus amplae illae ac nobiles bibliothecae patent, ubi tam laute, tam copiose, tam splendide pascere animos suos hoc genere epularum queunt. Nos tenuiores visitamus ut possumus, neque invidemus aliis fortunam suam: sed, ut eadem nobis quoque aliquando contingat, optamus. Nunc cuius rei causa susceptus hic a me sermo, & unde ortus sit, exequar. Habeo librum quendam, aut potius discerpti & dilacerati libri aliquot paginas, ipsas quoque ita male acceptas, ut alicubi canum ludibrium fuisse videantur: in quibus haec scripta sunt: pars orationis pro Marcello: tota fere pro Ligario: & Deiotaro fere dimidiata. Nuper igitur placuit ea omnia cum vulgatis libris conferre: itaque feci. In duabus autem prioribus nihil admodum reperi, quod alicuius momenti videretur. In ea quae pro Deiotaro est, haec quae subiiciam, non indigna, quae notarentur, censui. Primum ergo ubi vulgo legitur, *Cui tamen ipsi regi veniam te daturum fuisse dicebas, si tum auxilia Pompeio, vel si etiam filium misisset, ipse tamen excusatione aetatis usus esset*. In illis fragmentis elegantius, ni fallor, & verius ita scriptum est: *Cui tamen ipsi regi veniam te daturum fuisse dicebas, si, cum auxilia Pompeio, vel etiam filium misisset, ipse tamen excusatione aetatis usus esset*. Item hoc, quod non ad nitorem & elegantiam orationis, sed ad sententiam ipsam non medicriter pertinet. In iis enim libris quibus vulgo utimur, ita legimus: *Ego mebercule C. Caesar initio, cum est ad me ista causa delata, Phidippum medicum, servum regium, qui cum legatis missus esset, ab isto ipso adolescente existimavi esse corruptum: hac suspitione sum percussus. Medicum indicem subornavit, fingeret videlicet aliquod crimen veneni*: At in illis ἰδιωτοῖς, (ita

(ita enim plane vocari possunt) multo sincerius multoque emendatius, meo quidem iudicio, scriptum est: *Ego mehercule C. Caesar initio cum est ad me ista causa delata, Phidippum medicum, servum regium, qui cum legatis missus esset, ab isto adolescente esse corruptum: hac suspitione sum percussus. Medicum indicem subornavit? finget videlicet aliquod crimen veneni. Quae scriptura quin plane integra corrupta sint, nemo dubitabit, qui locum illum paulo attentius consideraverit.*

Illustratus locus ex oratione pro Coelio.

C A P. XVII.

IN oratione pro Coelio cum conatus esset M. Tullius impuram mulierem Clodiam in eam suspicionem adducere, ut qui aderant, veneno ab ea sublatum Q. Metellum existimarent, hac postea amplificatione usus est: *Ex hac igitur domo progressa ista mulier, de veneni celeritate dicere audebit? nonne ipsam domum metuet, ne quam vocem eliciat? non parietes conscios, non noctem illam funestam ac luctuosam perhorrescet?* Suspicio autem, ubi eliciat legitur, eiiciat legi debere. Significat enim, hoc ipsum metuere debere Clodiam, ne vocem ipsa domus tam impii facinoris conscia emittat eliciendi autem verbum, ad hoc indicandum, non nimis aptum videtur. Euripidis etiam versibus quibusdam ex Hippolyto (m) coronato hanc coniecturam nonnihil adiuvari puto: e quibus totus ille locus manifesto expressus est. Sunt autem hi:

Οὐδὲ σκότον ὅπλῳ τὸν ξυμπάτῳ,

Τέρεμνά τ' οἶκον, μὴ ποτε θογγυῶ ἀπ' ἡ;

Neque tenebras noctis perhorrent consciae,

Neque, ipsa ne quando eiiciat vocem domus?

loquitur autem ibi Phaëdra de mulieribus, quae s. Pu-
dicas

dicas esse simulant, cum tamen clanculum libidini serviant: quas miratur prodire audere in conspectum virorum: neque timeré, ne a nocte ipsa, & a domo conscia indicentur. Hanc meam coniecturam Lambinus, homo omnium, sed nolo in mortuum quoquo modo de me meritum, gravius dicere, principio quidem ita exaggitavit, ut illa solemnia effunderet, barbaros esse, & omnium bonarum rerum imperitos. Et quaecunque praeterea solebat, quoties ab aliquo dissentiebat, si qui putarent, eiicere vocem, Latine dici. Deinde, mutata sententia, in notis ad Ciceronem, ipse se ad illum imperitorum numerum aggregavit: neque tamen mihi prorsus assensus est, sed notavit, ut plerumque in gravioribus rebus solebat: fassus, coniecturam meam duorum veterum librorum testimonio comprobari. Extitit deinde, qui, gratiam, credo, Lambini aucupari volens, quam tamen, cuiusmodi esset, ipse postea expertus est, cum emendationem meam aliquot Lucretii locis confirmari videret, secutus quidem eam est: sed eius Lambinum fecit auctorem, a quo illa diu oppugnata, non me, a quo primum prolata erat. Sed haec & levia sunt, & a me ipso mirabiliter negliguntur. Aut non curanda gloria, aut ex gravioribus rebus petenda est.

Cicero in oratione pro Sylla, locum quendam Demosthenis imitatus ostenditur.

C A P. XVIII.

Videtur Cicero duobus ex oratione pro Sylla locis Demosthenicum quendam adumbrasse: qua in parte excusat se, quod in reo defendendo multa de seipso dicere cogatur: cuius sermonis impositam sibi esse dicit ab accusatore necessitatem. Nam & Demosthenes idem in defendendo Ctesiphonte dixerat: quem quomodo Latinus orator sit imitatus, ut appareat utriusque verba descri-

describam. Ita igitur Demosth. Εἰ μὴ ἔν περ ὅν ἰδὼκε
μόνον κατηγορεῖν Αἰσχίνης, καὶ αὐτὸ τὸ προδεδειγμένον
εὖδὲς ἂν ἀπολογησέμην. ἵππεδὲ δὲ ἐκ ἡλπίου λόγον, τάλλα διεξιὼν,
ἀνάλασκε, καὶ τὰ πλεῖστα καταφύσαστό με, ἀναγκῶν εἶναι νομί-
ζω καὶ δίκασι ἅμα, βραχέα, ὃ ἄνδρες ἀβλαῖοι. περὶ τούτων
πρῶτον εἰπεῖν. Cicero autem: Et quoniam L. Torqua-
tus, meus familiaris ac necessarius, iudices, existimavit,
si nostram in accusatione sua necessitudinem familiaritatemque
violasset, aliquid se de auctoritate meae defensionis posse de-
trahere, cum huius periculi propulsatione coniungam defensio-
nem officii mei. Post autem etiam apertius: Nam si Tor-
quatus Syllam solum accusasset, ego quoque hoc tempore nihil
aliud agerem, nisi cum qui accusatus esset, defenderem. Sed
cum ille tota oratione in me esset inuectus, Et cum, ut initio
dixi, defensionem meam auctoritate spoliare voluisset, etiam si
dolor meus respondere non cogeret, tamen ipsa causa hanc a
me orationem flagitasset.

Alius Ciceronis locus e Demosthene expressus.

C A P. XIX.

Sumptum ex eadem illa Demosthenis oratione vide-
tur & id, quod in secunda Philippica scriptum est:
Ut igitur in seminibus est causa arborum & stirpium: sic hu-
ius luctuosissimi belli semen tu fuisti. Nam & ille cum Aes-
chinem omnibus calamitatibus, quibus Athenienses
conflictati erant, causam praeuisse dixisset, ita id con-
firmavit: (u) Οὐ γὰρ τὸ πῶμα παραχρῆν, οὐτὸς ἦν οὐκ ὡς κα-
κῶν αἰτίας.

*Theocriti ἀδωνιαζέσσαις correctus & expli-
catus locus.*

C A P. XX.

Non puto me rem studiosis ingrati facturum fo-
re, quanquam hic Latinorum praecipue scripto-
rum

D

(u) Pro Chrestophonte.

rum caussa susceptus a me labor est, si non numquam etiam Graecis opis aliquid asserre coner. Iampridem enim persuasum esse existimo omnibus qui versantur in litteris, sine Graeci sermonis cognitione mancā omnem ac mutilam esse doctrinam, & qui eius expertes sint, ab eis ne Latine quidem scripta penitus percipi. Nunc igitur Theocriti versus quosdam, quos neque satis emendate scriptos circumferri, neque satis intelligi arbitror, quomodo scribendi, quoque modo accipiendi videantur, aperiam. Sed primum eos describam ita, ut leguntur: (o)

Γ, Μᾶ πόθεν ἄνθρωπος; τίδ' εἰ κατ' ἴλαι εἰμὲς;

Πασάμενος ὅπτασε, συρακοσίαις ἐπιδάσει.

Ὡς εἰδὼς καὶ τοῦτο, κορίνθιαι εἰμὲς ἄνωθεν,

Ὡς καὶ ὁ Βελλεροφών· πελοποννασιὶ λαλεῦμαι.

Δωρίσθεν δ' ἔξεισι, δοκῶ τοῖς Δωριέεσσι.

Π, Μὴ φυῇ μελιτῶδες, ὅς ἀμῶν καρτερὸς εἴη.

Πλαὺν ἐγὼς. οὐκ ἀλέγω μὴ μοι κενεὰν ὑπομάχης.

Inducuntur autem ibi duae mulieres Syracusanae, Gorgo & Praxinoa, quae profectae ad spectandam pompam sacrorum Adonidis, cum, qui mos mulierum est, assidue garrientes, implerent omnia strepitu, & aures eorum, qui prope erant, obtunderent; offensus tanta earum garulitate hospes quidam, illamque ferre amplius non valens, subcontumeliose imperavit eis, ut tacerent. Tum indignata Gorgo, quaeso, inquit, quid hoc tandem hominis est? quid vero tua resert, si garrulis esse nobis libet? addit deinde: Πασάμενος ὅπτασε. Ubi legendum censeo, πασάμενος, non πασάμενος. Neque parum interest. Nam πάσαδαι prima syllaba brevi, est γεύσαδαι, ex quo poetae, cum eam syllabam producere volunt, faciunt πάσαδαι, at πάσαδαι prima longa, est κτήσαδαι, unde est πολυπάμμων, estque ea vox Dorum propria. Erit igitur πασάμενος, κτησάμενος, atque hoc dicet Gorgo hospiti:

hospiti : Impera ancillis tuis , ὅππασσι αἷς κέκτησαι . Noⁿ bis enim cum imperas , scito te Syracusanis imperare : ne forte nos viles aliquas & abiectas esse feminas putes . Corinthiae sumus a prima origine , non minus quam Bellerophon . Postremo , quoniam hospes reprehenderat eas ; tanquam πλατυνασδοίους , id est , lato & diducto ore pronuntiantes : (erat enim Dorum in Graecia eadem fere pronuntiatio , quae in Italia Bergomatium) iccirco addit , se ita loqui , ut in Peloponaeso loquerentur : ceterum non putare , causam esse ullam , cur non Doribus Dorice pronunciare eas esset . In iis autem duobus versibus , qui postea dicuntur a Praxinoa ; mihi quidem tenebrae sunt . Nam quod Scholiastes ait , μελιτώδι vocari Persephonem ; vix credibile mihi videbatur , ante quam legerem Porphyrii Commentariolum περὶ τῆς ἐν Ὀδυσσεΐα τῇ συμφωνίᾳ ἀντιφώνου , qui mihi omnem hac de re scrupulum exemit . Ita enim ibi scriptum est : Πηγαὶ δὲ καὶ νάματα οἰκεία ταῖς ὑδρίαις νύμφαις . καὶ ἔτι γὰρ μᾶλλον νύμφαις ταῖς ψυχαῖς . ὥς ἰδίως μελίσσας οἱ παλαῖοι ἐκάλεον , ἡ δὲ τῆς οὖσας ἱργαστικὰς . ὅθεν καὶ ὁ σοφοκλῆς οὐκ ἀναιδέως τῇ ψυχῇ ἔφη . Βομβεῖ δὲ νεκρῶν σμιλῶς , ἔρχεται δ' ἄλλη . καὶ τὰς διμητρὸς ἱερείας , ὥς τῆς χθονίας θεᾶς , μυσίδας , μελίσσας οἱ παλαῖοι ἐκάλεον , αὐτῷ τε τῷ κόρῳ μελιτώδι . Optat igitur mulier a Persephone , quae partibus praestit ; ne quis unquam nascatur , qui in ipsas imperium exerceat . Addit autem , praeter unum : quoniam alioqui male precari videretur reginae , & optare , ne quis unquam ex ipsa filius nasceretur . Iam quod sequitur , οὐκ ἀλέγω , μή μοι κενεαὶ ἀπομάζης , quam sententiam habere voluerit scholiastes , ipse viderit , cum illa sua praeclara expositione : μή μοι κενεαὶ ἀπομάζης , μή μοι κενὸν τὸ μέτρον ἀποφύσης . & ille alter , qui ita reddidit :

Non metuo , ne mensura tibi ludar inani .

ego non dubito , quin pro κενεαὶ , legendum sit κενίαρ

Ut hoc mulier dicat : Non vereor , ne in me pulverem

abstergeas : id est , ne me impune contemptam ac despiciatam habeas . Esset enim extremi contemptus signum , si quis pulverem e calceis , aut e veste sua , ludibrii causa abstergere in alios vellet . Sed & in illo versu qui paulo infra est ,

Ἄ τις καὶ Σπέρχιν τὸν Ἰάλεμον ἠρίσενε ,
pro Ἰάλεμον , legendum crediderim Ἰαλέμω . Sed & illud
μεγέαν defendit & explicat in Novis lectionibus Canterus : idque ex Aurati sententia . Cedamus igitur non
inviti . Aurato enim in litteris adversari , οὐ θέμικ .



M A R C I A N T O N I I M U R E T I

AD HIPPOLYTUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER TERTIUS.

De quorundam admirabili memoria.

C A P. I.

Hippias apud Platonem, tanquam de m^agno quodam & praestanti bono gloriatur, posse se quinquaginta nomina semel tantum audita recitare: At hoc nihil est, praeut quae de se Seneca scribit: cuius haec sunt e libro primo (p) declamationum: *Sed cum multa iam mihi ex me desideranda senectus fecerit, oculorum aciem retuderit, aurium sensum habetaverit, nervorum firmitatem fatigaverit: inter ea, quae retuli, memoria est, res ex omnibus partibus animi maxime delicata & fragilis, in quam primum senectus incurrit. Hanc aliquando in me floruisse, ut non tantum ad usum sufficeret, sed in miraculum usque procederet, non nego. Nam duo millia nominum recitata, quo ordine erant dicta, referebam: & ab iis qui ad audiendum praeceptorem nostrum convenerant, singulos versus a singulis datos, cum plures quam ducenti efficerentur, ab ultimo incipiens usque ab primum, recitabam nec ad comple-
tenda tantum quae vellem, volox erat mihi memoria, sed etiam ad continenda quae acceperam. Haec Seneca: quae semper mihi mirabilia, ac prope dixerim, incredibilia*

D 3

apud

[p] Prooemio controversiarum.

visa erant, donec vidi ipse, quod nunquam credidissen.
 Habitabat Patavii in vicinia mea homo adolescens, genere Corsicus, honesto, ut ferebatur, & credibile erat, apud suos loco natus, qui eo venerat ad ius civile discendum. quo in studio ita diligenter & attente annos aliquot consumpserat, ut magna iam esset de doctrina illius hominum opinio. Ventitabat autem fere quotidie in aedes meas, devexo iam & inclinato Sole, aestas enim erat: ibique, quod aedes satis amplae erant, satisfique apricae, aut sub dio ambulans, & cum aequalibus suis iucundissime colloquens, aut saltu, aut lucta, aut trigonali pila corpus exercens, fessas studiosorum laboribus vires honestissime reficiebat. Rumor erat, tenere eum artem quandam memoriae, cuius auxilio multa efficeret, quae credi, nisi spectata, non possent. Is cum ad aures meas perlatus esset, cupido me incessit mirabilia illa & inaudita spectandi. Eiusmodi enim in rebus minime omnium auditis credulus esse soleo. Visum est igitur, quando ipse domo mea arbitrato suo uteretur, hoc ab eo quasi *ἐρωτήσας*, exigere, ut quod sibi commodum foret, praesente me, artis suae specimen aliquod daret. ille nihil gravatus, lubentissimo animo se, cum vellem, facturum esse respondit. Placuit. Statim, cum per ipsum mora non esset, una omnes qui aderamus, in proximum cubiculum ingressi, confedimus. Coepi ego dictare nomina Latina, Graeca, Barbara, significantia, nihil significantia, tam varia, tam nihil inter se cohaerentia, tam multa, ut & ego dictando, & puer, cui mandatum erat, ut ea exciperet, scribendo, & ceteri qui aderant, audiendo atque expectando, fessi iam miris modis essemus omnes. Ipse unus ex omni numero alacer ac recens assidue plura poscebat; Sed cum ego ipse modum aliquem fieri oportere dixissem, abunde mihi satisfactum iri, si vel dimidiam partem eorum quae dicta erant, recitare potuisset: tum ille fixo ad terram obtutu,

tutu, magna nostra omnium expectatione, tacitus aliquandiu stetit. Quid verbis opus est? vidi facinus, ut ille ait, mirificissimum. Ο *δαίμωνιος ἐκείνῳ* exorsus loqui, plane omnia, eodem ordine, nusquam propè insistens, nusquam haesitans, nobis stupentibus, reddidit. Deinde ab ultimo incipiens, sursum versus pervenit ad primum. Rursus ita, ut primum, tertium, & quintum, ac sic deinceps omnia diceret. Quo denique quisque voluerat ordine, sine ullo errore omnia referebat. Idem postea, cum ei iam familiarior factus essem, saepe expertus, usquequaque verum deprehendi. Ipse mihi aliquando affirmavit, & erat ab omni iactantia alienissimus, se triginta sex millia nominum eo modo recitare posse. Quodque admirabilius est, ita haerebant omnia in animo, ut vel post annum diceret, se, quaecumque memoriae commendasset, minimo negotio reperiturum. Ego certe post multos dies facto periculo, verum comperi. Neque hoc satis. Diversabatur apud me Franciscus Molinus, patricius Venetus, adolescens optimarum artium studiis mirifice deditus, qui cum se memoria parum firma esse sentiret, oravit hominem, uti se artem illam doceret. Vix ostenderat se id velle, cum Corsicus operam ei suam prolixissime detulit: Dictus est locus, dicta hora, ad quam cotidie convenirent. Nondum sex aut septem dies abierant, cum ille quoque alter nomina amplius quingenta sine ulla difficultate, aut eodem, aut quocunque alio libuisset, ordine repetebat. Haec ego vix auderem litteris prodere, mendacii suspicionem reverens, nisi & res adhuc recens esset, (nondum enim annus est) & Nicolaum Lippomanum Petri Alexandri filium, Lazarum Mocenium Francisci filium, Ioannem Malipetrum Nicolai filium, Georgium Contarenum Laurentii filium, patricos Venetos, optimos & nobilissimos adolescentes, aliosque praeterea innumera- biles eius rei testes haberem. A quibus, si mentirer,

vanitatem meam coargui nollem . Artem vero illam Corsicus accepisse se dicebat ab homine Gallo, quo puer domestico praeceptore usus esset . Huic ego ne ex antiquitate quidem, quem opponam, habeo: nisi forte Cyrum, quem Plinius, Quintilianus, & alii Latini scriptores tradiderunt, tenuisse omnium militum nomina . Sed hoc, ut verum fatear, semper veritus sum quam considerate atque explorate tradidissent . Xenophon enim, a quo illi vel uno, vel praecipue, quae de Cyro dicebant, accipere potuerunt, istud tam incredibile non dicit; sed tantum eum tenuisse nomina *ὅς ὑπ' αὐτὸν ἡγεμόνων*. Quod ut in imperatore laudabile est, ita non excedit fidem . Locus, si quis requirit, est libro quinto *παιδείας* . Fieri autem potest, ut Latinorum aliquis, qui locum illum Xenophontis male accepisset, alios postea auctoritate sua in errorem induxerit . Hoc enim non semel novimus contigisse . Sed tamen hac de re nihil affirmo . Non erit alienum, ut puto, ascribere hoc loco distichon, quo Simonides, qui eius, de qua locuti sumus, artis pater fuisse traditur, iam octogenarius gloriatus est, neminem sibi memoria parem esse .

Μνήμην δ' ἔτινα φημι Σιμωνίδῃ ἰσοπαρεῖν

Ὀγδοήκοντα εἰς τὴν παιδὶ Λεωφρεπίῳ .

At Apollonius Tyaneus, cum centum haberet annos, tum quoque memoria excelluisse fertur. (q)

Sublata mēda quae inbaeferat in Euripideo versu apud Porphyrium . Item de formae dignitate quaedam non indigna cognitu .

C A P. II.

Cum Propyrii libellus De quinque vocibus, quo via muniri putatur ad totum illud corpus librorum Aristotelis quod *ἑρμηνεύς* vocant, teratur quotidie omnium

(q) *Philistat. l. 3. cap. 12.*

omnium manibus, mirum est tam diu in eo infedisse mendum quoddam, quod nunc indicabo. Etsi enim non est eiusmodi, ut cuiquam errorem possit oblicere; tamen in bonis libris ut ne qua vel minima macula insit, opera danda est. Porphyrius, ut probet, εἶδος usitate dici de forma corporis ea quae sub aspectum cadit, ex qua formosi aut deformes nominantur, citat hunc Euripidis versum; (r)

Πρῶτον μὲν εἶδος ἀξίον τυραννίδος.

ita enim vulgo legitur: cum tamen non ἀξίον, sed ἀξίως legi debeat. Siquidem erant haec verba apud Euripidem cuiuspiam optantis videre e filiis, ut opinor, suis maribus procreatos mares, qui primum quidem ea forma essent, in qua inesset regalis quaedam dignitas, deinde aliis etiam bonis excellerent. Hoc cognoscere est de Stobaeo, apud quem in τῷ ἑσθ' καλλοῦς λόγῳ haec scripta sunt: (s)

Ἰδοίμ' δ' αὐτὰν ἔκγον' ἄρρει' ἄρρινων,

Πρῶτον μὲν εἶδος ἀξίως τυραννίδος.

Πλεῖστον γὰρ ἀρετῇ τῷ ὑπάρχον ἐν βίῳ,

Τὴν ἀξίωσιν ὅς' καλῶν τὸ σῶμα ἔχεν.

Ut autem Euripides quandam formam esse voluit quae regium quiddam haberet: ita Plautus; qui eam etiam formam regiam dixit: (t)

Sed ubi Artotrogus? Hic est. Stat propter virum

Fortem atque fortunatum, & forma regia.

Xenophon quoque in convivio ait, εὐσεὶ βασιλικὴν τι τὸ κάλλος εἶναι. Aristoteles primo politicon affirmat, si qui repeteretur ea corporis pulchritudine, quam in deorum statu is cernimus, neminem dubitaturum, quin eos aliis omnibus imperare oporteret. Idemque libro quarto & libro septimo ait, Aethiopus & Indos in mandandis imperiis, proceritatis ac pulchritudinis habere rationem. Et notum est, multatum a Lacedaemoniis Archidamum regem

(r) Cap. de Specie. (s) Sem. 63. (t) Militis sc. Curat.

gem, quod exiguam duxisset uxorem: querebantur enim, non reges, sed regulos sibi procreatum iri. Ita enim hoc dictum commemorat Athenaeus libro XIII. *καπλίσκοις ἀντὶ καπλίων*. At Plutarchus, *ἐν τῷ περὶ παίδων ἀγωγῆς*, paulo aliter: *ὁ καπλίας, ἀλλὰ καπλίδας*.

Locus Terentii e Phormione illustratus.

C A P. III.

ITa scripti leguntur in omnibus libris hi versus e Terentii Phormione: (u)

PH. *Imo vero tu uxorem cedo.* DE. *In ius ambula,*

PH. *In ius? enimvero si porro esse odiosi pergitis.*

ego autem in scholiis quibus non nullos eius poetae locos illustravi, fassus sum, mihi non satis constare, quid de illo *in ius* facerem. Nam & non inveniutam esse illam repetitionem, & confirmari auctoritate librorum veterum, & tamen versum, ea recepta uno pede, quam deceret, fieri longiorem. Postea autem mihi venit in mentem, solitos esse olim histriones talia quaedam de suo in recitandis fabulis addere; ut oratio quotidianae similior videretur: id quod & Demetrius in libello *περὶ ἑρμηνείας* prodidit: & multa eius rei vestigia in Euripidis fabulis reperiuntur. quorum aliquot hoc loco proponam: ut, quod dico, clarius ab omnibus perspiciqueat. Ita ergo loquitur Polydorus in Hecuba: (x)

Φεῦ, ὦ μῆτερ ἥ τις ἐκ τυραννικῶν δόμων

ubi illud *φεῦ*, extra versum est, ab histrione additum & in eadem Agamemnon: (y)

Εἴα, Πολυμήσορ ὦ δύσαρ, τίς σ' ἀπάλεσεν;

& Clytaemnestra in Iphigenia in Aulide: (z)

Φεῦ, Πῶς ἄν σ' ἐκαινέσαιμι μὴ λίαν λόγῳ;

& Medea: (a) *Εἶεν· καὶ διὰ τὴν θᾶπ τις με δέχεται πόλις;* sed talia multa colligere, nihil negotii fuerit. Ut ergo il-

la

(u) *Act. 5. f. en. 7.* (x) *P. 98. 5.* (y) *Act. 5.* (z) *Act. 4.* (a) *Act. 2.*

VAR. LECT. LIP. III.

la οἷν, ἔα, εἶν, sunt extra versum; sic & illud, In ius
eiusdem generis esse apud Terentium puto.

*Duo genera loquendi, quibus Latini poetae utuntur,
& Graecis accepta esse.*

C A P. IV.

Virtutem Catonis pro Catone ipso dixit Horatius
in hoc versus, (b)

*Narratur & magni Catonis
Saepe mero caluisse virtus.*

& alibi quoque eodem genere loquendi usus est: (c)

Virtus Scipiadæ, & mitis sapientia Laeli.

Dictum autem id est ad Graecorum poetarum consuetu-
dinem, qui βίλῳ ἥρακλειῶ & εἰλῳ ἰφικλειῶ pro Hercule &
Iphiclo dicunt, ad eundemque modum alia multa: quod
& alii notarunt, & Plutarch. in lib. adversus Coloten.
Sed & eiusdem generis est, quod Turni corpus pro ipso
Furno Virgilius dixit, (d)

--- quo pulchrior alter

Non fuit, extepto Laurentis corpore Turni.

ita enim & Eurip. Εγὼ τὸ μὲν σὸν σῶμα ὑπ' ἐπὶ θυτύχην,

Σώζειν ἐτοιμός εἰμι. & alibi: (e)

Ἀλλ' εἰσορῶ ὅδ' ἑὸν δαυτόν τε δέμας

Ἀγαμέμνωνος.

& in Phoenissis, σὸν δέμας θνητῶν τε. ut ergo illi Graeca di-
cendi genera exprimebant, ita facere oporteret eos, qui
se nostris temporibus poetas perhiberi volunt.

Aeris Corinthii temperatura quomodo inventa.

C A P. V.

Super aere Corinthio, (f) quaenam illius origo fuerit
varia tradita sunt ab antiquis Plinius casu mistum
esse

[b] L. 3. Car. Od. 11. [c] 2. Ser. 3. [d] 8. Aeneid. v. 649. [e] Chor. Herc. Alf. 4

(f) Lib. 24. c. 2.

esse ait. Corintho, (f) cum caperetur, incensa. L. quodque Florus eandem sententiam sequitur, a quo ita hac de re scriptum est: *Aeris notam pretiosorem ipsa opulentissimae urbis fecit iniuria: quia incendio perustis plurimis statuis atque simulacris, aeris, auri argentique venae in commune fluxere.* At alii unam modò antiquis temporibus domum Corinthi arsisse dicunt, in qua cum auri argenti-que nonnihil inesset, aeris autem magna vis; commista illa & in eandem confusa massam, ex eo metallo cuius maior inerat pars, Corinthii aeris nomen acceperint. Alii etiam, quod propius ad veri similitudinem accedere videtur, narrant, aerarium quendam fabrum Corinthi fuisse, qui cum incidisset in thecam auri plenam, eamque sibi abstulisset, ne id resciretur, metuens, dissectum in minutas particulas aurum paulatim aeri admiscuerit, admirabilemque illam temperaturam effecerit, qua magnas sibi opes postea comparavit.

Indicata vetus scriptura duum locorum e libro secundo de Divinatione:

C A P. VI.

BEne & emendate scriptus erat in veteribus libris locus hic e secundo de Divinatione: *Ad nostri augurii consuetudinem dixit Ennius:*

*Quom tonuit laevum bene tempestate serena
At Homericus Ulysses apud Achillem querens de ferocitate Troianorum, nescio quid hoc modo nuntiat:*

Prospera Iupiter his dextris fulgoribus edit.
atque ita eum legit Petrus Marsus: indicatque, versum esse sumptum ex Iliados nono. Ut valde mirer quae, fuerit eorum audacia, qui Aiace[m] postea pro Ulyss[e] scripserunt. (g) Nam quod Victorius credidit esse *μνημονικόν* Ciceronis *ἀμάρτημα*, non viderat videlicet veteres
li-

[f] Lib. 2. cap. 16. (g) Lib. var. 3. cap. 3.

libros, neque commentarium Marfi. Quem si legisset, cognovisset etiam, se non valde necessariam operam sumere in emendando quodam loco e primo eorundem librorum: ubi de Iamidarum familia mentio est. Eum enim Marfus & probe ac incorruptum scriptum repererat, & erudite interpretatus erat, adducto eo ipso Pindari loco, quem adduxit postea Victorius. (b) Iniquum autem puto, quenquam sua laude fraudari: ideoque verum harum emendationum auctorem indicavi. Neque dubito, quin Victorius ipse, quem ut insigniter eruditum esse video, ita insigniter probum & plane ingenuum esse audio, si & haec, & alia quaedam, quae ut nova profert, ab aliis notata scivisset, aut non attigisset, aut suis auctoribus accepta retulisset. Quod idem mihi etiam de aliis quibusdam eruditissimis hominibus facile persuadeo. Elegantem enim & liberalem doctrinam, liberalis etiam natura plerumque comitatur.

*Cur Tibullus porcum hostiam mysticam
dixerit.*

C A P. VII.

NON satis, quod sciam, a quoquam, explicatum est, cur Tibullus porcum hostiam mysticam vocavit, eo versu, (i)

Hostiaque e plena mystica porcus hura.

quin etiam eius rei ignoratione, in quibusdam libris e mystica factum est, rustica. Sciendum autem est, in iis Cereris sacris quae mysteria dicebantur, eam consuetudinem fuisse, ut quisque pro se Cereri porco faceret. Seu quod animal illud infestum Cereri crederent: (k) quia femina pando, ut ait Ovidius, eruisset rostro, annique spem intercepisset: ob idque deam eius caedere gaudere crederent: seu quod e suillo rostro arandae & in-

(h) Lib. 13. r. 15. (i) Lib. 1. eleg. 10. (k) 15. Metam.

invertendae terrae ratio primum accepta esset : nam id quoque multi prodiderunt, neque sane satis convenit inter antiquos scriptores, de causis, ob quas hoc aut illud animal huic aut illi deo immolaretur. Alii enim, quod cuique deo gratissimum esset, id ad illius aras mactari solitum aiunt. Itaque equus Martis erat hostia. Et quod aper Adonin interfecisset, apro Veneri rem divinam fieri nefas erat. Alii, quod quisque deus odisset, eius potissime illud caede oblectari putabant. Itaque Nocti sacrificabatur gallus gallinaceus : quod cantu suo diem provocare, noctem fugare videretur. Capra Palladi : quod oleam insigniter laederet. Sed utra de causa porcus Cereri caderet : illud certe observabatur, ut & praepinguis esset, & nulla sui parte mancus ac mutilus. Quod etiam univarse in toto victimarum genere servabant. Ergo porcos mysticos aut mystericos vocabant, qui pinguiissimi & integerrimi essent, Plautus (l) sinceros sacres vocat. Quare Megarensis ille Aristophaneus, qui filias suas pro porcis vendere cuperet, iubet eis, ut, faccum ingressae ita grunnt, ut porci mystericum esse videantur : (m)

Κ' ἡπυτεν ἰς τὸν σάκκον ὧδ' ἰσβάινετε.

Ὅπως δὲ γρυλλίζετε καὶ κῳίζετε,

Χ' ἡσῶτε φωνὰν χοίρων μουσρικῶν.

& paulo post interrogatus a Dicaeopoli, quid ferret, porcas se mysticas ferre respondet.

Δι. τί δὴ φέρεις; Με. χοῖροι ἐγὼν γὰρ μουσικάς.

C. Verres qua ex gente fuerit. Emendatus locus e libro quarto accusationis.

C A P. VIII.

ORiundum e gente Cornelia fuisse C. Verrem, a quibusdam Romanarum, antiquitatum peritissimis

(m) *Acharn.*

mis hominibus traditum est: quod tamen mihi persuaderi non potest. Vix enim verisimile videtur, e tam illustri gente ortum eum, cuius pater fur ac divisor fuisse dicatur. Sed & illud non immerito miretur aliquis: hoc, quod isti volunt, posito, cur nusquam eum Cicero gentis nomine appellaverit: praesertim cum illud ipsum iudicium lege Cornelia exerceretur. Non enim obscurum est, ex eo sententiam quampiam aptam & commodam ad exasperandos iudicum animos, facile potuisse duci. Sunt & alia non pauca, quae mihi quidem videntur aliquid iustae admirationis habitura, si Cornelium eum fuisse fateamur. Nituntur autem, qui hoc dicunt, argumento, quod sciam, unico. Aiunt enim libertum quendam Verris a Cicerone Cornelium Haruspiciem vocari. Sed ego cum omnes accusationis libros & saepe & diligenter evolverim, videor affirmare posse, nullam in eis esse istius Cornelii mentionem. Ipsi igitur viderint. Cornelius quidem Verris lictor libro primo accusationis nominatur. Sed quid ad Verris gentem ea res pertinet? Fieri ergo potest, ut fallar: nunquam enim harum rerum valde diligens indagator fui: non equidem quo eas contemnam ac despiciam: sed quod diffidam partem esse me posse perferendo labori, quem video capiendum esse iis qui subtiliter talia perscrutari volunt: & alioqui suo quisque studio ducitur. Quare, ut ante dixi, fieri potest, ut fallar, sed tamen existimo, ipsum Verris nomen gentilicium esse. Hoc arbitror colligi posse e fine libri secundi, ubi de illa tabularum corruptione sermo est, in quibus Verres se pro Verre Verrutium fecerat. Nam si in illis ita scriptum fuisset, C. CORNELIUS VERRERES, non fane oportuerat, ex Verre fecisse Verrutium. Neque procederent illa, quae a Cicerone urbanissime dicta sunt: *Responde mihi nunc tu Verres, quem esse hunc tuum paene gentilem Verrutium putes*. Nam nominis cum cognomine similitudo

militudo nihil ad gentilitatem pertinet. Alium locum proferam, qui hoc quod dico, ita manifesto confirmet, ut vix ullum dubitationi locum relictum iri putem. Atque hunc eo recitabo libentius, quod & in vulgatis libris corrupte legitur, & quidam emendare conati, magis etiam corruerunt. Ita igitur Cicero libro quarto accusationis: *Ridiculum est nunc de Verre me dicere, cum de Pisone Frugi dixerim. Veruntamen, quantum interfit, videte. Iste cum aliquot abacorum faceret vasa aurea, non laboravit, quid non modo in Sicilia, verumetiam Romae in iudicio audiret. Ille in auri semuncia totam Hispaniam scire voluit, unde praetori annulus fieret, nimirum ut hic nomen suum comprobavit, sic ille cognomen. Nunquam, ut opinor ita locus esset Cicero, si & Verres, & Frugi cognomina fuissent.*

Correctus Plauti locus e Milite glorioso.

C A P. IX.

A Pud Plautum in Milite glorioso ita vulgo leguntur hi versus: (n)

*Nam ego hanc machaeram mihi consolari volo,
Ne lamentetur, neve animum despondeat,
Quia se iam pridem feriatam gessitem,
Quae misera gessit fractum facere ex hostibus.*

Cum autem illud, fractum facere, depravatum esse, liquido constaret, homo eruditissimus cuius labore & industria Plautinae fabulae plurimis sane locis emendatiores leguntur, scribendum eo loco censuit, fratrem facere. Et, quoniam fratres interdum a Graecis *quasi* dicuntur, qua in voce eiusdem sanguinis significatio est, idcirco hoc militem dicere credidit, cupere machaeram, tingi hostium sanguine. Quod si reciperem, fratres tamen potius legerem, quam fratrem: ne perturbata numeris

meris esset oratio . Sed suum cuique, ut dicitur . Mihi displicere nondum potest ea coniectura, quam, cum adulescentulus in Gallia Plautinas fabulas explicarem , iamdudum de hoc loco facerem , factum enim legendum admonueram ubi vulgo legitur fructum . Atque ea voce farcimen, ut istium, aut eius generis aliquid , credideram indicari . Ut, quoniam tales cibi e carnibus minutissime dissectis confici solent, diceretur machaera gestire hostes ita minutatim concidere, ut ex eis farcimen fieri posset .

Quae se facturos iuraverint Graeci cum Xerxis copiis congressuri.

C A P. X.

PRaeclarum sane & magni animi plenum est iusturandum illud, quo se obstrinxerunt Graeci omnes cum adversus copias Xerxis dimicaturi essent id autem in haec verba conceptum est : Vitam libertate pluris non faciam . Neque deseram imperatores, neque vivos, neque mortuos, sed eos e sociis, qui in praelio occubuerint, omnes sepeliam : & ubi barbaros devicero ex iis quidem civitatibus quae pro Graecia pugnaverint, nullam devastabo: quae autem barbari partes sequi malverunt, omnes decimabo, sanorum quae a barbaris incensa & diruta sunt, nullum omnino excitabo . Sed sinam impietatis barbaricae extet in omni posteritate monumentum , Adscribam & Graeca, si quis ea forte cognoscere cupiat . Οὐ ποιήσομαι περὶ πλείονος τοῦ ζῆν τῆς ἐλευθερίας. ἔδὲ καταλείψω τοὺς ἡγεμόνας, ὅτε ζῶντας, ὅτε ἀποθανόντας. ἀλλ' αὖ τοὺς ἐν τῇ μάχῃ τελευτήσαντας τῷ συμμάχων ἅπαντας θάψω καὶ κρατήσας τῶ πολέμῳ τοὺς βαρβάρους, τῶν μὲν μαχησαμένων ὑπὲρ τῆς ἐλλάδος πόλεων ἰσομίαν ἀνάστατον ποιήσω, τὰς δὲ τὰ τῶν βαρβάρων προελομένας ἀπάτας διακτέυω, καὶ τῶν ἱερῶν τῶν ἱερηομένων καὶ καταβληθῆντων ὑπὸ τῶν βαρβάρων ἑδὴν ἀνοικοδομήσω πάντα.

τάπαν, ἀλλ' ὑπόμνημα τοῖς ἐπιγινομένοις εἶσω καταλείπειν
τῆς τῆς βαρβάρων ἀσέβειας.

*Locutio quaedam, quae Euripidis esse credebatur,
reiecta: Et ipsius poetae emendatus locus.*

C A P. XI.

TRaditum est a quibusdam, & quidem iis in libris,
qui clarissimi, & utriusque linguae intelligentia
praecellentissimi viri Gulielmi Budaei nomen praese-
ferunt, καλλίνικον φέρεσθαι apud Euripidem legi, pro eo
quod est, victoriam reportare. Ego autem, qui poeta
illo singulariter oblectatus sum, plurimumque studii in
eius fabulis posui, praestare ausim, nusquam id loquen-
di genus apud ipsum reperiri, sed eos ita putasse, indu-
ctos in errorem, his e Medea versibus: (o)

Δεινὴ γὰρ ἔσσι τοι ῥαδίωςγε συμβαλὼν

Ἐχθραν τις αὐτῇ καλλίνικον οἶσεται.

cum tamen ibi legendum sit, ἄσεται, non οἶσεται. Est
enim καλλίνικος genus cantilenae, quod canebatur victo-
ribus, quos etiam honoris causa καλλνίκους appellabant:
ut, Io paeon, aut, Io triumphe. Idque diserte tradidit
Athenaeus libro XIV. tripudiantes autem eam cantile-
nam canebant, unde apud eundem poetam in Hercule
furente, (p)

Τὸν καλλίνικον μετὰ θεῶν ἐκώμασεν.

ait igitur nutrix, non facile fore, ut paeana canat, qui
cum Medea inimicitias susceperit. Ne quis autem du-
bitet, quin ita, ut dixit, legendum sit, proferam alium
locum similem ex eodem poeta, eaque, quam proxime
nominavi, fabula, ubi senum chorus se ait Herculi re-
duci καλλίνικον canere velle. Versus hi sunt: (q)

ἔτι τὰν Ηρακλέους

Καλλίνικον αἰείσω.

& in Electra: (r) ἀλλ' ἐπάειδε καλλίνικον ᾠδὴν ἐμῷ χορῷ.

At-

(o) Nutrix Prolog. (p) Lycus Aθ. 1. (q) Chor. 2. (r) Chor. Aθ. 4.

*Atticum loquendi genus, quod imperiti ex Euripidis
Hecuba sustulerant, restitutum.*

C A P. XII.

A Pud Euripidem Hecuba, versus hi sunt Ulyssis
Hecubam alloquentis: (s)

Οἷδ' οὐκ ὁ δράσεις; μήτ' ἀπασιδῆς βία,

Μήτ' εἰς χερῶν ἀμύλλαν ἐξέλθης ἐμοί.

in quorum priore erratum est ab iis qui Atticae linguae
imperiti essent, non enim scribendum erat;

Οἷδ' οὐκ ὁ δράσεις; sed Οἷδ' οὐκ ὁ δῶσον; quod quidem
plane idem cum illo superiori; sed venustius, & ἀθηναί-
στειν dicitur. Itaque scholiastes quoque ita legit: &
simile exemplum e Menandro citat,

Οἷδ' ὅ, τι ποίησον;

Ego autem saepe admodum Euripidem ita locutum an-
notavi. Ut Iphigenia in Aulide: (t)

Οἷδ' οὐκ ὁ δῶσον ὃ ζυῖαι; πιθοῦ δὲ μοι.

& in Helena: (u)

Οἷδ' οὐκ ὁ δῶσον, ἥν' πάρος λάβοιμεθα.

& in Ioue: (x)

Οἷδ' οὐκ ὁ δῶσον, χερὸς ἐξ ἱμῆς λαβὼν

χεύσωμ' Ἀθάνας, & cetera. Sed & alii Attici eodem mo-
do locuti reperiuntur. Ut Aristophanes in Avibus, (y)

Οἷδ' οὐκ ὁ δῶσον, ὃ τροχίλε; τὸν δεσπότην

Ἡμῖν κάλεσον.

quare sine controversia ita etiam in illo ex Hecuba ver-
su legendum est: Etiamque illud, quod in Cyclope ita
legitur, (z)

Οἷδ' οὐκ ὁ δράσεις, ὡς ἀπαίρωμαι χθονός;

eodem modo emendandum facile crediderim.

E 2

An-

(s) A. 7. 2. (t) Agamemnon Clytem. A. 7. 2. (u) Helena Thetoclymeno. A. 7. 3.

(x) Crensa Sen. A. 7. 3. (y) Eupolis Trochilla. (z) Ulysses Syl. A. 7. 1.

*Antelogium quid. Plauti e Menaechmis
correctus locus.*

C A P. XIII.

QUOD dixi supra, cum, quid valeret apud Cicero-
nem, in aëta, explicarem, Siciliam eo olim ser-
mone usam, qui neque plane Graecus, neque
plane Latinus, sed quasi cinnus quidam ex utroque mi-
stus esset: id & e Cicerone, & e Q. Asconio intelligi
potest. Plautus autem, qui iocandi occasionem undi-
que quaereret, in Menaechmis, quod ea fabula, ut ipse
ait, Sicilissitabat nomen quoddam finxit e duabus vo-
cibus, altera Latina, & Graeca altera iunctum. Antelo-
gium enim dixi pro eo, quod olim Pacuvius dixerat
prologium. Quod qui non intelligebant, ex Antelo-
gium, fecerunt ante elogium: cum tamen elogium ni-
hil neque Graecis, neque Latinis significet: ut alibi do-
cebimus. Sed praestat Plauti versus subiicere, simul enim
alia corrigentur (a)

Atque adeo hoc argumentum Graecissat tamen.

Verum non Atticissat, at Sicilissat.

Pabergensis Plauti corrector, praeter caetera peccata, e
secundo horum versuum detraxerat particulam, at:
deinde cum animadverteret, una syllaba minus esse,
quam requireret lex carminis: pro Sicilissit, scripsit,
Sicilicissit, acute. Siciliciam pro Sicilia hac ratione
diceremus. Sequitur.

Huic argumento antelogium quoddam hoc fuit.

Idem, una lepidissima voce lacerata, nullo sensu scripsit,
ante elogium, & pro, quoddam, quidem. Sequitur:

Nunc argumentum vobis demensum dabo,

Non modio, neque trimodio, verum ipso horreo,

Tanta ad narrandum argumentum est benignitas.

Tanta

[a] Prologo.

Tanta enim legi debet: non, ut in illius libris, tantum: Quippe cum hoc dicat, tantam esse sibi benignitatem ac largitatem ad narrandum argumentum, seque ita illius esse *προετικόν* ut daturus sit illud demensum; non modio, neque trimodio verum ipso horreo. Sed & ex eadem illa, de qua dixi, Siculorum consuetudine. (b) Ioco dictum est in eadem fabula: Epidamni nomen iunctum esse ex *ἐπὶ*, & damnum: quia illuc nemo fere, nisi damno suo, divertere soleret. Quod omen fugens populus R. antiquum, oppido restituit Dyrrachii nomen: Haec a me ante hos quindecim annos edita nuper Coelius quidam pro novis ac suis venditavit.

*Historia de oraculo quod Peleo redditum est:
Xenophontis locus correctus:*

C A P. XIV.

Qui crebro Veneri operantur, eorum genitalem humorem liquidorem, iccircoque minus aptum ad genetandum effici constat. Quare inter ea quae praecipere solent iis qui liberos procreare cupiunt, id quoque est; ut congressu Venereo non ita frequenter titantur. Atque is erat sensus oraculi quod Aegeo quondam redditum traditur. Qui cum petiisset a deo indicari sibi rationem aliquam, qua pater fieri posset; multos enim iam annos frustra uxoris hortum consererat: responsum hoc tulit:

Ne solvas ex utre pedem qui prominet, ante

Cecropiae pingues quam sis delatus in agros.

ita enim putavi hos versus reddi utcumque posse: (c)

Τὸν πρὸς χροτ' ἀπὸ τοῦ ὤν' ὃ φίλτατε λαῶν

Μὴ λύσαι πρὶν γουνοῦν Ἀθηναίων ἀρκετέας.

Utrem vocabat deus ventrem ipsius Aegei: ex quo qui prominet *ποδεών*, nihil ullo opus est Oedipo ad intelli-

E 3

gen-

[b] Scen. Nulla est voluptas. [c] Plutarch. vita Thesei.

gendum . Illo igitur verbum circuitu praecipiebat , ut se uxori castum & integellum servaret , afferretque ad eam graves & plenos probatae pecuniae loculos . Illud quoque cognitum est & ratione & experientia , si quid gignatur ab iis qui se nimis saepe in illa palaestra exercent infirmum id atque imbecillum esse : cum contra qui parce ac bono modo id faciunt, robustiores plerumque ac solidiores filios edolent . Quam ob causam Lycurgus instituerat, ut novi mariti & raro & furtim congregerentur cum uxoribus : hac ratione indicans fore, ut & ardentius se mutuo desiderarent , & vegetiores liberos producerent . Xenophontis verba, quibus hoc de Lycurgo exponit, haec sunt : (d) ἔθηκε γὰρ αἰδεῖσθαι μὴ εἰσόντα αἰδεῖσθαι δὲ ἐξίοντα. οὕτω δὲ σωόντων, ποθεινότερος μὴ ἀνάγκη σφῶν αὐτῶν ἔχειν, ἱρρύρμητέρα δὲ γίγνεσθαι εἴτι βλάπτειν, οὐτὼ μᾶλλον, ἢ εἰ διάκροισι ἀλλήλων εἶεν . Recitavi autem illa, ut legi debere censeo , non ut vulgo leguntur in omnibus enim quos ego quidem viderim, libris, pro βλάπτειν, βλάττειν . Qui primo aspectu pusillus error quas Francisco Philelpho tenebras offuderit , scient , qui interpretationem illius inspexerint . Quin autem verbum βλαστάνειν , ab iis quae oriuntur e terra, elegantissime ad homines transferri potuerit, dubitaturum existimo neminem .

Xenophontis alius locus correctus,

C A P. XV.

Multa depravata sunt in Xenophontis libris : plura male intellecta ab iis qui eos in Latinum sermonem convertere studuerint : quale est quod modo protulimus : itidemque quod nunc prolaturi sumus . Sed hoc Xenophontis proprium non est . Optimi quique scriptores & Graeci , & Latini , quanquam Graeci magis, sed tamen & Graeci & Latini ita multis ulcēribus

[d] In republ. Lacedaemon. bus

bus scatent, ut vix eorum *πολλοσημόριον* quoddam sanum integrumque permanferit. Indocorum autem audacia numquam soluti r, numquam proiector, quam nostris temporibus, fuit. Convertunt, aut invertunt potius, & pervertunt omnia, philosophos poetas, oratores, historicos, rhetores, grammaticos, etiam ea quae naturam, ut verti possint, non habent: suntque ita impudentes, ut quae se intelligere profiteri non audent, audeant interpretari. Quo magis laudanda est Petri Victorii, Pauli Manutii, Adriani Turnebi, praeclarorum hominum, ac primorum, signiferumque, & aliorum similium industria: qui omne studium suum eo conferunt, ut omnes, *καθ' ὅσον οἶόντε* maculas ex antiquorum monumentis elvant; & labore suo laborem minuunt iis, qui ex animo aspirant ad veteres illos vero ac serio intelligendos. Equidem neque horum institutum satis laudare, neque illorum impudentiam satis mirari queo: neque satis misereri eorum vicem, quibus, quod aditum sibi ad fontes patefacere neglexerint, ex impuris illis ac turbulentis talium interpretum lacunis hauriendum est. Sed omittamus haec, &, quod instituimus, unum etiam mendum e Xenophonte tollamus. Et si enim parum videri potest, cum tam multa sint, unum aut alterum tollere: tamen nihil est tam pusillum, quod non avide accipi debeat, quod quidem ad tam politum, tamque utilem scriptorem pertineat. Paruum est, quod afferimus, sed magnus is, quem adiuvamus. Ergo in libello de republica Lacedemoniorum, cum dixisset ita instituisse Lycurgum publica illa civium suorum convivio, ut neque deessent epulae, neque superessent, addit: *Πολλὰ δὲ καὶ παράλογα γίνεται ὑπὸ τῆς ἀργυρομένων. οἱ δὲ πλεῖστοι εἰσιν ὅτε καὶ ἀργὴν ἀντιπαραβάλλουσιν, ὥστε ἕτε ἔρημός ποτε ἢ πρᾶτέα βρωτῶν γίνεται ἔς' αὖν διασκηνοῦσιν, ὅτε παλυδάπανον.* Quae verba ita interpretatus est Philadelphus: Per multa quoque ab otiosis & absurda patrari solent. Ac locu-

pletes interdum otiosi similitudinem reddunt . Proinde neque vacua cibus mensa unquam fit, quo ad discubuerint: neque item sumptuosa . In quo illud primum est, quod admirer . Crediderint ne revera, id quod ipse diceret, e Xenophontis verbis colligi posse . Si enim ita credidit, valde stupidus, valdeque imperitus fuit . Sin, cum sibi conscius esset, Xenophontem nullo modo hoc dicere: quidvis tamen maluit, quam institutum omittere, & abiicere illas paucas paginas, quas iam convertisset, & convertere se ad aliquid aliud, quod praestare posset: hoc, inquam, si fecit, nolo quicquam asperius dicere, malo in aliorum cogitationibus relinquere, quo illum nomine fuisse dignum putem . Deinde illud libenter ex eo, si viveret, quaererem: illa absurda, quae patrari ab otiosis diceret, quid tandem ad convivia attinerent: aut qua ratione fieret, ut, quia multa absurda patrarentur ab otiosis, ideo mensa neque inanis, neque sumptuosa esset . Sed ego fortasse culpandus, qui tam apertam stultitiam tam multis verbis insecter . Locus Xenophontis corruptus est . Hoc primum . Ita autem corrigendus videtur: ut pro ἀργυρομένων, quod verbum nihili est, legamus, ἀργυρομένην & pro ἀργὸν, ἄγρην . Ita hoc dicet Xenophon: praeter quotidianum illum & legitimum apparatus, multa inexpectata afferri solita ab iis qui venati essent . Illi enim libenter ea quae ceperant, ad publicas illas mensas afferebant . Interdum etiam divites afferre solitos aliquid, quo quasi compensarent aliorum capturam: ne viderentur a symboli venire ad ea fruenda quae alieno labore parata essent, Hac ratione mensa sine magno sumptu commode instruebatur .

Particulam &, e quodam loco ex apologia Socratis apud Platonem, delendam videri.

C A P. XVI.

Accusatores Socratis, ut eius orationi fidem detraherent

herent, eamque suspectam iudicibus efficerent: prae-
monuerant eos, ut caverent sibi: multum enim eum
posse dicendo, & habere eam vim, eamque calliditatem,
ut inferiorem causam dicendo efficeret superiorem.
Quare Plato in defensione, quam homini sanctissimo
scripsit, ita eum, cupientem amoliri a se illam opinio-
nem, loquentem facit: ut dicat se mirari quid ipsis ve-
nerit in mentem id dicere, quod ipse statim reipsa re-
futaturus esset: locuturum enim non ornate & exquisi-
te, sed simpliciter ac populariter, ut soleret. Itaque
sperare, omnes facile iudicaturos, se minime esse, quod
illi dixerant, (e) δεινὸν λέγειν. addit deinde: εἰ μὴ ἄρα
δεινὸν καλοῦσιν αὐτοὶ λέγειν τὸν τ' ἀληθῆ λέγοντα. εἰ γὰρ τοῦτο
λέγουσιν, ὁμολογοῖν ἂν ἔγωγ' ὅτι τὰ τούτους εἶναι ῥήτωρ. Sed
ego ex illo & κατὰ τούτους, particulam &, delendam pu-
tarem; ut hoc diceret Socrates: si illi forte aliter ac-
ciperent nomen eloquentis, quam vulgus soleret: &
eloquentem vocarent non eum qui ornate diceret, sed
eum qui vera loqueretur: se tunc sed fastidium, se non
illo usitato ac populari modo, sed ex ipsorum sententia
rhetorem esse. Marcellus tamen illud &, agnoscit, & alio
quodam modo exponit, cui non assentior.

Emendatus Plauti locus e Milite glorioso.

C A P. XVII.

PLautini versus sunt e Milite glorioso: (f)

Quid istuc quaeso? quid oculo factum est tuo?

PL. Habeo quidem hercle oculum. PYR. at lacrum dico.

PL. eloquat.

Maris causa hercle ego hoc utor oculo minus.

Nam si abstinuissem a mari, tanquam hoc uter.

in quibus cum iocus elegantissimus, & Plautino dignis-
simus ingenio subit, una litterula depravata ita eum

cor-

[e] Apologia. [f] Scen. Si alium alio p.

corrumpit, vix ut a quoquam sentiri queat. Nam cum Atheniensis ille adolescens, qui ornatu nauclerio amicam a milite per fallaciam abducturus venerat, oculum sibi laevum ne agnosceretur obligasset; interrogatus a milite, cur id faceret, urbanissime respondet, sed id maris facere caussa. Nam, inquit, si amare abstinuisse, eo aequae atque altero uterer. Ludit autem militem ambiguitate vocabuli. Cum enim dicere videatur duabus vocibus, si a mare abstinuissem. Non id dicit: sed si a mare abstinuissem. Non id dicit: sed si amare abstinuissem. Revera enim amor ipsi in caussa fuerat, ut eo oculo minus uteretur: aut saltem ita fingeret. Mare autem sexto casu dixisse veteres constat. Sic Varo. (g)

Clauditur Oceano Libyco mare flumine Milo.

Sed & Ovidius: -- & *Lybico*, inquit, *de mare carpat aquam* ita igitur Plautinus ille versus legendus est:

Nam si abstinuissem amare, tanquam hoc uterer.

Hoc quoque pro suo nuper edidit Coelius: sed Secundus. Ego enim abhinc quindecim annos primus edideram.

Lentos debitores aliter a Cicerone, aliter a Lucilio dictos. Lucilii versus apud Nonium emendati.

C A P. XVIII.

Lentos usitate vocamus tardos & segnes: opponique tum id nomen prompto ac celeri videtur. Interdum autem lentum aliter accipimus, ut cum lentum vimen dicimus: & cum Virgilius lentam salicem: (b) & - - *lento ducunt argento*. Lentum enim tum idem valet quod molle, cedens, quodque quocumque velis facile trahi ducive possit. Id denique, quod *χαῦνον* Graeci vocant, Latini non nunquam facile: ut Tibullus: (i)

Fi-

g) Varro *Atacin.* apud Charisium, h) *Aen.* 534. i) *Lib. 7. eleg. 1.*

Fidilia antiquus primum sibi fecit agrestis

Pocula, de facili composuitque luto .

eandem enim qualitatem significavit in luto, quam in carta Plinius his versibus ,

Ut laus est ceræ mollis cedensque sequatur

Si doctos digitor, iussaque fiat opus .

flexibilem videlicet naturam quandam, & minime contumacem ; Ad prio em illam huius vocabuli vim respexit M. Tullius, cum C. Antonium lentum vocavit : (k) *Texeris*, inquit, *illa, lentum sane negotium* . Hoc enim significavit, eum libenter subterfugere, & tergiversari, & diem ex die ducere, neque promptum esse ad dissolvendum quod deberet . At contra olim Lucilius lentum solvere acceperat, pro eo, qui facile solveret, bonumque nomen esset . Credo, quod lenta quæ sunt, facile sequuntur quo velis : lentum quoque vocavit eum, qui facile ad solvendum adduceretur . Versus eius, in quibus hoc vocabulum ita ponitur, extant apud Nonium Marcellum : sed misere depravati . Sic enim tibi legitur : (l) *Tricones, morosi & ad reddendum duri* Licilius satyrarum lib. IX, *Luciu' Cotta senex Crassi pater . huius pacem magnus fuit triconum . Marius solvere nulli lentus, id est, facilis* . Mihi ita legendum videtur : *Tricones, morosi & ad reddendum duri* . Lucilius satyrarum libro IX.

Luciu' Cotta senex Crassi pater huius peracer ,

Magnu' fuit trico nummeranu' solvere nulli

Lentus, id est, facilius .

Iam qui fuerit ille Cotta, & qui potuerit, nisi forte . Per adoptionem, Crassi cuiusquam pater esse ; cum alterum Aurelium, alterum Licinium fuisse verisimile sit : quam fieri etiam potest, ut Crassi nomen hoc loco proprium non sit : sed hoc utut est , quaerant , quibus ista curæ sunt . Ego quod potui, praestiti .

Ha-

k) 1. ad Ast. 9. l) V. Tricones ,

Horatii versus e quinto Odarum illustrati.

C A P. XIX.

Horatiani versus sunt ex Ode qua *εἰς παρνεύου μῦθος* veniam a Canidia venefica petit: [m]

Unxere matres Iliæ addictum feris

Alitibus atque canibus homicidam Heclorem:

Postquam relictis moenibus rex procidit

Heu pervicacis ad pedes Achillei:

variant autem libri veteres: quod in aliis, *Unxere* legitur, in aliis, *Luxere*. Quam posteriorem scripturam mirifice Homerus confirmat: apud quem Iliados Omega; Heclorem relatum ad suos Andromacha, & Hecuba, & Helena *θρηνοῦσι*, ceterae autem mulieres *ἐπαϊδίζονται, καὶ σενέχιζονται*. Neque tamen illa prior repudianda est: cum confiter, ungi solita apud antiquos cadavera, ut diutius integra conservarentur: eiusque muneris muliebrem curationem fuisse, vel ex illo Ennii, (n)

Tarquini corpus bona femina lavit & unxit.

Itaque & urbanus scurra Martialis, non illepidum dictum ex eo duxit: (o)

Qui non coenat, & ungitur Fabulle,

Is vero mihi mortuus videtur.

& quidam Graecus epigrammatum scriptor ait, malle se vivum madere unguentis & vino; quam utrumque servare ad exequias suas. Sed ea quidem res dubitationem non habet: Quare utro quis modo legerit, peccaturum non crediderim: Id quod sequitur *addictum feris alitibus atque canibus*, Homericum est: nota enim sunt illa, (p)

— αἰτούς δ' ἐλάρια τέτυχε καύεσσι

Οἰωνοῖσ' αἶψα. & (q)

Οἷον

[m] *Epod. Od. 17.* [n] *Citatur a Servio in 6. Aen. 219.* [o] *Lib. 3. epist. 12.*

(p) *Iliad. 1. ver. 4.* (q) *Agamemnon Iliad. 2. v. 91.*

ὅν δὲ κ' ἰγὼν ἀπάνευθε μάχης πλώσονται νοήσω·
 Μιμναζέιν παρὰ νηυσὶ κορωνίσιν, οὗ οἱ ἔπειτα
 Ἄρκιον ἐσθίεται φυγίην κνώας, ἠδ' ὀϊωνούς.

epitheton quoque, quo Hector ornatur, ex eodem poeta sumptum est:

— ἐδ' ἂν πολλοὶ ὑφ' Ἑκτορῷ ἀνδροφόνῳ

Θνήσκοντες πίπῃσι. &

Θεσπέσιον ἀλαλήτῳ ὑφ' Ἑκτορῷ ἀνδροφόνῳ

φεύγοντες. itemque (r)

Ἑκτορῷ ἀνδροφόνῳ κάρη μετὰ χερσὶν ἔχουσα.

Janguidus tamen, &, ut ita dixerim, enervatius est Latinum, quam id Graecum unde expressum est. Ἀνδροφόνος enim significari videtur is, qui viris fortibus in acie animam eripiat: at homicida magis est ἀνθρωποκτόνος. Ut quantum inter hominem & virum interest, tantum inter haec duo epitheta interesse videatur.

*Declaratus locus quidam e Ciceronis
 Hortensio.*

C A P. XX.

Ciceronis ex Hortensio apud Nonium haec verba referuntur. (s) *An cum videat me, & meas comites, fortitudinem, magnitudinem animi, patientiam, constantiam, gravitatem, fidem, ipsa se subducatur?* quamvis autem liber ipse non extat: tamen non est difficile homini in Ciceronis scriptis exercitato videre, quorsus illa dicta essent. Erat enim magnis inter philosophos agitata contentio: possetne quis in tormentis beatus esse. Theophrastus dixisse putabatur, vitam beatam in rotam non ascendere. Stoici contra pugnabant: &, qui beatitudinem in sola virtute ponerent, acerrime defendebant, etiam in saevissimis asperimisque cruciatibus, hominem

r) *Iliad.* 24. O. 721. s) *v.* Subducere.

minem virtute praeditum beatum fore . Utebantur autem ad eam sententiam illustrandam , & subiiciendam ante oculos quadam imagine : ut dicerent, cum chorus ipse virtutum raperetur ad tortorem, beatam vitam non subducere se, neque manere extra ostium , sed illas usque comitari . Cicero igitur aut iustitiam , aut quam aliam virtutem , sed iustitiam , ut puto, ea de quibus agitur verba dicentem fecerat : id ita esse cognoscitur e V. Tusculanarum , ubi Cicero ipse ita loquitur : *Quid igitur ? solane beata vita quae so relinquitur extra ostium limenque carceris, cum constantia, gravitas, fortitudo, sapientia, reliquaeque virtutes raptantur ad tortorem, nullumque recusent nec supplicium nec dolorem?* & in eodem libro: *Dabit, dabit, inquam, se in tormenta vita beata, nec iustitiam, temperantiam, in primisque fortitudinem, magnitudinem animi, patientiam prosecuta, cum tortoris os viderit, consistet, virtutibusque omnibus sine ullo animi terrore ad cruciatum profectis, resistet extra fores, ut ante dixi, limenque carceris.* Possem multo plura colligere, quae hoc verum esse ostenderent: sed haec satis esse duco .



MARCI ANTONII MURETI
AD HIPPOLYTUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER QUARTUS.

*Historia de Pindaro poeta, multato a suis, ornato
ab Atheniensibus.*

C A P. I.

Pausanias in Atticis narrat, Athenienses, quod a Pindaro in quodam asmate laudati essent tanti fecisse ampli illius ac grandiloqui poetae testimonium, ut & dona ei plurima ob id miserint, & statuam in civitate sua statuerint. Non igitur mirum est, si illis temporibus multi ac praestantes poetae fuerunt; cum qui ea facultate excellabant, & maximis muneribus honestarentur, & honoribus amplissimis mactarentur. Aetate nostra vocalis ille olim Musarum chorus conticuit; quaeque avaritia marsupia potentium clusit, eadem venas Heliconii liquoris obstruxit. Sed quod de Pindaro perstringit Pausanias, id fusius edisserit in quadam epistola Aeschines. Ait enim illum, cum Atheniensium urbem commendasset his verbis, αἵ τε λιπαροὶ καὶ δολίδοι Ἑλλάδος ἔρριπον Ἀθῆναι, multatum esse a civibus suis, aegre ferentibus, alienis eum potius, quam suis, illam tantam laudem dedisse. Quod ubi rescivere Athenienses, confestim miserunt ei duplum eius pecuniae, quam multae nomine erat exactus: ipsumque aenea statua

statua ornarunt. Ea statua visebatur Aeschinis aetate ante regiam porticum: sedens Pindarus cum pallio, diademate, lyram tenens: & supra genua apertum librum.

Quod Aristoteles sensit de iis qui seipsos interficerent, Euripidis testimonio confirmatum.

C A P. II.

CUM vulgo crederetur, viri fortis esse, mortem sibi consciscere potius, quam grave aliquod & acerbum malum perpeti: sapienter animadvertit Aristoteles, falsam esse illam hominum opinionem: eosque qui ita facerent, non modo fortes, sed ignavos, parvique & abiecti animi habendos pronuntiavit: docent enim, se id quod fugiunt, ferre non posse, neque pares esse ei casui sustinendo, propter quem vitam relinquunt. Id autem effeminatam potius animi mollietiam, quam magnitudinem arguit. Disputavit eadem de re doctissime divus Aurelius Augustinus lib. I. De civitate Dei, multisque rationibus ostendit, Lucretiam, Catonem, ceterosque eiusmodi, frustra in historiis a fortitudine laudari. Longius etiam progressus, demonstravit nullam esse posse bono ac sapienti viro *ἐξαγωγή*, ut Stoici loquebantur *εὐλογον*. Sed & Euripides id ante docuerat: qui Herculem primo fecit succumbentem magnitudini eius doloris quem hauriebat e caede uxoris & liberum, quam ipsemet, furore divinitus immisso correptus, perpetraverat: & ob id e vita discedere meditantem: deinde redeuntem ad se, & mutantem consilium verentem, ne id sibi ignaviae ascriberetur, si lucem relinqueret, tanquam aegritudini impar ferendae. Aristoteles ita hac de re scribit, lib. III. *νικομαχείων*. Τὸ δ' ἀποθνήσκην φεύγοντα πενήσαν, ἢ ἔρωτα, ἢ τὶ λυπηρὸν, οὐκ ἀνδρείς ἀλλὰ μᾶλλον δειλοῦ. μαλακία γὰρ τὸ φεύγειν τὰ ὀπίσθια. καὶ οὐχ ὅτι καλὸν ὑπομέ.

μένει, ἀλλὰ φεύγων κακόν. Euripidis autem versus hi sunt :

Ἐσκεψάμεν δὲ, καίπερ ἰν κακοῖσιν ὦν,
Μὴ δειλὴν ὄφλω τιν', ἱκλιπὼν χάρις.
Ταῖς συμφοραῖς γὰρ ὅστις οὐχ ὕψισται,
Οὐδ' ἀνδρὸς ἀνδρῶν ἐπὶ ἰσχυρῶν ἐέλθῃ.

sed & apud Martialem memini esse epigramma quodam in hanc sententiam: cuius haec clausula est: (r)

Rebus in augustis facile est contemnere vitam.

Fortiter ille facit qui miser esse potest.

Correctus Ciceronis locus ē libro tertio :

De legibus.

C A P. III.

DE tribunicia potestate longa & copiosa est disputatio apud Ciceronem lib. III. De legibus. Nam cum illam Q. Cicero pestiferam & exitiosam esse dixisset; respondens Marcus, multa ei vitia inesse non negat: sed quae tamen facile compensentur pluribus & maioribus bonis: eo maxime, quod nihil ea utilius cogitari potuerit ad plebem cum patribus in concordia continendam. Tum dissolvens ea quae Quintus adversus eam dixerat, ita loquitur. *At duo Gracchi fuerunt. Et praeter eos, quamvis enūmeres. Multos licet, cum deni crearentur: nullos in omni memoria reperies perniciosos tribunos: leves, etiam non bonos fortasse plures. Invidia quidem summus ordo caret. Sed habet dubitationem, quid sit quod Cicero ait. Cum deni crearentur. Ita enim loqui quasi deni creari desierint, videtur. Neque melius, aliquanto etiam deterius, videtur, quod Adrianus Turnebus (u) scripsit, qui locum hunc ita edidit: At duo Gracchi fuerunt? & praeter eos, quamvis enūmeres multos, licet. Cum deni creantur, nullos in omni memoria, &c. Quasi al-*

F

quando

(r) Lib. II. ep. 57. (u) Annotat. in 3. de leg.

quando deni creentur, aliquando aliquo alio numero; & cum deni creantur, tum nulli perniciosi reperiantur. Quod si esset, ne mirificam ille vim numerum habuisset. Ego addendam particulam non: & totum locum ita legendum puto: At duo Gracchi fuerunt. Et praeterea eos quamvis enumeres multos licet, cum deni creentur. Non nullos in omni memoria, &c. Illud enim, At duo Gracchi fuerunt, quasi ex Quinti persona Cicero dicit. Deinde respondens ait, non eos tantum proferri posse, verumetiam eorum similes quamvis multos. Neque id mirum esse, cum deni creentur. etenim in tanto numero non est mirabile plures improbos extitisse quam in iis magistratibus qui boni creabantur. Tum subiungit: si evolvantur annales, & antiquitatis memoria replicetur; nonnullos repertum iri perniciosos tribunos: leves aut etiam non bonos fortasse plures. Hoc tamen magnum bonum in tribunatu inesse: quod efficit, ut ordo sanatorius invidia careat. Nullos autem in omni memoria perniciosos tribunos fuisse, nemo, opinor, nisi plane *ἀπιστέρος* dixerit.

De veteri proverbio, quo dicebatur, quod pulchrum est, placere.

C A P. IV.

Q Uae pulchra sunt habere eam vim, ut statim conspecta, omnium sibi voluntatem concilient, amoremque adiungant, nemini ignotum esse, nisi communis sensus experiri, potest. Itaque scitum est illud Aristotelis, qui interrogatus ab aliquo, qui fieret ut pulchri tam facile ab omnibus amarentur: caeci eam interrogationem esse respondit. Et Graeci sapienter sua lingua pulchro ex eo indidere nomen, quod omnes ad se alliciat: dixerunt enim *καλὸν παρὰ τὸ καλεῖν*, ὅτι πάντας ἐρᾷ αὐτὸ καλεῖ. Testati sunt idem vulgato olim proverbio.

verbio : quo dicebant, quod pulchrum esset, id demum amicum esse. Eo usus est Euripides in Bacchis : ubi hic versiculus legitur. (x)

Ὁ, τι καλὸν φίλον αἶψ'

& Platon in Lyfide: Ἀλλὰ τῷ ὄντι ἀπὸς ἰλιγγίῳ ἰσὺς τῆς λόγου ἀπορίας, καὶ κινδυνεύει καὶ τὴν ἀρχαίαν παροιμίαν, τὸ καλὸν φίλον εἶναι. Eius autem originem ad Musas & ad Gratias referunt : quae cum convenissent ad nuptias Cadmi & Harmoniae, pulchrum carmen, quo ea sententia contineretur, immortalī ore cecinerint : novae nuptiae pulchritudinem, ut verisimile est, commendantes. Hoc de sapientissimo poeta Theognide cognovimus : cuius haec sunt, (y)

Μοῦσαι καὶ Χάριτες, καὶ Διὸς, αἳ ποτε Κάδμῳ

Ἐς γάμον ἐλθοῦσαι, καλὸν αἶσατ' ἔπθ.

Ὅττι καλὸν φίλον ὄντι, τὸ δ' οὐ καλὸν φίλον ὄντι.

Τούτ' ἔπθ' ἀθανάτων ἦλθε διὰ σομάτων.

nam ad illas nuptias venisse divos, testatur etiam Euripides in Phoenissis : (z)

Ἀρμονίας δὲ ποτ' εἰς ὑμεναίους

ἦλθον ἑραρίδαι.

Sed & Hellanicus, & Apollodorus Musas cecinisse in nuptiis Cadmi, ad easque convenisse divos, & novae nuptiae munera abtulisse scripserant.

De loco quodam Varronis adversus Petri Victorii sententiam disputatum.

C A P. V.

POSUI iampridem magnum studium in iis fragmentis M. Varronis, quae dispersa passim apud veteres grammaticos, ac praecipue apud Nonium leguntur. magis autem mihi placere meum illud studium coepit : posteaquam Petri Victorii (quem ego hominem, etsi

F 2

saepe

(x) Chor. Aët. 3. (y) Vers. 15. (z) Chor. Aët. 3.

saepe ab eo dissentio longe tamen facio, plurimi) Variarum lectionum libri praeclari sane & utiles in lucem prodierunt. Laudat enim ille pluribus locis eos qui id faciunt: datque plurimas luculentas significationes diligentiae quam ipse in iisdem illis fragmentis reconcinnandis adhibuerit. Sed ita contigit, at multos locos, quos ego coniectura tantum usus emendare conatus eram, ipse postea longe aliter a se emendatos ediderit, quare etsi non sum tam stultus, ut me cogitem tanto viro ἀντιπαραβαλεῖν, proferam tamen veteres quasdam opiniones meas: ut de iis cum ab aliis, tum ab ipso in primis Victorio iudicetur. Citantur igitur illa e Varrone Margopoli, (a) καὶ ἀρχῆς: Cui celer die nos lemmatos logos Antipatri Stoici filius rutilo caput displanat. Quae cum corrupta esse appareat putat Victorius (b) legendum esse dilemmatos logos. Sed ea coniectura mihi quidem parum digna auctore suo videtur. Primum, quod nimium recedit a vetere scriptura. Deinde quod Antipater logis utebatur non dilemmatis, sed monolemmatis. Ut testatur Alexander his verbis: οὗς γὰρ οἱ καὶ Ἀντίπατρον μονολημμάτους συλλογισμὸς λέγουσιν, οὐκ εἰς συλλογισμοὶ, ἀλλ' ἐν-θὺς ἐρωτῶνται. quae verba ille cum ad stabiliendam coniecturam suam attulit, videtur suo se gladio, quod aiunt Nam dilemmati quidem syllogismi sunt ex Aristotelis sententia. Quis est enim ita hospes in analyticis, ut nesciat, duo lemmata praecedere ad efficiendam conclusionem? Sed quid in hac re pluribus moror? Ego, nihil addens, nihil detrahens, locum ita legendum semper credideram: neque sane me sententiae poeniret. Cui celer δι' ἐνός lemmatos logos. Idem enim puto esse λόγους μονολημμάτους, & λόγους δι' ἐνός λήμματος. Cuius rei volo Victorium ipsum iudicem esse.

Fragment-

(a) v. Rusekii, (b) lib. 23, c. 5. variatum.

*Fragmentum Varronis e Marcipore, quo tempestas
elegantè describitur.*

CAP. VI.

ATtexam etiam huic loco elegantem quandam descriptionem tempestatis, quae versibus iambicis iuctusa, apud eundem grammaticum, e Varronis Marcipore legitur; sed divulsa. Neque tamen quenkum puto inficiaturum, eam a me recte & vere coniunctam esse. Est autem haec: (c)

*Nubes aequali frigido velo leves
Caeli cavernas aureas subduxerant,
Aquam vomentes inferam mortalibus.
Ventique frigido se ab axe eruperant
Phrenetici, septem trionum filii,
Secum ferentes tegulas, ramos, syrus.*

mutavi pauca quaedam: tuto, ni fallor. Sed tamen indicabuntur. Aurea, in vulgatis libris legitur, non, aureas: & frigidos, ubi scripsi, frigido se: &, erumpebant, non, eruperant. Sed hoc posterius verum esse demonstrat carminis lex, & praeterea orationis ipsius ἀναλογία, propter illud, subduxerant.

*Enniani versus ex Euripide expressi. Notata
Nonii inconstantia.*

CAP. VII.

CErnere, ait Nonius, amittere. Verro Ἀπορροῦ διδασκαλία. Non vides, apud Ennium esse scriptum, ter sub armis malim vitam cernere, Quam semel modo parere? Sed falsam esse & ineptam illam eius verbi declarationem, ipsomet, qui eam attulit, teste pervincam. Cum enim paulo post docuisset, cernere, non nunquam esse idem,

F 3

quod

[c] Nonius v. inferum, & Syrus.

quod *dimicare*, aut *contendere*: ei rei probandae hoc exemplum subiicit. Ennius Medea exule:

Nam ter sub armis malim vitam cernere.

Hoc autem Euripides, ex quo illam fabulam verterat Ennius, dixerat, *παρ' ἀπείδα σῆναι*. cum enim Medea multa quæsta esset de infelicitate mulierum: addit, errare eos qui putant, melius agi cum mulieribus, quam cum viris; propterea quod illae domi vitam sine periculo exigant cum viris sæpe sit de vita in bello dimicandum. Se enim, si optio detur, malle ter vitam sub armis, ut locutus est Latinus poeta, cernere, quam semel parere. Euripidis versus subiiciam: (d)

Λέγουσι δ' ἡμᾶς, ὡς ἀκίνδυνον βίον
Ζῶμεν κατ' οἴκους, οἱ δὲ μάρνανται δορί,
Κακῶς φρονοῦντες· ὡς τρεῖς ἂν παρ' ἀπείδα
Στῆναι θέλοιμ' ἂν μᾶλλον, ἢ τεκεῖν ἅπαξ.

Emendati Varronis loci duo.

C A P. VIII.

A Ristoteles libro tertio ad Nicomachum, homines intemperantes & asotos, cum iis voluptatibus versari dixisset quae communes sunt nobis cum mutis animantibus, iis nempe, quae gustatu praecipiuntur, quaeque tactu, addit postea, eos gustatu aut nihil omnino, aut perparum uti. Cum enim gurgites illi ita vinum in guttur suum quasi in utrem aliquem invergant, nihil curantes, nisi ut quamplurimum exhauriant, prope ut percolando vino nati esse vudeantur, non admodum possunt eius suavitatem gustando percipere: cum contra delicati & elegantes homines, qui grato illo liquore linguam sibi ac palatum probe titillari volunt, paulatim eum in gurgulionem instillent verius, quam infundant, guttatim prope ducentes: etiam antequam bibant, oculis poculum sæpe ac naribus admoventes, nulla ut sit in eo particula suavitatis, quam non ipsi

(d) *Medea Aët. 1.*

accu-

accurate exprimant, exquisiteque persentiant, quod in Euripidis Sileno optime cerni pōtest. Id non faciunt, qui gutture tantum pro infundibulo utuntur: Hoc autem auguror dixisse etiam Varronem in ea satyra quae inscribebatur. Est modus: Matula. *πρὸς μέθης.* (e) Inde enim citantur haec: *Quis omni vita helio πικρὸν ὀσφάcit temetum?* quae ego ita quodammodo legenda censuerim; *Quis in omni vita beulo probe ὀσφάcit temetum?* potest autem aut proprie usus esse ὀσφάciendi verbo, aut etiam illud ad gustatum transtulisse. Sed haud alienum fore puto, si ex eadem satyra versus aliquot attulerim, quibus vinum elegantissime celebratur. (f)

Vino nihil iucundius quidquam cluit.

Hoc aegritudinem ad medendam invenerunt:

Hoc hilaritatis dulce seminarium.

Hoc continet coagulum convivium:

Duo versus Horatii conversi e Simonide:

C A P. IX.

DUdum admonui, versum illum Horatianum, (g)

Mors & fugacem persequitur virum.

ad verbum expressum esse e Simonide; illum enim ita cecinisse:

Ὁ δ' αὖ θάνατος ἰσχυρὰ καὶ τὸν φυγόμενον

non cum in alium inciderim, qui itidem ex eodem poeta conversus est, annotandum duxi. Est igitur Horatii quidem hic: (h)

Quicunque terrae munere vescimur:

Simonidis vero, *Εὐρύκλεις ὅσοι καρπὸν αἰνύμεθα χθονός.* Qui ex Homero, ut videtur, sumperat: (i)

Εἰ δέ τις ἐστὶ σποδῆς, οἱ ἀρούρης καρπὸν ἔδωκε.

Reperitur autem Simonideus apud Platonem in Protagora, & apud Plutarchum in commentario De communibus

F 4

nibus

(e) Nonius 3. Temulentia. (f) Nonius v. coagulum. (g) Scholiis in Hor. L. 3. Car. 2. [h] L. 2. Od. 14. [i] Iliad. 6. vers. 142

nibus notionibus adversus Stoicos: sed lacer & mutilus. Utinam exstarent veterum illorum lyricorum poemata. Non dubito, quin propemodum omnia ornamenta, quibus Horatius splendet, ab eis corrogata esse constaret.

*Sententiae cuidam Ovidianae allata similis
ex Euripide.*

C A P. X.

OVidius in epistola (k) quadam earum quas scripsit exul, cum multa incommoda collegisset, quae in tali fortuna obstarent sibi carmen pangere cupienti, illud etiam ponit, quod tristitia & maerore confectus esset, cum carmina sint opus hilarae mentis, serenoque, ut ipse loquitur, animo deducta proveniant. Idem autem multis ante saeculis dixerat & Euripides: addideratque hanc causam: quod qui domesticis ac propriis doloribus angitur, alios delectare non possit. Sed praestat, ut versus quibus ea sententia continetur, ascribam. Sunt autem *ικετήν*: (l)

Τόν θ' ὑμναποιδὸν αὐτὸς ἂν τίκῃ μέλη,
Χαίροντα τίκτειν· ἦν δὲ μὴ πάχῃ τότε,
Οὔτοι δύνασιν ἂν οἰκοθὲν γ' ἀτάρῃσιν.
Τέρπειν ἂν ἄλλος. ἴδὲ γὰρ δίκην ἔχει.

Utrum igitur Ovidius ad illa Euripidea respexerit, an idem ipsi, quod illi, in mentem venerit, incertum est. Idem certe uterque dixit.

*Quod Aristoteles in antiquis dicendi magistris
reprehendit, idem Isocrates antea reprehendisse
ostenditur.*

C A P. XI.

Non primus Aristoteles accusavit eos, qui ante ipsum de arte rhetorica scripserant, quod cum una eademque

(k) 1. *Tristium eleg.* 1. (l) *Adrasius Aff.* 1.

demque sit methodus deliberativi generis & iudicialis, illi, relicto eo in quo multo plus inerat dignitatis, tractandarum modo causarum forensium se rationem tradere professi essent, omnesque praeceptiones suas ad id unum genus contulissent. Sed & Isocrates antea idem reprehenderat, insignemque eorum fuisse stultitiam ostenderat, qui arti suae nomen ab ea parte quae odiosissima erat, indidissent: cum tamen artis rhetoricae praecepta nihilo magis ad lites iudiciarias, quam ad quodlibet aliud orationis genus pertineant. Fecerant igitur quod illos potius facere decuerat; qui ei facultati odium conciliare vellent. Qui enim infensi sunt alicui disciplinae, eamque in odium adducere cupiunt; si quid in ea est odiosum ac molestum, ab eo potissimum eam appellare consueverunt: contraque qui eam se aut tenere, aut docere profitentur, solent, quod ipsa in se pulcherrimum ac speciosissimum habet, ex eo ipsi nomen imponere. Utriusque verba, si quis requirit, apponam. Aristoteles igitur ita scribit bibto primo τῆς ρητορικῆς τέχνης. διὰ γὰρ τοῦτο τῆς αὐτῆς ἕσης μεθόδου περὶ τὰ δημογορικά, καὶ καλλίστου, καὶ πολιτικωτέρας τῆς δημογορικῆς πραγματείας ἕσης, ἢ τῆς περὶ τὰ σωμαλλάγματα, περὶ μὲν ἱκεύνης ἔδειν λέγουσι, περὶ δὲ τῆς δικάζουσαι, πάντες περιῶνται τεχνολογεῖν.

Isocrates autem in Oratione adversus sophistas: λοιποὶ δὲ εἰσιν ἡμῖν οἱ περὶ ἡμῶν γενόμενοι, καὶ τὰς καλεμίνας τέχνας γράφαι πολμήσαντες, ἧς ἔκ ἀρετίον ἀνεπιτιμήτες, οἱ τινες ὑπέβησαντο δικάζουσαι διδάξαι, ἱκετεύοντες τὸ δυσχερίστατον ἧς ὄνομα τῶν. ὃ σὺ φρονούντων ἔργον ἡμῶν λέγειν, ἀλλ' ἢ ἧς προσιδάτων τῆς τριαύτης παιδείουσι. καὶ ταῦτα τῆς πράγματι, καὶ ὅσον ἐστὶ διδάκτορ, ἔδειν μᾶλλον πρὸς τοὺς δικαστικούς λόγους, ἢ πρὸς τοὺς ἄλλους ἀπαντας ὠφελεῖν δυναμίσου.

Antiqui quoties die cibum sumpserint.

C A P. XII.

Falsa multorum animos occupavit opinio veteres semel tantum die cibum sumpsisse. Quam ut puto; conceperunt e verbis Platonis, qui in illa nobili epistola ait, displicuisse sibi, quod in Sicilia bis die saturi fierent. Sed aliud est, capere cibum, aliud ἐμπιλάσαι. Ego in Graecorum commentariis reperio, quater die ipsos cibo ac potu corpus reficere solitos: quod etiam hodie multis locis fit apud quasdam transalpinas nationes, primum quidem diluculo. Id vocabant ἀκρατισμον, aut ἀκράτισμα: quod non dilutum, sed merum; ut ait Aufonius, merum biberent: aut etiam διανησιμον, quam vocem una cum re ipsa nostrates retinuerunt. Sequebatur ἄρισον: ita dictum, quod postea oporteret ἀριτεύειν. Inde ἐσπερίσμα: cuius hora erat, cum iam noctesceret, antequam tamen contenebrasset. Postremo δείπνον, aut δόρπον, aut ἐπισόρπισ. Aliter tamen haec ab aliis traduntur, sunt enim, qui tantum tria agnoscant ἄρισον, δείπνον, δόρπον. Et de ipsa δείπνου tempore ac nomine non omnes idem sentiunt: omninoque confunduntur haec apud veteres. In Romanis scriptoribus reperio silatum, sive ientaculum, prandium, coenam, vespertinam. Miror autem; quid sibi voluerint, cum sili vinum concirent: iucunditatem ne aliquam in eo, an salubritatem spectaverint.

Terentianus versus imitatus e Caecilio: Loci cuiusdam e quarta Tusculana vulgata scriptura adversus Nonium defensa. Item eiusdem grammatici alia quaedam improbata. Correetus locus e libro quarto De finibus.

C A P. XIII.

Versus est Terentii, in fabula quae inscribitur Adelphoe, in extremo: (m)

[m] Mitio Scen. ultima.

Quod

Quod proluvium, quae istaec subita est largitas?

cum autem constet, multa sumpsisse eum e veteribus poetis Latinis: non iniuria credi potest, in hoc versu Caecilium imitatus esse, cuius enim est illud ex Hypobolimaeco: (n)

— mea rastroia,

Quod proluvium, quae voluptas, quae te laetant largitas?

Hunc versum citat Nonius exponens, quae sit vis verbi, *laetare*, apud quem tamen, vitio librariorum, Coelius non Caecilium legitur. Sed enim quem ibidem Ciceronis e quarta Tusculana adducit locum, melius in vulgatis libris legi, quam quomodo ipse vult, arbitror; ostendit enim se ita legere, *Voluptati malevolentia laetans malo alieno, delectatio, iactatio, & similia*. Melius autem vulgo legitur, *malevolentia laetans malo alieno*. Non enim dubium est, quin Cicero expresserit Graecum vocabulum, *ἐνχάσπραντα*. Sed multa eo modo & apud Nonium, & apud eiusdem classis alios parum emendate leguntur; quale est illud ex Academicis. (o) *Quid enim serius bonores adhamaverunt*; in quo quis est, qui aliquem sermonis Romani sensum habeat, quin multo malit, *adhamaverunt*? eius generis est & illud quod apud eundem Nonium legitur, (p), *Coniectarium, efficax, perfectum*. M. Tullius De finibus bonorum & malorum lib. IV. *Illud vero minime coniectarium, sed in primis heres illorum*. Haec ille. Sed profecto aut locum ipsum non legerat, aut quid eum hominis fuisse, dicam, nescio, si cum legisset, non animadvertit, *confectarium*, non *coniectarium*, legendum esse: eamque vocem neque efficacis, neque perfecti significationem ullam habere. Utcunque autem sit, praeclare agitur cum quibusdam Grammaticis, quod tam multa eorum qui ab ipsis citantur, auctorum monumenta perierint. Perierant ipsi, nisi illa periissent: Emolumento mihi tamen alicui hoc quoque loco Nonius

[n] Nonius v. largitas. [o] v. adhamare. [p] Lib. 2. Acad.

nus fuit; lumen enim praetulit ad locum illum e libro quarto De finibus corrigendum. Neque pigebit, hoc quicquid est lucelli ac quaestriculi communicare cum ceteris. Ciceronis igitur verba ita in vulgatis libris leguntur: *Illud vero minime consecrarium, sed in primis habes, illorum scilicet nominum gloriatione dignam esse beatam vitam, quae non possit sine honestate contingere, ut iure quisquam gloriatur.* Quare primum miratus sum, quid ita venisset in mentem Nonio, ut in voce, *illorum*, sisteret: curque non aut eam omisisset potius, aut aliquanto longius progressus esset. Deinde attentius cogitanti illud quoque loquendi genus insolens visum, illorum scilicet nominum gloriatione dignam. Etenim, gloriatione dignum, apud Ciceronem reperias: dignum gloriatione alicuius nominis, non videor legisse. Quid plura? coepi suspicari, voces illas duas, *scilicet nominum*, suppositicias esse; & delapsas ex aliquo glossemate, locum occupasse non iam suspicatus sum, sed ita visus videre, ut ea quae cernuntur, oculis inspecto vetere libro, in quo erat, *Illorum scilicet nominum aut Stoicorum gloriatione &c.* Quis enim, qui dubitet, quin totum illud, scilicet! nominum, aut Stoicorum magistri fuerit ἀμυναντων, καὶ ἀπορευντων, & illud, *illorum*, quo referri diceret, ambigentis? comprobavit autem ille, quicumque fuit, exemplo suo Euripidis dictum: posteriorem enim cogitationem habuit sapientiolem. Sed & in eodem libro scriptum erat paulo post, quod non possit, non, ut in aliis, quae non possit. Quare ἀναμνηστικῶς. Ita legendum est: *Illud vero minime consecrarium, sed in primis habes illorum: gloriatione dignam esse beatam vitam: quod non possit sine honestate contingere ut iure quisquam gloriatur.* Atque hoc ita esse, magis, qui magis consideraverit, iudicabit.

*Theriacam olim bibi solitam, verum non videri
emendatus Varronis locus.*

C A P. XIV.

Profecto quo quisque plus auctoritatis habet in literis, eo sollicitus ac circumspectius cavere debet, ne quid sibi, quod parum exploratum habeat, excidere patiatur. Nam leves ac contempti homines, cum tale aliquid designant, facilis iactura est. Non est uerendum, ne quis eos sequatur duces. Horum ut maximo quisque in pretio est, ita maximo periculo peccat, sed humanus animus novitatis studio ducitur, eius interdum specie illectus, neque satis id quod obiectum est attendens, vana pro veris, pro solidis inania amplexatur. Equidem de Petro Victorio nihil a me, nisi ut de viro summa doctrina praedito, dictum velim. Neque aliter decet: qui non fateri tantum, sed prae me ferre etiam ac praedicare soleam, tantum me ex illius vigiliis cepisse fructus, quantum ex aliis, qui hoc tempore vixerit, neminis. Sed cogor interdum, quod bona ipsius pace ac venia dictum sit, plusculum in eo diligentiae & accuratationis desiderare. (q) Nam quale tandem est, quod de Leda matre Helenes prodidit? eam, Euripidem facere, in leaenam esse conversam: cum in eadem illa tragoedia, unde ipse se mirificam illam metamorphosin eruere putavit, tam saepe legatur, Ledam laqueo sibi elisisse fauces, prae dolore quem e filiae dedecore perceperat. Sunt enim hi versus in ipsa embasi: (r)

ΕΛΕ. ἀπαλώμεθα. θεῖσας δ' ὅτι κόρη;

ΤΕΥ. Λήδαν ἔλεξας; ὄχι γὰρ θανῶσα δῆ.

ΕΛΕ. Οὐπω γινέσθης αἰχρὸν ὥλεσε κλέος.

ΤΕΥ. Φασί, ἐρόχω γ' ἀψάσαν εὐγενῆ δέην.

Ita-

(q) Lib. 13. cap. 18. (r) Helena Act. 2.

Itaque Helena ipsa paulo post mala sua percensens, ita de matris morte loquitur (1)

Λήδα δ' ἐν ἀγχόραις
Θάψτον ἔλαβεν αἰχρῶ-
νας ἱμᾶς ὑπ' ἀλγέων.

fic enim legendum puto & chorus ἐπαϊάζων.

Μάτηρ μὲν ὄρχεται.

locum autem illum, quem ipse de Leda accepit, de Calistone accipiendum esse, vel caeco appareat. Quid, quod in primo de Oratore, *actionibus*, siue ullo certo argumento, legi voluit? ubi noster postea Duarenus, *creationibus*, legendum esse demonstravit. Ac sunt sane in illis Variarum lectionum libris eiusmodi plura, quam vellem. Valde enim eius viri gloriae faveo. Sed quod libro 1. (1) de theriaca prodidit, id, quia errorem obii-cere alicui potest, dissimulandum non videtur. Ait enim theriacam videri olim bibi solitam: quare necesse esse, ut tum liquidior fuerit: hoc enim tempore crassiores ac duriores conformari. Hoc elici ex verbis M. Varronis, quae leguntur apud Nonium, e libro De liberis educandis. Sunt autem haec: *Vel maxime illic didici, & sitienti, theriacam, mulsum, esurienti, panem cibarium, siliagineum: & exercitato somnum suavem*. Non, ita vivam, possum satis mirari, hoc Victorium, telem ac tantum virum, dixisse. Primum enim ubi tandem verbum unum de ista liquida theriaca legerat? nam nostram quidem, quae, ut opinor, & veterum fuit, cuiusmodi sit, omnes agurtae ac pharmacopolae sciunt. Deinde cum constet, ibi Varronem vulgares, & plebeios cibos lautis & opiparis opponere: quaero, cui se hoc probare posse speraverit, tenues olim & egenos homines, ut panem cibarium esse, ita theriacam, amaram videlicet quandam & tristem potionem, bibere solitos. Quam quidem cuicuiusmodi fingas, oportebit, ut reor, pluris
veni-

1] Chor. Act. 1. [1] Cap. 22.

venire, quam mulsum, quasi vere aquam gratis sumere non praestiterit, quam emere quod torqueret. nam si amarum aliquid e medicinis quaerebat, quod mulso opponeret; debuit sane eadem ratione filigineo pani opponere, non panem cibarium, sed agaricum, aut colocynthidas. Et quod senseram de illo Varro-
nis loco, antequam Victorius Variarum lectionum libros ederet: idem nunc quoque sentio: idque nunc aperiam, ut ex contentione, utraque verior sententia sit, existimetur. Puto igitur ita legendum esse: *Vel maxime illic didici, sitienti videri acam mulsum, esurienti panem cibarium filiginum, & exercitato somnum suavem.* Nam e duabus vocibus, sitienti videri, suspicor factum ab imperitis librariis *sitienti teri*. Acam autem pro, aquam, antiqua scriptura est: ut loci pro loqui: coad, pro quoad: cotidie pro quotidie. Hoc igitur dicet Varro, se illic didicisse, sitienti videri aquam mulsum, quae coniectura si cui displicet, ipse meliorem afferat. Quidvis certe potius, quam ut illam liquidam theriacam forbeamus. Crediderim autem, Varronem, cum illa scriberet, respexisse ad hunc locum Xenophontis e primo παιδείας. εἰ δὲ τις αὐτὸς ζῆται ἢ ἐδίειν ἀνδρῶς, ὅταν καρδαμὸν μόνον ἔχωσιν ὑπὸ τῷ στήθεϊ, ἢ πίνεν ἀνδρῶς, ὅταν ὕδωρ πίνωσιν. ἀναμνησθήτω. πῶς ἡδὺ μὲν μάλα καὶ ἄριστον πενῶντι φαγεῖν, πῶς δὲ ἡδὺ ὕδωρ διψῶντι πίνειν. Eo magis, quod alium locum reperio ex eodem Varronis libro, qui ex eodem Xenophontis conversus est. Xenoph. (u) αἰσχρὸν μὲν γὰρ ἔστι καὶ νῦν ὅτι πέρσαις, καὶ τὸ ἀποπύειν, καὶ τὸ ἀπομύηκας, καὶ τὸ φύσας μεσοῦς φαίνεσθαι. Varro: Persae propter exercitationes pueriles modicas, eam sunt consecuti corpore siccitatem, ut neque spuerentur, neque emungeretur, sufflatoque corpore essent.

Sen-

*Sententia quaedam Horatii ab Arato prius
prolata ostenditur.*

C A P. XV.

Quod Horatius in Odis elegantissime cecini, cum ostenderet, quanta facta esset ad hominum nequitiam accessio, quasque vaticinaretur, eam maiorem assidue factum iri videndum est, num ex Arato sumpserit. Certe ut hic noster dixit, ab avis deteriores esse profeminatos patres, se deinde editos nequiores patribus, ac liberos etiam corruptiores a se procreatum iri: ita Graecus ille Iustitiam fecerat, cum argenteae aetatis mortales alloqueretur, exprobrantem iis, quod tantopere degenerassent a patribus, simulque praedicentem, fore, ut tamen perditiores etiam liberos gignerent.

Οἷν, inquit, χρύσειοι πατέρες γενεὴν ἐλίποντο
Χειροτέρην, ὑμῖς δὲ κακώτερα τῆξεσθε.

a quibus non ita multum abludunt Horatiana illa: (x)
*Aetas parentum peior avis tulit
Nos nequiores: mox daturos
Progeniem vitiosiore.*

Princeps autem Homerus, tot ante saeculis, materiam hisce sententiis dederat, cum sapientissimam deam introduxisset dicentem, paucos filios patrum similes evadere, deteriores plerosque paucos praestantiores. (y)

Παῦροι γὰρ τοὶ παῖδες ὁμοῖοι πατρὶ πέλοντι.

Οἱ πλείονες κακίως, παῦροι δὲ τὴν πατρὸς ἀρείως.

*De loco quodam e quarto Eneidos adversus
Servium.*

C A P. XVI.

*Nam quia nec fato, merita nec morte peribat,
Nondum illi flavum Proserpina vertice crinem
Abstulerat, Stygioque caput damnaverat Orco.*

Hos

(x) Lib. 3. Car. Od. 6. (y) *Μινέρτα* 2. *Odys.* 276.

HOS e quarto Aeneidos verius Servius grammaticus oscitanter interpretatus est: ita enim scribit: Trahit hoc de Alceſti Euripidis, qui inducit Mercurium ei comam ſecantem, quia fato peribat mariti. Sed apud Euripidem nulla proriſus, hac quidem in re Mercurii mentio eſt. Introducitur quidem Mors, quae ſe veniſſe ait, ut illi optimae mulieri crinem ſecet: neque tamen id fieri ait, quod illa mariti fato peritura eſſet. Quin oſtendit, eum ſecari ſolitum eis omnibus quibus fatalis adveniſſet dies. Univerſe enim pronunciat, eum ſacrum eſſe diis manibus, cuius ipſa crinem haſta libaverit. Ita enim loquitur: (a)

Στείχω δ' ἐπ' αὐτὴν, ὡς κατέρξομαι ξίρει.
 Ἰερὸς γὰρ ἔστω τῷ χτ' ἕλονός θεῶν,
 ὅτε τὸ δ' ἔγχε' κρατὶς ἀγνίσῃ τρίχα.

Haec igitur apud Euripidem ὁ Θάνατος loquitur: qui tamen illic quoque, librariorum vitio, falſo eſſe putatur Charon.

Proverbium quoddam ab illo ſcriptore qui tam multa alia collegit, praetermiſſum.

C A P. XVII.

MUltae variae lectionis hominem, qui memoria noſtra ex utriusque linguae ſcriptoribus tantam vim collegit proverbiorum, fugere quaedam, & quidem illuſtri in primis loco ſita: quod quidem mihi nonnunquam pervideri mirum ſolet. Nam, ſi omiſſa eſſent, quae vel e raris inventu, vel obſcuris & ignobilibus libris petenda erant, minus mirum foret: at vero praeterita eſſe, quae & in promptu poſita ſunt, & apud praetantiſſimos auctores legantur, id vero iuſtam, ut opi-

G

nor,

(a) *Al. r.*

nor, admirationem habet. Ex hoc numero est, quod apud Ciceronem legitur, *familiam ducere*: eo enim pro-
 verbio homo eloquentissimus utitur, cum praecipuum
 aliquid significat, quodque principem in re quapiam
 obtineat locum. Ter autem id me legere memini.
 Primum in epistola qua C. Trebatium Testam com-
 mendat Caesari. Nam cum eum multis laudibus affe-
 cisset, ad postremum addit. *(b) Accedit etiam, quod fami-*
liam ducit, in iure civili singularis memoria, summa scien-
tia. Quibus verbis significavit, hanc primam & prae-
 cipuam Trebatii esse laudem: caeteras ei cum multis
 fortasse communes: hoc esse ipsius paene proprium bo-
 num: Deinde libro quarto De finibus: ubi Catonem al-
 loquens: *Sed proprium illud*, inquit, *vide: gravissimam*
illam vestram sententiam, quae familiam ducit, honestum
quod sit, id esse solum bonum, honesteque vivere, bonum finem:
communem fore vobis cum omnibus, qui in una virtute con-
stituunt finem bonorum. Et quinta oratione in Antonium:
Lucius quidem frater eius, utpote qui peregre depugnavit,
familiam ducit.

*In bonorum comparatione dissensio inter Platonem
 & Aristotelem indicata.*

C A P. XVIII.

INter multas ac varias bonorum divisiones quas ab
 antiquis sapientibus accepimus, haec quoque tradita
 est. Bonorum partim suapte tantum vi expeti: neque
 usquam alio referri: alia & per se, & aliorum causa,
 quae ex ipsis efficiantur: nonnulla etiam, cum in se
 nihil expetendum habeant, aliorum modo gratia amari.
 Primi generis est voluptas. Neque enim eam propter
 aliud expetimus, ipsa per se, a quocunque sentiri potest,
 ei

(b) Lib. 7. ep. 5.

ei desiderium incutit sui. In secundo ordine sensus collocari licet, quos & per se, & propter vitae commoditates diligimus: Sed & valetudinis ac virium firmitas eundem in numerum coniici potest. Tertiae, ut ita dixerim, classis sunt laboriosae exercitationes corporum, sectiones venarum, adustiones quarundam partium, amarorum medicamentorum sumptiones: quae omnia, & eodem de genere alia, eo tantum expetuntur, quod ad aliud quippiam conducere putentur. Hac igitur tripartita distributione proposita; utri superiorum generum debeatur principatus, (nam tertium quidem in hoc se certamen non offert) non convenit inter principes philosophorum: Plato enim principio secundi πολιτεῶν Socratem ei generi, quod secundo loco posuimus, τὰ πρῶτα adiudicantem facit. quod enim duobus nominibus expetitur, melius esse, quam quod uno tantum. At Aristoteles a magistro dissentiens, id summe bonum esse definit, quod tantum propter se nullo autem modo propter aliud expetatur. Finem enim omnium optimum esse. Itaque ut in quodque ὁ τῷ τέλει λόγος maxime conveniat, ita id optimum ac praestantissimum esse. Finis autem proprium est, cum ad eum pertineant cetera, ipsum nusquam alio dirigi. Hunc nodum dissolvent ii, qui Platonem & Aristotelem ubique συμφωνεῖν volunt. Ego quidem, quid mihi tenendum sit, non valde dubium habeo.

*De loco quodam ex Oratione in Pisonem adversus
Petrum Victorium.*

C A P. XIX.

Recte emendatus est locus Ciceronis ex Oratione in Pisonem, ubi de rationibus a Pione ipso ad

aerarium relatis agitur, & Plautinus hic è Trinummo versus adducitur, (c)

Ratio quidem hercle apparet: argentum οἷχεται.
nam quod Budaeus, deceptus corruptis antiquae scripturae vestigiis, putavit, legendum esse, (d) *Ratio quidem hercle apparet: argentum decoctum οἷχεται:* id ipsa carminis ratio manifesto repudiat. Tota enim illa pars apud Plautum trimetris iambicis constat; qualis hic quoque est: qui plane corrumpetur, si vocem illam inferferis. Quare non illi peccarunt, qui eam sustulerunt: sed ii peccant, qui peccasse illos putant. Nam quod Petrus Victorius (e) (is enim se corruptae illius scripturae defensorem professus est) pro firmo ac solido argumento attulit, Graecos veteres semper adiungere eo modo participium aliquod ad verbum οἷχεται: miror equidem, homini accurate & diligenter versato in Graecis litteris, earumque, ut res ipsa loquitur, in primis intelligenti, quicquam ita perspicue falsum excidisse. Neque vero nego, id eos interdum ac saepe facere: sed interdum etiam, ac non minus saepe aliter eo verbo uti, sexcentis exemplis, si opus sit, me docere paratum esse profiteor. Aliquot proferam: ne Victorii auctoritas quempiam inducat.

Homerus: ὦς μὲν Τηλεμάχῳ ὁ μὲν οἷχεται· ἐδὲ οἱ ἄλλοι
Εἴς, οἷκεν χεῖρ' ἄλκιμον ἀλάλοισιν κακότητα.

Aeschylus: Τοῖόνδ' ἀνθ' ὑπὲρ πείσιν αἴας
Οἷχεται ἀνδρῶν.

Sophocles: Ἰδ', ἰδ', δύστην' οἰχομαι τάλας.

Theognis: ὄχεται μὲν πέντε μεγάλη θεός.

Euripides: Μάτηρ μὲν οἷχεται. (f)

Δίδυμοί τε Διὸς ἐκ ἐν- (g)
δαιμονεῖ τέκεα φίλα.

Idem

(c) *Scaevius Sc. Minus q.* (d) *An. in Pand. de off. Quaest.* (e) *Lib. var.*
24. c. 5. (f) *Helena.* (g) *Gher. Alf. 1.*

Idem : Νεφέλης λέγεις ἄγαλμα ; ἐς αἰθέρ' οἷχεται .

Idem : Ἀλλ' ἰξιδραμον . καὶ πόλις ῥῶ' οἷχεται ,
Ψυχὴ δ' ἰσώθη .

Idem : Βέβακα δύσποτμος . οἷχομαι

Ατάλαινα' ἃ δυσυχέςατώ προσέπεσα κλήρω .

Plato Parmenide : ἄρτι γὰρ ἐνθέγδε οἰκαδὲ οἷχεται . Idem

Hippia maiore : ἰκεῖνο ῥῶ' τοίνυν οἷχεται , τὸ διωατὸν τε καὶ
χρησιμον ἀπλῶς εἶναι καλόν . Aristophanes : Αὕτη ῥῶ' ἡμῖν

ἢ πίτριπτος οἷχεται . Aristoteles : Ἀλλ' οἷχεται τὸ ἐν καὶ

τὸ ὅλον ἐκ τῆς θεωρίας . Lucianus : δις κατηγορημένῳ Ἀόκνον

καὶ αὐτίκα μάλα παρεάγει σωτερόντα τὸς χρητινὰς , ἢ οἷχεσθαι

οἱ τὴν δόξαν τῆς τέχνης . Plutarchus , περὶ σωϊκῶν ἐναντιω-

μάτων . Οἷχεται γὰρ ἡ τάξις , εἰ πάντων ἐν πᾶσι μεταλαμβάν-

ειν δέήσει . Sed mihi facile fuerit vel iustae magnitu-

dinis librum ex eiusmodi exemplis conficere : nisi sic

quoque verear , ne qui haec legent , in re satis aperta

plus satis immoratum esse me iudicent cuius tamen

rei in me culpa non haeret : non enim qui diligenter

falsa convincit , sed qui indiligenter ea pro veris pro-

dit , culpandus est .

Horatiana quaedam ex Greco ducta .

C A P. XX.

L Egebamus Tibure, aestivis mensibus , a prandio ,
dum se calor frangeret , vitandi somni causa , &
διαγωγῆς χάριν , Odas Horatii , easque libentissime , quae
de vetere illius loci salubritate atque amoenitate loque-
bantur : ac , si quid veniebat in mentem , quod aut e
Graecis effictum , aut exquisitius dictum , aut denique
ab eius poetae interpretibus praetermissum , neque ta-
men cognitu indignum , videretur , id pro suo quis-
que captu , quasi symbolas quasdam , amice & simplici-
ter in medium conferebamus . Atque ex illis colloca-

tionibus excerpta pleraque in his libris leguntur. Quale est hoc, quod cum recitata essent illa, (b)

Quem tu Melpomene semel

Nascentem placido lumine videris :

& quae sequuntur : dixi, ea mihi videri expressa de sententia quadam Callimachi, qui in epitaphio patris sui posuit, quos Musae pueros aspexerunt, eos per totam vitam Musis amicos manere ; (i)

— μῦσαι γὰρ ὅσους ἴδον ὁμιῶντι παῖδας,

Ἄρξαι εἰς πολλὰς ἔκ ἀπέθεντο φίλους.

Venit & ex eo in mentem, quod ex vetere quodam refert Eustathius, quos non aspiciunt Musae, eis Circes pocula exitio esse (k) οὗς ἔφροστροῶσιν αἱ μῦσαι, τούτους ποτῶν δηλήσατο Κίρκη. Sed & illud quasi praetereuntes notavimus, quod in eodem illo epigrammate est,

ὁ δ' ἦεν σὲν κρείσσειν βασκανίης,

consimiliter locutum videri Horatium quodam alio loco, ubi se invidia maiorem vaticianatur fore,

[h] Lib. 4. Car. Ode 3. [i] Ep. 27. in Battum. [k] in Odyss. 20.



MARCI ANTONII MURETI
AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER QUINTUS.

Insularum fortunatarum descriptio, & situs.

C A P. I.

Proditum est a veteribus poetis, esse quasdam in Oceano insulas, ad quas post mortem deferantur eorum animi qui sancte religioseque vixerint. Ibi eos inter se iucundissime ac suavissime vivere, in amoenissimo quodam prato, quod gemmea florum oculis naribusque gratissimorum varietate perpetuo distinctum picturatumque sit. Nunquam non illic nitere caelum, frondere arbores, pubescere herbas, ridere omnia. Spirare assidue mollissimos Favonios, quorum flabellis arborum comae leniter ventilatae, placidissimo murmure auribus blandiantur. Eo accedere innumerabilem vim ac copiam immortalium avicularum, quae usque & usque liquidissimos cantus tenui gutture funditantes, intimos audientium sensus incredibili voluptate permulceant. Pratum ipsum perennibus rivulis varie intersecari, quorum aquula nitidissima ad versicolores lapillos molliter fracta & alisa susurrum efficiat dulcissimum. Ita, qua flosculorum ambrosios odores exhalantium suavitate, qua Zephyrorum viridantibus arborum ramis illudentium sibilo, qua volucrum concentibus,

qua blando murmurantium rivulorum strepitu beatas illas mentes continenter hilarari. Ergo alios ad Orphei, Amphionisve lyram choreas agere, alios psallere, alios corollas texere, alios in herba fusos, qua tellus tremulis laurorum ac myrtorum opacatur umbraculis, iucundissimos sermones conferere: humum ipsam opum suarum prodigam, sine ullo cultu, ter quotquot annis, ubertate summa alimentorum copiam eis suggerere ac subministrare. Haec aliaque similia de insulis illis poetae, ut dixi, fabulantur. Sed de earum situ non idem ab omnibus traditur. Nam cum plerique omnes, Homerum secuti; (1) eas in Hispaniae finibus collocent: non desunt tamen qui Indiae vicinas esse dicant. In primis autem mihi visum est admirabile & absurdum, quod apud Graecum quendam grammaticum repperi, eas in Britannia esse. Talem enim quendam fabulam narrat. Esse in littore eius maris quod insulam Britanniam alluat, homines quosdam piscibus capiendis visitantes: qui Francis quidem pareant, neque tamen sint vestigales. Ii nonnunquam in edibus suis dormientes, audiunt vocem, qua inclamantur, sentiuntque, pro foribus adesse multitudinem quandam hominum summa cum hilaritate plaudentium, expergefacti autem, & domo exeuntes, neminem quidem conspiciantur: naves tantum quasdam reperiunt, non suas; quas, ex ipso strepitu, vectorum plenas esse intelligunt, subeunt igitur illas, & ex consuetudine, remigant Britanniam versus. Et quo alioqui ne velis quidem passis, secundo vento, suis navibus pervenire breviorē quam quatuor & viginti horarum spatio solent: eo tum unica, eaque non longa remigatione deferuntur ibi incognitos illos vectores exponunt cumque neminem omnino videant, sentiunt tamen ingentem concursum fieri ad litus, hominum congratulantium iis qui recentes venerunt, eos-

quæ

[1] *Odys.*

que maxima cum laetitia excipientium. Audiunt etiam eos inter se humanissime consalutantes: cum alius alium proprio nomine, alius a tribu, alius ab artificio, alius etiam gentis ac cognationis nomine appellet. Tum iisdem illius navibus conscensis, qua celeritate venerant, eadem revehuntur domum. Quinetiam a quodam historiae scriptore proditum est, C. Iulium Caesarem eo aliquando una triremi cum centum hominibus delatum: cumque incredibili loci amoenitate captus, sedes ibi capere vellet, ab illis *antiquis* incolis invitum & reluctantem eiectum esse.

Tibulli versus illustratus.

C A P. II.

Superiore anno edidi scholia quaedam in Tibullum, &, quantum licuit per angustias temporis, perque occupationes quibus distinebar, operam dedi, ut mea industria poeta ille & emendatius legi, & minore negotio intelligi posset. Multos enim locos depravatos restitui, obscuros declaravi, non nullos etiam, qui integri putabantur, mancos ac mutilos esse indicavi: ne quem obducta forte cicatrix falleret. Sed, inter cetera, cum versus illi e libro secundo ita legeretur, (m)

Ludite. Iam Nox iungit equos: currumque sequuntur

Martis lascivo sidera fulva choro:

admonui non *Martis*, sed *Matris*, legendum esse ipsam enim Noctem, matrem siderum dici. Hoc nullo testimonio confirmandum ratus sum: quod neminem putabam ita stolidum fore, qui non statim illius emendationis bonitatem ac veritatem perspiceret. Nunc, cum videam, reperiri quosdam usque eo *stultos* ut negent, satis lepide dici posse Noctem siderum matrem: ideoque ad illam vulgatam scripturam defendendam inepta quaedam

dam de Martis fidere comminiscantur: visum est testi-
 ri primum in libro vetere, qui penes me est, *Matris*,
 non *Martis*, legi: deinde ita etiam locutum Euripidem
 ac noctem siderum nutricem vocasse. Ita enim apud
 eum *Electra* loquitur: (n)

Ἡ νύξ μίλαινα, χροσίων ἄστρον τροφέ. id est:

Nox aureorum furua nutritrix siderum.

sed & alia quae idem confirmarent, afferre quamlibet
 multa possem: nisi hoc satis superque fore arbitrarer.

*Virgilii versus, in quo Ciceronem imitatus
 videri potest.*

C A P. III.

Multa sumpsisse Virgilium non a poetis modo,
 qui ante ipsum fuerant, verum etiam ab iis, qui
 soluta oratione scripserant, notum est. Quare facile cre-
 diderim, versum illum e secundo *Aeneidos*, (o)

Quanquam animus meminisse horret, luctuque refugit, e
Cicerone imitatum esse. Ita enim ille oratione XIII.
in Antonium scripserat: Refugit animus P. C. eaque for-
midat dicere, quae L. Antonius in Parmensum liberis & co-
niugibus effecerit.

Platonis in Hippiam maiore emendatus locus.

C A P. IV.

A pud Platonem in *Hippiam maiore*, cum sophistes
 ille de cuius nomine dialogo impositum nomen
 est ter iam καλὸν definire conatus esset; neque tamen
 attulisset quicquam, quod non Socrates falsum & absur-
 dum esse docuisset: ita denique loquens inducitur. Po-
 nam autem verba Platonis, ita ut vulgo leguntur: dein-
 de *Marsilii* interpretationem subtexam: tum demum,
 quia ea depravata esse existimo, ostendam, quomodo

corri-

[n] *Electra* Act. 1. [o] *Vers.* 12.

corrigenda, quoque modo interpretanda videantur ;
 Platonis igitur haec sunt : *Ἰπ. Εγὼ σοι ἱρῶ. ζῆτεῖν γὰρ μοι*
δοκεῖς τοιοῦτον τι τὸ καλὸν ἀποκρίνασθαι, ὃ μηδέποτε αἰσχρὸν
μηδαμῶς μηδενὶ φανέται. Σω. Πάνυ μὲν οὐκ ᾧ ἱππία, καὶ
καλῶς γε νῦν ὑπολαμβάνεις ἄκουε δὴ, πρὸς γὰρ τὸτο ἴδι ἰα-
τὶς ἔχη ὃ, τι ἀντεῖπῃ, φάσσι ἐμὲ μὴδ' ὅτιον ἰπαινεῖν. λέγει
δὴ ὡς τάχιστα πρὸς θεῶν. Quae Marsilius ita interpretatur.
Hip. Dicam equidem. Requiere namque mihi videris
tale quiddam pulchrum respondere, quod nunquam
alicui turpe videri queat. Soc. Omnino o Hippias, recte
nunc accipis. Audi modo, & vide si quis contra hoc
obicere possit, dicereque nihil me laudare posse. dic,
per deos, cito. Ego vero primum male distinctam esse
personis orationem existimo: deinde, non ἰπαινεῖν, sed
ἐπαίνω lego. Describam autem eam tantum partem, in
qua vitium inesse arbitror. Σω Πάνυ μὲν ἔν ᾧ ἱππία, καὶ καλῶς
γε νῦν ὑπολαμβάνεις Ἰπ. Ἄκουε δὴ πρὸς γὰρ τὸτο ἴδι, ἰατὶς ἔχη ὃ,
τι ἀντεῖπῃ. φάσσι ἐμὲ μὴδ' ὅτιον ἐπαίνω. Σω. λέγει δὴ ὡς τάχιστα
πρὸς θεῶν. Iam totum locum hoc modo interpretetur. Hip.
Ego dicam tibi videris enim mihi quaerere, quomodo
tale aliquid pulchrum esse respondeas, quod nullo un-
quam modo cuiquam turpe esse videatur. So. Plane o
Hippias. Recte tu quidem nunc putas. Hip. Ausculta
igitur. Adversus id enim, quod nunc afferam, si quis
quod dicere possit habeat, scito me fassurum nullius
me omnino rei narum atque intelligentem esse. Hanc
ego interpretationem verioremi puto. Cum autem &
Platonis auctoritas tanta sit; & Marsilii conversio me-
rito ab omnibus magni fiat: non male mihi operam na-
vare videor, cum, quae minus bene ab eo reddita pu-
tem, indico. Neque vero id facio, quod de ipso pa-
rum magnifice sentiam. Potius ex eo intelligi volo,
eum a me in bonorum & eruditorum interpretum nu-
mero haberi. Nam ni ita esset, nunquam sane ipsum
tanti facerem, quid bene aut male vertisset.

Emendatus locus e Ciceronis agrariis.

C A P. V.

Ciceronis in Rullum haec verba sunt, ubi eum cum Cn. Domitio comparat: (p) *Ille quod dari populo nullo modo poterat, tamen quodammodo dedit; hic, quod adimi nullo pacto proterat potestate, quadam ratione eripere conatur.* Quae si emendate leguntur, necesse est, ibi Cicero dixerit *potestate*, id quod alibi, *pro potestate*, aut, *per potestatem*, dicere consuevit. Sed ego quidem eam scripturam vitium in se continere arbitror: neque admodum dubito, quin ita legendum sit: *Hic, quod adimi nullo pacto poterat, potestive, quadam ratione eripere conatur.* Nondum tamen mihi contigit quemquam veterem librum videre, qui coniecturam meam confirmaret. Sed facile in eo labi potuisse librarios, nemo, ut opinor, non videt.

*Plautinae Stichii principium emendatum,
& distinctum.*

C A P. VI.

CUM multa mihi impedimento sint, ne possim Plautum a me emendatum tam cito, quam speraveram, edere; constitui interea inspergere libris meis non nullos eius poetae locos, eosque quomodo legendos arbitrer, exponere: ut & aliquem gustum dem conatus mei, &, iuxta praeceptum Hesiodi, *σμικρὸν ὅτι σμικρὸν κατὰ μέρος* paulatim totum opus absolvam. Neque vero me pigebit, Apellis exemplo, si quis quid monuerit, in quo peccasse videar, errorem corrigere, & quod rationi magis consentaneum videbitur, id amplecti. Quin id ab eruditis & harum rerum intelligentibus hominibus in magni beneficii loco etiam atque etiam peto, ut quantum libertate, tum moderatione alienos a me errores detegi

(p) Oras. 2. non longe a principio.

detegi vident, eadem ipsi meos detegant : ut sine ulla maledicentia studia harum vere ingenuarum artium adiuventur . Nunc igitur principium Stichi , quod in omnibus libris corruptissime legitur, describam ita, uti legendum censeo. In quo optima fide affirmare possum, vuculas aliquot, quas sustuli, auctoribus antiquis libris esse sublatas . In ordine ipso verborum , & in versibus distinguendis, fateor , me coniectura tantummodo esse usum . Cum enim quidam homo eruditus tradidisset , versus illos esse numeris permistis , *πριμῆτος, & διμῆτος ἀκαταλήκτους, καταληκτικούς, & βραχυκαταλήκτους.* putavi hanc confessionem potius quandam esse ἀμνηρίας, quam certī atque explorati iudicii professionem . Itaque qui omnes senarios esse crederem, ita distinxī :

PANEGY. *Credo ego miseram fuisse Penelopam soror ,
Ex animo, quae tamdiu suo caruit viro .
Nam nos eius animum de nostris noscimus .
Quarum viri nunc hinc absunt : quorumce nos
Negotiis , ut aequom est, absentium
Solicitae noctes & dies soror sumus .*

PINAC. *Semper nostrum officium nos facere aequomst: neque
Id faciemus magis, quam nos pietas monet .
Sed hic mea soror assis : multa dum volo
Tecum loqui de re viri.* **PA.** *Salvae ne amabo ?*

PI. *Spero quidem, & volo: sed hoc crucior soror:
Patrem tuum, meumque adeo qui unus unice
Ex omnibus perhibetur civibus probus,
Eum nunc improbi officio fungi viri .
Tantas viris qui absentibus nostris facit
Iniurias immerito: nosque abducere
Ab iis vult. hae res vitae me saturant soror:
Hae mihi dividuae & senio sunt .* **PA.** *ne lacruma
Soror : neve tuo id animo fac, tibi quod tuus
Minatur facturum pater . Spes est, cum
Melius facturum . Novi ego illum .* *Istaec ioco
Dicit*

- Dicit . Neque ille mereat Persarum sibi
Montes, qui esse perhibentur aurei, istud ut
Faciatur, quod tu metuis . Et, si faciat, tamen
Minime irasci decet . Neque id immerito eveniet
Nam tertius hic est annus, ut nostri domo
Viri abierunt. PA. Ita ut memoras. PA. cum ipsi intered,
Vivant, valeant, ubi sint, quid agant, ecquidve agant ,
Neque participant nos, neque redeunt. PA. An id doles
Sorum, quia illi officium non colunt suum ,
Cum tuum facis? PA Ita pol. PA. tace sis . Cave audiam
Ego istuc posthac ex te. PA. Nam quid iam? PA. quia
Pol meo animo sapientis officium suum
Aequomst colere, et facere . Quamobrem ego te hoc soror,
Tametsi es maior, moneo, ut memineris tuum .
Et si improbi sint illi, atque aliter nos faciant ,
Quam aequomst, tamen, ne quid malis obnoxiae
Simus, opibus omnibu' nostrum officium nos decet
Meminisse PA. Placet. Taceo PA. At, ut memineris, facito.*
- PA. Nolo ego soror, me credi esse immemorem viri.
Neque ille honores mihi quos habuit, perdidit .
Nam pol mihi grata acceptaque huius benignitas .
Et me quidem haec condicio nunc non poenitet .
Neque est, cur studeam has nuptias mutarier .
Verum postremo in patri' potestate est situm .
Faciendum id nobis, quod parentes imperant'.
- PA. Scio . Atque cogitando, maerore augeor .
Nam propemodum iam ostendit suam sententiam .
- PA. Igitur quacramus, nobis quid facto usu sit .

Quaeso autem, si qui reprehendere haec volent, ut prius
diligenter & accurate considerent . Nolim enim me ita
reprehendi, ut in refutandis temerariis reprehensionibus
novus mihi capiendus sit labor . Hoc quoque Caelius ,
os hominis, non veritus est pro suo vendicare .

Adonin Dianae interfectum.

C A P. VII.

Diana apud Euripidem in Hippolyto coronato, indigne ferens honestissimi adolescentis mortem, cuius culpa omnis in Venere haereat, minatur eam non impune laturam. Nam se quoque interfecturam aliquem, qui Veneri eximie carus sit, ut ipsam pari dolore afficiat. (q)

Εγὼ γὰρ inquit, αὐτῆς ἄλλον ἐξ ἐμῆς χειρὸς,

ὅς αὖ μάλιστα φίλτατος κυροῖ βροτῶν,

τόξοις ἀρπύκτοις τοῖς δὲ τιμωρήσομαι.

quem iocum declarans scholiastes: Sursum inquit, qui putent, obscure significari Adonin. Sed nugari hoc quidem est. Neque enim Dianae sagittis, sed a Marte interfectus est Adonis. Quem igitur dicat, obscurum est. Haec ille. Apollodorus tamen, non malus harum quidem rerum auctor, libro tertio bibliothecae, Ἀδωνίς inquit, ἐτι παῖς ὢν, ἀρτέμιδος χόλῳ πληγῆς ἐν θήραις ὑπὸ σὺός, ἀπέθανε.

Confirmatae duorum locorum Ciceronis emendationes a Petro Victorio factae.

C A P. VIII.

Recte iudicavit Victorius locum illum e secunda Ciceronis Philippica ita legi debere, ut in multis antiquis libris & in Manutianis legitur: [r] *Illam suas res sibi habere iussit, ex xii. tabulis claves ademit, exegit.* Non, ut in aliis, *Causam addidit, exegit.* Nam & Nonius Marcellus aperte id confirmat, qui in libro De varia significatione sermonum, cum dixisset, *exigere idem esse quod excludere;* M. Tullius, inquit, Philippicis lib. 11. *Claves ademit, forasque exegit.* Illud autem, *forasque*

[q] *Att. 5. sub finem.* [r] *Lib. 2. Vat. cap. 29*

vasque, an recipiendum sit, alii viderint. Mihi quidem non displicet, quamvis non legitur in veteribus libris, quos ego quidem viderim. Sed & aliam coniecturam eiusdem Victorii de loco quodam e primo libro accusationis, sive ex actione secunda in Verrem (ita enim liber ille citandus est; non ut a Victorio, qui, accommodans, credo se ad consuetudinem vulgi, septem facit actiones in Verrem, cum sint tantum duae) eam igitur coniecturam non inanem fuisse, idem grammaticus ostendit. Cum enim vulgo ita legatur, (s) *Quod ubi est Philadamo nuntiatum, tametsi non erat ignarus*, &c. Victorius admonet legendum, *tametsi non erat gnarus*. Apud Nonium autem paulo aliter legitur, sed eadem plane sententia nempe hoc modo: *Tametsi erat ignarus*. Has igitur doctissimi hominis coniecturas veteris grammatici auctoritate confirmare, operae pretium duxi.

Emendati loci aliquot e Mostellaria Plauti.

C A P. IX.

A pud Plautum in prima Mostellaria lepidissimum colloquium est duorum servorum, Grumionis rustici, qui, absente sene, herilem filium corrumpi, remque familiarem dissipari doleret: & Tranionis, nequam hominis, qui hero adolescentiori esset voluptatum ac libidinum administer. Sed ea tota pars & in omnibus libris corrupte legitur, & in iis, quos Ioachimus emendavit, corruptissime. Nunc igitur libet locos aliquot emendare: caetera alias cum videbitur. Ubi ergo Grumio ita minitans dicit: (t)

Augebis ruri numerum, genus ferratile:
legendum est:

Augebis ruri numero genus farratile:
genus enim ferratile vocat servos, qui ruri in compedibus

(t) Lib. 10. var. cap. 10. (s) Scen. 1.

bus agerent: atque id genus numero, id est, brevi, nempe cum redierit senex, a Tranione auctum iri ait. Aliquot versibus post ubi ita loquitur Tranio:

Quid tibi, malum, mea, ut quid ego agam curatio est?
legit debet.

Quid tibi, malum, me, aut quid ego agam, curatio est?
ita enim dictum est, ut illud, quid tibi hanc curatio est? ille autem versus,

Meum bonum me, te tuum maneat malum,
a Grumione dicitur, hoc sensu: Non recuso, quominus ego nunc duriter vivam, tu laute & opipare: dum me quidem maneat bonum meum, te vero maneat malum tuum, cum venerit senex. Unum etiam mendum tollam: cetera in aliud tempus reiiciam. In libris Ioachimi ita leguntur hi versus:

Quid est? quid tu me nunc obtuere furcifer?

GR. Pol tibi istuc credo nomen actutum fore.

TR. Dum intercas, sic sit istud actutum sino.

postremus autem eorum ita legendus est:

Dum interea sic, sit istud actutum: sino.

est enim haec oratio hominis praesentia tantum spectantis, futura negligentis: Dum, inquit, interea sic sit, ut nunc est, quid actutum futurum sit, non laboro.

Ciceronis locus conversus e Chrysippo.

C A P. X.

QUOD apud Cicronem libro secundo De naturae deorum, de societate, quam parandi cibi gratia ineat pinna cum parva squilla, e Chrysippo sumptum esse arbitror: eo magis, quod tibi Balbium de stoicorum sententia disputantem facit: ut credibile sit, magnam partem illius disputationis non aliunde potius, quam e Stoicorum libris esse hausam. Sunt autem Ciceronis verba haec: *Pinna vero* (sic enim graece dicitur)

H

Augbus

ambus grandibus patula conchis, cum parva squilla quasi societatem contrahit comparandi cibi. Itaque cum pisciculi parvi in concham hiantem innataverint, tum admonita a squilla pinna morsu, comprimit conchas. Sic dissimilibus bestiolis communiter cibus quaeritur. In quo admirandum est, congressu ne aliquo inter se, an iam inde ab ortu natura congregatae sint. Neque non eam coniecturam adiuvat, quod hanc ipsam societatem exponi facit a Catone libro tertio De finibus: ubi etiam Stoicorum placita defendebat: ut plane videatur hoc Stoicum quiddam esse. Chrysippus autem libro quinto *περὶ καλῆ καὶ ἡδονῆς* ita scripserat: *Ἡ πίννη, καὶ ὁ πιννοτέρης σωεργὰ ἀλλήλοις, κατ' ἰδίαν οὐ διωκόμενα συμμένει, ἢ μὲν οὖν πίννη ὄστρον ἐστίν, ὁ δὲ πιννοτέρης καρκίνος μικρός, καὶ ἡ πίννη διασπασα τὸ ὄστρον ἢ σὺ χάζει, τρωῦσα τὰ ἐπεισόντα ἰχθύδια, ὁ δὲ πιννοτέρης παρὸς αὐτῶν εἰσέλθῃ τι, δάκνει αὐτὴν, ὥσπερ σημαίνων. ἢ δὲ διαχθεῖσα συμμύει. καὶ οὕτως τὸ ἀποληθὲν, ἐνδον κατεδίδοσι κοινῇ· φασὶ δὲ τινες, καὶ συγγενᾶσθαι αὐτὰ ἀντιῶς, καὶ ὥς ἂν ἐξ ἐνὸς ἀνέματος γίνεσθαι.* Neque tantum eo in loco, sed & multis aliis eandem historiam repetierat: ut ostendit Plutarchus in commentario quo quaerit, Terrestriane an in aquis degentia animalia prudentiora sint: his verbis (u) *ὧν ἐπὶ καὶ ὁ πὸ πλείστον ἐξαπαλώσας χρυσόπτε μέλαν πιννοτέρης, παντὶ καὶ φυσικῷ βιβλίῳ καὶ ἡθικῷ προσεδίαν ἔχον.* Plinius quoque postea & Oppianus libro secundo idem prodiderunt.

*Explicatus & emendatus locus è secundo
Epistolarum ad Atticum.*

C A P. XI.

Cicero in quadam epistola libri secundi (x) ad Atticum, cum scripsisset se cupere Alexandriam & reliquam Aegyptum visere, rogat eum postea, ut ad se scribat, quoniam Nepos proficiscitur, cui nam auguratus

tus deferatur: *Quo quidem*, inquit, *uno ego ab istis capi possum*. Addit deinde: *Videte civitatem meam*, sed quid ego haec, quae cupio deponere, & toto animo, atque omni cura φιλοσοφείν? sic, inquam, in animo, sic velle ab initio. Haec igitur verba, *Videte civitatem meam*, quem sensum habeant alius viderit. Manutius ait, esse hemistichium ex veteri poeta in miserabilem civitatis aspectum. Ego locum corruptum esse opinor, ita legendum, *Vide levitatem meam*. Plane enim levitatem quandam & inconstantiam consiliorum suorum tota illa epistola indicat Cicero. Fieri autem potest, ut ex *Vide le*, factum sit, *videte*. Deinde illud, *vitatem*, quod nihil significaret, transierit in *civitatem*.

Virgilii versus ex Aeschilo imitati.

C A P. XII.

PRaecipere ac praesumere oportere sapientem omnia, quae homini acerba & gravia accidere possunt: talique praemeditatione leviora illa, & perpeffu faciliora effici, disputatum est copiose a Cicerone, libro quarto Tusculanarum, allatique versus Euripidis e Theseo, & Terentii e Phormione, quibus id confirmaretur. Virgilius autem Aeneae suo quem omnis virtutis exemplar esse voluit, ut caeteras laudes, ita hanc quoque tribuit; cum eum his verbis de se utentem fecit: [y]

— non ulla laborum.

O virgo nova mi facies, inopinave surgit.

Omnia praecepti atque animo mecum ante peregi

qui quidem videri non immerito possit hoc ex Aeschilo sumpsisse, apud quem Prometheus ita loquitur: (z)

Καίτοι τί φημι; πάντα προὔξισαίμαι

Σκῆθρῳ τὰ μέλλοντ'. οὐδέ μοι ποταίνου

Ἄη· εὐδὲν ἤξει. id est;

H 2

Quan-

(y) 6. Aeneid. vers. 103. [z] Prometheus pag. 32. edit. H. J.

*Quaquam quid aio? cuncta praenovi optime
Futura. Nec ventura calamitas mihi
Inopina quisquam est.*

Ennii hemistichium ex Euripide.

C A P. XIII.

Cicero libro secundo De finibus adversus Epicureos disputans, qui summam voluptatem detractioe, omnis doloris terminabant: *Hoc*, inquit, *dixerit potius Ennius*;

— *nimium boni est, cui nil mali est.*

nos beatam vitam non depulsione mali, sed adeptione boni iudicemus. Quaquam autem non exprimit, ubi id Ennius dixerit: facile tamen crediderim, esse hoc hemistichium ex Hecuba; idque Hecubam ipsam pronunciasse. Apud Euripidem certe infelix anus exemplo suo docet, inania esse bona illa, quae plerumque in animis hominum superbiam pariant. Eum itaque felicissimum habendum, cui nihil eo die obtingat mali. Versus hi sunt: (a)

— κείνῳ ὁλβιώτατος,

ὅτε κατ' ἡμᾶς τυγχάνει μὴδὲν κακόν.

Falsum argumentum allatum esse ab A. Gellio ad ostendendum, inter Platonem & Xenophontem aliquid simultatis intercessisse.

C A P. XIV.

A Gellius libro XIV. (b) noctium Atticarum, aliquot argumenta collegit, quibus doceret, inter Platonem & Xenophontem nescio quid occultae simultatis intercessisse. Multo plura autem, & multo accuratius exposita apud Athenaeum libro vendecimo leguntur. Sed eorum quae posuit Gellius, primus falsum esse,

com-

[a] *Hecuba Talchyb. Act. 3.* [b] *Cap. 3.*

comperit. Ait enim, neque a Platone Xenophontis, neque contra a Xenophonte Platonis ullam unquam factam esse mentionem: cum tamen uterque complurium Socratis sectatorum meminerit. Ego autem, ecquid Plato Xenophontem usquam nominaverit; non sane pronunciare ausim. Apud Xenophontem quidem libro tertio *ὑπομνημονευμάτων*, Platonem nominari video. Narrat enim Xenophon, Glauconem Aristonis filium, qui ad populum verba facere, & rempublicam gerere cuperet, cum annos viginti nondum haberet, saepe ob id delusum, & detractum e suggesto: neque tamen amicorum ac domesticorum precibus a tam temerario incepto eum revocare cupientium obtemperantem, destitisse tandem Socratis auctoritate adductum. Socratem autem ei amicum fuisse ait propter Charmidem Glauconis filium, & propter Platonem. (c) *Γλαύκωνα δὲ, inquit, τὸν Ἀρίστωνος, ὅτ' ἐπεγείρει δημογορεῖν, ἐπιθυμῶν προσατένειν τῆς πόλεως, ἡδέπω εἴκοσι ἔτη γεγονῶς, ὄντων ἄλλων οἰκείων καὶ φίλων, οὐδεὶς ἰδιώματο παῦσαι. ἐλκόμενόν τε ὑπὸ τοῦ ῥήματος, καὶ καταγέλαστον ὄντα. Σωκράτης δὲ ἔνθα ὡν αὐτῷ διὰ τε Χαρμίδην τὸν Γλαύκωνος, καὶ διὰ Πλάτωνα, μόνος ἔπαυσε.* Hoc cum primum scripsi, non memineram, idem a Laertio in Platonis vita notatum esse.

Secundam fortunam difficile ferri, multorum gravium scriptorum testimoniis confirmatum.

C A P. XV.

GRavem admodum sententiam Gobryae Xenophon dedit: quamque quotidiana experientia veram esse declarat. Difficilius videlicet reperiri qui secundam, quam qui adversam fortunam bene ferant. Secundis enim rebus insolescunt plerique homines, & effe-

H 3

nemque

[c] *Xenophon. l. 3. Memorabilium.*

nemque revocantur. Id quod ille expressit his verbis (d)
 Δικαί δέ μοι, ὦ Κύρε, χαλεπότερον εἶναι εὐρεῖν ἄνδρα τ' αγα-
 θὰ καλῶς φέροντα, ἢ τὰ κακά. τὰ μὲν γὰρ ὕβριν τοῖς πολλοῖς, τὰ
 δὲ σωφροσύνην τοῖς πᾶσι ἱμποιεῖ. M. autem Cato ille Censo-
 rius. & si a Xenophonte, ut opinor, non hauserat, ut qui
 a Graecis litteris abhorreret: prope tamen idem dixerat
 in Oratione pro Rhodiensibus. Ex ea enim citantur
 haec: *Adversae res se domant, & docent, quid opus sit factis:*
secundae res laetitia transvorsum trudere solent a recte consu-
lendo atque intelligendo. Itaque non sine caussa dictum
 est ab Horatio: (e)

— bene ferre magnam
 Disce fortunam. &, (f)
 Aequam memento rebus in arduis
 Servare mentem: non secus in bonis
 Ab insolenti temperatam
 Laetitia. &
 Rebus angustis animosus atque (g)
 Fortis appare. Sapienter idem
 Contrabes vento nimium secundo
 Turgida vela.

aliaque multa eodem pertinentia. Non paucos enim
 fortuna, quos adversa non moverat, propitia perculit,
 multisque contingere videmus id quod Tantalo con-
 tigitisse ait Pindarus: quem ait nequiusse concoquere fe-
 licitatem suam (h)

Εἰ δὲ δὴ τιν' ἄν-
 δρα θνατὸν ὀλύμπου σκοποὶ ἱτίμα-
 σαν, ἦν Τάνταλος οὗτος. ἀλλὰ γὰρ κατα-
 πέψα μέγαν ὄλβον οὐκ ἐδυ-
 νάσθης.

Ebrii

(d) Cypri praed. lib. 8, (e) Lib. 3, Cat. Ode 37, (f) Lib. 2, Ode 3, (g) Lib. 2
 Od. (h) Olym. 1.

*Ebrii nomen ad alia quaedam a vino eleganter
trahatum.*

C A P. XVI.

Infatuatum prosperis rerum successibus Cleopatrae ani-
mum eleganter admodum ac significanter expressit
Horatius, (i) cum eam dulci fortuna ebriam fuisse di-
xit. Pari autem elegantia olim Euripides, cum indu-
ceret Electram conquerentem de contumeliis quas pa-
tri suo mortuo imponeret Aegysthus, fecit ipsam di-
centem ea omnia illum Clytaemnestra ebrium facere.
Ita enim loquitur: [k]

Μέθῃ δὲ βρεχθεὶς τῆς ἐμῆς μητρὸς πόσις

Ὁ κλεινός, ὡς λεγούσιν, ἰσθρῶσκει τάρῃ,

Πάτρῳις τε λεύει μνήμα λείνον πάτρῃς.

Sed & Flavius Philostratus in Herodis vita simili mo-
do dixit homines divitiis ebrios. Ita enim scribit: οἱ γὰρ
πλούτῳ μεθύοντες, ὕβριν τοῖς ἀνθρώποις ἐπαυτοῦσιν. Et alicu-
bi Lucretius homines ebrios curis. Quam ad formam
nos quoque haud ita pridem in ode quadam ad Ana-
stasium Iusbertum Melchioris F. adolescentem elegan-
ti ingenio, moribusque optimis praeditum, ita cecí-
nimus:

non didicit modum

Servare, nec se legibus alligat,

Sed semper impermissa quaerit

Immodicò ebria mens amore.

*Horatiana quaedam genera loquendi
Graeco expressa.*

C A P. XVII.

CUM multa & in his libris & aliis loquendi genera
notaverim, quae Horatius a Graecis poetis mutua-

H 4

tus

(i) *Llib. i. Car. Ode 37.* (k) *Electra. AB. 20*

tuus est, videor mihi convenienter instituto meo consuetudineque facturus, si plura etiam notare perrexero. Nam & de meipso coniecturam faciens, hanc curiositatem meam iis qui colunt haec studia, non iniucundam fore duco: & utile puto esse iis, qui pangendis versibus laudem aliquam sibi parare in animo habent, pernoctare, quomodo veteres Latini poetae Graecos loquendi modos in Latinum invexerint: ut ipsi quoque, illorum exemplo, in eodem illo peregrinitatis aucupio elaborent. Ergo quod Nereus Paridi praedicens ea mala quae ob raptam Helenam consecutura erant, quasi iam in re praesenti versaretur ita loquitur: (l)

— ecce furit te reperire atrox
Tydides melior patre:

id quisquis legit, sentit, opinor, quiddam transmarinum Neque in Romanorum consuetudine positum. Nam, *furit reperire*, vehemens quidem, & illustre, & evidētiaie plenum loquendi genus est; sed Latinis non usitatum. Est autem Euripidis, apud quem in Phoenissis, is qui enarrat, quem admodum mutuis se ictibus Eteocles & Polynices interfecerint, ita eos mox pugnatu-
ros describit: (m)

Ἐσαν δὲ λαμπρῶν, χρώματ' ἐκ ἡλλαζάνων,
Μαργῶντ' ἐπ' ἀλλήλοισιν ἰέναι δόρυ. id est:

*Steterunt corusci, vultu eodem quo prius,
Hustam furentes mittere alter in alterum.*

neque non illud ἐλλήνιζες, quod meliorem patre dixit, cum significet fortio-
rem. Ita enim Graeci κρείττονα, aut ἀμείνονα. ut, Μῆδ' ἔθελ' ἰξ' ἐριδς σεῦ ἀμείνοσι φωτὶ μάχεσθαι (n)
& ipse alibi *Cervus equum melior*. Ubi etiam minorem dixit, qui vinoeretur: id est τὸν ἥπτονα.

Bre-

[l] Lib. 1. Car. Ode. 15. [m] *Nuntius Act. 4.* [n] 1. *epist. 10.*

Brevitatem & obscuritatem aptam esse ad terrorem inferendum, aliquot exemplis confirmatum.

C A P. XVIII.

Brevitas loquendi, & sermonis obscuritas imperiosum quiddam habet: ideoque aptissima est minantibus utraque, mirificeque prodest, ad animos eorum quibuscum agimus, perterrefaciendos. Nam ut in tenebris magis timentur omnia, quam in luce: sic illae orationis quasi tenebrae terribiliora reddunt ea quae proponuntur. Idque ut opinor, secuti sunt Lacedaemonii, cum ad Philippum ita scripserunt: (o) *Lacedaemonii Philippo, Dionysius Corinthi*. Multo enim fortior, & ut Lucretii verbo utar, penetratior illa brevitatis fuit, quam si ita dixisset Dionysius, cum aliquando praepotens tyrannus fuerit, uti tu es, nunc tamen regno exutus privatam Corinthi vitam agit. Vide, ne, dum aliorum libertatem studes opprimere; idem tibi quoque contingat. Quae iam non deterrere, sed admonere cupientium fuisset oratio. Neque dissimile illud Demetrii ad Locrenses: (p) *Faxo cicadae apud vos humi canant*. Cum significaret, totam a se illorum regionem devastatum iri. Atoeas quoque Scytharum rex hanc olim epistolam ad Byzantinos misisse fertur: *Nolite vestigalibus meis detrimento esse, ne equae meae ad vos aquatum eant*. Idanthuras autem qui & ipse Scythis regio imperio praefuit, multo etiam obscurius. Nam ad Darium, qui Istrum traiecerat, litteras quidem, quibus ei minaretur, misit nullas, sed pro litteris symbolum hoc: *murem, ranam, avem, sagittam, aratrum*. Cumque haec in Darii castris aliis aliter interpretaretur: Orontopagas tribunus militum censuit significari, eos omnium rerum deditionem esse facturos.

Do.

(o) *Plutarchus de garrulitate*. (p) *Stesichoro tribuit Arist. 2. rhet. Dionysio Demetrius Phil.*

Domorum : hoc murem innvere . Aquarum, aeris, armorum, regionis: harum symbola esse, ranam, avem, sagittam, aratrum . At Xiphodres longe alio modo interpretatus, Nos vero, inquit, quantum haec symbola ostendunt, nisi aut terram subeamus, ut mures: aut aquam, ut ranae: aut evolemus, ut aves: non effugiemus ipsorum tela. Neque enim terrae quam ipsi arant, domini sumus. Hoc Pherecydem Syrum narrare, ait Clemens Atexandrinus. Herodotus autem in Melpomene hanc ipsam historiam aliquanto aliter narrat. (q).

Locus Virgilii aliter, quam a Servio & Macrobio expositus.

CAP XIX.

Excessere omnes, adytis, arisque relictis, [r]

Di, quibus imperium hoc steterat.

HOS versus, qui ab Aenea in secundo Aeneidos proferuntur, Servius, & post eum Macrobius referendos censuerunt ad veterem quandam Romanorum consuetudinem, qui cum obsiderent urbem hostium eamque iam capi posse confiderent, certo carmine evocarent tutelares illius deos: quod aut aliter urbem capi posse non crederent: aut, etiam si posset, nefas existimarent, deos habere captivos. Ego autem cum iis qui hanc opinionem sequuntur, non sane contenderim. Nam & ratione satis probabili nixa est, & a bonis auctoribus profecta. Neque non tamen hanc veriore & simpliciore puto: ea nocte, qua capta est Troia, viros esse deos Aeneae, exeuntes e templis, & simulacra sua asportantes. Solitas certe a diis suis deferi eas civitates, quae, mox in hostium potestatem venturae essent, aut saltem eam fuisse veterum opinionem, ostendit Aeschylus, apud quem Eteocles offensus superstitione mulierum

q] Lib. 5. Σκροματων . r] 1. Aeneid. vers. 351. s] 3. Saturn. cap. 9.

lierum, quae vagantes per templa, in tanto civitatis periculo, implebant omnia clamoribus, iubet eas id modo optare ac precari, ut turris cives ab armis hostium protegat. Quem cum ille interrogasset, undenam id nisi a diis, futurum putaret: respondens ille, quasque illudens, ait vulgo dici solitum, excedere deos, cum urbs aliqua capitur. Versus hi sunt e fabula, quae inscribitur ἐπὶ τῷ ὅττι Θήβαις.

Ετ. Πύργον στήλην ἔνχεσθε πολεμίων δόρυ. (5)

Χο. Οὐκ᾽ ἔστι τάδ' ἔσσι πρὸς θεῶν: Ετ. ἀλλ' ὃ θεὸς

Τὸς τῆς ἀλούσης πόλεος ἐκλείπειν λόγῳ.

quem in locum scholiastes ait, id contigisse Trojanis. Λίγεται γὰρ, inquit, ὅτι ὅταν ἔμελλε παρθῆναι ἡ Τροία, ἐφάνησαν οἱ θεοὶ τοῖς Τρωσὶ ἀνελόμοι ἐκ τῶν ταῶν τὰ ἀγάλματα αὐτῶν. Aeneae autem, propter singularem ipsius pietatem, eos potius, quam cuiquam alii apparuisse credibile est. Sic & Tyrionum multis, cum Tyrum Alexander [1] Philippi filius obsideret, visus est in somnis Apollo dicere, se ad Alexandrum ab ire: non enim sibi placere quae in civitate fierent. Neque ita multo post capta est Tyrus.

Illustratus Platonis locus ex Alcibiade primo.

C A P. XX.

URbano & eleganti artificio usus est Socrates ad reprimendum Alcibiadis fastum, in eo dialogo qui inscribitur Alcibiades primus. Nam cum sibi persuaderet adolescens ille, [quod eius aetatis esse ingenium solet] abunde iam instructum esse se iis omnibus rebus, quae ad administrandam rempublicam pertinerent, blande aggressus hominem Socrates, paulatim inter-


terrogando eo perduxit, ut ex ipsius responsionibus aperte efficeretur, eum ullam esse adhuc iusti & iniusti scientiam consecutum. Cumque aegre ferret quadammodo Alcibiades, & indignaretur, quod inscientiam sibi exprobrari putaret: purgat se Socrates, affirmatque se nihil prorsus tale in eum dicere: ipsum esse Alcibiadem qui de se fateretur. Ita autem loquitur: Τὸ τοῦ Εὐριπίδου ἄρα συμβαίνει, ὃ Ἀλκιβιάδῃ. σοῦ τὰδε κινδυνεύεις, ἀλλ' οὐκ ἐμοῦ ἀκηκοίται. οὐδ' ἐγὼ εἰμι ὁ ταῦτα λέγων, ἀλλὰ σύ. ἔμέ δ' αἰτιά μάλιστα. Usuvenit, inquit, nobis o Alcibiade, id quod ait Euripides periculum est, ne tu ex te ipso haec, non ex me, audias: neque ego sum huius sermonis auctor, sed tu, me autem frustra incusas. Quae verba, si quis forte avet scire, quem ad locum Euripidis referantur: legat Hippolytum coronatum. Ibi enim hos versus reperiet: (u)

Τρ. Τί φής; ἔρᾳς ὃ τέκνον ἀνθρώπων τίνος;

Φαι. Ὃς τίς ποθ' οὗτος ἐδ' ὁ τῆς ἀμαζόνος.

Τρ. Ἰππόλυτον αὐδᾷς; Φαι. σοῦ τὰδ' ἐκ ἐμῆ κλύης.

(u) ΑΠ. 2.



MARCI ANTONII MURETI

AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO- NUM

LIBER SEXTUS.

De praenotionibus, quibus scientiarum omnium principia debentur. Explicatum & correctum principium posteriorum analyticorum Aristotelis.

C A P. I.

Eorum quae ab hominibus aut discuntur, aut docentur, non nulla eiusmodi sunt, ut plane nullam mentis agitationem requirentia, sensu prope nitantur uno: alia, in quibus motus quasi quidam mentis necessarius est, progredientis ex uno in aliud, viamque sibi paulatim ex aliis ad aliena munientis. Etenim ubi quis, exempli caussa, saltare discit, nullo ad eam rem mentis motu indiget: tantum opus est, ut quod magistrum facientem viderit, id ipse quoque imitari studeat, & ea quae videt, in memoria insigere: ut, cum volet postea, etiam sine doctoris opera, eodem modo, atque ordine corpus movere possit. Iis autem in rebus nullum omnino mentis esse munus, vel ex eo intelligi potest, quod talia etiam bestiae discunt: quodque in hominum genere non minus saepe tardo & hebeti quam celeri & acuto praeditis ingenio, talium artium praestantiam contingere videmus. Ac cum illa philo-
sophiae

sophiae, ut ita dixerim progymnasmata dicimus, quae, propter perfectionem, commune disciplinarum nomen effecerunt suum: multoque magis, cum ad illam ipsam bonorum omnium parentem philosophiam accedimus: ibi vero cernitur & exercetur illa vis, quam Graeci, quorum fuit & doctrina maior & verborum copia uberior, *διδασκαλία*, vulgares sapientiae magistri, non usitato veteribus, magis quam ad rem exprimendam non apto vocabulo, discursum nominarunt. Quod utinam venisset in mentem priscis illis Latini sermonis auctoribus aut hoc ipso uti, aut aliud nobis quo uteremur tradere: simulque alia quamplurima procudere, quorum ope philosophia Latinis litteris explicari commode posset. Praestiterat, aliquid diligentiae, sine fuco, & sine pompa, conferre ad eam rem, quam stultos illos non modo ante victoriam, sed prope ante pugnam paeanas canere: & tam saepe gloriari, ac clamare, victam a se etiam verborum copia Graeciam: cuius ipsi lautam illam ac copiosam suppellectilem non modo adaequare, sed ne contemplari quidem satis atque inspicere potuissent. Sed profecto ita est, ut dicam; nulli unquam, qui res ignorarent, nomina, quibus eas exprimerent, quaesierunt. Beati autem illi, & opulenti, & omnium gentium victores Romani in petendis honoribus, & in prensandis civibus, & in exteris nationibus verbo componendis, re compilandis occupati, philosophandi curam servis aut libertis suis, & Graeculis esurientibus relinquebant. Ipsi, quod ab avaritia, quod ab ambitione, quod a voluptatibus reliquum erat temporis, eius si partem aliquam aut ad audiendum Graecum quempiam philosophum, aut ad aliquem de philosophia libellum vel legendum, vel scribendum contulissent, iam se ad eruditionis culmen pervenisse, iam victam a se & profligatam iacere Graeciam somniabant. Sed nos, eis omis-
sis, pergamus id exequi, de quo dicere institueramus

mus. Est igitur quaedam διδασκαλία καὶ μάθησις διανοη-
τική: quaedam in quatuor διανοίας nullum munus, nullum
officium est ad hanc nullius rei necessaria est praenotio.
Illa perfici, nisi antecepta aliqua & antegressa notione,
non potest. E perceptis enim quibusdam & cognitis re-
bus moveatur ἡ διάνοια, necesse est: & ex iis ad alia quae
nondum etiam cognita sunt, feratur. Atque id causae
est, cur summus magister, Aristoteles, principio libri
tertij analyticorum scripserit, omnem διδασκαλίαν, &
omnem μάθησιν, quem quidem sit διανοητική, effici & exi-
stere ex anticipata notione: Atque id in Geometria, ce-
terisque mathematicis facillime perspicitur. Ete-
nim quem, quae so, ordinem tenent, qui eas docent?
num acceptum auditorem confestim deducunt ad ea,
in quibus vi & facultate τῆς διανοίας opus est? mini-
me vero: sed primum tradunt finitiones, postulata,
communes sententias: quae omnia sine ullo (ut ita di-
cam) discursu mens apprehendit. Tum demum ve-
niunt ad theoremata, & ad problemata in quibus iam
ἡ διάνοια ἐνεργῇ: quod facere nunquam posset, nisi eae,
quas diximus, notiones antecessissent. Semper enim
(dicam Graece, quo dicam melius) τῇ τῆς διανοίας ἐνερ-
γείᾳ ἢ νῦν, ἢ αἰσθησις προηγείται. Neque non idem in caete-
ris artibus fieri videmus etiamque tum qui syllogismo,
tum qui inductione ad aliquid probandum utuntur, ean-
dem viam tenent. Illi enim sumunt τὸ καθόλου, tanquam
notum & exploratum iis quibuscum verba faciunt: hi
e singulis rebus, quae notae sint ei quocum disputant,
probant τὸ καθόλου. Eademque apud rhetoras exemplo-
rum & enthymematum ratio est; Duo sunt autem ge-
nera praenotionum. Nam & quae sit cuiusque vocabu-
li vis, praecognitum esse oportet, antequam accedas ad
ullam διδασκαλίαν διανοητικήν, &, quae ponuntur in dis-
putando, ut ea esse praecognoscatur, necesse est. Duae
igitur praenotiones; τί ἐστὶ τὸ λεγόμενον, καὶ ὅτι ἐστὶ: quarum
aliis

aliis in rebus altera tantum necessaria est, in aliis utraque. Iam poterat ex iis, quae dicta sunt, dubitatio quaedam exoriri. Si enim discere est cognitionem aliquius rei assequi, quomodo fieri potest, ut e praecedenti cognitione fiat μάθησις? quid autem opus est doceri, id, quod iam antea praenoveris? ad hanc dubitationem eximendam, ait Aristoteles. Ἔστι δὲ γνωρίζειν, τὰ μὲν πρότερον γνωρίζοντα, τὰ δὲ καὶ ἅμα λαμβάνοντα τὴν γνῶσιν: Id est: Fieri autem potest, ut aliquis γνωρίζοι id, quod partim prius ἠγνώρισεν, partim eius eo ipso tempore λαμβάνει τὴν γνῶσιν. Scio autem haec verba longe aliter ab omnibus interpretibus accipi. Quorum si sententiam probarem, caussa non erat, cur his de rebus verbum facerem. Nunc, recte an minus, alii viderint: certe quidem ab eis toto, ut dicitur, caelo dissentio. Τὰ μὲν & τὰ δὲ, accipio, ut in illo e libro primo De arte dicendi: τὰ μὲν δὲ ἀπαιδεύσαν, τὰ δὲ δὲ ἀλαξονείαν, τὰ δὲ καὶ δὲ ἄλλας αἰτίας ἀθροπικὰς. Ac quamvis posteriore loco vulgo, legitur, ὅτι δὲ, tamen in quibusdam vetustis libris, eam, quam ipsi afferimus, scripturam fuisse, vel de Philopono cognosci potest. Neque non libentius, pro γνωρίζοντα, legerem, γνωρίσαντα. Sed tamen nihil refert. Non est igitur absurdum, etiam si quis dicatur discere id, quod antea quodammodo sciebat. Sed si diceretur eodem modo discere quo antea sciverat: id demum absurdum esset. Quod Aristoteles ipse his verbis exprimit: Ἄτοπον γάρ, ἐκ εἰ ὁ οἷός τις πως μάθαινε, ἀλλ' εἰ αὖθις, ὅσον ἢ μάθαινε, καὶ ὥς. Ita enim legenda illa sunt, non, ut vulgo leguntur. Idque etiam de illa rudi & inculta, sed fideli veteri translatione cognoscitur. Etenim fieri potest, ut quis universe sciat, omnia frigida habere vim ad inducendum somnum, qui tamen papaver aut lactucam eius generis esse nesciat. Is cum de eorum alterutro idem ἠγνώρισεν, discet id, quod quodammodo antea sciverat: Quod enim de toto genere scitur, etiam de qualibet parte

parte scitur: sed tamen ita distincte ac definite nesciverat. Ergo τὰ μὲν πρότερον ἔγνώρισεν, τὰ δὲ καὶ ἅμα λαμβάνει τὴν γνῶσιν. Sic quoque qui didicit finitiones, postulata, communes sententias, a quibus exorditur Euclides: is cum postea discit, Super proposita linea recta triangulum aequilaterum constitui posse; discit id, quod quodam modo praesciverat. Nam ex illis hoc efficitur. Et qui novit principia, novit quodammodo conclusionem. Non tamen discit. ἢ καὶ ὥς ἔγνώρισεν, sed distinctius & enucleatius, Non autem in omnibus quae discuntur, διὰ τῶ μίαν τὴν ἔχοντα γνωρίζεται: imo vero sunt quaedam, quae ἀμέσως congoscuntur: ut principia, & ea quae sub sensum cadunt. Mentis enim & sensus ἀμεσος cognitio est. Aristoteles eo loco ponit tantum exemplum ἐν τοῖς καθ' ἑκάστα sed de principiis idem alibi docet. Cum autem vulgo legatur, ὅσα εἶδη ἔχουσιν καθ' ἑκάστα τυγχάνει ὄντα, non εἶδη legendum est, sed ἦδη, ut & vetus interpres legit, in quo falsi sunt ii qui se disertos, quam intelligentes, haberi maluerunt. His autem de rebus disputaverat etiam Aristoteles eo libro qui proxime antecesserat, ἐν τῷ περὶ τῆς καθ' ὑπέληψιν ἀπάτης. Haec iudicari cupio ab hominibus & Graecae linguae intelligentibus, & re, non verbo, philosophis. ἄγροικοι καὶ ἄμειστοι quomodo accepturi sint, ἐφροντίς Ἰπποκλείδης.

Axiomata quomodo Latine vocanda sint.

C A P. II.

I Nepte faciunt, qui ἀξιώματα dignitates vocant: cuius pravae consuetudinis Hermolaus Barbarus auctor fuit. Neque nego ἀξίωμα, interdum idem valere, quod dignitatem; sed nihil hoc ad ea, de quibus agimus, axiomata. Neque minus ineptiunt, qui proloquia vocant, aut pronunciata: in quorum tamen posteriore Ciceronem se habere auctorem putant, sed falluntur. Nam

Cicero hanc vocem, ita ut a Stoicis accipiebatur, interpretatus est : qui axioma vocabant quamlibet enuntiationem, id est ἀπόφασις. Id quod Laertius docet . Ac si quis eo modo ἀξίωμα accipiat , tum sane vel pronunciatum, vel, si volet, proloquium dicat . Apud Aristotelem quidem & mathematicos alia huius vocabuli vis est . Qui, ut notum est , axiomata vocant communes quasdam sententias, quae non tantum verae sunt , sed etiam verae omnibus videntur . Verbum autem ἀξιῶν, saepe apud Graecos, sine ulla dignitatis aut indignitatis significatione, idem valet, quod existimare ac sentire . Inde igitur ἀξιώματα, ὅτι πάντες οὕτως ἀξιῶσιν . unde & κοιναὶ ἔννοιαι vocantur . Aut igitur vocem Graecam retinuerim, aut sententias potius , quam vel pronuntiata, vel proloquia, vel dignitates dixerim.

Comparatione quadam Lucretiana usus etiam Themistius ostenditur.

C A P. III.

NOta est comparatio, qua usus est Lucretius, cum se idem facere dixit, quod medicos : qui amaram aliquam potionem pueris dare cupientes ,

— prius oras pocula circum (x)

Contingunt dulci mellis flavoque liquore .

videtur autem ea fuisse etiam apud Graecos celebris . Themistius quidem certe ea utitur : quem verisimile est eam ex aliquo vetustiore sumpsisse . Nam in oratione, qua Nicomedenses ad philosophiam exhortatus est : Imitandi sunt, inquit , nobis sapientiores medici : qui pharmaca ea, quae amariora sunt, circumlito prius melle poculo bibenda praebent . μιμητέον ἡμῖν τοὺς σοφωτέρους τῶν ἰατρῶν , οἱ τὰ πικρότερα τῶν φαρμάκων μάλιστα τὸν κύλικα περιχέσαντες, πίνειν διδόναι .

Ut

*Ut multas alias diphthongos, quae nunc usurpari
desierunt, ita oi pro oe, apud veteres, fuisse.
Emendatus Plauti locus,*

C A P. IV.

MUltis usos diphthongis veteres, praeter eas, quibus hodie utimur, constat. Nam & Furius dicebat pro Furiis, & Paitos ac Aemilios pro Paetis & Aemiliis & de Sabineis triumphasse Tarquinium, de Etrusceis Ser. Tullium, in veteribus monumentis legimus. Quinetiam ut *ai* pro *ae* sic *oi* pro *oe* interdum scribere, ut opinor, solebant. Itaque apud Plautum in *Menaechmis proilium*, & *proilio* in veteribus libris scriptum animadverti, pro eo, quod nunc proelium, & proelio scriberemus. Versus hi sunt, quibus Erotii meretricis cum parasito Peniculo, & cum Menaechmorum fratrum altero colloquium quoddam continetur.

ER. *Anime mi, Menaechme salve.* PE. *quid ego?* ER. *extra numerum es mihi.* (j)

PE. *Istud idem aliis ascriptivis fieri ad legionem solet.*

ME. *Ego istic mihi hodie apparari iussi apud te proilium,
Hodie ut fieret. In eo uterque proilio potabimus.*

hoc qui non intellexerant, priore loco discesserunt a veteri scriptura, & fecerunt, *proelium*: posteriore autem, unam vocem discerpserunt in duas, & scripserunt, *pro illo*. Quod qui ad Trojanas pugnas retulerunt, etsi eis plurimum tribuo, adduci tamen, ut ipsis assentiar, hac quidem in parte non possum.

*Dominos, nisi cupiditatibus suis imperent, ne servis
quidem suis imperare posse.*

C A P. V.

Quibus in domibus aut pater familias, aut mater familias nequiter libidinosaeque vivat, in eis servos

I 2

non

[j] *Menaech. Sc. Anime mi.*

non esse servos, neque communi condicione servitutis uti, sed liberius, licentius, dissolutius vivere, & quotidiana docet experientia, & M. Tullius in Coeliana defensione gravissime ac sapientissime dixit. servi enim, ut alicubi falsissimus urbanissimusque scriptor posuit Lucianus, omnium consilii sunt, quae a dominis aut pulchre aut turpiter fiunt. Quocirca qui ea designant flagitia, quae latere atque occultari expediat, ii, tantum abest ut metuantur a servis, ipsimet metuant servos: utpote quos necessario habeant assiduos suorum facinorum testes. Hoc igitur argumento usus est Cicero, ut doceret, verisimile non esse, M. Coelium cum Clodiae servis consilium de veneno ei praeibendo communicasse. Lysias quoque in Oratione, quam scripsit ei qui sacram oleam incidisse arguebatur, hoc ipso eum argumento utentem fecit: nunquam ausurum fuisse se id facinus committere, cum & conscios eius servos adhibere oporteret, & ipse, eo perpetrato, non servos eos postea, sed dominos habiturus esset: neque ullo modo ausurus in eos animadvertere, quicquid illi tandem fecissent. πῶς οὐδ', inquit, ἐκ ἂν ὡς ἀθλιώτατος ἀνθρώπων ἀπάντων, εἰ τοὺς ἐμαυτοῦ θεράποντας, μηκέτι δέλους ἐμελλόν ἔξεν, ἀλλὰ δεσπότης ἢ λοιπὸν εἶον, τοιοῦτον ἔργον σωειδόμενος; ὥστε εἰ καὶ τὰ μέγιστα εἰς ἐμὲ ἐξημέρτανον, ἐκ ἂν οἷόν τε ἦν δίκην μὲ παρ' αὐτῶν λαμβάνειν. εὖ γὰρ ἂν εἰδείην, ὅτι ἐπ' ἐκείνοις ὡς καὶ ἐμὲ τιμωρήσασθαι, καὶ αὐτοῖς μὴνύσασθαι ἐλευθέρους γενέσθαι. Miserrima igitur est impure ac turpiter viventium condicio, quibus ad cetera damna illud etiam accedit, ut in quos imperium exercere debuerant, eos revereri ac metuere adigantur.

*Homerum & Aeschylum Athenienses, Tirtaeum
Lacedaemonii quo honore affecerint.*

C A P. VI.

Homeri poemata quanti fecerint Athenienses, quamque utilia esse ad inflammandos honestatis

ac dignitatis amore animos iudicarint, hinc existimari licet: quod legem tulerunt, ut quinto quoque anno in Panathenaeis, eius unius ex omni poetatum numero carmina publice canerentur. Ita enim cogitabant, leges praecipere quidem, quid faciendum, fugiendumque sit, sed propter brevitatem, non docere: at poetas, qui vitam hominum imitantes, res praeclare ac fortiter gestas, copiose exponerent, easque propemodum ante oculos constituerent, aptiores esse ad persuadendum. Similem autem honorem habuerunt Lacedaemonii Tyrtaeo. Cum enim ceteroqui a poeticis studiis alieni essent, neque poetarum cantus libenter audirent, lege tamen constituerant, ut quoties cum hostibus dimicaturus in prociectu constitisset exercitus, convocarentur milites in tabernaculum regium: ibique audiendis Tyrtaei carminibus ad spernendam pro patria vitam incitarentur. Aeschilo quoque idem prope honor a populo Atheniensi tributus est. Unius enim ex omnibus tragicis fabulae, ipso etiam mortuo, ut docerentur, decreto publico statutum erat.

Illustratus locus ex Aristotelis categoriis.

C A P. VII.

Aristoteles in extremo libro Categoriarum cum docuisset multis modis *habendi* verbum accidi, addit: λέγεται δὲ καὶ ὁ ἀνὴρ γυναῖκα ἔχειν, καὶ ἡ γυνὴ ἀνδρα. Quid autem illud sit, cum vir mulierem, aut mulier virum habere dicitur: id quia vulgo non satis intelligi video, explicabo. Is ergo mulierem quampiam habere dicebatur, aut qui eam uxorem duxerat, aut etiam cui illa dicto audiens erat, qui ad eam, pro suo iure, cum volebat, ventitabat, eaque ad arbitrium suum fruebatur. Atque ita dictum est olim ab Aristippo ἔχει λαίλα, ἀλλ' ἐκ ἔχουσαι. Et apud Lucianum: Τὸν στρατιώτην θαί-

την Αχαρνᾶν, ἡς πάλαι μὲν Ἀφρόδιτον εἶχε, μετὰ ταῦτα δὲ Ἠράδι μόνῳ, ἡ δὲ α, neque non Latini idem eodem verbo indicabant. Ut Cicero, qui illud voluptarii philosophi dictum, quod modo memoravimus, ita extulit: *Sed tamen ne Aristippus quidem ille Socraticus erubuit, cum esset obiectum, habere eum Laïda. Habeo, inquit, non habeor.* Græce hoc melius. Tu, si voles, interpretabere. Nam illud Ciceronis locum, ut hoc ἰδοὺ πάρεργον admoneam, ita legendum iudico, & quas omisi voces, glossas esse. Neque alio sensu dictum est a Terentio:

— heus puer, (z)

Dic sodes. Quis heri Chrysidem habuit?

ad eandem etiam rem exprimendam *duclandi* verbo utebantur. Ut enim *duclat* exercitum is, cui paret exercitus, ita *duclare* mulierem dicitur is, cui illa obtemperat, morigeraque est in rebus omnibus. Plautus, (a)

Solus solitudine ego sed atque ab egestate absuli.

Solus si duclim, referre gratiam nunquam potes,

Solus duclato, si semper solus quae poscam dabis,

& eodem modo Terentius: (b)

Ut phaleratis dictis ducas me, & meam duclēs gratis? atque ita intelligendum est illud Fabii libro octavo, *Duclare exercitus, & patrare bellum, apud Sallustium dicta sancte & antique, ridentur a nobis, si diis placet.* Nam de illo altero verbo in Catullum diximus. Sed & idem significantes, mulierem cum aliquo esse dicebant. Plautus (c)

Mane, mane, audi dic quid me aequom censes pro illa tibi dare,

Annum hunc ne cum quiquam alio sit? Idem:

Diabolus filius Necocli Cleretae

Lenae dedit dono argenti viginti minas, [d]

Philoenium ut secum esset noctes & dies,

Hunc annum totum.

Graeci

- (z) *Andria* Act. 1. sc. 1. (a) *Afinaria* sc. Unumquodque. (b) *Phormion* Act. 7. sc. 2. (c) *Afinar* sc. Unumquodque. (d) *Eadem* sc. Age dum istum

Graeci autem σωεῖναι saedius ut videtur, πρὸς τῆς ἰσχυροῦς αὐτῆς, hoc est, de ipsa corporum commissione accipiebant. Non nunquam tamen aliter, ut, ὁ μὲν ἡλικιωτῆς σου χαρμίδης, ὁ τῷ γέγονε Ἀριστινέου υἱὸς γαμέτῃ ἦδη καὶ σωφρονεῖ, σὺ δὲ μίχρετινέου ἑταίρα σωεῖς. Neque non Aristoteles ipse significavit, se hoc, quod dico, intelligere: sed testo verbo, & pudoris ac verecundiae pleno. Subiunxit enim; ἐδὲν γὰρ ἄλλο τῷ ἔχειν γυναικα σημαίνοντο, ἢ ὅτι σωοικεῖν nam σωοικεῖν si quis hoc loco idem valere putat, quod in iisdem aedibus degere, ac non illud potius ipsum, quod supra dixi πρὸς τῷ ἔχειν, fallitur. Ita enim eos hoc quoque usos esse constat. Hippocrates, πρὸς παρθένων. Κελεύω δὲ ἔγωγε τὰς παρθένους, ὁκόταν τὸ τοιοῦτον πάσχουσιν, ὡς τάχιστα ξωοικῆσαι ἀνδράσιν. Andocides, καὶ σωφρονεῖ ὁ πάντων χετλιώτατος ἀνθρώπων τῇ μητρὶ καὶ τῇ θυγατρὶ. Lucianus, Θεῶν κρίσει, Δοκεῖ τις αὐτῷ σωοικεῖν Ἰδαία γυνή. & Laertius in Aristippo: Πρὸς τὴν αἰτιώμενον ὅτι ἑταίρα σωοικεῖ, ἐρώγει εἰπεῖν, μή τι διενέγκαι οἰκίαν λαβεῖν, ἐν ᾗ πολλοὶ ποτὲ ὤκησαν, ἢ μηδεὶς; id autem quod vocaverat σωοικεῖν, paulo infra vocat σωεῖναι.

Correcti loci duo e primo libro Topicorum. Item alius e quinto Ethicorum.

C A P. VIII.

Libro primo De arte Dialectica, quae Topica vocantur, ita scriptum est: Ἐξομῶ δὲ τελέως τὴν μέθεσιν, ὅταν ὁμοίως ἔχωμεν, ὥσπερ ὅτῃ ῥητορικῆς, καὶ ἱατρικῆς, καὶ ἡμῶν τοιούτων δυνάμεως. τὸτο δὲ ὅτι τὸ ἐκ τῆς ἐνδεχομένων ποιεῖν αὐτοματῶς. Semper autem mihi suspectus fuit is locus; neque unquam aliter mihi persuadere potui, quam totum illud, τὸτο δὲ ὅτι τὸ ἐκ τῆς ἐνδεχομένων ποιεῖν αὐτοματῶς, inducendum esse; neque scriptum ab Aristotele, sed temere inculcatum ab aliquo imperito. Nullus enim iis verbis videtur subesse sensus: etsi non sum nescius,

quomodo ea vulgo accipi soleant. Sed qui purgatas aures habent, facile mihi hoc, ut sperare videor, assentientur. Neque leve argumentum ad hanc coniecturam firmandam putari debet: quod vetus Latinus interpres facit a me; illaque verba omnino non agnoscit. Nam constat eum & expresse, si non eleganter, fideliter quidem certe, omnia quae repererat: & usum libro, ἀμύχαστον ὅσον, meliore & emendatiore iis omnibus qui nunc circumferuntur. Alexander quoque aut quisquis est Graecus ille, qui commentarios scripsit, nullo modo ea videtur agnoscere. Quod me magis, ut in sententia permaneam, facit. Sed & paulo infra, eodem modo peccatum est. Ubi enim vulgo legitur: ἔστι δὲ ἀριθμῶ ἴσα καὶ τὰ αὐτὰ ἐξ ὧν τε οἱ λόγοι, καὶ περὶ ὧν οἱ συλλογισμοὶ γίνονται μὴ γὰρ οἱ λόγοι ἐκ τῶν προτάσεων, περὶ ὧν δὲ οἱ συλλογισμοὶ τὰ προβλήματα ἔστι ibi ergo neminem, qui Aristotelicam dicendi rationem calleat, dubitaturum puto, quin praestet ita legi: ἔστι δὲ ἀριθμῶ ἴσα καὶ τὰ αὐτὰ, ἐξ ὧν τε οἱ λόγοι καὶ περὶ ὧν γίνονται μὴ γὰρ ἐκ τῶν προτάσεων, περὶ ὧν δὲ τὰ προβλήματα ἔστι. λόγων autem nomine & syllogismos intelligit & inductiones. Eodem prope modo memini, correctum esse a me iam pridem locum quandam e quinto τικομαχείων: qui vulgo ita legitur: ὁ δ' ἀδίκος οὐκ αἰεὶ τὸ πλεόν αἰρεῖται, ἀλλὰ καὶ τὸ ἐλαττον ὅπῃ τ' ἀπλῶς κακῶν. ἀλλ' ὅτι δοκεῖ καὶ τὸ μείον κακὸν ἀγαθὸν πως εἶναι, τοῦ δ' ἀγαθοῦ ὅζον ἢ πλεονεξία, διὰ τοῦτο δοκεῖ πλεονέκτης εἶναι. ἔστι δ' ἀνίστος τοῦτο γὰρ φερέχει, καὶ κοινόν. καὶ παράνομος. τοῦτο γὰρ ἢ παρανομία, ἢτοι ἢ ἀνισότης φερέχει πάντα, ἀδικίαν, καὶ κοινόν ὅτι πάσης ἀδικίας. Ego autem legendum censeo, ἔστι δ' ἀνίστος, καὶ παράνομος. τοῦτο γὰρ φερέχει καὶ κοινόν ὅτι. Cetera verba, iis admista, delenda esse. In quo quid librariorum deceperit, non est difficile coniicere hominibus in hoc genere exercitatis. Hanc correctionem a me acceptam, Dionysius Lambinus, vir acutissimo ingenio, acerrimoque iudicio praeditus, retulit in scholia in eos libros sua. Nisi quod, cum meam sententiam ex-

pone-

poneret, verba illa, πᾶσαν ἀδικίαν, & πάτης ἀδικίας, reliquit. Quae mihi vel maxima caussa fuit hoc quoque loco testificandi, quid sentirem. Non tantum enim existimo, e glossematis illa fluxisse, verum etiam e falsis & ineptis glossematis. Nam verba illa, πειέχει καὶ κύνον δει, si quis attente consideret, non πρὸς πᾶσαν ἀδικίαν, sed πρὸς τὸ πλεόν, καὶ πρὸς τὸ ἑλαπτόν referenda sunt.

Videri Plautum dixisse rem voluptatum eodem plane modo, quo Graeci dicerent τὸ χρεῖμα τῶν ἡδονῶν.

C A P. IX.

REm voluptatum, pro ipsis voluptatibus dixisse videtur Plautus in Amphitruone, ubi Alcumenam ita loquentem facit, (c)

Satin' parva est res voluptatum in vita atque aetate agunda

Prae quod molestum est? cuique hominum in aetate ita comparatumst,

Ita dis est placitum, voluptati ut moeror comes consequatur.

quod si est, haud facile dixerim, ubi praeterea in tota lingua Latina hoc loquendi genus reperiatur. Sed videri potest sumptum a Graecis. Illi enim plane ita dicerent, τὸ χρεῖμα τῶν ἡδονῶν. Ita locutus est Euripides in Phoenissis, (f)

φιλόλογον γὰρ χρεῖμα θηλειῶν ἔφην.

qui tamen versus ab imperitis depravatus, ita vulgo legitur,

φιλόλογον γὰρ χρεῖμα θηλειῶν γένος ἔφην.

sed vocem γένος delendam esse, & lex carminis indicio est, & e scholiaste facile colligitur. Ita etiam Xenophon libro

[c] Sc. Satin' p. [f] Antigoniae Δεῖ. κ.

libro secundo παιδείας; Τὸν Ἀράβιον δὲ Μάραγδον, ἰπτεύας τε
εἰς μυρίους, καὶ ἄρματα εἰς ἑκατὸν καὶ σφενδονητῆς πάμπολύ τι χεῖμα.
& Herodotus libro tertio: πολλόν τι χεῖμα τῷ ὀρίῳ ἐκλέ-
πουσι. & Aristophanes Plutò, (g)

Πολὺ χεῖμα τεμαχῶν, καὶ κρεῶν ἀπῆμμένων.

& principio νεφελῶν, (h)

Ὡς ζεῦ βασιλεῦ, τὸ χεῖμα τῷ νυκτῶν ὅσον

Ἀπέρατον· ἔποθ' ἡμέρα γενήσεται;

quos versus ita olim pueri interpretati sumus, cum eam
fabulam, exercitationis causa, in Latinum sermonem
converteremus,

Rex Iupiter, quam immensa res est noctium.

Nunquam ne pulsa nocte nascetur dies?

*De quodam Plautino ioco, itemque de loco quodam
e Catone maiore Ciceronis disputatum*

C A P. X.

IOcatus est, ut solet, Plautus, cum in Pseudolo ita
cum lenone loquentem induxit coquum, (i)

Quia sorbitione faciam ego te hodie mea,

Item ut Medea Peliam concoxit senem:

Quem medicamento, & suis venenis dicitur

Fecisse rursus ex sene adolescentulum,

Item te ego faciam.

Neque enim Peliam Medea, sed Aesonem e sene iu-
venem reddidit: cum autem recepisset, idem se factu-
ram Peliae; effecit, ut infelix senex natarum suarum
manibus concideretur. Quod si coquus ille item fecis-
set iuvenem Ballionem, ut Medea Peliam fecerat; non
sane bonam neque expetendam operam ei dedisset.
Fieri etiam potest, ut personae servierit: & cum lo-
quentem induxisset hominem sordidum & abiectum,
de industria perperam ab eo narrari veterem illam fa-
bulam

(g) *Sycophanta.* (h) *Scepsades Prologo.* (i) *sc forum coquinnum.*

bulam fecerit . Quod si Ciceronis etiam illud a Catone maiore ita legendum est [ut sane legendum puto,] *Quo quidem me proficiscentem haud sane quis facile retraxerit: neve tanquam Peliam recoxerit:* nimirum tale aliquid hic quoque comminiscendum est . Nam aut decorum id & consentaneum Catoni credidit: quod & memoria vacillare *περυστικόν ὄν* : & interdum habet aliquid gravitatis in magnis viris minus accurata fabularum , & talium rerum cognitio: aut hoc quoque inter *μνημονικά* Ciceronis *ἀμαρτήματα* numerandum est .

*Euripidem aliter, quam ceteros omnes, de
Helenae sidere locutum.*

C A P. XI.

DE sidere Helenae non idem ab omnibus traditum est . Plinius quidem libro secundo (k) naturalis historiae, de eo, ut navigantibus exitioso, locutus est . Nam cum geminas illas flammās, quae Castoris ac Pollucis esse putabantur, salutes ac prosperi cursus praenuncias esse dixisset: *Hurum*, inquit, *adventu fugari diram illam ac minacem, appellatam Helenam ferunt* . (l) Solinus quoque cum exposuisset multa mala, quae menstruus mulierum efficeret cruor: *Habet*, inquit, *plane id solum salutare, quod avertit sidus Helenae perniciosissimum navigantibus* . Papinius quoque idem de illis fulgoribus sentire se ostendit hoc versu: (m)

— cum iam damnata sororis

Ignē Therapnaei fugerunt carbasa fratres .

Quin etiam Franciscus Vicomercatus Aristotelis Meteorologica exponens, & cur Castor ac Pollux salutes essent, & cur diri ominis Helena, causas, ut in eiusmodi re, satis probabiles reddidit . At Euripides tamen in Oreste salutarem eam nautis esse pronunciat . Ita enim de ea Apollinem loquentem facit. (n)

(k) Cap. 37. (l) Cap. 4. (m) Lib. 7. Thebaid. [v] A. 5.

Ζῆν' ὅς' ἔσαν, ζῆν' τιν' ἀρθιτὸν χρεών.
 Κάσσι' τε, Πολυδεύκει' τ' ἐν αἰθέρι' πυχαῖς
 Σύνθακ' ἔσαι, ναυτίλοις σωτήρι'.

Emendatus Plinii locus

C A P. XII.

Redundare videtur vox *voluptatibus*, apud Plinium libro xiv. (o) ubi de natura vini agitur cum enim vulgo ita legatur, *Prorsus ut iure dici possit, neque viribus corporis utilius aliud, neque aliud voluptatibus perniciosius, si modus absit*: melior videtur fore sententia, si ea quam dixi vox deleatur. Hoc enim dicet: immodico vino maxime debilitari corporis vires. Quod & Lucilius dixerat his versibus: (p)

*Scito etenim bene longinquum mortalibus morbum
 In vino esse, ubi qui invitavit dapsilior se.*

& Theognis: (q)

Οἶν' οἷον πινόμενον πηλὺς κακός, ἢν δ' ἔτις αὐτὸν
 Πίνῃ ὅπως αἰμένως, ἢ κακός, ἀλλ' ἀγαθός.

& Panyasis:

Ὡς οἶν' ὀνητοῖσι θεῶν πέρα δῶρον ἄριστον,
 Πινόμενον χεῖρ' μέτρον, ὑψιμέτρος δ' ἐχειρίων.

sed & libri testimoniorum pleni sunt, & exemplorum plena vita illud tamen, *voluptatibus*, quod nos expungendum esse credimus, & Hermolaus, & Politianus agnoscunt.

Emendatus versus quidam Horatianus.

C A P. XIII.

Horatii versus hi sunt e libro odarum tertio (r)
*Testis mearum centimanus gigas
 Sententiarum notus, & integræ*

Ten-

*Tentator Orion Dianae**Virginea domitus sagitta,*

Eamque scripturam veteres grammatici comprobant. Qui etiam centimanum gigantem Briareum accipiunt. Ego autem in quibusdam non contemnendae auctoritatis libris scriptum reperio, non *gigas*, sed *Gyges*. Et sane de Gyge illud etiam apud Ovidium legere memini,

*Sphyngaque, & Harpias, serpentipedesque gigantes,**Centimanumque Gygen, semibovemque virum.*

Hesiodus quoque Caeli & Terrae filios facit Cottum, Briareum, & Gygen, centenis singulos manibus quinquagenis capitibus metuendos.

*Ἄλλοι δ' αὖ γαίης τε καὶ οὐρανοῦ ἐξεγίνοντο**Τρεῖς παῖδες μεγάλοι καὶ ὄμβριμοι, οὐκ ὄνομαστοί,**Κόπρος τε Βριάρεός τε, Γύγης θ' ὑπερφύανα τέκνα.**Τῶν ἑκατὸν μὲν χεῖρες ἀπ' ὤμων αἴσσονται**Ἀπλαιο, κεφαλαὶ δὲ ἑκάστω πεντήκοντα**Ἐξ ὤμων ἐπίφυκον.*

Sed & iampridem admonui, scriptum esse in quibusdam veteribus libris, Gyas, meque da eo amplius quaerendum putare. Quanquam enim mihi novum erat illud nomen, tamen ne eam quidem varietatem aut dis, simulandam, aue contemnendam esse ducebam. Nuper ergo cum Apollodori bibliothecam, quae tunc primum in meas manus venerat, percurrerem, in ipso statim principio haec repperi, Οὐρανὸς παῖδας τοῦ πατρὸς ἰδωδύσεισε κόσμῳ, γήμας δὲ γῆν, ἰτέκνωσε παῖδας τοὺς ἑκατόγχερας προσαγορευθέντας, Βριάρεων, Γύγην, Κόϊον. Quae verba ita reddidit Benedictus Aegius Spoletinus: Caelus primus orbis universi imperio praefuit. Qui ducta uxore Telure priore ex ea filios sustulit, quos Centimanos appellarunt, Briareum, Gyan, ac Coeum. Quin & apud Hesiodum in iis, quos citavi, versibus, quaedam optimae notae ex emplatia Γήγης habent, sed Γύγης.

Correct

[s] Tristium Eleg. 7. [t] Theogonia v. 247.

Correſti apud Ciceronem Ennii verſus.

C A P. XIV.

ENnii verſus de Q. Fabio Maximo ita vulgo apud Ciceronem leguntur: (1)

Unus homo nobis cunctando reſtituit rem.

Non ponebat enim rumores ante ſalutem.

Ergo poſtque magiſque viri nunc gloria caleret.

ſed in multis veteribus libris eorum poſtremus ita ſcriptus eſt,

Ergo magiſque, magiſque viri nunc gloria claret.

ut valde verear, ne quis, ut verſum, ad cuius menſuram aliquid deeſſe videbat, expleret, de ſuo addiderit illud, *poſtque*. Ego autem potius crediderim, illud, *magiſque* geminandum eſſe. Non raro enim contigit, ut eae voces, quae geminandae erat, ſemel tantum ab imperitis librariis ponerentur. notum eſt autem, magis magiſque ſaepe ab antiquis ſcriptoribus dici pro quo Ennius fortaſſe dixerit, magiſque magiſque. Ut ſit ſimile illi Catulliano, (2)

Omnibus inque locis celebretur fama ſepulti,

Clareſcatque magis mortuus atque magis.

*Ecquid adhibenda ſint in conviviiſ
acroamata. An minus.*

C A P. XV.

REſte ne faciant an ſecus, qui tibicines, aut citharodos, aut alia id genus acroamata in conviviiſ adhibent, merito ut dubitari poſſe videatur, duorum in philoſophia ſummorum hominum hac de re, ut videtur, diſſentientium facit auctoritas. Nam apud Platonem in Protagora Socrates abiectos modo, & imperitos, & circumforaneos homines id facere ſolitos dicit qui cum

eam

[1] Catone c. 12. *Annal.* [2] *Ad Mallium epig.* 66.

eam vim non habeant, ut urbana aliqua & elegenti collocutione tempus illud epularis accubationis traducere, & mutuis sermonibus animos suos hilarare possint, eius rei remedium a mimis, & ab histrioribus, & a vocum fidiumve cantibus petunt. At quas ad epulas boni & eruditi convivae convenerint, in eis neque tibicinam, neque psaltriam audiri neque saltatricem spectari ullam, ablegatis eos eiusmodi nugis atque ineptiis modeste inter se & hilare colloqui: neque unquam deesse ipsis de quo sermones iucundissimos conferant, etiam si multam in noctem convivium producat. Itaque ex illo nobili apud Agathonem convivio eiicitur tibicina, & aut sibi, aut mulieribus canere iubetur. At hercule alumnus eiusdem disciplinae Xenophon in id convivium in quo & Socrates esset, & Antisthenes, & alii sapientia praestantes viri, non modo Philippum excitandi risus artificem induxit, verum etiam sublati epulis, Syracusanum illum comessatorem cum tibicina, & saltatrice, & formoso puero, qui & ipse tum saltando, tum fidibus canendo, summa eos qui aderant voluptate perfundere. (u) In Homericis etiam epulis & Phemius canit, & Demodocus, & in Virgiliano Iopas. Sed haec fortasse aliquis, intemperantium procorum, & luxuriosi regis, & reginae iam tum amoris telo percussae dixerit esse convivia. Quid quod epulantibus diis, canere Apollinem & Musas ferunt? (x) Nam Euripidis quidem sententiam mirari saepe soleo: qui non conviviis, sed in luctu potius Musicam adhibendam esse confet: quod convivia satis ipsa per se laeta sint: in luctu autem quaerendum sit aliquid, quo minuatur dolor. Ego vero si usquam, inter pocula maxime, talibus blandimentis & relaxationibus animi locum esse duco: neque, dum ea moderatio retineatur: ut turpido omnis & obscenitas absit, causam video ullam, cur in mensa

aut

[u] *Odyss.* 1. *Odyss.* 2. *Aeneid.* 1. [x] *Medea Nustr. Alb.* 1.

aut comoedum averfari, aut auloedum, fidicinemve refugere fapiens debeat, nam fi femper tam facundi ac diferti convivae contingerent, quam illi funt Platonici: tum fortaffe non immerito talia omnia excluderentur. Quod enim effe poteft tam mirabile acroama, quod non collatum cum illorum fermonibus fordeat? quos equidem arbitror, fi Apollinem vidiffent ipfum, cum lyra & plectro ingredientem, uno ore omnes oraturos fuiffe, ut aut abfcederet, aut ne cantu fuo sermones abrumperet institutos. Et tamen, nifi valde fallor non multo turpius fuiffet, tibicinae alicuius cantum audire, quam vel orationem Aristophanis, vel ea quae de Socratis temperantia ebrius Alcibiades, intemperantiffime narrat.

Correétus locus e fecundo De divinatione.

C A P. XVI.

Totas noctes fomniamus: neque ulla fere eft, qua non dormiamus: & miramur aliquando id, quod fomniamus, evadere? Ciceronis haec verba funt e fecundo libro De divinatione, exagitantis vanitatem fomniorum, & negantis, fi quaedam fomnia eventus comprobet, ex eo effici, ut ne fomnia pro fomniis habenda fint, nam in tanta copia & varietate, magis mirum foret, fi nihil unquam eorum quae per quietem videntur, eveniret. Quanquam autem, ut ego Ciceronis verba recitavi, ita in omnibus, quos vidi, libris leguntur: tamen excuti hoc mihi non poteft, quin depravata illa, & ad hunc modum corrigenda fint: *Totas noctes dormimus: neque ulla fere eft, qua non fomniamus: & miramur, aliquando id, quod fomniamus, evadere?* Quod quidem ita mihi perfpicuum videtur, ut ne confirmatione quidem egeat, aliorum tamen iudicium facio.

Semiramis quo astu ad regnum pervenerit.

C A P. XVII.

VAfra in primis & astuta ratione ad regnum ex humili & abiecta conditione pervenisse Semiramis dicitur. Quae historia cum haud ita multis nota sit, neque Latinis, quod sciam, litteris prodita, referetur a me ita, ut scriptam in Graecorum commentariis repperi. Aiunt igitur eam initio verna cuiusdam regii ancillam, ac concubinam fuisse. In quam cum aliquando incidisset rex Ninus, forma ipsius & lepore captus, amare coepit. Obsecuta regi mulier, ita eum sibi paulatim stupri consuetudine astrinxit: ut nihil esset tantum quod aut a rege petere non auderet Semiramis, aut petenti rex auderet negare. Ergo cum aliquando iniecisset in sermone, quiddam se valde cupere, rexque eam, quicquid tandem illud esset, aperte ac libere proferre iussisset: Cuperem, inquit, hoc mihi a te tribui, ut unum modo diem sedere mihi liceret in folio tuo, & ius dicere: utque omnes toto illo die, quemadmodum tibi faciunt, ita mihi obtemperarent. Risit rex: & quod petebatur, concessit, nec mora, edicitur, ut certo quodam die omnes Semiramidi dicto audientes sint: ita regi placere: eam illo die, regio imperio ac potestate praeesse omnibus. ubi ille advenit dies: mulier regio cultu in folio affedit. Fit concursus maximus. illa de principio, experiendi causa, quaedam haud magni momenti imperat, ubi serio omnes sibi omnibus in rebus parere vidit, iubet satellitibus, ac stipatoribus corporis regii, ut regem ipsum comprehendant. Comprehenditur. Ut vinciant. Vincitur. Ut interficiant: Interficitur. Ita imperio ex diurno diuturnum efficitur. Haec est, quae Babylonem muris latericiis cinxit: cuius

K

horti

horti illi pensiles tantam admirationem habuerunt : quae postremo cum filii quoque sui concubitum petiisset, ab eo trucidata memoratur .

Ut honorem Latinis, ita Graecis ὄνειδος & κλέος ambiuga vocabula esse .

C A P. XVIII.

Significationis ambiguae verbum esse (y) *honorem*, tradidit Gellius : idque probavit his verbis ex Oratione Q. Metelli Numidici de triumpho suo : *Qua in re quanto universi me unum antefatis, tanto vobis, quam mihi, maiorem iniuriam atque contumeliam facit, Quirites, & quanto probi iniuriam facilius accipiunt, quam alteri tradunt : tanto ille vobis, quam mihi, peiorem honorem habuit . Nam me iniuriam ferre, vos facere vult, Quirites : ut hic conquestio, istic vituperatio relinquatur . Eodem autem modo Graeci quoque ὄνειδος, cum fere in infamiae ac turpitudinis significatione ponatur : non nunquam tamen pro gloria accipiunt . Ut, (z)*

Καλὸν γέ μοι τὸ ὄνειδος ἰζωνείδισας . &
Θήβαις κάλλιστον ὄνειδος, &
Καλὸν γ' ὄνειδος τῷ γεωσί τυμφίῳ .

Sed & κλέος non nunquam in malam partem accipitur . Idque non ex eo tantum intelligi potest, quod apud Homerum saepe legitur καλὸν κλέος ut ex eo coniiciamus, esse etiam aliquod κλέος & καλόν, sed multo magis ex hoc Euripidis versus, quem apud ipsum dicit Helena : (a)

Οὐπῶ νιν Ἐλένης αἰχρὸν ὤλεσε κλέος ;

In illis autem Metelli verbis nescio, an illud annotare debeam : *facere contumeliam*, quod loquendi genus Cice-

(y) Lib. 12. c. 7. (z) Phoenissis . (a) Helena Aë. 1.

ro in Antonio (b) reprehenderat, legi. Sed & apud Plautum, & apud Terentium crebra illius exempla sunt. Neque tamen iniuria notaverat Antonium Cicerro: quod vulgo creditur. Nam Antonius ita dixerat, *facere contumeliam*, ut, *facere damnum*, aut *facere iacturam* dicimus. Quomodo nunquam quisquam, opinor, praeter eum locutus reperietur.

*Correctus locus ex Oratione Ciceronis pro
domo sua.*

C A P. XIX.

Vocabulum, *actus*, pro eo quod Graeci dicunt ἐνέπρηξαν plane barbarum est, & priscis illis temporibus, quibus Romani sermonis integritas viguit, inauditum. Eo tamen non nullos uti video. & quidem eorum, qui se non Latine modo, sed etiam, si diis placet, Ciceronis more loqui putant. Decipiuntur autem praecipue corrupto quodam loco ex Oratione pro domo sua ad pontifices: quem emendare institui: ut isti qui se e Nizolii libro Germanos Cicerones esse credunt, errore hoc suo liberentur. Non enim ita locus ille legendus est: *Omnem diu collectam vim improborum, quae inveterata compresso odio atque tacito iam erumpebat in actum, tam audaces duces excepi meo corpore*. Sed hoc modo, ut in antiquis libris esse homines certi & fide digni affirmant: *Omnem diu collectam vim improborum, quae inveterata compresso odio atque tacito iam erumpebat, nata tam audaces duces, excepi mio corpore*.

Correctus locus e secundo De finibus.

C A P. XX.

Eiusdem generis est *odrilicium*: quae inepta vox, & nihil plane significans, ita infedit in loco quodam e secundo De finibus, ut omnes prope iam libros occuparit. Ita enim ibi legitur: *Assint etiam formosi pueri, qui ministrent. Resplendeat his vestis argentum, odrilicium, locus ipse.* At in libris veteribus hoc modo: *Assint etiam formosi pueri qui ministrent. Respondeat his vestis, argentum, Corinthium aes, aut Deliacum, aedificium, locus ipse.* Quae quin vera scriptura sit, non est cur quisquam dubitandum putet. Itaque ipsum quoque resplendendi verbum mihi quidem valde suspectum est. Nam hoc uno loco nitebantur, qui illud, ut Latinum, recipiebant. Nunc autem, nisi aliquod aliud testimonium reperiatur; videtur sane ei quoque lege Papia periculi aliquid imminere. Hoc igitur alii cogitabunt.



MARCI ANTONII MURETI

AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO- NUM

LIBER SEPTIMUS.

*Sorores uxores ducere, num apud Athenienses
licuerit.*

C A P. I.

Perelegans extat Emilii Probi ad T. Pomponium Atticum libellus, quo Graecorum imperatorum vitae mundissimo ac castissimo orationis genere explicantur. Eum nuper cum animi causa evolveremus, in ipsa statim praefatione, quiddam deprehendimus, quod sane mirati sumus. Negat enim, Cimoni, summo Atheniensium viro, turpe fuisse, sororem germanam habere in matrimonio: quippe cum cives eius eodem uterentur instituto. Ego vero de Persis & aliis quibusdam barbaris nationibus saepe id legeram: de Atheniensibus nihil tale, ab eo, memineram proditum esse. Itaque cum attentius de eo cogitare coepissem, quasque excutere memoriam meam; recordatus sum loci cuiusdam ex oratione, quam antiquissimus & nobilissimus orator Andocides adversus Alcibiadem habuit: qui ex diametro, ut aiunt, cum eo, quod ab Aemilio dicitur, pugnat. Ostendit enim, eam, ipsam fuisse causam, cur Cimon in exilium missus sit, tanquam legum contemptor. Neque quicquam ei profuisse, quod & ipse

Olympia vicisset, & pater. Veteres enim illos; non certaminum, aut victoriarum, sed legum & institutorum, in iudicando habuisse rationem. Andocidis verba si quis requirit, haec sunt: Αναμνήθητε δὲ καὶ τὰς προγόνους, ὡς ἀγαθοὶ καὶ σώφρονες ἦσαν. ὅτι νῆς ἐξωστράκισαν Κίμωνα διὰ παρανομίαν, ὅτι τῇ ἀδελφῇ τῇ ἐαυτοῦ σωφρόνισεν. καίτοι ὁ μόνον αὐτὸς ὀλυμπιονίκης ἦν, ἀλλὰ καὶ ὁ πατὴρ αὐτοῦ Μιλτιάδης. ἀλλ' ὅμως ἐδὲν ὑπελογίζοντο τὰς τίμιας. καὶ γὰρ ἐκ τῶν ἀγώνων ἀλλ' ἐκ τῶν ἐπιτηδεύματων ἔκρινον αὐτόν in vulgatis tamen libris Κένωνα, non Κίμωνα legimus: quod mendum esse librariorum puto. Ab aliis enim omnibus Cimonem vocari video. Neque pigebit emendare locum quendam e libro sexto (c) Valerii Maximi, ubi de hoc ipso Cimone ita scriptum est. *Cimonis vero incunabula opinione stultitiae fuerunt referta. Eiusdem stultitiae imperia salutaria Athenienses senserunt.* Ego autem non dubito, quin vox, *stultitiae*, e posteriori loco delenda sit. Cimonis enim, non stultitiae, dicit imperia Atheniensibus salutaria fuisse.

De consuetudine Graecorum non adhibendi honestas mulieres ad convivia virorum. Illustratus locus ex Eunuchō Terentii: itemque locus Ciceronis e libro primo in Verrem.

C A P. II.

IN conviviis liberius & hilarius fere loqui homines solent: neque quisquam ita severus est, qui non inter vinum & epulas tum iocetur interdum ipse, tum libenter iocantes alios audiat. Fieri autem vix potest, quin vacuo & soluto animo iocantibus non nunquam parum verecundum aliquid excidat: quodque si alibi diceretur, reprehensione merita non careret. Quocirca prudenter olim Graecorum consuetudo muliebre sexum a conviviis amoverat: neque ulla in virorum symposiis

possis accumbere mulier, nisi quae quidvis non audire modo, verumetiam perpeti posset: Videbant enim alioqui fore, ut aut matronalem virginalemve pudorem libertas iocantium offenderet; aut iocandi libertatem illius habita ratio retardaret: Inde igitur est, quod cum apud Terentium Thraso introduci iussisset; in convivium Pamphilam, indignata Thais, (d) *minime*, inquit, *gentium*. *In convivium tu illam?* Quod enim suis integram eam ac pudicam reddere ac restituere cupiebat, vix id consequi posse videbatur; si hoc, quod postulabat miles, passa esset: Ex eadem etiam consuetudine intelligendum est id quod apud Ciceronem libro primo accusacionis legitur. *Posteaquam satis calcre res Rubrio visa est: Quaesio, inquit, Philodame, cur ad nos filiam tuam non intro vocari iubes? homo, qui & summa gravitate; & iam id aetatis, & parens esset, obstupuit hominis improbi dicto. Instare Rubrius. Tum ille, ut aliquid responderet, negavit, moris esse Graecorum, ut in convivio virorum accumberent mulieres. Hic tum alius ex alia parte. Enimvero ferendum hoc non est, vocetur mulier, & simul servis suis Rubrius, ut ianuam clauderent, & ipsi ad fores assisterent, imperat: Quod ubi ille intellexit, id agi, atque id pati, ut filiae suae vis afferretur, servos suos ad se vocat: his imperat; ut seipsum negligent, fillam defendant. Nam quod non nullos ceteroque non ineruditos homines opinari video, id tum a Philodamo pro tempore confictum esse: quantopere in eo fallantur, vel de his, quae subiiciam, nobilissimis oratoris Isaevi, quem veteres Demosthenicae in dicendo facultatis fontem vocarunt, verbis cognosci potest. Ita enim loquitur in oratione, qua de Pyrrhi cuiusdam hereditate contenditur. Καίτοι εδήπουγε ὅτι γαμετάς γυναῖκας οὐδεὶς ἀν καμάζεν πλημῆσιν, ἐν δὲ αἱ γαμεταὶ γυναῖκες ἔρχονται μετὰ τοῦ ἀνδρῶν ὅτι τὰ δεῖπνα, οὐδὲ σιμωδηνεῖν ἀξιοῦν μετὰ τοῦ ἀλλοτρίων, καὶ ταῦτα μετὰ τοῦ ὅτι τυχερίων.*

Romani autem innuptas modo virgines, quod quidem sciam, a conviviis amovebant, quod haec Varronis (e) verba ostendunt : *Virgo de convivio abdicatur ideo, quod maiores nostri virginis acerbae aures, Veneris vocabulis im-
bui noluerunt.*

*Euripidis locus in Medea correctus &
declaratus.*

C A P. III.

Interposita iusiurandi religio in observandis conven-
tionibus homines plerunque diligentiores facit .
quanquam enim boni viri est fidem servare etiam nul-
lo eiusmodi vinculo alligatam : contingere tamen vi-
demus, ut saepe causam aliquam reperiant, qui ea
quae receperunt, praestare nolunt : cum in iis quae af-
firmate quasi deo teste promissa sunt, nemo id facere,
nisi plane impius, soleat . Itaque prudenter & callide
apud Euripidem Medea, cum Aegeus tutum ei apud
se hospitium fore promississet, non temere tamen ei sta-
tim fidem habere vult ? sed illud ipsum iureiurando si-
bi confirmari petit . Quod cum ille miraretur, quaere-
retque ex ea, an non sibi fideret : ita vafra & astuta mu-
lier respondens inducitur : (f)

Πέποιθα . Πελίῃ δ' ἰχθρὸς ὄξί μοι δῶμος ,
κρέων τε . τούτοις δ' ὀρκίοισι μὲν ζυγεῖς ,
ἄγαν οὐ μεθῆς αἶν ἐκ γαίης ἐμὴ
λόγοις δὲ συμβᾶς , καὶ θεῶν ἀνώμοτος ,
φίλος γίνοι αἶν , καὶ ἐπικηρυκῆμασιν
οὐκ αἶν πίθοιο . τὰ μὲν γὰρ ἡδ' ἀδενῆ
τοῖς δ' ὄλεός ὄξί καὶ δόμῳ τυραννικός .

qui quidem versus & aliquot locis depravati vulgo le-
guntur, & a scholiaste, mea quidem sententia, non in-
telliguntur : Ego igitur ita eos interpretor : Fido equi-
dem tibi . Ceterum inimica mihi est Peliae domus :
item

(e) Agathone, apud Non. v. Acerbum . (f) Medea Act. 3.

itemque Creon. *τούτοις δὲ* nempe Peliae & Creonti: *ἀγασιν ἐμὲ ἐκ γαίης*, si venerint, cupientes me a finibus tuis abducere: *ὅν μεθ' ἑς ἄν*, tu id non permittes, neque me eis trades: siquidem iureiurando fidem mihi tuam obligaveris. At si nudis tantum sermonibus mecum conveneris: (hoc enim est, *λόγῳ δὲ συμβῆς*) neque deos testes adhibueris: tum te fortassis amice cum illis geres, neque stabis iis, quae inter nos conventa erunt. Ea enim vocat *ἐπικηρυκέματα*. Addit deinde causam probabilem, cur vereatur, ne ita eveniat. Cum autem vulgo legatur *μεθ' ἑσσαν*, aut *μεθ' ἑς ἄν*, ubi ego legendum censeo, *μεθ' ἑς ἄν*, & *ἐγώ μοι*, ubi ego, *ἀν' ὁμοιότητος*, quantam ea res *ἀμνηχανίαν* scholiastae obiecerit, quamque longe eum a poetae sententia abduxerit: dicerem, si liberet ostentare me in exagitan-
dis aliorum erroribus. Nunc eo ingenio sum, ut id, quod mihi verum videtur, nude ac simpliciter proponere, satius ducam.

*Quid intersit inter imperium patris & domini,
Emendati Afranii versus apud Gellium.*

15

C A P. IV.

MUltum interesse inter imperium patris & domini, longeque alia ratione regendos esse liberos, alia servos, multi & philosophi & poetae veteres traderunt. Nam servilis quidem animus naturali quodam dominorum odio imbutus, coerceri fere, nisi malo, non potest. Liberi, quos cum parentibus arctissimo caritatis vinculo natura copulavit, officiis sunt, & obsequio, & benevolentia devinciendi. sed habendus deligenter est modus. Neque enim laudandi sunt, qui ita indulgent filios habent, ut ad omnia eorum peccata conniveant: qualis a Terentio inducitur Mitio: multoque minus si qui se eis praebent inhonestarum libidinum administratos, &, quod ait apud Euripidem Medae nutrix

τριχ, ἡμαρτηκόσι κύριον σωεγκομίζου. Ut fugiamus enim propununtur illa in theatris, non ut imitemur: (g)

*Omnes parentes Libane liberis suis ,
Obsequelam facient, qui auscultabunt mihi :
Quippe qui mage amico utantur gnato, & benevolo .
Atque ego me id facere studeo: volo amari a meis .
Volo mei patris me similem, qui, caussa mea ,
Nauclerio ipse ornatu per fallaciam ,
Quam amabam abduxit a lenone mulierem
Neque puduit eum id aetatis sycophantias
Struere, & beneficiis me emere gnatum suum sibi :
Eos me decretumst persequi mores patris .
Nam me hodie oravit Argrippus filius ,
Amanti ut facerem argenti copiam sibi .
Et id ego percipio obsequi gnato meo .
Volo amoris obsecutum illius . Volo amet me patrem .*

Flagitiosa quidem illa sunt, & a paterna lenitate nimium quantum abhorrentia. An vero si quis pater filium aut brachio, aut crure, aut aliqua corporis parte debilitet, inutilemque reddat, teter & immanis habeatur: qui animum, quo nihil est divinius, detorquebit, depravabit, corrumpet, hunc lenem, atque indulgentem putemus? ego vero immitem potius, & crudelem nominaverim. Non hercle minus, quam si delipienti ac deliranti, & mentis vitio mortiferum venenum petenti pro cibo, praebeat, eique se nihil negare posse dicat. Satis sit errantes admonere, & admista blanditiis severitate in viam reducere, lapsos erigere, ignoscere: non saevire, non domo excludere, non in manicis & compedibus habere, praecipitare quidem labantes, & suapte sponte ruentes in exitium impellere, non comitatis est, neque clementiae, sed crudelitatis, & dementiae: neque hoc qui faciunt, benigni patres, sed importunissimi filiorum suorum hostes sunt iudicandi. Pari quoque prope-

(g) *Plant. Afn. sc. Sicutum:*

pemodum in vitio sunt, qui ad illam summam veritatis normam exigere omnia, qua ea liberis fiunt, volunt: neque fas putant, inconsultam illam & improvidam aetatem usquam offendere, & illectam blanditiis voluptatum a rationis praescripto desistere: cum senes quoque ipsos quibus multo facilius est domitas & compressas libidines habere, non nunquam tamen abripi earum aestu, neque ὁρῶν τὰν ραυὴν perpetuo tenere posse videamus. Illi ergo superiores a filiis pro amore contemptum ferunt. Nunquam enim contemptum cognita nequitia effugit. Hi, quibus naturae lege, vita ipsa cariores esse debuerant, eis invisos se, odiososque reddunt: & illud consequuntur, ut filii paternae vitae finem, suae principium putent fore. Iam qui ne liberis quidem carus sit, cum consentaneum est, ne ceterae quidem familiae carum esse. Cui autem dulce quicquam esse possit in vita, qui se vivere tota sua domo norit invita?

Θένομεν ἂν, εἰ μὴ πάντες εὐχόμενοι θανέιν.

ait ille. Non male. Nam quid miserior, quam ita vivere ut neminem videas, qui te salvum velit? quod consequuntur illi, ut dixit, qui metu potius quam reverentia quadam, filios in officio continendos putant. Iteque praeclare Afranius: [h]

Horunc parentum est vita bilis liberis,

Qui malunt metui, quam vereri se a suis.

cuius versus eo libentius adduxi, ut emendarem. Apud Gellium enim mirabiliter depravati leguntur. Quare neque exultanti iuvenum libidini frena laxanda sunt: neque ferox aetas durior, quam par est, imperio magis etiam exasperanda: sed ea utendum dexteritate, ut ii qui reprehenduntur ipsi, non odio sui, sed amore potius & benevolentia id fieri sentiant: omninoque ita temperanda omnia, ut & ab odio severitatem comitas vindicet, & a contemptu severitas comitatem.

Emen-

(h) *Consohrinis. apud Gell. L. 15. c. 13.*

*Emendatus Varronis locus, qui citatur
a Nonio.*

C A P. V.

Asse vinum: asse pulmentarium. Sed eas quo natura aurigatur, non necessitudo (i). Ita plane citantur haec verba Varronis a Nonio: nisi quod librariorum vitio, sed eas, coniuncte legitur pro, sed eas. Mirum est autem, Victorium, qui haec verba diligenter consideravit. Eorumque sententiam satis commode exposuit, non vidisse, magnum in eis adhuc haerere vitium, idque tales, ut sententiam plane absurdam & ineptam efficiat. Nam quid est tandem. Quo natura aurigatur, non necessitudo? aut quo aurigatur natura: nisi quo etiam necessitudo? puto autem tres primas litteras ultimae vocis ab aliquo librario sine causa geminatas esse, hoc modo: nec necessitudo. Deinde illud, nec, mutatum esse ab aliis in, non. Ut plane ita legendum sit *Asse vinum: asse pulmentarium. Sed eas, quo naturae aurigatur necessitudo.*

*Ab igne ad vitam crebro tralatas esse multas
ab antiquis scriptoribus voces.*

C A P. VI.

Igneae naturae esse animum, plerique veteres crediderunt. Adducebantur autem in eam opinionem, quod calore foveri, ac vegetari omnia viderent: tum quod frigere cadavera: unde & *frigidam vitae pausam* dixit Lucretius (k). Sed & movetur per se ignis, & pascitur: quae certo quodam modo propria animalium sunt. Ergo ex ea opinione multa loquendi genera fluxere in quotidianam loquendi consuetudinem. Nam extinguendi verbum, quod in igne proprium est, etiam in animalibus dicitur. Ut, — *natumque patremque*
Cum

(i) Medio. Non. v. Aurigatur. (k) Lib. 3.

Cum genere extinxem (l) . Et animam extinguiam seni . Et vivere, ab iis quae animata sunt, ad ignem transfertur .
Plautus: (m)

Nam si ignis vivet, tu extinguere extempulo .

& Horatius vivas lucernas dixit, accensas :

Vivaeque producent lucernae, (n)

Dum rediens fuget astra Phoebus .

quod autem mihi rarum in primis visum est, etiam interfectum torrem pro extincto Accius dixit eius enim extant hi versus Meleagro: (o)

Tum suum vitae finem, ac fati internecionem fore

Meleagro, cum torris esset interfectus flammeus .

Correctus locus e primo Rhetoricorum Aristotelis.

Item locus Callimachi ex hymno in Apollinem.

C A P. VII.

Aristoteles libro primo De arte dicendi, ubi felicitatis partes percenset, εὐνησαν, id est, ut Victorius erudite & eleganter interpretatur, bonam commodamque senectutem in eo positam esse dicit, ut & tarde senescat quis, & sine dolore ac molestia senescat: nam neque quem cito deserit iuventus, feliciter senescere dicendus est: neque is, cuius ingravescentem aetatem magni dolores molestiaeque comitantur. In iis autem verbis, quae statim apud Aristotelem sequuntur, vitii aliquid inesse arbitror: neque Victorii aut scripturam, aut interpretationem ea in parte probo. Ille enim legit: Ἔστι δὲ καὶ ἐκ τοῦ τοῦ σώματος ἀρετῆς, καὶ τύχης. μὴ ἄνοστος γὰρ ὢν, μηδὲ ἰχυρὸς, οὐκ ἔσται ἀπαθὴς, οὐδ' ἄλυστος, καὶ πολυχρόνιος οὐτ' ἂν εὐτυχὴς διαμείνειεν ἄν. Quibus ex verbis quam sententiam efficiat, ex ipsius commentario perspicui potest. Ego autem ita legendum censeo: μὴ ἄνοστος γὰρ

[1] A. Aeneid. v. 605. [m] Aulul. Sc. Num. defaec. [n] Lib. 3. Cat. ode. 21. [o] Apud Non. v. Torris,

γὰρ ἂν, μηδὲ ἰσχυρὸς οὐκ, ἔσαι ἀπαθὴς, οὐδ' ἄλυτος καὶ πολυχρόνιος ἀνευ τύχης διαμείνειν ἂν. Cum enim dixisset, ad εὐημερίαν concurrere oportere tum corporis, tum fortunae bona: causam statim addidit, cur utraque necessaria esset. Nam & nisi qui prospera utatur valetudine, integrisque sit corporis viribus, is ut ἀπαθὴς sit, fieri prorsus non potest: & cui parum amica fortuna sit, neque vacare molestiis poterit, neque diu vivere. Multa enim fortuito obici possunt, quae partim magnas & graves molestias afferant, partim etiam vitae spatium contrahant. Hoc est igitur quod ait, ἀνευ τύχης ἔτε ἄλυτον, ἔτε πολυχρόνιον διαμείνειν οἶόν τε εἶναι. Eodem prope modo memini correctum olim esse ab Io. Aurato, homine doctissimo, mihiq; amicissimo, versum quendam Callimachi ex hymno in Appollinem: qui cum vulgo ita legatur: (p)

Οὐδ' ὁ γὰρ οὐδ' ἰσχυρὸς ἢ φοῖβον ἐν μόνον ἡμᾶρ αἰεῖσει.

Ἔστι γὰρ εὐημερὸς τις, ἂν ἔρεα φοῖβον αἰεῖσει;

legendus est, ut is, quem modo dixi, vir eruditissimus admonuit, hoc modo:

Ἔστι γὰρ εὐημερὸς. τίς ἂν ἔρεα φοῖβον αἰεῖσει;

hoc enim dicit poeta, neminem esse usque eo rudem & indifertum, cui non facillimum sit laudare Apollinem. Nam ita multa in eo laudanda esse, ut nemini, ne infantissimo quidem, qui eum celebrare instituerit, deesse possit oratio.

*Conatus emendandi duos locos e tertio libro
Aristotelis De arte dicendi.*

C A P. VIII.

SUMMUM studium adhibere debent, quicumque aliquid dicendo persuadere meditantur, in ipso dicendi artificio occultando & obtegendo. natura enim

com-

comparatum est, ut facilius assentiamur iis, qui ita, uti naturae impetus fert, loqui videntur, quam illis, a quibus naturalem illum cursum arte quadam inflecti opinamur. Etenim veritatis, ut ait Euripides, [q] simplex est oratio. Quo fit, ut quicumque ab illa naturali simplicitate discedunt, veniant nobis in suspicionem, quasi decipere nos ac circumscribere moliantur. Sapienter igitur a dicendi magistris praecipitur, summam artem in arte dissimulanda sitam esse. Quod Aristoteles libro tertio his verbis complexus est: *Διὸ δεῖ λαμβάνειν ποιούντας. καὶ μὴ δοκεῖν λέγειν πεπλασμένως, ἀλλὰ πεφυκότως. τοῦτο γὰρ πιθανόν, ἡκεῖνο δὲ πύρρῳ. ὥς γὰρ πρὸς ἑκείνου λείοντα διαβάλλονται.* Quae verba exponens optimus interpretum, ait, verbum *διαβάλλονται* alio quodam modo accipi, quam plerumque soleat, cum enim *διαβάλλεσθαι* usitate dicatur pro eo quod est criminari, aut calumniari, hic valere idem, quod male animo affectos esse. Ego autem quod bona ipsius venia dictum sit, nunquam id verbum eam vim habere arbitror: neque sane eo loco quem ipse ex Plautarcho protulit, declarationem illam ullo modo confirmari puto. Potius autem crediderim, erratum esse a librariis, qui *διαβάλλονται* scripserint, cum scribendum esset *διευλαβοῦνται*. Ac ne illud quidem pigebit admonere: paulo supra eum quem modo recitavimus, locum, ubi in vulgatis libris legitur, *ἐν δὲ τοῖς φιλοῖς λόγοις πολλῶν ἐλάττωσιν*, mihi quidem legendum videri, *ἐν δὲ τοῖς φιλοῖς λόγοις πολλῶν ἐλαττώ εἰσίν*. Ipsa enim orationis ἀκολουθία, nisi valde fallor, aliter constare non potest.

Illustratus locus e primo Topicorum Aristotelis.

C A P. IX.

QUODAM loco e primo Topicorum Aristotelis, vis particulae *πρὸς* non satis e Latinis interpretibus percipi potest: ubi sic philosophus loquitur: *Μὴ*

λαμ-

[q] *Phoenissae.*

vj

160 M. ANTONII MURETI

λαμβάνετω δ' ἡμᾶς, ὅτι τὰ πρὸς τὸ ἴδιον, καὶ τὸ γένος καὶ τὸ συμ-
 θεσηκὸς πάντα λεγόμενα, καὶ πρὸς τοὺς ὁρισμοὺς ἀρμόσει λέγεσθαι.
 Non enim vertendum est, ita ut illi faciunt, *ad*
proprium, *ad genus*, *ad eventum*, *ad definitiones*: sed;
adversus. Hoc enim docet philosophus: quae argumen-
 ta afferti solent ad docendum aliquid non esse alicuius
 rei proprium, aut eventum, aut genus, eadem valere
 adversus definitiones. Nam ut, si quid non reciproca-
 tur, proprium non est, ita neque definitio. Et si doceat-
 ur, genus non esse id, quod in definitione pro genere
 positum est: ipsa quoque definitio perimetur. Quin-
 etiam si quid ostendatur eorum quae ad definiendum
 adhibita sunt, *μη ὑπάρχον*, tolletur definitio: cum in tol-
 lendis etiam eventis eadem ratio valeat. Est autem ita
 dictum πρὸς ut in illis, πρὸς Λεπτήν, πρὸς τὴν Φιλίππου ἐπι-
 στολὴν & similibus. Sic & libro secundo τὰ πρὸς τὴν θέσιν
 vocavit ea, quae ad oppugnandam θέσιν valerent.

Correctus & illustratus locus e secundo
Topicorum:

C A P. X.

SIquando thesis nobis aliqua impugnanda fit, quae
 sterilis, ut ita dicam, & ieiuna sit, neque magnum
 ullum habeat campum, in quo excurrere possit oratio:
 qua ratione huic incommodo occurrere ac mederi de-
 beamus, copiose Aristoteles libro secundo Topicorum
 docet. Inter cetera autem quae ponit apta & accom-
 modata ad orationem in planum ac patentem locum ex
 illis angustiis educendam, vasfrum quoddam & callidum
 artificium detegit, quo sophistae uti solerent: ob idque
 locum illum sophisticum vocat. τόπος enim plane, non
 τόπος, eo loco legendum videtur. Id erat huiusmodi:
 Habebant sophistae meditados ac paratos multos diver-
 sis de rebus communes locos: in iis & ornamentorum
 & ar-

& argumentorum omni genere abundabant. Ergo si forte in suis illis *ἑκδιζήσιν*, quaestio inciderat quaequam, ad quam ipsi tractandam minus instructi forent, quacun- que via poterant, abducebant disputationem a re proposita, ad unum aliquem e locis illis communibus, in eoquē postea sese iactabat. Id quatuor modis fieri potest. Quorum priores duo neminem dedecet: tertius habet aliquid sophisticum: ideoque parce ac modice eo utendum. Quartus autem continent apertam significationem impudentiae. Quare totus sophistis relinquendus est. Primus modus est, cum eorum quae a nobis sumuntur ad evertendam thesin, aliquid negatur ab adversario. Ita autem res fert, ut ad id ipsum, quod negatur, tractandum iustiores simus, quam ad eam cuius causa id sumptum erat, quaestionem. Tunc enim licebit, diis hominibusque approbantibus, quanta maxima poterimus orationis ubertate ac copia versari in eo confirmando, quod negatur. Exempli causa. Finge, disputari inter duos de summo bono: quorum unus in voluptate illud ponendum esse defendat: alter eam sententiam impugnet. Hunc autem ponamus, non valde tritum esse in ea parte philosophiae, quae format mores sed in physicis egregie exercitatum. Nempe igitur ad propositam quaestionem, quae ethica est, non poterit ei magna vis argumentorum suppetere, quod si quid physicum ageretur, haberet, ubi facultatem ostentaret suam. accingit se tamen ad disputationem: in eamque ingreditur hoc modo. Motionem omnem imperfectum quiddam esse. Quare voluptatem, cum motio sit, esse etiam imperfectum quiddam: neque dignandum summi boni nomine. Neget ille alter, quod prioris syllogismi initio sumptum est. Omnem videlicet motionem esse imperfectam. Quis inficiari audeat, voluptatem impugnanti licere transferre orationem ad demonstrandum id quod negatum est? pandet igitur vela, & emer-
sus

ex illo, in quo deprehensus erat, freto, in explicanda vi ac natura motionis, pleno mari feretur. Quippe est enim ea tractatio Physicorum. Altera ratio his verbis ab Aristotele exponitur: ὁμοίως δὲ καὶ ἔστιν ἐπαγωγὴν πρὸς τι διὰ τοῦ κειμένου ποιησαμένῃ, ἀναιρεῖν ὀπχειρή. τοῦτο γὰρ ἀναιρεθέντος, καὶ τὸ προκειμένον ἀναιρεῖται. Quae verba magnum negotium facefferunt Alexandro. Ita enim sane vocemus eruditum illum interpretem, si non suo, at usitato tamen nomine. Cuius quae hoc loco sit ἀμνησία, videre est. Ego autem, cum ab eo dissentiam, non constitui sententiam ipsius referre. Petant eam e libro, qui volent. Meam proponam: ut, cui placuerit, eam sequatur. Primum igitur Aristotelis verba ita legenda censeo: ὁμοίως δὲ καὶ ἔστιν ἐπαγωγὴν πρὸς τι διὰ τὸ προκειμένου ποιησάμενός, ἀναιρεῖν ὀπχειρή. τοῦτο γὰρ ἀναιρεθέντος, καὶ τὸ προκειμένον ἀναιρεῖται. In quo, ne quis forte aliter putet, profiteor, me unam tantum litteram ex me mutare esse ausum. Nam quod pro ἐπαγωγὴν, scripsi ἀπαγωγὴν, coniectura ductus, ut verum fatear, feci. προκειμένῃ, ubi vulgo legitur κειμένῃ, apud Alexandrum repperi. Idque melius visum est, propter id quod sequitur: καὶ τὸ προκειμένον ἀναιρεῖται. ποιησάμενός, pro ποιησαμένῃ, antiqua scriptura est. Ut apparet ex eodem Graeco interprete. Unam autem litteram mutare, non nimis improbum, neque inverecundum esse arbitror. Nunc dicam, quam subesse his verbis sententiam putem. In illa superiori ratione, abducebatur disputatio ad antecedentia: hic ad consequentia abducitur. Ait enim, si non satis multa nobis occurrant argumenta, quae proprie pertineant ad labefactandam thesin: videndum esse; num quid ex ea consequatur, quod multis argumentis impugnare possimus. Licet enim eo traducere disputationem: cum, si quid alicui consequens est, everso eo, id quoque unde consequitur corruat. Exempli gratia. si quis disputet adversus eos, qui animos cum corporibus interire censent:

& of.

& ostendat, eo quod illi volunt, posito, omnem cultum divinum, atque omnem religionem funditus sublatum iri. Deinde nactus dicendi campum, ostendat, quanta confusio ac perturbatio omnium rerum, quanta generis humani miseria & infelicitas consecutura sit, sublata religione. Quae si vel cogitatu horrenda sunt: exterminanda quoque est e mentibus hominum opinio illa, quae animos mortales facit. Eodem modo licebit, disferentem fati, ostendere, si ea sit supervacaneas esse leges: tum disputare ample ac copiose de legum dignitate, ac praestantia: & quantopere sint necessariae utpote quibus, tanquam nervis, hominum societas devincta teneatur. Hanc ego germanam esse Aristotelis sententiam existimo: eamque facile ex ipsius verbis elici, ad eum, quem dixi, modum emendatis. Tertius modus est, cum videtur quidem is, qui disputationem alio derivat, necessario id facere: neque tamen facit: ut si quis disputaturus de motibus animi: repetat sermonis principia ab iis, quae de motu apud Physicos disputantur, Videbitur enim auditoribus non acutissimis aliquid, quod rem faciat, dicere; cum de motu utrobique agatur. Ac tum maxime, si adversarius eorum aliquid negaverit. Illud autem praeteriens admonebo: in hoc loco explicando, ubi apud Aristotelem legitur, εἴτ' ἀπὸ πάσης ἀπαγωγῆς ἐνδόξου, mihi legendum videri, εἴτε ἀπαγωγῆς ἐνδόξου. Quartus modus est, qui neque necessitatem, neque necessitatis similitudinem habet ullam: quale sit, si τῷ ἀντιπάλῳ inter disputandum exciderit soloecismus, aut falsa historia, aut aliquid tale: & tu in eo eum urgeas.

*Emendati loci aliquot e libello Q. Ciceronis
De petitione consulatus.*

C A P. XI.

NUnc, quia non omnes eadem iuvant: estque κατ' ἐκείνο τὸ Εὐριπίδειον, μεταβολὴ πάντων γλῶσσιν, omit-

tamus paulisper Aristotelem : & alios levioris operae scriptores, quoad possumus, adiuvemus. Est autem in omni re laudabili atque honesta, etiam non consecuta operis effectione, voluntatis laudanda propensio. Ac quoniam M. Tullii libros a mendis iam aliquot vindicavimus, volumus quidem certe: Quae etiam Tullio eius fratri praestemus idem officium: & quem illius unicum habemus de petitione consulatus commentariolum accuratissime atque artificiosissime scriptum, operae aliquid in eo purgando sumamus. Igitur ex ipso quidem limine ac vestibulo mendum unum sustulimus iam, iis in scholiis, quae anno in Propertium edidimus. Cum enim vulgo ita legatur. *Etsi tibi omnia suppetunt, quae consequi ingenio, aut usu homines, aut diligentia possunt.* Docuimus, vocem, *homines*, temere additam, & illud, *consequi*, παθητικὸς positum esse. Paulo post autem ubi fratris amicitias generatim enumerat: ita legitur. *Deinde & amicorum multitudo, & genera appareant. Habet enim ea, quae novi habuerunt: omnes fere publicanos, totum fere publicanos, totum fere equestrem ordinem, multa praeterea municipia, & cetera.* Quo loco quin isti παντοκράτες, qui praeclaras suas glossas ubique inferciebant, verbum, *habuerunt*, de suo addiderint, neminem, considerata re, dubitaturum opinor. Nam qui tandem illa novi habuerant? aut quid magni erat, ea habere Ciceronem, quae novi habuissent? Novi igitur, priore syllaba producta legendum est: ut ut sit: ἔχεις γὰρ ἃ ἐχούδα: non autem. ἔχεις γὰρ ἃ εἶχον οἱ χυνοί. Leviusculum hoc est, quod dicturus sum: sed dicam tamen, nulla est enim tam parva macula, quam, non pulchrum sit, e bonis libris eluere. Ubi ergo est, *Iam P. Galbam, & L. Cassium*: pro, *Iam*, legendum puto, *Nam*. Illud gravius. Quod cum exposuisset multas causas, ob quas Antonium Cicero pro nihilo putare deberet: de Catilina ingrediens loqui, ita scribit. *Alter vero, dii boni quo splendore est? primum nobilitate*

bilitate eadem, num maiore? non: sed virtute: Idem autem illi stercorei glossographi, quos glossis suis aliquid aliud facere, non libros contaminare oportebant: ad illa verba, Primum nobilitate eadem, auctarium addiderunt, quia Catilina, et atque ita fuere bardi, ut non animadverterent, de ipso Catilina sermonem esse. Nam illa, quae sequuntur, Quamobrem qui inanius umbram suam metuit, corrupta esse video: quomodo emendari debeant, non video. Venit mihi quidem in mentem aliquid: sed nihil satis firmi. Nemo autem, qui praestat quod potest, quod quaedam non possit, reprehendendus est.

Ex eodem libello emendati aliquot loci.

C A P. XII.

NON eos modo, qui corruptos praestantium scriptorum locos emendant, praeclare operam suam ponere arbitror: verum illos quoque, qui, cum aliud nihil possunt, eos indicant; proponunt enim hominibus ingeniosis, & copiosis, & copiosa veterum codicum suppellectile instructis materiam, in qua se exercent: eosque excitant ad aliquid excogitandum. Quod nunc faciam: locumque indicabo ex eodem illo libello, qui sine dubio corruptus est. Quomodo corrigi debeat, divinabit fortassis alius. Deinde ut quisque optimus ac maxime domesticus ut is amet; quisque fidelissimum esse te cupiat, valde elaborandum puto: tum ut tributes, ut vicini, ut clientes, ut denique liberti, postremo etiam servitus. Huius periodi prima pars ita deformata est, ut quid sibi velit, suspicari potius, quam intelligere, liceat. In extremo autem, ubi est, servitus, legendum censeo, servi tui. Sequitur: Nam fere omnis sermo ad forensam famam a domesticis emanat auctoribus. Quae verba ut integra & incorrupta sunt, ita depravata & male distincta, quae sequuntur. Deinde instituendi sunt cuiuscunque generis

amici ad speciem hominis illustris honore ac nomine: qui etiam si suffragandi studia non navant; tamen afferunt petitori aliquid dignitatis ad iustitiam obtinendam. Magistratus, ex quibus maxime consules, deinde tribunos plebis ad conficiendum centurias homines excellenti gratia, qui tribuent centuriam, & cetera. Spero, omnes homines mihi assensuros, nullam omnino idoneam sententiam ex iis verbis extundi posse. Ego autem puto eum facere tria genera amicorum: unum, ad speciem: alterum, ad iustitiam obtinendam: si quis forte competitorum malis artibus eum deicere molitur: tertium, ad conficiendum centurias. Ac, ne longum faciam, ita legendum cenfeo: Deinde instituendi sunt cuiusque generis amici. Ad speciem, homines illustres honore ac nomine: qui etiam si suffragandi studia non navant, tamen afferunt petitori aliquid dignitatis. Ad iustitiam obtinendam, magistratus: ex quibus maxime consules, deinde tribuni plebis. Ad conficiendum centurias, homines excellenti gratia. Illud autem, Qui tribuent centuriam, alterius periodi principium est. Quae ne ipsa quidem vitio vacat. Haud ita multo infra, in eodem libello ita legitur: Et omnino, quipiam eo genere amicitiarum petitio tua maxime initiata est, quod caussarum defensionibus adeptus es, &c. Ego pro initiata, libenter legerim, innixa. Paulo post: Et quemadmodum memini, quod nulla in re illis unquam molestus fuisti, ac cura, ut intelligant, omnia te, quae ab illis tibi deberi putaris, ad hoc tempus reservasse. Sed quis est, qui cum illas sermonis sordes videt, Memini, quod nulla in re fuisti molestus illis non clamet, ὅτε μοι λειάνην; Vox illis abest a quibusdam olim impressis libris. Unde mihi verisimile fit, ita legi debere: Et quemadmodum nemini ulla in re unquam molestus fuisti, &c.

Ex eodem libello emendati aliquot loci.

C A P. XIII.

Praefertim cum id tibi casus efferat, uti tecum petant, quorum amicitia aut contemnenda aut fugienda sit. Ex eodem illo commentariolo sunt haec in quibus libentius legerim, *Ut il tecum petant*. At hoc non magni momenti est. Illud paulo gravius: quod, *rem honestam* scripserunt ubi sine dubio scribere oportuerat *honestatem*. Quis enim non offendatur, haec legens? Haec tu plane ab iis postulato, ut quoniam nulla impensa per te alii rem honestam, alii salutem ac fortunas omnes obtinuerunt. &c. Honestatem autem dicit dignitatem & estimationem. Assentior etiam homini eruditissimo Dionysio Lambino, qui ignoratione antiqui verbi locum hunc ex eodem libro depravatum iudicat. Nam cum id petitur, quod honeste, aut sine detrimento nostro promittere non possumus: quomodo si quis roget, ut contra amicum aliquam causam recipiamus; belle negandum est: ut ostendas necessitudinem: demonstras, quam moleste feras: aliis te id rebus exacturum esse persuadeas. Neque enim censet ille, ibi legi debere, exacturum: sed, exsarturum. Idemque ita legit versus illos ex Heautontimorumenos: (r)

Ancillas servos: nisi eos, qui, opere rustico

Faciundo, facile victum exsarcirent suum.

unum etiam locum Q. Ciceronis corrigam, qui in optimis omnium Manutianis libris asterisco notatus est, deinde alio me convertam. Ita ergo ibi legitur, *Praefertim cum multo magis irascantur iis qui negent, quam iis, quem videant ea causa impeditum, ut facere quod promissit cupiat, si ullo modo possit*. Legendum autem videtur, *Quam ei, quem videant, &c.* Errorem obiecit obsoleta iam scribendi ratio. Eii enim scribebant, pro ei, & reii pro rei. Et eodem genere cetera ad eundem modum.

L 4

Quod

Quod apud Ciceronem in epistolis ad Atticum legitur, ἐν αἰνιγμοῖς, unde sumptum sit.

C A P. XIV.

Notum est, Ciceronem in veteribus utriusque linguae poetis lectitandis multum fuisse, crebroque eorum modo integros, modo dimidiatos versus, modo etiam leviter immutatos scriptis suis immiscuisse, quin & non nunquam unam aut alteram vocem ab iis sumptam usurpasse, quae tamen facile ab hominibus in eodem studio tritis agnosceretur. Tale est, quod in epistola quadam ad Atticum posuit, ἐν αἰνιγμοῖς (s) Cum enim diceret, se, si perfidelem haberet tabellarium, omnia de republica scripturum plane, sin aliter esset; subobscurè quidem, sed tamen, ne Atticum facile intellegendum consideret, *In iis*, inquit, *epistolis me Laelium, te Furium faciam. Cetera erunt. ἐν αἰνιγμοῖς.* Sumptisse autem hoc videtur ex Euripide, apud quem in Theseo ita loquitur chorus, (t)

Τὰ δ' ἐν αἰνιγμοῖσι σημαίνει κακὰ.

Σαφὲς γὰρ αὐδ᾽ συμμάχης ὀλωλότας.

Proverbium quoddam, quo Cicero de senectute usus est, ex Euripide sumptum esse.

C A P. XV.

Pincipium libri De senectute e primo Platonis πολι-
τειῶν prope ad verbum conversum esse, nemo paulum modo humanior nescit. Sed quod ibi dicentem facit Scipionem de quibusdam senibus, quibus ita odiosa senectus esset, ut onus se Aetna gravius dicerent sustinere, id unde sumptum, sit, a nemine, quod sciam proditum est. Eruditus sane vir, ac multae lectionis, qui tot millia παροιμιῶν unum in corpus contulit, hoc non vidit.

[s] Ep. 19. l. 2. (t) Δη. 5.

dit. Est autem ex Euripide: apud quem Ἡρακλεῖ μακρομέ-
 τῳ chorus, qui e senibus constat, iuventutem quidem
 celebrat ac praedicat: malam vero, ut veteres loque-
 bantur, aetatem miris modis exagitat, eique multa ma-
 la precatur. Inter cetera autem, eam dicit onus esse
 Aetna gravius, quo perpetuo prematur senum caput.
 Versus hi sunt, qui tamen vulgo aliter leguntur. Sed
 ego legendos puto, (u)

ἀ νεότας μοι φίλον.
 τὸ δὲ γῆρας ἄχθῃ αἰεὶ
 βαρύτερον Αἴτνας σκοπέλων
 ὅτι κρατὶ κείται.

Sed & apud Plautum non raro ita senes de aetate sua,
 ut de gravi aliquo ac ponderoso onere, loquuntur.

*Ut Cicero dixit, conficere famam, ita Graeci
 dicunt ποιεῖν ὄνομα.*

C A P. XVI.

IN dialogo De claris oratoribus ita de Catulo loqui-
 tur Brutus: *Catulus erat ille quidem minime indoctus,
 ut a te paulo est ante dictum, sed tamen suavitas vocis &
 lentis appellatio litterarum bene loquendi famam confecerat.*
 Videtur autem hoc loquendi genus, quo res quae-
 piam alicui famam conficere dicitur, a Graecis manasse. So-
 crates quidem certe apud Platonem in apologia eo uti-
 tur. Cum enim dixisset, mirum non nullis videri pos-
 se, si nulla in re ceteris antecellebat; quid tandem ipsi
 tantam famam, tantamque invidiam conciliare potuif-
 set, Ego vero, inquit, conabor demonstrare vobis, quid mi-
 hi & famam & calumniam confecerit. Verba, quibus hoc
 dicit, haec sunt: καὶ γὰρ ὑμῖν περάσσομαι ἀπαδείξαι, τί ποτ'
 ὅτι τοῦτο, ὃ ἐμὲ πεποίηκε τό, τε ὄνομα, καὶ τιμὴ διαβολῆς.

Quod

(u) Chor. Aët. 2. Herc. fat.

*Quod Theopompus de Lacedaemoniis dixit, idem
de fortuna quoque merito dici posse.*

C A P. XVII.

EVolvebam nuper Theodori cuiusdam Methochitæ librum, cuius mihi copiam fecerat homo cum philosophiæ ac Theologiæ scientiam præstans, tum ita comis atque amabilis, ut eum ipsæ suis manibus Gratiæ finxisse ac composuisse videantur, Sixtus Medices Dominicanus. Continet autem liber ille centum viginti non sane contemnendas variis de rebus disputationes Graeco sermone conscriptas: quarum in una reperimus hæc quæ subiiciemus in fortunæ instabilitatem atque inconstantiam non inurbane, neque illepide dicta: quæ nobis causâ fuit, cur ea hoc loco proponeremus. Theopompus historicus aculeata Lacedæmonios oratione perstringens improbarum eos mulierum cauponam exercentium similes esse dicebat. Quæ hospitibus ad se divertentibus vinum initio & gustatu suave, & usu salubre præbent, callide id astuteque facientes, ut argentum ab eis eliciant, postea vero aliud infundunt vile, & corruptum & acidum, eoque ipsos uti cogunt. Sic enim & Lacedæmonios initio eius belli quod adversus Athenienses gesserunt, callide fecisse, ut cæteros Graecos, tanquam suavissimo poculo oblato, allicerent; cum quasi tabellis publice propositis profiterentur, ac promulgarent, cupere se Græciam a dominatu Atheniensium vindicare. Post autem eis amarissima & insuavissima pocula miscuisse, refertae undique molestiis vitæ & negotiorum acerbissimos dolores inurentium: cum præficerent civitatibus Xuiros, & præfides importunissimos, qui eas tyrannico imperio premerent, agerentque ea quæ asperrima perpesu, planeque intolerabilia essent. Sed enim quod Theopompus
de

de Lacedaemoniis dicebat, id meo quidem iudicio de hominum fortuna convenientius dici potest. Quae quidem multis initio obviam sese ferens, miris eos ad se blanditiis allicit, tum inani praesentium successuum laetitia complens, tum spe ita semper in posterum fore. Ubi autem inhiantes sibi homines sua levitate in altum sustulit, saepe eis praeter opinionem maximas exhibet difficultates non nunquam etiam illos, qui futura non prospicientes, magnos spiritus, ipsius inflati favore, conceperant, deserit: non aliter, quam dolosus quispiam, & perfidus itineris comes, qui, quibus maxime in locis societate, & viribus, & mutua defensione opus est, ibi potissimum fugiens confisum sibi comitem derelinquit. Ita fere Theodorus: cuius liber cum adhuc divulgatus non malam me a studiosis gratiam initurum. Sed Plautarchus in Lyfandro hoc ipsum narrans, Theopompum hunc comicum vocat.

*Ciceronis e Lucullo correctus &
declaratus locus.*

C A P. XVIII.

EXperiri libet, ecquid opera mea corrigi possit locus quidam e Ciceronis Lucullo quem cum depravatum esse constaret, extiterunt etiam alii, qui emendare vellent: sed eos, quod petebant, affecutos non puto. Habetur autem ibi sermo de iis qui ab ineunte adolescentia ita se alicui disciplinae philosophorum addixerant, ut eius omnia placita ac decreta sequerentur: & ut Ulysses Homericus ait, solum Tiresiam apud inferos sapere, ceteros (x) *οκλῆς αἰσθη* ita ipsi, qui ex eadem essent haeresi, iis veritatem patere solis, ceteros omnes vagari temere, & huc illuc a vero avios ferri iudicarent. Negat autem id eos statuere potuisse: non enim aliorum cognovisse rationes: ut, omnibus diligenter

exami-

[x] *Odyf. lib. 10. v. 494.*

examinatis ac perpenſis, conſtituerent, qua tandem una cunctae aliae praeponderarentur. Scitum autem eſt illud, ſive ἡσιόδειον eſt, ſive, ut creditur, ψευδηςιόδειον: Μηδὲ δίκλω δικάσας, πρὶν ἀμαρτὴν μῦθον ἀκρίβης. Id igitur non feciſſe ipſos; ſed infirmiſſimo tempore aetatis, aut obſecutos amico cuidam, aut una alicuius, quem primum audiſſent, oratione captos, de rebus incognitis iudicaſſe, & ad quamcumque diſciplinam quaſi tempeſtate delati eſſent, ad eam tamquam ad ſaxum, adhaeſiſſe. Porro eandem ſtultitiam eleganter exagitavit Lucianus in dialogo qui περὶ αἰρέσεων ſcribitur. Et multo gravius Origenes lib. primo κέλσου. Sed Cicero (eius enim cauſa haec ſuſcepta & inſtituta oratio eſt) ita hac de re loquitur. *Nam quod dicunt, omnia ſe credere ei quem iudicent fuiſſe ſapientem: probarem ſi idipſum rudes & indocti iudicare potuiſſent. Statuere enim, qui ſit ſapiens, vel maxime videtur eſſe ſapientis. Sed ut potuerunt, omnibus rebus auditis, cognitis etiam reliquorum ſententiis, iudicaverunt: aut re ſemel audita, ad unius ſe auctoritatem contulerunt.* Ex his poſtremis verbis cum appareret, aut nullam ſententiam effici, aut eam, quae quodammodo cum ipſius Ciceronis mente pugnaret: viſum eſt homini eruditifſimo, & alioqui in ſanandis eiufmodi vulneribus felicifſimo, ita legi debere. *Sed ut potuerunt, omnibus rebus auditis, cognitis etiam reliquorum ſententiis, iudicare: ita, re ſemel audita, ad unius ſe auctoritatem contulerunt.* Quam ego correctionem eo probare deterreo; quod Cicero, ſi ita legamus, fateri videbitur, eos tanta de re iudicare potuiſſe, ſi omnium ſententias audiſſent. At rudes & indocti erant. Non igitur poterant, ne auditis quidem & cognitis omnium ſententiis, iudices idonei eſſe. Quocirca alio modo corrigendum arbitror: nempe ita ut, pro *potuerunt*, legamus *potuerint*: pro illo *aut*, ſubſtituamus, non *ita*, ſed *an*: totam autem comprehenſionem interrogando eſſeramus, ad hunc modum: *Sed, ut potuerunt*

potuerint: omnibus rebus auditis, cognitis etiam reliquorum sententiis iudicarunt, an, re semel audita, ad unius se auctoritatem contulerunt? Ita enim duobus modis eorum iudicium reprehenderetur. Quod neque iudicare potuerunt, cum rudes & indocti essent: &, ut eos potuisse demus [ea enim vis inest in his verbis, *ut potuerint*] non tamen cognoverunt omnium sententias: sed indicta causa condemnatis aliis, unius auctoritatem sunt secuti. De rebus autem neque auditis neque cognitis recte iudicare nemo quamlibet sapiens possit.

*Ciceronis locus ex Isocrate, ut videtur,
imitatus.*

C A P. XIX.

Isocrates cum Evagorae laudationem ad Nicoclem eius filium mitteret principio usus est pereleganti, valdeque ad ornandum ac commendandum munus suum accommodato: putare enim se dixit, si quis eorum quae hic fiunt, sensus ad mortuos perveniret, nihil posse ipsi Evagorae accidere optatius, quam ut res ab ipso praeclare ac fortiter gestae eloquentis alicuius hominis voce, ut ipsarum dignitas posceret, celebrarentur. Non erat autem dubium, quin plurimi facturus esset filius id, quod ipsi patri, de quo omnibus modis ornando cogitabat, probatum iri existimaret. Per bono igitur, perque appposito argumento usus est rhetor ille, cum, cuius laude, oratione sua complexurus erat, eius ipsius ea de re. quatenus licebat, iudicium ac sententiam protulit. Vidit id, qui Isocratis libros diu in deliciis habuerat, multasque de floribus illius corollas sibi texuerat, Tullius, itaque cum in senatu ageretur de Ser. Sulpicii statua; quam pedestrem statui oportere censeret: eandem illum Isocratis rationem adhibuit, ut non immerito credi possit, cum Isocratis locum ipsi tum in mentem fuisse

fuisse . Utriusque verba ponam, ut conferre liceat . Iso-
crates . ἡγεσάμην Εὐαγόραν , εἰ τις ἔστιν αἰδομένης τοῖς τετέλευτη-
κόσι , πρὸς ᾧ ἰσθᾶδε γιγνομένων , εὐμνῶς μὲν ἀποδέχεται καὶ ταῦτα ,
καὶ χαίρειν ὁρῶντα πλὴν τε πρὸς αὐτὸν ἐπιμέλειαν , καὶ πλὴν σιωπῆς με-
λοπρέπειαν : πλὴν δ' αὖτε πλείω χάριν ἔχειν ἢ τοῖς ἄλλοις ἅπασιν ,
& quae sequuntur . Cicero : (1) *Mibi autem recordanti*
Ser. Sulpicii multos in nostra familiaritate sermones, gratior
illī videtur, si quis est sensus in morte, aenea statua futura &
ea pedestris magis, quam inaurata equestris . Subiicit dein-
de uterque orator rationes, quibus, verisimile efficiat, eum
illorum fuisse sensum, de quibus honestandis agebatur.

*De quodam loco e secundo De finibus neque Ma-
nutii, neque Victorii sententiam veram videri.*

C A P. XX.

Cicero lib. secundo De finibus adversus Epicuri sen-
tentiam disputans, qui in constituendis conser-
vandisque amicitiiis suam quemque utilitatem sequi de-
bere, affirmaverat, cum aliis argumentis utitur ad eam
opinionem labefactandam, tum hoc quoque, quod ista
ratione suas quisque possessiones pluris facere deberet,
quam amicos, cum ex illis uberes certique plerumque
fructus; ex his damna & molestiae non parum saepe ca-
pianitur . His autem verbis Torquatum, quem ab Epi-
curo dicentem fecerat, alloquitur, *Num igitur utiliorem*
tibi hunc Triarium putas esse posse, quam si tua sint Puteolis
gramina ? quae verba iampridem diligenter ponderatus,
Paulus Manutius iudicaverat, aliquid vitii subesse in
voce, *gramina*, ostenderatque se suspicari, pro *gramina*
legendum praedia . Multis annis post, P. Victorius li-
bro vi. (2) Variarum lectionum, vulgatam scripturam
defendere conatus est, planeque pronunciavit, eam men-
do carere . Duobus autem argumentis id probat . Pri-
mum

[1] *Philip. 9.* [2] *Cap. 16.*

num, quod gramen non tantum valeat certam herbam, quam *ἄγρωσι* Graeci vocant, sed alias etiam ostendat, ex quibus foenum cogitur. Deinde, quod Cicero lib. secundo De natura deorum de eadem re disputans, ita scripserit, *Prata & arva, & pecudum greges diliguntur isto modo, quod fructus ex his capiuntur*. Mihi difficile & arduum videtur, a duobus eiusmodi hominibus dissentire, quorum utrumque, ut debeo, plurimi facio, alterum etiam incredibiliter diligo. Sed tamen quia, quod de se fortissimus ille Troianorum apud Euripidem dicit; (a) — *φιλῶ λέγειν τ' ἀληθὲς αἰεὶ καὶ ἑδωκλούς πέφυκ' ἀνὴρ*, non reticere, quid mihi videatur. Primum igitur, cur Victorii sententiam non probem, post cum Manutio agemus. Quid igitur ait homo eruditissimus Victorius? Gramen proprie quidem esse eam herbam, quam Graeci *ἄγρωσι* vocent, interdum tamen patere latius, ita ut complectatur eas omnes herbas e quibus cogitur foenum. Quod quidem ita esse, nemo nescit, eorum dumtaxat, qui Latinarum litterarum penitus rudes non sint. Foenum esse oporteret, si quis, qui tractaret litteras, ad hanc rem doctore egeret. Sed illud quoque intelligendum est, quod Victorius, caussae, ut opinor, serviens, omisit, dicere, hoc posteriore modo, graminis nomine solos uti poetas: idque eadem licentia, qua Notum pro quolibet vento, pro qualibet arbore pinum interdum, aut abietem dicunt. Quam licentiam nunquam sibi sumpsissent, qui soluta oratione scribebant: & minime omnium, nisi fallor, Cicero. Nam quod in eius scriptis nusquam hoc nomen legitur, nisi hic dubio & controverso loco, id etsi tantum valere non debet, ut haec vox propterea expungatur: (multa enim sunt apud Ciceronem singularia, & magna pars librorum ipsius intercidit) non immerito tamen, cum praeferim alia concurrant, scripturam reddiderit suspectiorem.

(a) *Hector Rhese. Att. 3.*

rem Victorius certe, quem ego libenter auctorem adducem sequor, hoc argumento utitur, ut e quodam loco ex epistolis declarat vocem, *fugatia*. Non postulo tamen, ut hoc mihi in numerum procedat. Nam ipse quoque quandam hoc loco vocem reponere cogito, quam nusquam praeterea apud Ciceronem reperiri arbitror. Id me magis movet, quod graminis nomen pro illo toto genere herbarum pratenium, quibus exiccatis & aridis ad passionem animalium utimur, apud solos poetas lego. Deinde, ut fatis hoc e Ciceronis consuetudine dici posse demus: insulsa tamen & illepada erit oratio. Hoc enim denique dicet Cicero: *Num igitur utiliorem tibi hunc Triarium esse posse putas, quam si tuae sint Puteolis herbae?* At, dices: prata hoc loquendi genere intelligi. Et potest cuiquam persuaderi, Ciceronem tam contorte locutum, ut, cum vellet prata dicere, noluerit ab suo nomine appellare, gramina maluerit, ut qui audirent, legerentve pro graminibus herbas, pro herbis prata accipere necesse haberent? Nam locum quem e primo De natura deorum adduxit Victorius, quid valere ad illam scripturam confirmandam crediderit, nescio, ego, qui eam impugno, eum ipsum locum valde facere a me puto. Etenim si ita dixisset Cicero; Gramina, & arva, & pecudum greges diliguntur isto modo; tacerem, quiescerem, verbum amplius non adderem, nullo modo de scripturae illi integritate dubitarem. Nunc quid ait? *Prata & arva, & pecudum greges & cetera.* Nempe igitur, ut hic prata suo nomine expressit, ita illic quoque, si prata dicere voluisset, prata dixisset, non gramina. Recte igitur iudicavit Manutius, locum hunc vicio non carere. Illud minus recte, quod sine auctoritate vetusti codicis, *praedia*, pro *gramina*, substituendum putavit. Ego in quibusdam satis veteribus libris ita scriptum reperio, *Num igitur utiliorem tibi hunc Triarium putas esse posse, quam sint tua Puteolis*

lis granaria? atque haec postrema vox ita etiam in quibusdam olim excusis legitur. Quae scriptura cum absurdi nihil habeat cur, ei quae vulgo recepta est, anteponenda non sit, non video: nihil enim prohibet, Torquatum hunc granaria quaeprim Puteolis, e quibus magnos fructus perciperet, habuisse.

Qui fuerint Aristotelis libri De philosophia, quodque illorum argumentum. Illustratus locus e primo libro Ciceronis De natura deorum.

C A P. XXI.

Velleius, qui apud Ciceronem De natura deorum Epicuri partes tuetur, principio disputationis suae veterum philosophorum super ea re sententias enumerando perceret: credo, ut cum alias omnes aut refellisset, aut illussisset, constitueret eam, quam sequebatur, ibi de Aristotele (b) ita loquens inducitur: *Aristoteles in tertio De philosophia libro multa turbat, a magistro Platone non dissentiens*. Et quae sequuntur. Quem locum declarans Petrus Marsus, homo, ut illis temporibus, non contemnendus, multa enim iam tum notavit, de quibus, tanquam novis, & a se primum animadversis, multi hodie sibi placent: is igitur libros Aristotelis De caelo tertium De philosophia librum vocari putat: & ut stultam opinionem suam, quoquo modo poterat, confirmaret, errorem, ut fit, errore cumulat, librorum eius philosophi ridiculam quendam orationem commentus. Primum enim de philosophia librum ait esse libros *ἢ μετὰ τὰ φυσικά*: secundum, libros *φυσικῆς ἀκροάσεως*: tertium, libros de caelo. Quam ineptiam pluribus verbis exagitare nihil opus est. Id modo admonere non ab re fuerit, scripsisse Aristotelem libros tres, quibus nemin fecerit, *περὶ ἀγαθῆς, ἢ περὶ φιλοσοφίας*, quibus

M

a Pla-

(b) 1. de Nat. Deorum.

a Platone acceperat, itemque non nulla Pythagoræ dogmata. Numerum librorum a Laertio accipimus; qui in indice scriptorum Aristotelis posuit, (c) *ἡ δὲ φιλοσοφία α' β' γ'* Ipsemet autem eorum meminit lib. primo: De animo, his verbis: *Ὁμοίως δὲ καὶ ἐν τοῖς περὶ φιλοσοφίας λεγομένοις διορίσθαι*. quae verba ita exponit Simplicius: *ἡ δὲ φιλοσοφία νῦν λέγει, τὰ περὶ τῷ ἀγαθοῦ αὐτῷ ἐκ τῆς Πλάτωνος ἀναγραφυμένα συνουσίας, ἐν οἷς ἰστέει τὰς τε Πυθαγορείους, καὶ Πλατωνικάς περὶ ὧν ὄντων δέξας* ex his auem facile cognosci potest error illorum qui apud Ciceronem legebant, A magistro Platone uno dissentiens.

*Ciceronis e tertio De natura deorum locus
ex Aristotele expressus.*

C A P. XXII.

Semper existimavi ea quae libro tertio De natura deorum Cicero Cottam dicentem facit, ut ostendat, in diis virtutem inesse non posse, deprompta esse ex Aristotele, Sed ut de hoc meo iudicio ceterorum iudicium faciam, hoc loco utriusque verba proponam. Ita ergo loquitur Cotta: *Quid enim? prudentiam ne Deo tribuamus? quae constat ex scientia rerum bonarum & malarum, & nec bonarum nec malarum. Cui mali nihil est, nec esse potest, quid huic opus est delectu bonorum & malorum? quid autem ratione? quid intelligentia? quibus utimur ad eam rem, ut apertis obscura assequamur. At obscurum Deo nihil potest esse. Nam iustitia, quae suum cuique distribuit, quid pertinet ad Deos? hominum enim societas & communitas, ut vos dicitis, iustitiam procreavit. Temperantia autem constat praetermittendis voluptatibus corporis, cui si locus in caelo est, est etiam voluptatibus. Nam fortis Deus intelligi qui potest? in dolore, an in labore, an in periculo? quorum Deum nihil attingit. Apud Aristotelem autem*
libro

[c] *Vita Aristotelis lib. 5.*

libro x. De moribus ad Nicomachum haec leguntur :

Πράξις δὲ ποίας ἀπογίμαί χρὴ αὐτοῖς ; πότερά τας δικαίας ; ἢ γελοῖοι φανοῦνται , συναλλάττοντες , καὶ παρακαταθήκας ἀποδιδόντες , καὶ ὅσα ἄλλα τοιαῦτα ; ἀλλὰ τὰς ἀνδρείους ; ὑπομένοντας τὰ φοβερά , καὶ κινδυνεύοντας ὅτι καλόν ; ἢ τὰς ἐλευθερίους ; τί νι δὲ δύνανται ; ἀποπον δὲ ἢ καὶ αὐτοῖς ἔσσαι νόμισμα , ἢ τὶ τοιούτον ; εἰ δὲ σώφρονες , τί αὖν εἶεν ; ἢ φορτικὸς ὁ ἔπαινος ; ὅτι ἔκ ἔχου φαύλας ὀπθυμίας . διεξίκοι δὲ πάσι α , φαίνοντ' αὖν τὰ φεὰ τὰς πράξεως μικρὰ καὶ ἀνέξια θεῶν .

Quamquam autem inter utriusque orationem non ita magna est dissimilitudo , longe tamen aliud Cottae , aliud philosophi consilium fuit . Ille enim scelerate & impie efficere voluit , nullam ullius generis in diis inesse virtutem hic cum docere vellet , τὰς θεωρητικὰς καὶ ἀρετὰς praestare ταῖς πρακτικαῖς ostendit has humiliores esse & abiectiores , quam ut in divinam naturam convenirent . Praeclare autem Platonici , omnes omnino virtutes in Deo inesse dicebant , sed longe alio modo , quam in hominibus : nempe παραδειγματικὰς , καὶ αἰτιώδεις . nobis quidem nihil esse certius atque exploratius debet , quam Deum esse principium ac finem omnium virtutum , bonorumque adeo omnium : ipsum solum vere ac per se bonum : cetera eo tantum bona , quod ab ipso proficiuntur , ad eundemque referuntur .

Locus e Miloniana cum duobus Demosthenis uno , altero Lysiae comparatus .

C A P. XXIII.

CAllide & ingeniose locutus est Cicero in Miloniana , cum illuc venisset , ut fatendum esset , Clodium a servis Milonis occisum fuisse . Nam qui proficeret , rem ipsam per se odiosam esse [nemo enim fere est , qui ad caedis mentionem non exhorrescat , & aversetur eum , a quo illa perpetrata dicitur] noluit eam suo ac proprio nomine appellare ; sed eam orationi suae

sententiam intexuit, quae ad avertendum odium, & ad facinus ipsum excusandum cogitari potuit aptissima. *Fecerunt, inquit, servi Milonis, quod suos quisque servos in talis re facere voluisset.* Neque enim non satis ex eo intelligitur, occisum Clodium: sed asperitas rei tollitur, mitigatur quidem certe, cum cogitat quisque, se quoque idem facturum fuisse, si in tale discrimen incidisset. Omnes enim facile ignoscunt, cum quis quid fecit, quod ipsi quoque fecissent. Usus est autem in re quidem & dissimili & dispari, sed tamen usus est eadem sententia Demosthenes in oratione adversus Midiam. Se enim dicit, contumeliis affectum, a Midia, id fecisse, quod eorum qui iudicabant, quisque sibi faciendum esse duxisset. Εγὼ δ' ὅπερ ἂν ὑμῶν ἕκαστος ὑβριδὲς προείλετο πράξαι, τὸ τοῦ αὐτὸς ἐποίησα. Idem artificium, adhibuit subtilissimus oratorum Lysias in oratione, quam scripsit ei qui Eratosthenem quendam in uxore sua deprehensum occiderat. Non enim aperte ac simpliciter dicit, eum a se interfectum, sed consecutum ea quae legibus constituta essent in eos qui talia facinora facerent. ἔτως, inquit, ὃ ἄνδρες ἐκείνος τέτων ἔτυχεν, ὥν περ καὶ νόμοι κελεύουσι τὰς τὰ τοιαῦτα πράττοντας.

Illustrati Virgiliani versus e quarto Aeneidos.

C A P. XXIV.

FUrorem illum quo correpta est Dido, cum cognosset, captum iam esse Aeneae abeundi consilium, ut magis exprimeret optimus poetarum, comparavit eam cum duobus, qui saepe in tragoediis furentes inducebantur, Pentheo & Oreste. Noti autem sunt illius versus: [d]

*Eumenidum veluti demens videt agmina Pentheus,
Et solem geminum, & duplices se ostendere Thebas:*

Aut

(d) 4. *Aeneid. vers. 469.*

*Aut Agamemnonius scenis agitatus Orestes,
Armata facibus matrem & serpentibus atris
Cum fugit, ultricesque sedent in limine Dirae*

ac Servius eorum exemplorum utrumque a Pacuvio sumptum esse dicit, qui furem induxerit Pentheum, idemque fecerit Orestem sedentem iu Apollinis templo, neque audentem egredi: quod comitata furiis matris umbra limen templi obsideret. Neque sane infitias iverim, potuisse Virgilium hoc a Pacuvio sumere. Mihi tamen nescio quo modo verisimilius sit, hausisse eum ex ipsis fontibus, atque ex Aeschyllo potius, & Euripide, quam e Pacuvio, ornamenta operi suo quaesivisse. Apud Euripidem quem in Bacchis ita loquitur Pentheus: (c)

*Καὶ μὴν ὄραν μοι δύο ῥῆ' ἡλίου δισκῶ,
Διῶας δὲ Θήβας.*

*Videre videor iam duos soles mihi,
Duplicesque Thebas.*

apud Aeschylum autem in Eumenidibus ea spectantur, quae Latinus poeta de Oreste describit. Aut igitur a Graecis illa repetiit, aut a Pacuvio, qui eas, quas nominavi, fabulas verterat.

(c) *Αἴ. 4.*



MARCI ANTONII MURETI
AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER OCTAVUS.

*Poetarum & apum comparatio. Illustratus Horatii
versus, Necte meo Lamiae coronam.*

C A P. I.

Libenter ac saepe faciunt poetae, ut se quidem api-
bus, studium autem suum mellificio cuidam
comparent. Neque, si quis diligenter inspiciat,
parum multa utrisque inter se similia reperientur.
Apes instruendis operibus suis naturam tantum magi-
stram sequuntur artem non adhibent. Sic & poetae na-
tura tantum valent: arte si qui se poetarum nomen
tueri posse confidunt, eo gravissimus auctor Plato pro-
nunciat, nihil unquam egregium ac memorabile effe-
cturos. Itaque Pindarus eo se gloriatur adversariis suis,
Cacchylide nimirum & Simonide, esse superiorem:
quod ipse natura poeta sit, illi autem didicerint a ma-
gistris: in quo tantum esse vult, ut eo potissimum no-
mine se aquilae, illos corvorum similes esse dicat. [f]

σοφὸς, inquit, ὁ πολ-

λὰ εἰδὼς φύσιν

μαθίντες δὲ, λάβροι

παγγλωσσία, κόρακες ὡς

ἄκραν-

(f) Pindarus Olymp. 2.

ἀκέραια γάρυτον

Διὸς πρὸς ὀρυγὰ θεῶν

Apes nisi irritentur, innocuæ : sunt irritatae, figunt aculeis eos a quibus laesae sunt & acerbissimos eis dolores infligunt. Idem poetis ingenium nulla, ubi non laeduntur, innocentior hominum natio, laceffiti, ita se ulciscuntur, ut interdum eos quibus offensi erant, ad mortem adegisse narrentur. Nam praeter id quod de Archilochō accepimus; novi ego, qui hac aetate tantum versibus suis inimico dolorem inusserit, ut ex eo ille sit mortuus. Neque non hoc de seipsis poetae praedicant quorum sunt illa. (b)

Cave, cave: namque in malos asperrimus,

Parata tollo cornua. &

Ne quisquam noceat cupido mihi pacis. At ille,

Qui me commorit, (melius non tangere, clamo) (i)

Flebit, & insignis tota cantabitur urbe.

Quocirca Platonē in Minoe praecipit iis quo bonae famae studiosi sunt, ut diligenter caveant, ne cum poetis inimicitias suscipiant. Apes e variis floribus succum exprimentes, opus dulcissimum conficiunt. Poetae quoque vagantes per hortos illos Gratiarum & Veneris, de quibus est apud Pindarum, & ex iis bellissimum quodque carpentes, ea concinnant carmina, quibus ne mel quidem ipsum mellitius videri potest. Indē igitur illa sunt. (k)

Floriferis ut apes in saltibus omnia libant,

Omnia nos itidem depascimur aurea dicta,

Aurea perpetua semper dignissima vita. &

—ego apīs Matinae (l)

More modoque

Grata carpentis thymia per laborem

Plurimum, circa nemus, uvidique

M 4

Tiburis

(h) Horatius Epod. 6. (i) Idem. L. 2. Satyr. 1. (k) Lucretius lib. 3. (l)

Horat. Cat. l. 4. Od. 2.

Tiburis ripas, operosa parvus

Carmina fingo.

Merito igitur Eustathius ait apem ζῶον εἶναι συγγενὲς τῇ ποιήσει, διὰ τε τὸ μύχθον τὸ ὅτι τῇ ἐργασίᾳ, καὶ διὰ τὴν τῆ ἐργου γλυκύτητα, καὶ τὸ τοῦ κηρίου εὐσυνθετον. ὦν πάντων μετέχει καὶ ἡ ποίησις, πόνη τε ποιοῦσα, ἡ δὲν ἰδὲ καλῶν πόνη χωρὶς, ἔχουσα δὲ καὶ γλυκύτητα ἐκ ὀλίγῳ, ἐναγλαΐζομένη δὲ καὶ τῇ τῆ μέτρῃ εὐσυνθεσίᾳ.

Est etiam, cum poetae iucundissima quadam allegoria utentes, poemata sua coronas vocant, quibus aiunt, ornari ac redimiri a se caput illius quem laudant: ut in Pythiis: σὺ δ' εὐμυρία δέξαι στεφάνωμα τοῦτο. & alibi saepe. quod imitatus Horatius dixit, (m)

— o quae fontibus integris

Gaudes, apricos nocte flores,

Nocte meo Lamiae coronam

Pimplea ductis.

Deliciae autem meae, Euripides, Hippolytum quoque de hymno, quo Dianam celebraverat, ita ut de corona quapiam loquentem facit, (n)

Σοὶ τόνδε πλεκτὸν στέφανον ἐξ ἀκηράτου

λειμῶν ὃ δέσποινά κοσμήσας φέρω,

ἐνθ' ὅτε ποιμὴν ἄξιοι φέρων ῥοτά,

ἔδ' ἦλθέ πα σίδηρος. ἀλλ' ἀκήρατον

μελίσσα λειμῶν, ἥρινόν διέρχεται.

αἰδώς δὲ ποταμίαισι κηπεύει δρόσοις.

ῥοσὶς διδακτὸν μηδὲν, ἀλλ' ἐν τῇ φύσει

τὸ σωφρονεῖν εἴληχεν εἰς τὰ πάντ' αἰ,

τούτοις δέσπεσθαι, τοῖς κακοῖσι δ' ἐθέμης.

ἀλλ' ὃ φίλη δέσποινά χρυσίας κόμης

ἀνάδημα δέξαι, χερὸς εὐσεβοῦς ἄπο.

atque equidem hos versus, si potero, vel potius, utcunque potero, Latine exprimam: ut etiam ii qui Graece nesciunt singularem eorum suavitatem quoquo modo ode-

odorentur . Ab iis autem qui Graeca per se satis intelligunt, valde peto, ut haec mea aut ne legant, aut coniventibus oculis legantur :

*Tibi hanc corollam diva nexilem fero ,
Aptam e virentis pratuli intonsa coma :
Quo neque proteruum pastor umquam inigit pecus ,
Neque falcis umquam venit acies improbae .
Apis una flores vere libat integros ,
Puris honestus quos rigat lymphis Pudor .
Illis, magistri quos sine opera, perpetem
Natura docuit ipsa temperantiam,
Fas carpere illinc: improbis autem nefas .
At tu aureae regina vinculum comae
Amica suscipe, pia quod porgit manus .*

& quoniam semel audere coepi, subiungam etiam versus aliquot ex Edyllio, quod abhinc annos novem ad FRANCISCUM TURNONIUM, Cardinalem omnibus maximis honoribus dignissimum, scripsi . In eo igitur ita erat, in extremo :

*Ipse ego tum e terra pennis sublatus Amoris,
Per Charitum, Venerisque hortos, pictosque perenni
Flore ferar campos, & vulgo incognita prata.
Unde metens violasque, & purpureos hyacinthos,
Intactasque rosas, immortalesque amaranthos,
Non prius audito texam tibi more corollam,
Quae, damnosus expers senii, tua tempora circum
Ardeat, aeternoque nitens scintillet honore :
Donec ab aequoreis ignotos fluctibus ignes
Clara Ariadneae rutilabunt signa coronae.*

*De quoddam loco e libro secundo Rhetoricorum
Aristotelis, adversus Petri Victorii sententiam.*

C A P. II.

A Equiore animo se puniri ferunt, quicumque se, qui puniantur, dignos putant . Quocirca Aristoteles

teles libro secundo De arte rhetorica, inter ea quae ad mitigandum animum pertinent, ponit id quoque, ut iis qui sibi factam iniuriam censent, ostendamus, ipsos priores in iniuria inferenda fuisse, & merito ipsis contingere ea de quibus queruntur. Ira enim ex opinione iniuriae nascitur, quare si desinent putare iniuriam sibi fieri, irasci desinent. Sed in eius rei tractatione quaedam verba sunt, quorum sententiam Victorium affecutum esse non existimo. Sunt autem haec: *Διὸ τῷ λόγῳ δὲ ἡ προκολλάζειν. ἀγανάκτουσι γὰρ ἢ πον καλαζόμενοι καὶ οἱ δούλοι,* Quae ita exponuntur a Victorio: *Ne facile irascamur, & ex tenui quaque ac saepe iniusta causa accendamus animo, qua ex te magna saepe mala exoriuntur, praecipit, quo modo nos gerere debeamus. Ne temere igitur, inquit, in alios irruamus, non est cunctandum ratione animum praeparare, & quasi ante motum illum castigare: haec enim causa est, cur servi male mulctati aequo animo ferunt, nec valde indignantur: antea enim iniquam suam condicionem cogitantes, tolerandis miseriis se praepararunt: Id autem apud Plautum in milite servum decere Periplectomenus tradit. Nam homini servo suos domitos habere oportet oculos, & manus, orationemque.* Haec Victorius; quae an vera sint, nescio. Mihi quidem non videntur. Credo autem hoc Aristotelem dicere: Cum reapse punire aliquem volumus, prius eum oratione esse castigandum, atque efficiendum, ut ipse plane intelligat, quasque oculis cernat, se commeritum poenam. Nam & servi minus indigne ferunt supplica, quae de ipsis sumuntur, si hoc modo cum eis agamus.

Collatio loci cuiusdam e Phaedro Platonis cum eiusdem loci interpretatione Ciceroniana.

C A P. III.

Nobilem illum Platonis e Phaedro locum, ubi animorum immortalitas necessaria ratione probari creditur

creditur, Cicero, ut notum est, & in libris De Republica & in primo Tusculanarum disputationum interpretatus est. Mihi autem hoc loco decretum est, cum Platonis verbis, Ciceronis interpretationem, quam diligentissime potero, contendere. Puto enim, cum apud utrumque nonnulla haud satis emendate legantur, ex hac collatione aliud emersurum. Plato, Πᾶσα ψυχὴ ἀθάνατος· τὸ γὰρ ἀκίνητον θάνατον. Cicero, ommissa propositione: *Nam quod semper movetur, aeternum est.* In quo illud observatione dignum puto, quod ἀθάνατον vertit *aeternum*. Quamvis enim Plato animos non immortales modo faciebat, verum etiam aeternos; neque quicquam apud philosophos immortale sit, quod non si etiam aeternum: tamen haec vocabula vulgo distingui solent, cum Cicero plane pro eodem accipiat: Plato: τὸ δ' ἄλλο κινεῖται, καὶ ὑπ' ἄλλο κινούμενον, παῦλα ἔχον κινήσεως, παῦλα ἔχον ζωῆς. Cicero: *Quod autem motum affert alicui, quodque ipsum agitur aliunde, quando finem habet motus, vivendi quoque finem habeat necesse est.* Praeclare omnino reddita hac pars videtur. Cum autem illa eiusdem verbi repetitio, quae in Graeca oratione nihil habet in-suavitatis, in Latino sermone parum elegans, neque satis dilucida fore videretur, varietate vitavit hoc incommodi: *motum asserre*, dicens, pro *movere*: & *agitari*, pro *moveri*. Sed & illud ἔχον in quo colligendi vis inest, ita expressum est, ut nihil melius optari queat, Plato: μό-
νον δὴ τὸ αὐτὸ κινεῖται, ἅτε οὐκ ἀπολείποντα αὐτὸ, οὐποτε λήγει κινου-
μενον. ἀλλὰ καὶ τοῖς ἄλλοις ὅσα κινεῖται; τοῦτο πηγὴ καὶ ἀρχὴ
κινήσεως. Cicero: *Solum igitur quod sese movet, quia nun-
quam deseritur a se, numquam ne moveri quidem desinit. Quin
etiam ceteris quae moventur, hic fons, hoc principium est mo-
vendi.* In quibus illa praecipue annotanda duco: ἅτε,
commode verti, quia: & κινήσεως, *movendi* Plato: ἀρχὴ
δὲ ἀγένητον Cicero: *Principii autem nulla est origo.* Eleganter.
Neque enim poterat una voce dicere ἀγένητον: cum in-
gent-

genitum sit ἔμφυτον . Plato , ἐξ ἀρχῆς γὰρ ἀνάγκη πᾶν τὸ γινόμενον γίγνεσθαι . αὐτὴν δὲ μὴδ' ἐξ ἑνός . Cicero : Nam ex principio oriuntur omnia; ipsum autem ex nulla re alia nasci potest . ἀνάγκη γίγνεσθαι, dixit simpliciter, *oriuntur* : & illud, τὸ γινόμενον, omisit . Plato: εἰ γὰρ ἐκ τοῦ ἀρχῆς γίγνοιτο, ἔκ ἂν ἐξ ἀρχῆς γίγνοιτο . Cicero : Nec enim esset id principium, quod gigneretur aliunde . Videtur ergo apud Platonem legisse: εἰ γὰρ ἐκ τοῦ ἀρχῆς γίγνοιτο, οὐκ ἂν ἀρχὴ γένοιτο: quod mihi, ne quid dissimulem, verius videtur . Aristoteles quoque principiorum tres proprietates esse voluit: ut ne gignerentur, ex aliis: ut ne ex se invicem: & ut ex ipsis cetera gignerentur . Plato : ἐπειδὴ δὲ ἀγνιστόν ὄν, καὶ ἀδιάρκῳ αὐτὸ ἀνάγκη εἶναι . ἀρχῆς γὰρ δὴ ἀπολομένης, οὔτε αὐτὴ ποτὶ ἐκ τοῦ, οὔτε ἐξ ἑαυτῆς γενήσεται . εἴπερ ἐξ ἀρχῆς δὲ τὰ πάντα γίγνεσθαι . Cicero : Quod si nunquam oritur, ne occidit quidem unquam . Nam principium extinguitur, nec ipsum ab alio renascetur: nec ex se aliud creabit, (in quibusdam libris legitur, *recreabit*.) siquidem necesse est, a principio omnia . Plato: Οὕτω δὲ κινήσεως μὲν ἀρχὴ, τὸ αὐτὸ κινεῖν . Cicero aliquanto liberius: Ita fit, ut motus principium ex eo fit, quod ipsum a se movetur . Plato: τοῦτο δὲ οὐτ' ἀπόλλυται, οὔτε γίγνεσθαι δυνατόν . Cicero: Id autem nec nasci potest, nec mori . Legit igitur apud Platonem, οὔτε γίγνεσθαι, οὐτ' ἀπόλλυται . & sane is ordo melior, & magis naturae consentaneus videtur . Plato: ἢ πάντα τε οὐρανὸν πᾶσάν τε γλῶσσαν συμπεσοῦσαν εἶναι, καὶ μὴ ποτὶ αὐθις εἶναι εἶναι, ἔθεν κινήσεντα γενήσεται . Cicero: Vel concidat omne caelum, omnisque natura, & consistat necesse est: nec vim ullam nanciscatur, qua, ut a primo, impulsam moveatur . Qua in parte id primum animadvertendum est, voculam &, quae in vulgatis Ciceronis libris non est, in veteribus legi: & necessariam videri . Deinde, cum Plato dicat, πᾶσά τε γλῶσσαν non est, ut opinor, dubitandum, quin apud Ciceronem legendum sit, non, *omnisque natura*, sed *omnisque terra* . In verbis
autem

autem Platonis delendum videtur illud secundum *εἰῶται*, quod neque Cicero agnoscit, & sententia repudiat. Postremo cum in quibusdam Ciceronis libris ultima pars ita legatur, *Quae primo impulsu moveatur*: testificor, veterem scripturam a me repraesentatam esse: neque dubitare me, quin ea vera sit. *Αὐθις* autem reddidit Cicero, ut a primo. Plato: *ἀθανάτου δὲ περασμένου τοῦ ὑφ' ἑαυτοῦ κινουμένου, ψυχῆς οὐσίαν τε καὶ λόγον τοῦτο αὐτὸ τίς λέγων, οὐκ αἰχμαίνεται*. Cicero: Cum pateat igitur, aeternum id esse, quod a seipso moveatur (in aliis libris, quod seipsum moveat) quis est, qui hanc naturam animis esse tributam neget? cuius periodi posteriorem partem si Cicero ita legit, ut hodie legitur (neque aliter legisse puto,) ne ille mirificus in ea convertenda fuit. Hoc enim dicit Plato: si quis ita definiat animum, ut dicat animum esse id quod se ipsum movet, eam definitionem numquam auctori suo incussuram pudorem. Nam *οὐσίαν & λόγον*, & paulo post *φύσιν* vocat id quod Aristoteles *τὸ τὶ ὡς εἶναι*. Ea vero sententia quomodo e Ciceronis verbis efficiatur, Deus aliquis viderit. Plato, *πᾶν γὰρ σῶμα, ὃ ῥᾶ ἐξωθεν τὸ κινεῖσθαι, ἀψυχὸν ὃ δὲ ἐνδθεν αὐτὸ ἐξ αὐτοῦ, ἑμψυχον. ὡς ταύτης οὐ σῆς φύσεως ψυχῆς*. Ubi non dubito quin legendum sit *αὐτῷ ἐξ αὐτοῦ*. Cicero, *Inanimum est enim omne, quod pulsu agitur externo. Quod autem animal est*, (in quibusdam libris, *Quod autem est animatum*) *id motu cietur interiore & suo*. Nam haec propria natura animae (in quibusdam libris *animi*) atque vis. Invertisse videtur Cicero ordinem *τῶν προτάσεων* id est, fecisse ἐξ ὑποκειμένου κατηγορούμενον, καὶ ἀνέπαλιν. Plato: *εἰ δὲ δεῖ τοῦτο οὕτως ἔχον, μὴ ἄλλο τι εἶναι τὸ αὐτὸ αὐτὸ κινούμεν, ἢ ψυχῶν, ἐξ ἀνάγκης ἀγέννητόν τε καὶ ἀθάνατον ψυχὴν ἂν εἴη*. Cicero: *Quae si est una ex omnibus quae sese moveat; neque nata certe est, & aeterna est*.

*Correctus & explicatus locus Platonis ex
apologia Socratis.*

C A P. IV.

QUotidie magis intelligo, verum esse id quod semper existimavi, nullam esse mendam ita pusillam, quam non permagni intersit, e veterum monumentis tolli ac corrigi, neque ullum hominum genus magis prodesse studiis, quam eos qui accurate & fideliter operam in illis purgandis emendandisque ponunt. Unius enim litterulae erratum interdum eas etiam eruditissimis hominibus offundit tenebras, ut tanquam in illuni nocte errantes, quovis potius perue- niant, quam quo volunt. Quod & saepe alias animad- verti, & nuper cum Platonice Socratis apologiam evoluerem. In qua cum alia peccata a Marsilio depre- hendi, tum hoc, quod nunc ostendere institui. Nam cetera, est cur reiecta in aliud tempus velim. Ad ipsum igitur illius orationis finem ita legitur: Τοσόνδε μὲν τοι αὐτῷ δέομαι. τὲς ἡεῖς μὲν, ἐπειδὴ ἡβήσωσι, τιμωρήσασθε ὡς ἀν- δρες, ταυτὰ ταῦτα λισσοῦντας, ἀπερὶ γὰρ ὑμᾶς ἐλύπου, ἰὰ ὑμῖν δοκῶσιν ἢ χρημάτων, ἢ ἄλλου του πρῶτερον ἐπιμελεῖσθαι, ἢ ἀρετῆς. καὶ ἰὰ δοκῶσι τί εἶναι, μηδὲν ὄντες, ὅνειδίζετε αὐτοῖς, ὥσπερ ἐγὼ ὑμῖν, ὅτι οὐκ ἐπιμελοῦνται ὧν δεῖ, καὶ οἰονταί τι εἶναι, ὄντες οὐδενὸς ἀχαιοί. καὶ ἐὰν ταῦτα ποιῇτε, δίκαια πεπονθὼς ἐγὼ εἶσθαι ὑφ' ὑμῶν, αὐτὸς τε, καὶ οἱ ἡεῖς. Quae verba ita Marsilius reddidit: *Tantum tamen vos precor o viri, ut meos quoque filios, cum adoleverint, si ipsi, similiter atque ego, vobis molesti sint, poenis similiter afficiatis, praesertim si videantur vobis vel pecuniarum, vel alterius cuiusquam rei maiorem quam virtutis curam habere: atque si videri ve- lint, putentve, se alicuius esse pretii, cum nullius sint, illos obiurgetis, quemadmodum ego vos: quod non illis incumbant,*
ouibus

quibus est incumbendum: ac existiment, cum nullius pretiū sint, se aliquid esse. Quod si haec feceritis, iusta a vobis passus fuero egoque & filii. In quibus id admirabile atque absurdum videtur: quid sit cur Socrates ab Atheniensibus petat, filios suos interfici, si paternam hominum admonendorum & adiuvandorum consuetudinem ubi adoleverint, imitentur. Quod enim peccasse fortassis sibi ipse videbatur, quod eam vivendi viam insectus esset? minime omnium. Nam se in eo & deo obtemperasse dixerat, & meritum, ut ea causa in Prytaneo aleretur: &, si vita daretur longior, unquam aliter facturum negarat. Qua igitur de re ipse se merito amabat, summisque dignum honoribus vere gloriabatur: quid erat causae, cur eius in studio versari filios nolle? At dicet fortasse aliquis: ita demum eos ab Atheniensibus ultimo supplicio affici cupit, si ita reprehendant alios, ut ipsimet interim nihili sint, aliarumque rerum maiorem, quam virtutis, curam gerant. Ita ne quaeso? Sic quoque eos morte multari, quam admoneri, ac corrigi mavult? nam si diceret se petere, primum ut liberi sui, si quid peccarent, reprehenderentur, atque increparentur diligenter; deinde, si viderentur ita depravati, ut corrigi non possent, vita privarentur denique: non inhonesta, neque aliena personae Socratis esset oratio. Sed & multa alia proferre possem, quibus eius sententiae absurditas ostenderetur nisi satius ducerem, iis omissis, veritatem ipsam detegere cuius splendor exigui erroris nubecula obumbratus, Marsilii aciem fugit. Ubi enim *λυποῦντας* vulgo legimus, legendum est *λυποῦντες*. Qua tantula mutatione scripturae, quanta fiat sententiae mutatio, videamus. Hoc enim dicit Socrates, Peto a vobis Athenienses, cum filii mei adoleverint, ut eos ulciscamini, easdem illis molestias exhibentes, quas ego vobis exhibere consueveram: si aut pecuniae, aut ullius omnino rei, quam virtutis, studio-

diosiores esse videantur. Quas enim solebat exhibere molestias Atheniensibus Socrates? admonebat eas; urgebat, instabat, ne ullam rem virtute potiorē esse ducerent: neve quicquam illius studio praevertendum putarent. Eandem igitur molestiam filiis suis exhiberi cupit. Itaque addit: Quod si, nihili cum sint, aliquid tamen esse se existiment: exprobrate eis, ut ego vobis, quod non in iis, in quibus oportet, studium collocent: quodque, nulli pretii cum sint, aliquid se esse arbitrentur. Id enim se fecisse ipsemet dixerat: cum eos, qui se sapientes putabant, longe abesse a sapientia ostenderet. Sequitur: Haec si feceritis: tum & mihi & filiis meis id quod iustum est, tribueritis. Mihi quidem: quoniam quod ego beneficium in vos contuli, id vos conferetis in filios meos. Ipsi autem: quoniam afficietis illos ea poena, quae errantibus debita est quatenus autem poena illa sit, e primo *παιδείᾳ* cognoscere est: ubi cum Thrasymachus quaesisset de Socrate, qui tandem perpeti paratus esset, si ipse talem iustitiae definitionem attulisset, quae reprehendi nullo modo posset: Quid vero, inquit aliud, Socrates, quam quod eum perpeti par est, qui aliquid nescit; par est autem eum a sciente discere: egoque de me quominus ea poena sumatur, non recuso. Haec tam praeclara sententia in unius litterae perversione latuerat.

*Virgilii versus e sexto Aeneidos ex
Homero imitati.*

C A P. V.

CUM studiose fecerint aliquot eruditi homines, ut indicarent locos Homeri, quos Virgilius imitatus esset: multos tamen (neque aliter in tanta copia fieri potuit) praetermiserunt. Qualis est ille e sexto Aeneidos, ubi, accipiente in navim Charontē. (o)

In-

*Ingentem Aenean, genuit sub pondere cymba
Sutulit, & multam accepit rimosa paludem.*

ita enim Iliados ε, cum insiliret Linorva in currum
Diomedis, genuisse sub tanto pondere axis fāginus
dicitur: (p)

Η δ' ἰς ἄρρον ἔβαινε παρὰ Διομέδεα δῖον
Ἐρμμεμαῖα θεὰ μίγα δ' ἔβραχε φήγινος ἄζων
Βριθοσύμῃ. Διὸν γὰρ ἄγειν θεὸν, ἄνδρα τ' ἄριστον.

Notatum Petri Victorii μνημονικὸν ἀμάρτημα.

C A P. VI.

Petrus Victorius libro sexto (q) Variarum lectionum,
narrans notum illud Socratis somnium, quo, cum
in custodia publica esset, praevidit, sibi post tertium
diem esse moriendum, admonitus illo versu.

Ἡματὶ κεν τρίτῳ φθὶν ἰρίωλον ἵκατο:

Versum, inquit, esse e primo libro Iliados notum est, pro-
nunciaturque illic ab Agamemnone in iurgio illo: cum enim
dixisset Achilles se domum reversurum, copiasque suas e bel-
lo abducatum, compulsus iniuriis ipsius, libere permisit illi,
ut hoc, si vellet, faceret, rex regum, utque se ostenderet ni-
hil curare descessum illius, monstravit in sermone, eum brevī
tempore domum perventurum. Haec Victorius. Quae
omnia, ut uno verbo dicam, falsa sunt. Versum enim
illum esse, non e primo sed e nono libro Iliados, no-
tum est, pronunciaturque illic non ab Agamemnone,
neque in iurgio; sed ab Achille, qui Ulysssem alloquens,
abiturum se dicit, &, si Neptunus prosperum cursum
dederit, tertio die in patriam perventurum. (r)

Εἰ δὲ κεν δὲ πλοῖον δῶκ' κλυτὸς Ἐννοσίγαιος,

Ἡματὶ κεν τρίτῳ φθὶν ἰρίωλον ἵκοιμην. id est:

*Quod si Neptunus facilem dederis mihi cursum,
Tertia lux Phthiae lactis me fisset in arvis.*

N

cur

[p] v. 837. [q] Cap. 9. [r] Iliad. 9. v. 362.

cur autem apud Platonem ex *ἰσομυῖα* factum sit *ἰσότης*, facile est videre. Neminem igitur memorie suae valde confidere oportet, cum Victorium quoque ipsum, tanta doctrinae copia praeditum hominem, in rebus non abstrusis neque reconditis, interdum tamen vacillare videamus.

De facultate contrariorum. Emendatus & declaratus locus e secundo Aristotelis de arte dicendi.

C A P. VII.

TRIBUS modis intelligi potest id quod in philosophorum scholis tritum ac celebratum est, contrariorum eandem esse vim ac potestatem. Aut enim de vi ea quae inest in ipsis contrariis, aut de ea qua contraria apprehenduntur, aut de ea qua efficiuntur. Nos, docendi caussa, vim insitam, vim percipientem, & vim efficientem vocabimus. Ergo si de vi insita quis loquatur, non eadem est vis ac potestas contrariorum, immo, vero contraria. Exempli gratia: non eadem vis est insita frigori ac calori; cum frigus contrahendi vim habeat, laxandi calor: non eadem albo & nigro: cum illud visionem dissipet, hoc colligat. Omnino autem, cum de hoc genere potestatis proprie ac per se agitur: valet illa regula quae posita est in primo dialecticorum, Contraria de contrariis dicta, probabilia esse. Quod si agatur de vi percipiente: tum simpliciter & absolute dici potest, eandem esse vim contrariorum. Etenim album & nigrum eadem facultate cognoscimus: itemque consonum & dissonum; calidum & frigidum, & similia. Et de hac potestate intelligendus est locus ille e principio quinti Ethicorum, ubi hoc dicitur. Quinti etiam ob hanc ipsam causam contrariorum eadem est ars, eademque scientia. *πῶσαι δ' αἱ τέχναι, καὶ αἱ ποιντικαί, καὶ αἱ ἐπιστήμαι, διωάνους εἶναι*, ait Aristoteles lib. octavo

ὅς μὲν τὰ ἐπιπλά. Ubi autem sermo est de potestate effici-
 ente, addibenda quaedam distinctio est. Nam causa
 efficiens contrariorum & quadammodo eadem est, &
 quodammodo non eadem; nempe eadem quidem gene-
 re, sed non eadem specie. Verbi causa: eadem res ef-
 ficat sanitatem & morbum: nempe temperatio quatuor
 humorum, e quibus corpus constitutum est. Sed illam
 bona temperatio, hanc mala. Itidemque efficiendae
 virtutis, & efficiendi vitii potestas eadem in re sita est,
 in consuetudine. Non tamen una eademque consue-
 tudo vitiosum & virtute praeditum efficit hominem,
 sed contraria. Atque ita intelligendus est locus ille
 e secundo Rhetoricorum, ἢ γὰρ αὐτῇ δυνάμει ὅς ἰσχυρὰ,
 ἢ ἰσχυρία. In quo Victorius sui se dissimilem praebuit. Le-
 gendum autem ibi est, ἢ ἰσχυρία non, ut vulgo legitur, ἢ
 ἰσχυρία. quod ego cum a primo coniectura tantum fretus
 iudicasssem, repperi postea libros & calamo notatos, &
 typis descriptos, qui opinionem confirmarent meam.
 Quod si una eademque specie, aut etiam numero res
 potestatem efficiendi contraria in se continere dicatur,
 id necesse erit contingere aut non in eodem ἁπλοῦς ἢ
 aut quod, si idem, sit, non sit tamen affectum eodem
 modo, aut contraria illa non eadem ratione efficientur,
 aut non eodem quasi instrumento. Ut idem ignis &
 astringit & resolvit, sed astringit fortasse corium, ce-
 ram, aut glaciem laxat. Aestas appetentiam rerum
 Venerearum & auget, & minuit, sed minuit in viris,
 auget in feminis. Ebrietas alii gartulitatem affert, alii
 silentium. Doctrinae copia alii confidentiam, alii ti-
 miditatem. Fieri etiam potest, ut sit idem ἁπλοῦς ἢ
 sed non eodem modo affectum ut vini aut Veneris usus
 uni eidemque homini, sed aliter atque aliter affecto,
 modo salubris est, modo noxius. Quod si & idem sit,
 & eodem modo affectum, oportebit, ut dixi, contraria
 illa aut non eodem modo, aut non eodem quasi instru-

mento effici. Nam diuturna nivis contrectatio & frigus affert, & calorem, sed alterum quidem per se, alterum per quamdam ἀντιπίεσιν. Vinum & humectat, & exsiccat, sed alterum per se, alterum καὶ συμβεβηκός. Sic senectus adveniens & sicciores & humidiores facit. At idem medicus eundem hominem & interficere potest, & sanare: non tamen eodem plane instrumento; sed hoc remedio, illud veneno. Et idem geometres potest in eodem auditore & scientiam, & ignorantiam efficere; sed illam demonstratione, hanc paralogismo. Haec mihi de hisce rebus cogitanti venerant in mentem; quae cum haud prorsus ἀφιλόσοφα viderentur, placuit aliorum iudicio committere.

Alius locus ex eodem libro explicatus.

C A P. VIII.

INest obscuritatis aliquid etiam in iis verbis, quae proxime antecedunt eum, quem modo adduximus, e Rhetoricis locum. Ait enim Aristoteles; Si unum contrariorum eam naturam habeat, ut aut esse, aut fuisse possit: posse id probabiliter etiam de altero colligi. Quod quidem verum esse non videbitur, nisi, quomodo hic accipiatur διωατὸν intelligas idque Victorium nullo modo attigisse miror. Διωατὸν enim nomen interdum ita late patet, ut amplectatur & id quod necessario vel fit, vel est, καὶ κατὰ τὰς ἄλλας τῷ χρένυ διαφορὰς: & id quod citra ullam necessitatem. Interdum autem ad hoc tantum genus, quod posteriore loco posuimus, pertinet, καὶ ἀντιδιαρῆται τῷ ἐξ ἀνάγκης. Illo priore modo si accipias, falsum erit, quod hic ab Aristotele traditur. Non enim si potest ignis esse calidus, sequitur, ut etiam frigidus esse possit. Neque si potest moveri caelum, potest etiam quiescere nam in iis quae necessario sunt, non utrumque contrariorum est καὶ διωατὸν sed alterum tantum; neque utrumlibet, sed certo ac definite alterum. Ne-

mo autem cavillettur hic, motum & quietem non esse proprie contraria. Constat enim, hic, ut saepe alibi, Aristotelem accipere τὰ ἡναντία ἀπὸ τῶ ἐπαισθηστέων ἀντικειμένων. posteriore igitur modo accipiendum hoc loco est τὸ τῷ δυνάμει ὄνομα, & ita verissimum erit, quod ducetur. Nam hoc modo πᾶν τὸ δυνάμει εἶναι, δυνάμει ὅτι καὶ μὴ εἶναι. Ita disputantur haec Ab Aristotele ἐν τῷ περὶ ἐρμηνείας.

*Correctus Ciceronis locus ex oratione pro C.
Rabirio perduellionis reo.*

C A P. IX.

Misera est ignominia iudiciorum publicorum; misera multatio bonorum: miserum exilium. Sed tamen in omni calamitate retinetur aliquod vestigium libertatis. Mors denique si proponitur, in libertate moriamur. carnifex vero, & abductio capitis, & nomen ipsum crucis absit non modo a corpore civium R. sed etiam a cogitatione, oculis, auribus. Harum enim omnium rerum non solum eventus atque perpessio, sed etiam conditio, expectatio, mentio ipsa denique indigna cive R. atque homine libero est. Ciceronis haec verba sunt e luculenta illa oratione, qua consul C. Rabirium defendit perduellionis reum. In quibus cum duae voces, seu merito seu immerito, semper mihi suspectae fuerint: non possum, quin suspicionem meam exponam. Harum vocum prior est, *obductio*. Quamquam enim non sum nescius, obducere, interdum esse idem quod, obtegere; libentius tamen hoc loco legerem, *obnuptio*. Nam quod hoc vocabulum nusquam alibi apud Ciceronem legatur; ne obductio quidem. Et obnuptio melius, ni fallor, conveniret cum diro illo & horrendo carmine, quod paulo supra recitaverat; *Caput obnubito; arbori infelici suspendito*. Altera earum, quas dixit, vocum est *conditio*: pro qua mallet, *condictio*. Etenim condicere, vetere lingua, est denunciare; & *condictio*,

denunciatio, ut & veteres Grammatici, & Iurisconsulti docent. Quo sensu, mirifice hic, ut opinor, quadraret. Sed haec opinione tantum nixa sunt. Quare cohibeamus assentionem, dum aliquid certius & exploratius afferatur.

Ciceronis loci duo ex Aeschine, ut videtur, imitati.

C A P. X.

Cicero, cum in tertia oratione in Catilinam commemoraret ea signa, eaque prodigia, quibus dii immortales imminens periculum praemonstraverant, populumque R. ut sibi caveret, praemonuerant, affirmavit, eos ita praesentes opem tulisse, ut paene oculis videri possent. Et paulo post, tam multa signa se consule divinitus extitisse dicit; ut haec, inquit, quae nunc sunt, canere dii immortales viderentur. Credi autem potest imitatus esse hac in parte locum illum Aeschinis ex oratione adversus Ctesiphontem ubi ait, deos ita praedixisse ac praesignificasse populo Atheniensi mala, quae ei Rhetorum quorundam culpa imminerent, ut prope humana voce assumpta clamarent, cavendum esse. Verba Graeci oratoris haec sunt: ἀλλ' οὐ προύλεγον, οὐ προσήμασιν οἱ μὲν οἱ θεοὶ φυλάττειν, μονοῦν δὲ ἀνθρώπων φωνᾷς προσκτεσάμενοι. Nam quod videre oculis, ibi Cicero dixit, eodem loquendi genere Aeschines usus erat paulo supra; etsi non eadem de re loquens: ὁρᾶτε τοῖς ὀφθαλμοῖς ἡ ἐξάγιστον καὶ ἐπάραιον λιμένα τέτοιχίστηνον. Eam autem orationem converterat, ut quidem creditur, Cicero. Quo facilius ipsi, quae ex ea imitaretur, in mentem venire potuerunt. Nam pulcherrimum illum locum e secunda Agraria, Ponite ante oculos vobis Rullum in Ponto & illum item ex undecima Philippica, Ponite igitur ante oculos P. C. miseram quidem illam & flebilem speciem, sed

ad

ad incitandos animos vestros necessariam, nocturnum impetum in urbem Asiae clarissimam, & quae sequuntur: eorum igitur locorum utrumque quin ex eadem Aeschinis oratione expresserit, non fane admodum dubito. Locus autem Aeschinis, unde illos imitados esse credo, hic est: Τίνεσθε δὴ μοι μικρὸν χρόνον τιμὴν διανοίαν, μὴ ἐν τῷ δικαστηρίῳ, ἀλλ' ἐν τῷ θεάτρῳ, καὶ νομίζατε ὅρᾱν ποιεῖν τὸν κήρυκα, &c. & paulo post: Ἀλλ' ἐπεὶ δὴ τοῖς σώμασιν οὐ παρεγίνεσθε, ταῖς γε διανοίαις ἀποβλέψατ' αὐτῶν εἰς τὰς συμφορὰς καὶ νομίζατε ὅρᾱν ἀλικομίην τῷ πόλει, τειχῶν κατασκαρὰς, ἐμπρήσεις οἰκῶν, ἀγμένους γυναῖκας, καὶ παῖδας εἰς δουλείαν, πρεσβύτας ἀνθρώπους, πρεσβυτιδας γυναῖκας, ὅφι μεταμανθάνοντας τιμὴν ἐλευθερίαν, κλαίοντας, ἐκτεύοντας ὑμᾶς ὀργιζομένοις οὐ τοῖς τιμωρμένοις, ἀλλὰ τοῖς τούτων αἰτίοις. Quo quidem subiectionis exemplo vix ullum posse reperiri pulchrius puto.

E declamatione in Sallustium loci duo, quorum Alter ex Aeschine, alter e Demosthene expressus videtur.

CAP. XI.

EX eadem Aeschinis oratione sumptum est id quod positum est ad finem illius declamationis, qua Cicero tanquam a Sallustio provocatus respondere ei fingitur. Ita enim ibi scriptum est: *Finem dicendi P. C. faciam, saepe enim gravius vidi offendere animos auditorum, eos qui aliena flagitia aperte dixerunt, quam eos qui commiserunt.* Apud Aeschinem enim ita legimus, καὶ γὰρ ποτὶ εἶδον μισθῆντας τοὺς τὰ τῷ πλησίον αἰχρὰ λίαν σαφῶς λέγοντας. quod autem statim subiungitur: *Mibi quidem ratio habenda est, non quid Sallustius merito debeat audire, sed ut ea dicam, si qua ego honeste effari possim: videtur imitatum ex illo Demosthenis: ἐκ τῷ, μὴ σέ τι τὰ προσήκοντα λέγω, αὐτὸς δ' προσήκοντας ἑμαυτῷ δόξω προσηρῆσθαι λέγει.* aut ex hoc, quod in eadem oratione legitur: ποῦνὰ γοῦν

ἕτερ' εἰπεῖν ἔχων περὶ αὐτοῦ παραλείψω. οὐ γὰρ ὅς' ἂν διῆξαιμι πρᾶ-
σόντ' αἰχρὰ τούτῳ καὶ ἐνεῖδη, πάντ' οἶμαι δεῖν εὐχερῶς λέγειν. ἀλλ'
ὅσα μηδὲν αἰχρὸν ὄζην εἰπεῖν ἔμοιβ.

Inficetum, non ut vulgo, Infacetum scribi oportere : & ex eadem coniugatione cetera ad eundem modum.

C A P. XII.

Cum iam pridem in veteribus Catulli libris scriptum reperissem, (s)

O saeculum insipiens, & inficetum : itemque

Pleni rurs & inficetiarum : &

Idem inficeto est inficetior rure :

praeterieram ea omnia, tanquam errata librariorum; eramque secutus vulgarem consuetudinem, qua iam receptum est, ut per a litteram, non per i, cuncta illa vocabula & scribantur, & pronuncientur. Nuper autem cum ea de re paulo attentius cogitassem, plane adductus sum in eam sententiam, ut veterem illam scribendi rationem probam & incorruptam; eam autem qua vulgo nunc utimur, pravam & corruptam iudicaret. Ut enim ab aequo, non inaequus, sed iniquus, & ab amico, non inamicus, sed inimicus, & a sapiente, non insapiens, sed insipiens; & a facio, non infacio sed inficio dicitur; sic a *faceto*, non *infacetum* sed *inficetum* dicendum videtur. Nam illud quoque nonnihil est, quod Angelum Politianum, eruditissimum & accuratissimum hominem, ita scribere solitum constat. Hermolaus quoque Barbarus, qui, quae urbs orbis terrarum lumen est, eius ipse urbis maximum lumen fuit, ita scribenda haec censuit. Illius enim verba haec sunt ex emendationibus Plinianis: *Cum inficetus, non infacetus dicatur, auctore vel Catullo, scribendum est, inficetissime.*

Cor-

[s] In *Actus*. In *an*, *Vol*. In *Varron*.

*Correctus & illustratus Aristotelis locus e
libro quinto Ethicorum.*

C A P. XIII.

Aristotelis libro quinto Ethicorum cum ius civile ita divisisset, ut aliud naturale esse aliud legitimum diceret: legitimi exempla hæc posuit, Mina captivos redimere; capram, non oves duas immolare; Brasidae sacra facere. Quorum primum & postremum unde sumpta sint, satis constat; medium ita non commune ac contritum est, ut Michael Ephesius temere id confictum, non ex ulla historia sumptum putarit. Quod cum mihi semper suspectum visum esset, memini me, octo abhinc annos, cum eum librum Lutetiae publice interpretarer, ita dicere, mendosam mihi eius loci scripturam videri; sic tamen ut non magno negotio corrigi posset. Neque enim legendum, αἶγα θύειν, ἀλλὰ μὴ δύο πρόβατα: sed αἶγα διτθύνει, ἀλλὰ μὴ πρόβατα: id est, capra; non ovibus, rem divinam Iovi facere. Id acceptum esse ex Herodoto, qui in Euterpe narrat, ab iis Aegyptiis qui Iovis Thebani templum accolunt, suntve e Thebana praefectura, non oves, sed caprae tantum immolari: cum contra, qui sunt e praefectura Mendesia, capris abstineant, immolent oves. Utriusque autem ritus fabulosas quasdam origines pluribus verbis persequitur. Hoc ex me postea auditum Dionysius Lambinus, homo singulari doctrina & acerrimo iudicio praeditus ita probavit, ut interpretationem Aristotelei loci suam, ad meam correctionem accommodarit.

*Verbum διαφύδισθαι, quodam loco e secundo
Rhetoricorum Aristotelis non videri ita acci-
piendum, ut Victorius censuit.*

C A P. XIV.

Tria omnino sunt quae efficiunt, ut ii qui consilium

lium dant, digni iudicentur quibus credamus, quosque duces in rebus suscipiendis ac gerendis sequamur, prudentia, probitas, & benevolentia erga nos. Horum trium si quid abfuerit, non satis tutum est, eorum consilio fidere. Nam & qui tum bonus vir erit, tum amicus nobis, si idem parum prudens ac consideratus fuerit, falsus ipse, nos fallet. Et qui callidus atque acutus est, si aut improbus sit, aut male animatus in nos, in fraudem inducet potius, quam bono & utili consilio adiuvet. Etiam si quis & prudens est, & vir bonus, nisi benevolentia nos aliqua complectatur, non valde laborabit, quid nobis futurum sit. Itaque dabit quidem ille nobis consilium bona fide, & sine fallacia, sed tamen non ita cogitate, ut si aliqua nobis cum ipso esset coniunctio. Quare poterit fallere. Quod si etiam inimicus sit, nunquam sane nobis auctor erit, ut id faciamus, quod ipse nobis optimum fore cognoscet: tria illa in quo in erunt is neque volet fallere, & vix poterit falli. Hoc Aristoteles libro secundo Rhetoricorum his verbis docuit: Τοῦ μὲν οὐκ αὐτὰς εἶναι πιστοὺς τοὺς λέγοντας τρία ὅτι τὰ αἰτία. ποταῦτα γὰρ ὅτι, διὰ τὸ πιστεύειν ἕξω τῆς ἀποδείξεων. ἔστι δὲ ταῦτα φρονήσις, καὶ ἀρετὴ, καὶ εὐνοία. διαψεύδονται γὰρ ὡς ἂν λέγουσιν, ἢ συμβουλεύουσιν, ἢ διὰ πάντα ταῦτα, ἢ διὰ τούτων τι. ἢ γὰρ διὰ ἀφροσύνην οὐκ ὀρθῶς δοξάζουσιν, ἢ δοξάζοντες ὀρθῶς, διὰ μαχθηρίαν οὐ τὰ ἀκαῖα λέγουσιν. ἢ ὀφθαλμοὶ μὲν, καὶ ὀπτικαὶ εἰσὶν, ἀλλ' οὐκ εὖνοι. διότι ἐνδέχεται μὴ τὰ βέλτιστα συμβουλεύειν, γιγνώσκοντας, καὶ παρὰ ταῦτα οὐδέν. Quibus in verbis Petrus Victorius illud διαψεύδονται exponit labuntur, ac decipiuntur, & probat, id verbum interdum eo sensu capi, probato alio quodam Aristotelis loco. Ego autem, ut probes, verbum πολύσημον hoc aut illo modo accipi, non puto hoc satis esse, si doceas etiam alibi eam vim habere. Videndum illud quoque arbitrator, ea quam afferas, interpretatio ei loco, quem declaras, conveniat ne an minus. Nam si in illo versu, (τ)

Depresso incipiat iam tum mihi taurus aratro

Ingemere, dicerem, taurum esse secundum signum Zodiaci, non eo minus errarem; si ostenderem, eam vocem id valere in illo, [u]

Candidus auratis aperit cum cornibus annum

Taurus

Quanquam igitur *διαψεύδεται* interdum valet idem quod labi ac decipi, tamen qui in eo quem recitavi, loco ita exponat, labi ipsum ac decipi puto. Nam is qui cognoscens quid sit opimum factu, nihilo minus aut malitia, aut odio ductus, aliud suadet, *διαψεύδεται* ex Aristotelis sententia, neque tamen labitur ac decipitur, sed fallit ac decipit. Ergo praestare arbitror, ut *διαψεύδεται*, exponamus, *fallunt*. Quod si quis abiiciat, id verbum hoc sensu non convenire in eum qui vir bonus amicusque sit, sed per imprudentiam inutile consilium det; huic ego respondeo, fallere dici nonnumquam etiam illos qui sine ulla mala, ut ait Plautus, malitia in errorem inducunt eos quibuscum agunt. Non enim vetus illud iusiurandum ita concipi voluissent, Si sciens fallo, nisi etiam inscientem posse fallere iudicassent.

Quid apud Catullum, asini nomine intelligendum esse videatur.

C. A. P. XV.

A Sinum videtur Catullus dixisse, (x) non animal, quod vulgo notum est, sed lapidem molarem, in epigrammate, quo exagitavit Aemilii cuiusdam deformitatem, quem ait pistrino atque asino tradi oportere. Graeci certe & bestiam illam, & molam eodem nomine appellant. Itaque Hesychius *ονον* ait esse superiorem in pistrino lapidem. Eustathius autem, τὸ κινέμενον τῷ μύλῳ. Et Aptonium asinum ex eo in proverbium abiisse, quod

Antro-

(u) 1. Georg. ver. 217. (x) Epig. 96.

Antronii lapides habeant aptos ad conficiendas molas .
 Et in primo (γ) ἀναλίσκως ita scriptum est : Οἱ δὲ ἐνοικοῦντες
 ὄντες ἀλέτας φεῖ τὸν ποταμὸν ὀρύττοντες, καὶ ποιῶντες, εἰς βυβυλῶνα
 ἄγον, καὶ ἐκάλουσι, καὶ ἀνταγοράζοντες αἰτῶν ἕζω. Quorum verborum
 haec est Romuli Amasaei interpretatio; *Incolae asinarias*
molas circa flumen caedunt, excusasque Babylonem deportant,
isque venditis coempto frumento famem levant. Qui cur asi-
 narias molas dixerit non video, ego *lapides molares* tantum
 dixissem . Nam illud ἀλέτας additum est in Graeco ser-
 mone ad tollendam vocis ambiguitatem, quae in Latini-
 no nulla est . Quinetiam *piscem* ὄνρον ex eo vocatum es-
 se credo ; quod in cerebro lapides habeat molarum si-
 miles . Quamquam alii ab asinini corii similitudine di-
 ctum autumant .

Male conversos videri a Cicerone tres
Euripidis versus .

C A P I XVI.

NON sine caussa, ait Cic. cum Orestem doceret
 Euripides, primos treis versus revocasse dici-
 tur Socrates, (z)

Neque tam terribilis ulla fando oratio est ,
Neque fors, neque ira caecelatum inuestum malum,
Quod non natura humana patiendo ferat .

Qui, si cuique fas est, id quod sentit, dicere, videtur
 eorum versuum sententiam aut non satis percepisse, aut
 non fideliter reddidisse, Quod ut iudicari ab aliis pos-
 sit, Graecos Euripidis subiiciam : (a)

Οὐκ ἔστιν ἐδὲν δεινόν, ὅδ' εἰπὼν ἔπος,
 Οὐδὲ πάθος, ἐδὲ ξυμπορεῖ θεῖα λατὸν,
 Ἦς ἐκ ἀνθρώπων ἀχθος ἀνθρώπου φύσις.

Primum igitur versum, si Ciceronem sequare, ita acci-
 pias necesse est: *ὁκ ἔστιν ἐδὲν ἔπος ὅδ' εἰπὼν* id est: *nullum*
 est

(γ) apud Xenophontem . (z) Lib. 4. Τησουλ. (a) Oreste : Prolo . initio .

est verbum ita terribile dictu . Quod sane, ne quid dissimulem, mihi quidem non placet . Ac fieri potest, ut fallar . Sed dico id, quod videtur . Deinde, *πᾶσι* quam apte reddatur *fors*, alii viderint . Postremo in tertio versu nulla est patientiae ac tolerantiae significatio . Potiusque hoc dicere Euripidem puto . Nihil, ut uno, verbo eloquar, durum ac terribile est, neque morbus, neque a diis inuenta calamitas, cuius gravitati hominum natura ac conditio exposita non sit . Id quod statim confirmat inusitato, & antea inaudito supplicii genere, quo a diis affectus est Tantalus . Neque ignoro, quam sit periculosa, ut ait Flaccus, plenum opus aleae, a Cicerone dissentire: veruntamen . Mecum quidem Graecus eius poetae explicator, quisquis est, facit .

*De quodam loco ex epistolis ad C. Trebatium
accurate disputatum .*

C A P. XVII.

Angelus Politianus capite xxvii. miscellaneorum illustrare conatus est hunc Ciceronis locum ex epist. ad Trebat. (b) *Hoc tibi tam ignoscemus nos amici, quam ignoverunt Medae, quae Corinthum arcem altam habebant, matronae opulentae optimates, quibus illa manibus gypsatis persuast, ne sibi vitio illae verterent, quod abesset a patria .*

Nam multi suam rem bene gessere, & publicam patriam procul :

Multi, qui domi aetatem ugerent, propterea sunt improbi .

quod enim neminem ante se ne suspicatum quidem esse gloriatur, ait, hos duos esse versus ex Ennii Medae ex his Euripideis expressos: (c)

Κορινθίας γυναικας, ἐξ ἡλθοῦ δέμας,

μή

[b] Lib. 7. epist. ad famil. 6, [c] Medea Aët. 1. post. chor. cant.

μή μοι τι μέμνηθ'. οἷ δα γὰρ πολλὰς ἑρῶν
 σιμνὺς γεγῶτας, τὲς μὲν ὁμιμάτων ἄπο,
 τὲς δ' ἐν θυραίοις. οἱ δ' ἄρ' ἡσύχου ποδῶς
 δύσκληαν ἐκτῆσαντο καὶ βαθυμίαν.

Petrus quoque Victorius libro xx. [d] Variarum lectio-
 num idem sentire se, quod tradiderat Politianus, offen-
 dit. Neque umquam quenquam audiui, qui ea de re
 ullo modo dubitandum putaret. Ego autem, quanquam
 apud me plurimum & Politiani & Victorii valet auto-
 ritas, mirifice tamen ab utroque dissentio. Quocirca
 hoc loco, quid de illis versibus sentiam; aperire consti-
 tui: ut ab eruditis hominibus, merito an immerito id
 faciam, iudicetur. In primis igitur Latinos versus ma-
 le ab eis distinctos, ad hunc autem modum distinguen-
 dos censeo:

..... Nam multi suam
 Rem bene gessere, & publicam, patriæ procul,
 Multi, domi quæ aetatem egerunt, propterea
 Sunt improbatæ.

Nam quod egerunt, lego ubi, vulgo legitur, *agerent*: ve-
 teres in eo libros auctores habeo, & ipse quoque Victo-
 rius ita legit. At hoc quidem leve est, illud gravius,
 quod plane iudico necesse esse, ut aut ne sint ii versus
 Euripidis a latino Poeta conversi: aut ut eos, sive En-
 nius, sive quis alius fuit, qui ita interpretatus est, non
 intellexerit, & in sententiam alienissimam detorserit.
 Nam apud Euripidem quidem cum Medea prae dolore
 iam non compos animi, domi clausam se contineret,
 excruciarétque se, & eos, quasi a furiis agitata, clamo-
 res ederet, qui etiam foris exaudirentur: Corinthiae
 mulieres, e quibus constat chorus, orant nutricem, ut
 ad eam adeat, ipsamque educat ex aedibus. Sperabant
 enim se aspectu & alloquio suo illum doloris ardorem
 aliqua

aliqua ex parte mitigaturas. Paulo post igitur domo egrediens Medea ita eas affatur:

Κορινθίαι γυναῖκες, ἐξῆλθον δόμων,
μὴ μοι τι μέμνητε.

id est: Corinthiae mulieres, egressa sum ex aedibus, ne quid mihi succenseatis. Quasi diceret: Non equidem libenter hoc tempore in aspectum hominum prodeo. Omnes enim, quos gravior aliquis urget dolor, tenebras & solitudinem quaerunt: lucem & frequentiam oderunt. Veruntamen cum vestro nomine rogata essem, ut huc prodirem, prodii: ne, si prodire nollem, vos id forte superbia quadam ac contemptu vestri a me fieri crederetis. At illo altero modo, ita accipienda erunt haec verba: ἐξῆλθον δόμων. id est, patriam meam reliqui μὴ μοι μέμνητε. id est, nolite id mihi vitio vertere. quod mihi quidem alienum & ἀπροσδιόνυσον videtur. Sequitur: οἷ δα γὰρ πολλοὺς τροφῇ σεμνοὺς γεγῶτας τοὺς μὲν ὀμμάτων ἀπο, τοὺς δ' ἐν θυραίοις. quae ita interpretor: novi enim multos mortalium, qui arrogantes habiti sunt, quod se videndos exhibere nollent. Alios contra, quod in atriiis sedentes viderentur de se quasi spectaculum quoddam praebere, in eandem opinionem venisse. Nam quod ille Ciceronianus poeta σεμνοὺς accipit eos qui rem suam & publicam bene gesserunt: ego eo nomine superbos & arrogantes accipio. Et ita accepit Euripides in illo versu ex Hippolyto (e) Μισεῖν τὸ σεμνόν, & τὸ μὴ παῖσιν φίλον. & in illo ex ea eadem fabula: (f) Οἷ μοι. τὸ σεμνόν ὥς μ' ἀποκτενεῖ τὸ σόν. & in illis pulcherrimis versibus ex Alceste: (g)

Ὅντας δὲ θνητοὺς θνητὰ & φρονεῖν χρεῖν.

ὥς τοῖ γε σεμνοῖς, & σωφροσυμείοις

ἀσασίν ὄσιν, ὡς γ' ἐμοὶ χρεῖσθαι κριτῇ,

ὁ εἶος ἀληθῶς οὐ εἶος, ἀλλὰ συμφρά.

Sequitur: οἷ δ' ἀφ' ἡσύχου ποδὸς δύσκλωαν ἐκτίσαντο & βαθυμίαν. id est: alii contra, quod se quieti tradidissent, inglorii habiti sunt, & iggavi. Hoc enim significare vult, solere homines

omnia

(e) Famula Act. 1. (f) Theseus Act. 4. (g) Hercules Act. 3.

omnia quae ab aliis fiunt, ad deteriore partem accipere, & undique captare maledicendi occasionem. Illa autem quomodo interpretatus sit Latinus ille, si modo interpretari voluit, nihil attinet dicere. Res ipsa loquitur. Ex his, caecutiam ipse, an merito alios παρὰ πάρεσσι arbitrer, existimari potest.

Locus Platonis e Phaedro, allata vetere quadam Atheniensium consuetudine illustratus.

C A P. XVIII.

Socratem Phaëdrus cum adducere vellet ad idem argumentum tractandum, quo ipse scriptam Lyfiae orationem paulo ante recitarat, ita ei blandiens apud Platonem inducitur: Καὶ σοὶ ἐγὼ, ὡς περ αἱ ἐνέα ἀρχόντες, ὑπὸ χροῦμαι χρυσῇν εἰκόνα ἰσομέτερον εἰς Δελφὺς ἀναθήσειν, ὃ μόνον ἐμαυτῷ, ἀλλὰ καὶ σὺν. quæsitum est autem ex me, quænam esset aurea illa statua, quam Delphis ponere solitos archontas ex eo intelligeretur: & qua de causa id fieret. Respondi, novem Atheniensium archontas, id est, eponymum, regem, polemarchum, & sex thesmoethetas, cum magistratum inirent, publice iurare solitos, se observaturos esse leges, neque passuros fidem suam donis muneribusve corrumpi: si quis ipsorum secus fecisset, eum multae nomine auream statuam suam pensurum esse. Eius rei auctor est Iulius Pollux libro Onomastici ad Commodum Caesarem octavo. Cypselidarum autem anathema, de quo non ita multo post ea, quae posui, verba apud Platonem mentio est, quodnam fuerit, copiose Pausanias in Eliacis docet.

Quod discrimen sit accusationis & maledictionis, e Demosthene & Cicerone.

C A P. XIX.

T Raditum est accurate & diligenter a M. Tullio in Coeliana defensione, quid inter accusationem inter-

interesset. Olim autem Demosthenes etiam ista distin-
 xerat: ut quamvis non plane idem ab utroque dicatur,
 dubium tamen non habeam, quin Cicero in ea re tra-
 ctanda summi Graeci oratoris vestigia sic persecutus.
 Utrumque igitur locum meo more describam, ut com-
 parentur. Demosthenes περὶ σεράνου. Καὶ τοι καὶ τοῦτο ὃ ἀν-
 δρες Ἀθηναῖοι, ἐγὼ λοιδορίαν κατηγορίας τούτῳ διαφέρειν ἡγοῦμαι,
 τῷ τὴν μὲν κατηγορίαν ἀδικήματ' ἔχειν, ὧν ἰν τοῖς νόμοις εἰσὶν αἱ
 τιμωρίαι. ἢ δὲ λοιδορίαν βλασφημίας, ἃς καὶ τὴν αὐτῶν φύσιν
 τοῖς ἐχθροῖς περὶ ἀλλήλων συμβαίνειοι λέγειν. Cicero pro Coelio:
Sed aliud est maledicere, aliud accusare. Accusatio crimen de-
fiderat, rem ut definiat, nomine ut notet, argumento probet,
teste confirmet. Maledictio autem nihil habet propositi praeter
contumeliam, quae, si petulantius iaciatur, (ita eaim legen-
dum est: non, ut vulgo, iactatur.) convicium, si facetius,
urbanitas nominatur.

De vi veritatis. Ciceronis sententia ex Aeschine.
Livii loci duo emendati.

C A P. XX.

EMergere tandem & existere veritatem, neque ul-
 lis umquam machinis ita premi, ut opprimatur,
 multi gravesque auctores saepe dixerunt, Cicero inter
 ceteros, qui cum hanc gravissimam & dignitatis plenif-
 simam sententiam ponere in Coeliana defensione vel-
 let, ex Aeschine eam prope interpretatus est. *O magna,*
inquit vis veritatis, quae contra hominum ingenia, callidi-
tatem, solertiam, contraque fictas omnium insidias facile se
per se ipsa defendat. Aeschines autem ἰν τῷ καὶ Τιμαρχου.
 Οὕτως ἰσχυρόν ἐστιν, inquit, ἡ ἀλήθεια, ὥς πε πάντων ἐπικρατεῖν
 ἢ ἀνθρωπίνων λογισμῶν. Etiam apud Livium Q. Fabius
 Maximus idem dicit, (b) in illo pulcherrimo ser-
 mone, quem habuit cum L. Paulo adversus Anni-
 balem

balem proficiscente. Sed is locus ita depravatus circumfertur, ut intelligi non queat. Ita enim legitur: *A veritate laborare nimis ius saepe aiunt: extingui numquam*. Sed vocem *ius*, in veteribus libris non legi, admonuerunt etiam alii. Mihi, cum eum locum accurate legerem, incidit suspensio, ita corrigendum esse: *Veritatem laborare nimis saepe, aiunt, extingui numquam*. Id igitur in libri mei margine ascripseram, addita ea nota, qua coniecturas meas distinguere soleo ab iis mutationibus, quas vetustis libris auctoribus facio. Sed cum postea δὲ χρόνου accidisset mihi, ut eum ipsum locum inspicerem; visum est, librum quoque veterem, quem habeo, consulere; si quid is forte meam coniecturam adiuuaret. Repperi autem plus etiam, quam volueram. Etenim ne una quidem littera plus minusve habebat, quam ut ego divinaram. Sed ea inspectio iter mihi aperuit ad tollendum ex eo loco mendum alterum. Nam quod statim subiicit Fabius: *Gloriam qui spreverit, veram habebit*: vix verum videtur, ita simpliciter, & sine ulla adiectione prolatum. Quin enim? ἀφιλότιμον εἶναι, laudi ne datur, an in vitio ponitur? quam multi gloriam spernunt ignavi & nulli pretii homines? Cum igitur in meo libro legatur, *Gloriam quam qui spreverit, veram habebit*: coniicio legendum, *Gloriam unam qui spreverit, veram habebit*. Sic enim & verior erit sententia, & illa contrariorum relatione ornatior, & melius cohaerebit cum eo quod paulo supra dixerat Fabius: *Resistes autem adversus famam rumoresque hominum, si satis firmus steteris, si te neque collegae vana gloria, neque tua falsa infamia moverit*. Quam facile vero librarius in eo labi potuerit, cum quivis facile videat, ἀπολογεῖν non est meum.

Mulieres eruditas plerumque libidinosas esse, duorum poetarum testimoniis confirmatum. Iuvenalis locus cum quodam Platonis collatus.

C A P. XXI.

VAfferimus poeta, quique omnia suae tempestatis hominum vitia & noverat optime, & insectabatur liberrime, Iuvenalis, in ea satyra, qua mulierum improbitatem detexit, non obscure significavit, displicere sibi mulieres eruditas, & disertas. (i)

*Non habeat, inquit, matrona, tibi quae iuncta recumbis
Dicendi genus, aut curtum sermone rotato*

Torqueat enthymema, nec historias sciat omnes.

Euripides quoque, magnus & ipse mulierum osor, etsi, dictus est a quodam eas odisse in choro, amare in thoro, eiusdem sententiae fuit. Putavit enim, id quod res est, catas & ingeniosas feminas promptiores & acutiores esse ad struendas machinas, quibus decipiant viros. Itaque apud eum ita Hippolytus loquitur: (k)

Σοφίῳ δὲ μισῶ. μὴ γὰρ ἔν γ' ἐμοὶς δόμοις

Εἴη φρονεῦσα πλείων, ἢ γυναιῖκα χεῖρ.

Τὸ δὲ πανούργον μάλλον ἐν τέκτῃ Κούρης

Ἐν ταῖς σοφαῖσιν. id est:

Odi eruditam. Ne meae unquam sit domi,

Quae plus sciat, quam mulierem scire expedit.

Namque eruditis ipsa maiorem Cypris

Astutiam indit.

& sane non nimis pudicas esse ingeniosas & eruditas mulieres, fidem facere poterit Soppho. Neque mirum. Multas enim historias legunt, peccare, ut ait Flaccus docentes. Sed in iis quae supra retuli, Iuvenalis verbis constat, metaphoram esse a iaculis sumptam, quae brevibus cum sint, rotando torqueri solent. Eadem autem usus est Plato, cum Lacedaemoniorum loquendi consuetu-

su etudinem exponeret : quos ait , initio videri solitos
 ru des & imperitos, sed postea torquere ac vibrare breve
 ali quod dictum : ut is qui cum differebant , puer prae
 ip sis videretur . Eius verba sunt : (1) εἰ γὰρ ἰθὺλοι τις Λακε-
 δαιμονίαν τῷ φαυλοτάτῳ συγγενίδι, τὰ μὲν πολλὰ ἐν τοῖς λόγοις
 εὐρήσκει αὐτὸν φαῦλόν τινα φαινόμενον . ἔπειτα ὅπερ ἂν τύχοι τῶν
 λεγομένων , ἐρέβαλε ῥῆμα ἄξιον λόγου βραχὺ καὶ κατεστραμμένον,
 ὥσπερ δεινὸς ἀκοντιστὴς, ὥστε φαίνεσθαι, τὸν προσδιαλεγόμενον παῖδες
 μηδὲν βελτίον.

*Iphicratis multa dicta, quibus elatus & excelsus
 ipsius animus ostenditur.*

C A P. XXII.

Rerum bellicarum gloria non aetatis modo suae im-
 peratores vicisse, sed superiorum etiam quemli-
 bet adaequasse Atheniensis Iphicrates dicitur . Idem-
 que eloquentiae studiis deditus fuisse , & cum saepe
 dixisse in publico, tum ostentationis quoque gratia do-
 mi nonnumquam declamitasse perhibetur . Erat autem
 excelso vir & elato animo, quique de se interdum ma-
 gnificentius, quam vulgi aures libenter ferre possent ,
 praedicaret . Itaque cum orationem de statua sibi ab
 Atheniensibus posita adversus Harmodium quendam e
 veteris illius tyrannicidae posteris haberet, multa dixit
 de seipso animose , & prope arroganter , ut Dionysius
 Halicarnasseus non alio magis argumento refellerit eos,
 qui orationem illam Iphicratis a Lysia scriptam esse di-
 cebant, quam quod a Lysiae moderatione nimium lon-
 ge abesse . In ea hoc dixit , quod adversarius generis
 sui nobilitatem extollens, illius obscuritatem , & igno-
 bilitatem exagitaverat, ut quisque virtute maxime praesta-
 ret, ita nobilissimum esse . Nam ne Harmodium quidem
 & Aristogitonem nobiles fuisse prius, quam praeclarum
 aliquid

[1] Protagora . post medium .

aliquid designassent . Item illud , *se maiorem habere cognitionem cum illis quam ipsum illum quo cum contenderet : quo sua, quam illius facta propius ad eorum gloriam accederent . Et, Meorum nobilitas a me incipiet , tuorum in te desinet .* Quae omnia imitatus est, quicumque scripsit declamationem in Sallustium . Sed & ex eadem oratione haec repperi, *Si qualis ego sum, tales vobis septem imperatores fuissent, deserta iam esset & inculta Lacedaemon .* Et cum de Harmodio & Aristogitone ageret, *Quorum, inquit, ego si temporibus fuisset , aut assumpsissem eos ad societatem praelari illius operis, aut ipse ab eis ascitus essem .* Et, *Vos fortasse Athenienses istam mihi columnam , & istas in ea inscriptas litteras, praeclarum quiddam, & gloriatione dignum a vobis contigisse arbitramini . At mihi columna caelum attingens in Peloponneso virtutis meae testis constituta est .* Haec postrema quibus verbis Graece pronuntiata sint , si quis videre cupit, reperiret apud Aelium Aristidem ἐν τῷ βιβλίῳ τοῦ παραρτήματου .

*Medicum fuisse Herculem, & sanatam ab eo
Alcestin, quum iam deposita esset .*

C A P. XXIII.

Scribit Plutarchus, [m] fortissimum heorum Herculem medicinae peritum fuisse . Itaque quod apud Euripidem legitur de Alcestide , quam , cum mortem pro viro suo Admeto obiisset, Hercules cum ipsa Morte luctatus, per vim ei eripuisse, & vivam ad Admetum reduxisse narratur : ita intelligendum esse , cum Alcestis ita graviter aegrotaret, ut deposita iam & desperata esset, venisse Herculem, & medendi arte, qua excellebat , ei valetudinem pristinam reddidisse . Admeto

autem ea in re gratificari voluit. Non enim minus amabat Admetum Hercules, quam Alceſtin Admetus.

De immani crudelitate regis Deiotari.

C A P. XXIV.

ATroci admodum & barbaro ingenio fuiſſe oportet regem Deiotarum, ſi verum eſt, quod de eo idem ille quem modo nominavi, Plutarchus (n) memoriae prodidit. Et ſane iſ eſt auctor Plutarchus, quem nemo reſicere ut parum idoneum poſſit. Ait autem Deiotaro plures fuiſſe filios, quorum cum ipſe uni relinquere imperium, atque omne patrimonium ſuum cupe- ret, quo id facilius efficeret, ceteros omnis manibus ſuis trucidavit; vinitorum exemplo, qui cum vitis aliqua complures emiſerit furculos, unum modo ex eis relinquere, alios amputare conſueverunt ut iſ qui relinquitur, maior & robuſtior fiat.

De lege quaedam Perſarum humanitatis plena.

C A P. XXV.

MUltae olim apud Perſas leges fuiſſe traduntur: ex quibus facile intelligi poteſt, ſingularem quandam eius gentis ſapientiam fuiſſe. Atque earum in unam nuper cum inciderim, quae neque multis, niſi me fallit animus, cognita eſt, & digniſſima quae cognoscatur ab omnibus: iudicavi non ingratum fore iis qui haec legent, ſi eam hoc loco proponerem. Erat igitur apud eos ita conſtitutum, ut cum quis in iudicio argueretur aliquid feciſſe contra leges, etiam ſi liquido conſtaret, eum culpaſe affinem eſſe, non tamen ſtatim condemna-

[n] *Libro de Stoicis contrarietis.*

demnaretur : sed prius inquireretur diligentissime in omnem illius vitam, inireturque ratio, plura ne turpiter & flagitiose, an bene laudabiliterque gessisset . Tum si vincebat turpium numerus, condemnabatur : sin praeponderabantur honestis turpia , absolvebatur . Cogitabant enim, humanarum virium non esse, rectum cursum perpetuo tenere : habendos pro bonis viris eos, non qui numquam peccarent; sed qui saepius honeste ragerent . Hanc ipsam legem ego ab iis quoque , quorum in manus hi libri venient, observari summo opere cupio : ut ne, statim eos reiiciant ac condemnent , si quid in eis a me peccatum deprehenderint . Nam si , ratione fideliter inita, maior ἢ ἐσθλαμένων, ἢ τῶν κατωρθωμένων; numerus fuerit : tum equidem, quin reiiciantur, & fordeant non recuso .



MARCI ANTONII MURETI
AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER NONUS.

*De genere quodam loquendi quo in magni amoris
significatione veteres utebantur.*

C A P. I.

INter omnia loquendi genera, quibus veteres mirificam quandam vim amoris in aliquem sui exprimebant, illud mihi excellere videtur, quo significabant, cupere se, si quo modo id fieri posset, annos sibi ad vivendum constitutos conferre ac contribuere cum eo quem diligenter, ita ut quod ipsis superesset vitae, eius pars aliqua ad illius vitam adderetur. Ita blanditur anui cuidam Tibullus: (o)

*Vive diu, inquit, mihi dulcis anus. Proprios ego tecum,
Sit modo fas, annos contribuisse velim.*

Ita apud Plautum adolescens quidam amicae, quae cum ei dixisset, (p)

Cur tu obsecro immerito meo me morti debere optas?
hoc ab eo responsum fert; [q]

*Ego te? quam si intelligam deficere vita, iam ipse (r)
Vitam meam tibi largiar, & de mea ad tuam addam.*

Atque hoc in consuetudine positum fuisse, ostendit Seneca in libro De brevitate vitae, his verbis:

Dice-

[o] Lib. 1. eleg. 6. [p] *Afnaria* Sc. Cur. me. [q] *Philenium*. (r) *Agrippus*.

Dicere solent eis quos validissime diligunt, paratos se paratam annorum suorum dare. Et ex illa consuetudine triumphantibus imperatoribus occinebatur, (s)

De nostris annis tibi Iuppiter augeat annos.

quod relatum est a Tertulliano. Sed & sanctissimus, pariterque disertissimus scriptor Gregorius Nazianzenus ita locutus est in oratione εἰς Βασίλειον. Καὶ προδιδίναί τι τῆς ἐαυτῶν ζωῆς ἑκάστῳ ἐκείνῳ, εἴπερ οἶον τε ἴδῃ, ἀνέθυμῳ ἴδῃ.

Illustratus Horatii ex Odis locus.

C A P. II.

CUM tanta esset apud veteres infamia eorum, qui abiecto clypeo fugerant, quosque contumelioso nomine, ut notum est, ῥιψάσιδας vocabant, quid in mentem venisse dicemus elegantissimo poetae Horatio, eam ut notam sibi ipse versibus suis innuerere volverit? Nota enim sunt illa ex oda ad Pompeium Varum: (s)

Tecum Philippus & celerem fugam

Sensi relicta non bene parmula:

Cum fracta virtus, & minaces

Turpe solum tetigere mento.

An id ei ingenium fuit, ut non in alios modo, sed in seipsum quoque, libenter dicta diceret, vinetaque, ut alibi ait, ipsemet caederet sua? An in homine minime militari, Mercurialique potius quam Martiali, neque ad arma, sed ad amores, & ad pocula, & ad libros tractandos nato aperta illa & simplex timiditatis suae professio iucunda potius quam ignominiosa est? Nam quod eum quoque ipsum ad quem scribit, in eiusdem culpaе societatem vocat, videri potest fecisse Xenaeneti Atheniensis exemplo, cuius est nobilis illa responsio ad cives suos obiurgantes eum quod fugisset, μεθ' ὑμῶν γέ εἰ φίλαι κεφαλῆς. Omnino tamen verisimilius esse arbitror, Horatium hac quoque in re Archilochi, ad cuius se imitatio-

tationem studiose comparaverat, similem esse voluisse. Si quidem & ille, ut alia turpiter a se facta, quod apud Aelianum legimus, praedicaverat, ita cum in proelio adversus Saïos Traciae populos eadem ratione expeditisset salutem suam, notum id posteris suo ipsius praeconio esse voluit: cecinitque hoc modo: (u)

Ἀσπίδι μὲν Σαίων τις ἀγάλλεται, ἢ παραθάμνην

Ἐν τὸς ἀμώμητον κάλλιστον ἔ, ἐθέλων.

Ψυχῇ δ' ἐξισταῖσα φυγῶν. ἀλλ' ἀσπίς κτείνει

Ἐρρέτω. ἢς αὖθις κτήσομαι ἔκαστος.

Ita enim eos versus lego; & si alter Alciatus. Sed & ille bello ferox, ille tyrannorum exactor Alcaeus, quem etiam apud inferos, ut hic ait, canentem pugnare & exactos tyrannos mirantur Umbræ, non ita fuit prodigus animæ, ut non fugere aliquando malverit, quam mori, qui & ipse, ne hoc nesciremus, versibus id suis mandavit, ut auctor est Herodotus in Terpsichore, in quo malitiam quandam Herodoti notat Plutarchus. Ita ut videatur ἢ φιλοψυχία poetarum quasi quidam morbus, possintque ad multos eorum accommodari, quæ apud Homerum Veneri Iuppiter dicit, [x]

Οὐ σοι τέκνον ἔμην δίδεται πολέμη' ἔργα.

Ἀλλὰ σύ γ' ἱμερόεντα μετέρχου ἔργα γάμοιο.

Ταῦτα δ' Ἀρπὶ θεῶν, καὶ Ἀθήνη πάντα μελήσει.

Emendatus versus ex Asinaria Plauti, & locus quidam Appuleii in Floridis.

C A P. III.

Locus est Plauti in Asinaria inscriptus in omnibus, quæ mihi quidem videre contigerit, exemplaribus. (y)

Proficiscine. Hoc nunc dixorim. Nemo etiam me accusavit

Merito meo, neque me Athenis est alter hodie quisquam

Cui credi recte æque putent.

In

(u) Plut. Inst. Licæonum; (x) *Ilad.* 5. v. 422. (y) *Leonid.* 55. *Quid hoc est.*

In quem homo eruditissimus, & de quo inter eos qui poetam illum emendare aggressi sunt, propemodum dici potest, οἷον πένυχται, hæc notavit. Mendum hoc est, & in nostra scriptura depravata, etiam interpolatione litterarum, quaeramus ergo emendationem. Ego autem, quemadmodum ei loco medicina facienda sit, iam dudum reperisse mihi videor, in quo, num quid ipse me fallam, alii iudicabunt. Vetus erat opinio, periculum esse aliquod a fascino, ubi quis impensius aut laudaret ipse se, aut praesens ab alio laudaretur. Eius rei causas, quoniam alii & curiose quaesierunt; & copiose tradiderunt, nunc persequi non est operae. Sed ex ea opinione receptum erat, ut in laudando plerumque adderent vocem *praefiscine*, aut *praefiscini*, idem quod *μὲν ἀποβασανίσ*. Cum igitur magnifice de se locuturus esset veterator ille, cuius ea apud Plautum verba sunt, quasi invidiam a se amoliri cupirens, ait,

Praefiscini hoc nunc dixerim.

Neque enim dubito quin ita legi oporteat. Huius vocis citantur exempla hæc a Charisio. Titinius in Setina:

Paula mea; amabo pol tu

Ad laudem addito praefiscini, ne puella fascinetur.

Afranius in Consobrinis:

Scis habitum ita ut nunc obtinet, praefiscine.

Sed & apud Appuleium multo eruditorem, multoque pluris faciendum scriptorem, quam vulgo putant, locus est eiusdem vocis ignorance corruptus libro tertio Floridorum. Igitur, quod difficile factum erat, quodque re vera arduum nobis existimabatur, gratum esse populo, placere ordini, probari magistratibus, & principibus, id, praefusive dixerim, iam quodammodo mihi obtigit. Praefiscine enim, non praefusive, colligo legendum est. Iam pridem hæc scripseram, cum ad me Tibur allatae sunt litterae ab Oberto Giphano homine in primis erudito,

in

in quibus scriptum erat. Quod vulgo apud Gellium libro decimo Noctium Atticarum, & eius libri capite XXIV. legitur *pristini & pristinae*, in Veteribus legi, *prae-fiscini & prae-fiscine*, certeque in vetere Macrobio, (2) quem mihi commodavit Hercules Ciofanus Sulmonensis, ubi illa omnia ex Gellio, ut solet Macrobius, descripta referuntur; legitur *fiscine & fiscini*, depravatis quidem, sed tamen manifestis rectae scripturae vestigiis.

De loco quodam ex Odis Horatii.

C A P. IV.

O Minosum esse crediderunt veteres illi, verae religionis ignoracione occaecati, occursum serpentis, viam qua quis iter facturus esset quasi dissecantis; ex ea superstitione dictum ab Horatio est, (a)

Rumpat & serpens iter institutum.

apertius autem etiam idem cognoscitur ex Heliodori suavissimi scriptoris, Aethiopicon libro tertio, ubi ita legitur: αὐτοὶ δὲ ἅρτι τῆς κόμης ἐκτὸς γεγονότες, καὶ τὰς ὄχθας τοῦ Νείλου παραμείβοντες, Κροκόδιλον ὁρῶσιν ὑπὸ δεξιῶν ὅπῃ θάτερα διερχόμενα, καὶ τῷ ρείθρῳ τῆς ποταμοῦ τῷ ὁξείᾳ τῇ ῥύμῃ καταδυόμενον. οἱ μὲν δὲ ἄλλοι σωήθως τε καὶ ἀθρούντως τὸ ὄφθῆν ἤγουν, πλὴν ὅσον ὁ Καλάσπρις κάλυμά τι τῇ καθ' ὁδὸν ἐπισημαίνοντι πρῶτον ἐγένετο. Sed hoc autem nihil est, quod ipse quoque non invitatus fatebor, aut, si non prorsus indignum erat quod notaretur, reperietur certe, qui vel a se iam pridem animadversum vel etiam e scidis atque adversariis suis a me sublektum esse contendat.

Emendatus locus ex Politicis Aristotelis.

C A P. V.

Aristoteles septimo Politicon quorundam errorem notans, qui felicitatis causam non in virtute, sed

(2) 1. Satur. cap. 4. (2) Lib. 3. Car. ode. 27.

sed in opibus ac copiis esse censent , ait perinde eos ridicule facere, ac si, quod musicus aliquis bene caneret, eius rei causam non in artem , sed in lyram referrent. Id autem his verbis exprimit : Διὸ καὶ νομίζουσιν αἰθραποῖ τῆς εὐδαιμονίας αἰτία τὰ ἐκτὸς εἶναι τῶν ἀγαθῶν . ὥστε εἰ τοῦ καθαρίζειν λαμπρὸν καὶ καλῶς αἰτιῶτο τὴν λύραν μᾶλλον τῆς τέχνης. Quibus in verbis, ut illud praeteream, quod legi malim aut αἰτιῶντο, aut εἶτις τοῦ καθαρίζειν, aliud mihi multo gravius subesse mendum videtur. Neque enim τοῦ καθαρίζειν λαμπρὸν καὶ καλῶς, sed τοῦ καθαρίζειν λαμπρὸν καλῶς legendum puto : Λάμπρῳ, enim veteris musici proprium nomen fuit : quam boni, nihil ad rem : hoc enim tantum significat Aristoteles, si *Lambrus bene canat*, id non lyra, sed artificio ipsius effici, & ridiculum fore, si quis id non artificio ipsius, sed lyrae tribuendum esse contendat. Lambri autem mentio est apud Platonem principio Menexeni ubi Socrates ait, facile esse, Athenis Athenienses laudare, non ei modo qui praestantes magistros nactus sit, quales ipse habuerat, rhetorices quidem Aspasiā, musices vero Connum : sed ei etiam qui minus bonos, ut musices Lamprum, rhetorices Antiphontem. Hunc Lamprum Athenaeus, non sane ex consuetudine musicorum, abstemium fuisse ait : profertque in eum amara quaedam dicta veteris poetae Phrynichi, quibus ait, lugere galias mortuo illo aquae potore, quem etiam vocat mirificum artificem lugubre quiddam & querulum concinendi, Musarum aridum & exsiccatum cadaver, lusciniarum febrim, Plutonis hymnum. Eius igitur, quicumque tandem fuit, iam pridem apud Aristotelem oblitterata memoria, reposita a nobis ac restituta sit.

De locis aliquot Plauti ex Pseudolo.

C A P. VI.

I Nepte post tot emendatores etiamnum legitur locus hic e Pseudolo Plautina, (c)

(c) *Sc. Si. ex te.*

Phoeni.

Phoenicium Calidoro amatori suo

Per ceram & linum litterasque interpretes

Salutem mittit, & salutem abs te expetit,

Non enim *linum* legendum est, sed *lignum*. Nam in tabulis ligneis cera oblitis veteres, ut notum est, scribere solebant. Tabulas igitur ipsas vocat lignum, & sic loquuntur iuris auctores cum bonorum possessionem contra tabulas vocant contra lignum. Quod autem in eodem illo diverbio scriptum est.

Atque id futurum unde unde dicam nescio:

Nisi quia futurum est: ita supercilium salt.

& apud Theocritum, *oculus dexter salt*: e stulta illa veterum superstitione ductum est, qua credebant, si pars aliqua corporis suapte sponte subiliisset ac mota esset, eiusmodi palpitationibus aut prosperi aliquid aut adversi portendi. S. Augustinus libro secundo De doctrina Christiana: *His adiunguntur millia inanissimarum observationum: si membrum aliquod salierit: si iunctim ambulantes amictis, cantis, aut lapsis, aut puer medius intervenerit. Idem in libro De natura daemonum. Saltatores vocati sunt, qui, dum eis membrorum quaecumque partes salierint, aliquid sibi exinde prosperum, seu triste significari praedicunt. Tales saltus Graeco nomine vocabant παλμούς: extatque liber Melampodis περὶ παλμῶν, quo eius vanitatis quasi disciplina quaedam continetur. Sed & ultimus eiusdem diverbii versus male in vulgatis libris ita legitur:*

Atque ipse egreditur penitus periurum caput:

cum ita legi debeat,

Atque ipse egreditur Poenus peritum caput.

Poenum enim vocat lenonem, cum significet esse infidum, periurum, fraudulentum, quales Poeni meritissimo & habebantur, & habentur. Ne illud quidem pigebit adscribere, quod paulo supra de se dixerat Calidorus:

Quasi

Quasi solstitialis herba paulisper fui .

Repente exortus sum , repentino occidi :

esse eius herbae, mentionem & apud Aufonium d) in Professoribus, qui etiam, ut puto, hunc ipsum Plauti locum imitatus est his versibus:

Solstitialis velut herba solet ,

Ostentatus raptusque simul .

De duobus locis ex primo Odarum Horatii .

C A P. VII.

A Pud Horatium libro primo Odarum in plerisque veteribus libris ita legitur : (e)

Scriberis Vario fortis & hostium

Victor , Maconii carminis alite ,

Qua rem cumque ferox navibus aut equis

Miles te duce gesserit .

non, ut in vulgatis, *Quam rem cumque* . eaque scriptura mihi verior ac sincerior videtur, ut hoc dicat: Quacumque in parte terrarum miles Agrippae ductu rem gesserit, eosque fuderit, ac fregerit, insignemque aliquam Victoriam ex eis retulerit, Varium ea omnia versibus suis celebraturum. Hoc enim dicebant, rem gerere. Ut in epistola ad Augustum : (f)

Rem gerere & captos ostendere civibus hostes ,

Attingit solium Iovis .

& senex Terentianus ;

In ipsa turba atque in peccato maximo

Quod vix sedatum satis est, potastis scelus ,

Quasi re bene gesta .

Et in Fastis Capitolinis tam saepe legitur aliquem creatum esse dictatorem rei gerundae causa . At hoc fortassis leve alicui videbitur . Addam igitur aliquid itidem leve: si forte quae singula parum habent ponderis, coniuncta ac conglobata aliquid adquirant ad lancem depri-

(e) *Od.* 6. (f) *Ad Scaevam epist.* 17. lib. 1.

deprimendam. In explicandis igitur primis versibus odes illius qua Quintilii (g) mors defletur, dessectio ab omnibus & vetustis & recentioribus, & illud Quis, quod principio positum est, sexti casus, posterioris numeri esse arbitror. Neque referendum ad illa nomina pudor & modus, sed ad nomen cantus. Petit enim, ut mihi quidem videtur, poeta a Melpomene, ut sibi praecepiat cantus lugubres, quibus aut pudor aut modus aliquis imponatur desiderio Quintilii. Itaque delenda est illa interrogationis nota, quam post nomen capitis Primus Paphlago invexit.

Illustratus locus Senecae ex epistolis.

C A P. VIII.

A Pud disertissimum eundemque sapientissimum scriptorem Senecam, cuius inter ceteras summas laudes hanc quoque non postremam esse statuo, quod inepte fastidiosus & olim displicuit, & hodie displicet, multa sunt non publici saporis, quae qui fordior, ut ita dicam, palato sunt, ingustata praetereunt, cum elegantiores homines, & talium deliciarum intelligentes mirificam quandam ex eis percipiant suavitatem. Quale est, quod in epistola ad Lucillum sexagesima octava, cum multis verbis docuisset, quicquid cum virtute coniunctum est optabile esse, multaque in eam sententiam genere orationis, ut solet, masculino, & nihil vulgare aut plebeium sonante dixisset, ad ipsum epistolae finem ita scribit: *Indue magni viri animum, & ab opinionibus vulgi secede paulisper: cape quantam debes virtutis pulcherrimae ac magnificentissimae speciem, quae nobis non fertis, sed sudore & sanguine colenda est. Aspice M. Catonem sacro illi pectori purissimas manus admoventem, & vulnera parum demissa laxantem. Utrum illi tandem dicturus es, Vellem quae velles*

velles, & moleste fero, an, Feliciter quod agis? Quibus in verbis notanda sunt duo antiqua loquendi genera vulgo non satis cognita; quorum altero ad eos qui in malis essent, altero adversus eos quibus prospere aliquid obtigisset, utebantur. Nam cui boni ac secundi aliquid obtigerat, ei, ominis causa, gratulabundi dicere solebant, *Feliciter*, aut *feliciter quod agis*; cum significarent, cupere se eum perpetuo eadem felicitate uti, idque bonum ipsi proprium ac perpetuum esse. Iuvenalis Satyra secunda: (b)

Signatae tabulae, dictum Feliciter, ingens

Coena, sed & gremio iacuit nova nupta mariti.

Contra cui male & adversus animi sententiam erat, eum alloquentes dicebant: *Vellem quae velles*. Cum indicarent, dolere sibi, quod illi male esset: ac si dicerent: *Vellem tibi ita esset, ut tu quoque velles*, mihiq; aegre est, quod tibi quidquam praeter voluntatem tuam evenierit. Huius generis exemplum est apud Plautum in Mostellaria: (i)

Ei. *Quid est? Me miserum. Occidi: Qui? Quia*

Venit navis nostrae navi quae frangat ratem.

Velim ut velles Tranio: sed quid est negotii?

Hoc igitur significat, si quis M. Catonem animo concipiat extremo illo vitae tempore sua viscera lacerantem, & exiturae animae facientem viam, numquam ei ut in malis posito consolationem abhibereturum, sed potius ut pulcherrimum & gloriosissimum facinus obeunti gratulaturum. Nonnunquam etiam hoc posterius loquendi genus in nuda & simplici amicitiae significatione ponebant. Horatius: (k)

Suaviter, ut nunc est, inquam, & cupio omnia quae vis,

Plautus Amphitruone: (l)

Debetis velle quae velimus. Meruimus

Et ego & pater de vobis & republica.

P

De

(h) vers. 119, (i) Sc. Melius autem hoc, (k) Sat. 2. l. 1, v. 1. [1] Mercurius Prolog.

De potu aequae aut vini circumdata nive refrigerati, Macrobian locus emendatus.

C A P. IX.

A Quam ex dissoluta ac colliquefacta nive pessimam, & corporibus perniciosissimam esse, & iam pridem Aristoteles, quasi oraculo edidit, & eorum qui palato obsequi, quam illius auctoritatem sequi, malunt, quotidiana experimenta declarant. Incommoda igitur quae nivis potum sequuntur fugere, & tamen aestivis mensibus frigidum bibere qui volunt, vasis duplicibus uti solent e tenuissima lamina eo artificio factis, ut vinum aut aquam quae potui paratur, omni quidem ex parte nix ambiat, sed eorum tamen neutrum contingat, neque cum eis commisceatur. Ita fit ut neque bibant nivem, & tamen nihilominus frigidum bibant, quam si biberent nivem. Ea me consuetudine utentem cum amicus quidam, qui medicinam facitabat, pro nostra familiaritate reprehenderet: Vel ex Macrobio, inquit, si forte nostrorum libros minus frequenter lectitas, discere poteras, nivem quis, an aquam isto modo refrigeratam bibat, nihil interesse. Cumque ego subridens, quidquam tale apud Macrobiū legi abnuissē: Iubesis, inquit ille, proferri librum. [m] Quo prolato, ita quidem in eo scriptum reperimus. *Iamdudum, inquit Avienus, nosse aveo, cur aqua, quae obsita globis novium perducitur ad nivalem rigorem, non minus in potu noxia est, quam ex ipsa nive aqua resoluta.* Sed ad libri marginem adscriptum erat mea manu, particulam *non*, redundare & delendam videri. At ille, Isto, inquit, modo facile fuerit cuilibet scriptori quamlibet sententiam adfingere, si ex negatione adfirmationem facere liceat. Tum ego, Quaesō, inquam, considera earum rationum momenta quibus statim

tim sententiam suam confirmat: ut aperte videas negationem esse tollendam. Ait enim aquam e nive liquefactam non solo frigore nocere: quod si esset, faterer tibi, aequae noxiam esse aquam ex fonte aut ex puteo, aut etiam eam, qua ego, ut omnium saluberrima utor, aquam pulviam, circumdata nive refrigeratam: sed esse in illa aliud non minus incommodum. Cum enim humor vi frigoris densetur ac concrescit in nivem aut in glaciem, quae partes in eo subtiliores ac tenuiores sunt, eas in illo ipso compressu evanescere ac dissilari necesse est: solas autem manere crassiores, & ponderosiores, id est, ipsius aquae quasi faeces quasdam ac retrimenta. Itaque si quis eas aquae gelu astrictum admoto igne, dissolvat, minor modus aquae, quam antea fuerat, reperietur. Quod argumento est, in illa concretionem partem aliquam abiisse, ac dissipatam esse. Nocet igitur corporibus non tam frigore ipso, quam crassitudine, ac pondere. Itaque etiamsi dissoluta calefiat, aequae noxia erit. Hoc vitium quod maximum est, ab hac, quae ego utor abesse certe vides. His dictis, & re paulo accuratius considerata acquievit. In eodem autem illo Macrobiani loco leviuscula quaedam praeterea ex veteris libri fide a me emendata erant. Nam ubi legitur, *quae est corpulenta post terram*. Et paulo post, *coalescit*, ubi vulgo legitur, *calescit*, & paucis post verbis, *cum densetur*, non, ut vulgo, *cum densaretur*. Certeque *denseri*, non *densari* etiam apud Virgilium & apud Horatium legi, alii quoque iam pridem annotarunt.

*De locis quibusdam in prima epistola libri
primi ad Atticum.*

C A P. X.

MULTA sunt adhuc in epistolis ad Atticum depravata, & si eis & Manutius iam pridem, & post

cum alii eruditi homines magno conatu multum opis attulerunt. Nos quoque pro captu nostro aliquid earum studiosis praestare conabimur, dabimusque operam, ut liber prudentiae & elegantiae plenissimus, nostra quoque opera nitidor & emendatior legatur. Ac primum non dubito, quin locus ille ex epistola prima ita distingni debeat: *Prensatur unus P. Galba. Sine fuco ac fallaciis, more maiorum, negatur*. Neque enim sine fuco ac fallaciis Galbam prensare dicit: sed ei prensanti homines aperte, ac sine circuitione ulla negare, quod iocans ipse more maiorum fieri dicit, qui simplicius vivebant, & aperte ac sine fuco quae in pectore habebant eloquebantur, nondum reperto artificio mentiendi. Iam illud, quod paulo infra positum est, *Ut frontem ferias*: non dubium est, quin habeat significationem indignationis; ut recte adnotavit Manutius. Sic & apud Plutarchum in Pompeio: *τὸ πλὴν ἀνδρῶν τῶν κεφαλῶν, ἐκέλευσε τὸς γούτας τὸ ἐφ' ὅλκιον παραβαλεῖν*. Eum autem qui statim nominatur, *Caesoninum*, in quibusdam libris *Caesonium* lego; ut dubitem, num significetur L. Piso, quem aliquoties in ea qua illum insectatus est oratione, non sine quadam contumelia *Caesoninum* vocat. Atque ut hoc propositum magis quam adseveranter dictum velim: ita quae de Catilina sequuntur, non habeo dubium, quin hoc modo legenda sint: *Catilina: si iudicatum erit licere, certus erit competitor*. In quo sequor etiam testimonium optimi & eruditissimi senis Iacobi Taurelli, qui mihi confirmavit, in veteribus optimae notae libris ita legi: *Catilina si iudicatum erit merid lucere*. Ut in hoc erraverit vetus librarius, quod scripsit *erit* pro *erit*, deinde sine causa geminavit quinque litteras MERID: ac pro *licere* scripsit *lucere*. De illo autem, *Curium obducere*, ita certum atque exploratum videtur, quod iampridem attulit Victorius, ut mirer, repertum esse postea quemquam qui aliter senserit: nisi quod fere sit, ut quos non ama-

amamus, eorum ne sententias quidem amemus. Certe eodem modo usus est eo verbo & Seneca in Troadibus:

non stetit fusus cruor (n)

Humove summa fluxit, obdixit statim,

Saevusque, totum sanguinem tumulus bibit:

ubi vulgo male legitur, *abduxit*. Sic & educere apud Plautum in Sticho est ebibere: *Si hoc eduxeris*; & paulo infra: *Tene tu, hoc educe*. In extremo etiam malim, illius ἀνάθημα, quam ἡλίσ ἀνάθημα. Quid enim efficere potuit, quamvis bella Hermathenae collocatio: ut propterea gymnasium videretur Solis anathema? At potuit ita belle posita esse, ut principem ibi locum obtineret, utque totum gymnasium credi posset ei dicatum ac consecratum esse.

Illustratus Plauti ex Asinaria locus.

C A P. XI.

INcredibile dictu est quam pusilla menda, quantas tenebras interdum etiam eruditissimis hominibus obiciant: ut quod multa interdum saecula summos viros latuit, id postea indicatum vel pueri primis litteris imbuti assequi debuisse videantur. Tale est quod nunc ex Plauti Asinaria proferam. Qua in fabula cum amore perditus adolescens lenae persuadere conaretur, ut sibi puellam quam amabat concederet: se postea pro ea pecuniam persoluturum: vafra autem & artificii sui insigniter perita mulier, praesenti pecunia sibi opus esse diceret, ipsa denique ita loquitur: (o)

Semper oculatae nostrae sunt manus: credunt quod vident.

Vetus est, nihili corio est.

In quo illud *corio* quot & qualibus viris negotium exhibuit; cum & Erasmus ridicula quaedam attulisset, & Alciatus in parergis nihilo meliora, & postremo is, qui unus plus opis Plauto attulit, quam ceteri ante eum

omnes, ab hoc loco nulla se ratione explicare potuisset. Res tamen est eiusmodi, ut mirum sit eam non vel a vulgaribus ludimagistris iam pridem deprehensam fuisse. Quis enim est qui nesciat litteram o, & diphtongon au saepissime apud veteres & scribendo & pronunciando inter se permutari solitas? Nam & aullam & ollam dicebant, & Paullam & Pollam, & ad eundem modum pleraque alia. Nempe igitur & hoc loco quae *cautio* usitate dicitur, facta est *corio*. Hoc enim dicit lena, vetus dictum esse, nihili esse cautionem sive syngrapham aut chirographum: multoque tutius ac cautius agere eos qui numeratam pecuniam sibi in manum dari volunt. Nam qui cautionem habet, saepe litigare cogitur: at cui soluta pecunia est, ei res omnis in tuto est. Itaque & scriptores nostri fragilitatem cautionis dicunt in l. Qui ita institutus, D. ad S. C. Trebell. & incertum cautionis eventum in l. pupilli, Quod fal. tut. auct. gest. es. dic. & Seneca syngraphas cautionesque vocat vacua habendi simulacra. Hoc quod ita perspicuum est, eorum tamen quos dixi oculatissimorum hominum aciem fugit.

*De vetere proverbio quo usus est Cicero
in Catilinam.*

C A P. XII.

PROVERBII speciem habet, quod scriptum est a Cicerone libro secundo Catilinarium: *Qui homines primum, si stare non possunt, corruant: sed ita, ut non modo civitas, sed ne vicini quidem proximi sentiant.* Quoniam enim quid a quoque fiat, vicinis fere ignotum esse non solet, quod etiam vulgari leguleiorum proverbio circumfertur: idcirco quod sine ullo prorsus tumultu ac strepitu fieret, id ne vicinis quidem sentientibus fieri dicebant. E vetere autem comico id acceptum esse cognovi ex Platone in Alcibiade primo, ubi ita scriptum est:

est : ἡμῶν δὲ γενομένων, τὸ τῷ κωμωδοποιῷ, ἐδ' οἱ γαίτονες σφά-
δρα τοι αἰσθάνονται ὧς Ἀλκιβιάδῃ. Et ex Plutarcho in Phocione,
ubi de oratore Demade ita loquitur : Δημέα δὲ τῷ
ἡμῶν νύμφῳ ἀγρόβρῳ, ἐμὲ μὲν, εἴπεν, ὧς παῖ τλὼ σὺ μντέρᾳ γα-
μοῦντῳ, ἐδ' ὁ γαίτων ἤδετο, τοῖς δὲ σοῖς γάμοις καὶ βασιλεῖς καὶ
δυνασταὶ συγχωροῦσι. Ac verſus comici, quantum suspi-
cor, hic fuit.

Εμοῦ γαμοῦντῳ ἐδ' ὁ γαίτων ἤδετο.

De locis quibusdam e Truculento Plautina.

C A P. XIII.

Miris modis deformatus est Plautus : & quidem ita
male acceptus multis admodum locis, ut, quod
in pugilem ait poeta quidem Graecus, eum e pugna
talem rediisse, ut si in speculum inspiciat, iuraturus
sit, se eundem non esse qui fuerat ; ita videatur Plau-
tus, si quis eum ab inferis Aesculapius excitet, iuratu-
rus fabulas illas suas non esse. Mirum autem me sem-
per studium tenuit illius, si qua ratione possem, adiu-
vandi : fuitque aliquod tempus, cum sperabam fore, ut
omnes illius comoediae multis a me vulneribus sa-
natae ederentur. Sed consilium meum cum alia remo-
rata sunt, tum magnificae multorum pollicitationes,
qui per litteras significabant, idem opus aut sibi, aut
aliis quibusdam magnis & praeclaris viris esse in mani-
bus : ut vererer, si cum talibus antagonists in arenam
descenderem, ne non inanis modo ac supervacaneus,
sed ridiculus etiam meus omnis exiret labor. Illi au-
tem interea partim mortui sunt, partim cessant tam-
quam sibi satis esse ducentes, quod novum opus aliis
nuntiarint. Sunt & fuci quidam qui quae iampridem
& a me & ab aliis notata ac publicata sunt, ea colli-
gentes, & pro suis impudenter venditantes, Plautinas
comoedias in quibus multa integra depravarunt, multa

corrupta foedius etiam corruerunt, ut a se in pristinum nitorem restituta, edere non verentur. Quamquam igitur quod in aliis mihi accidit, idem in eis quoque, quae his libris inspergam, mihi eventurum auguratur animus: experiar tamen, neque tantum apud me valere finam quamlibet iustam indignationem, ut non plus valeat utilitatis publicae ratio. Ac nunc quidem veteres coniecturas meas proponam de quibusdam locis e Truculento: quibus ἡ μαχαρίτης Turnebus aliter medicinam facere conatus est. Quod enim ita vulgo legitur: (p)

Supplicium ad te hanc minam fero auri. Si mihi ridespice:
id ille ita legendum censet: [q]

Si mihi rides, spice.

At ego hoc modo conieceram:

Supplicium ad te hanc minam fero purissimi auri respice.
neque dum me paenitet coniecturae. Quod autem in eadem fabula est,

Non enim possunt militares pueri & a vio educere:

ille ita legit & a via educier: Ego autem rectum iudicabam, quod in veteribus libris repereram, *setania educier*: aut ut in aliis item veteribus, *setanio educier*: Setanium enim, aut setania, aut, apud Dioscoridem & Theophrastum legitur, sitanium, vel sitania, genus mespili est in Italia frequens: cuius multis locis & apud Plinium mentio est. Hoc igitur dicit meretrix, non posse militares pueros vilibus & parvi pretii cibus educari, cuiusmodi est setania. Ac nescio quo modo durat, hodieque apud Italos idem loquendi genus in sermone vulgi: ut si multa ac magna requiri ad aliquid efficiendum significant, dicant, aliud requiri quam mespila. Est & caepae genus setamia. Nam de tintinabulis, semper idem, quod ille tradidit, senferam: & praeter locum Zonarae, habebam alium ex Pseudolo:

Iam

(p) Lib. 11. *Advers. cap. 21.* (q) *Stratophannus Sc. Mco mihi more.*

Iam hic ero . Verum extra portam Metiam currendum est prius . (r)

Quid eo! lanios inde accersam duos cum tintinnabulis .

Eadem duo greges virgarum inde ulmeorum adegero :

Ut hodie ad litationem huic suppetat satias Iovi .

In malam cruceam istic ibit Iuppiter lenonius .

Etenim extra portam Metiam habitat carnifex : & ibi comburebantur cadavera damnatorum . Unde in Casina : (s)

Illum edepol videre ardentem te extra portam Metiam

Credo ecastor velle .

Nunc igitur haec . Alia posthac , ut quidque occurreret , proferemus .

E Ciceronis Academicis emendatus locus .

C A P. XIV.

Locus est Ciceronis ad finem libri primi Academicarum quaestionum , depravatus ille quidem in omnibus libris , sed cuius ita facilis emendatio est , ut diu piguerit me eam in litteras referre , cum putarem ita obtusum neminem fore , quin eam facile videret , si paululum animum adverteret . Nunc cum videam , neque hominem eruditissimum Turnebum , qui eleganti sane commentario librum illum illustravit , neque alios qui postea Ciceronem a se , ut ipsi quidem putabant , nam quid praestiterint , videbimus : emendatum ediderunt , quidquam de mendo cogitasse , indicabo eum , & purgabo , ne diutius macula illa in tam polito scriptore haereat . Verba autem , quae dico , Ciceronis haec sunt : *Cum Zenone , inquam , ut accepimus , Arcesilas sibi omne certamen instituit , non pertinacia aut studio vincendi , ut mihi quidem videtur , sed earum rerum obscuritate , quas ad confessionem ignorationis adduxerant Socratem , veluti amantes Socratem , Democritum , Anaxagoram , Empedoclem , omnes paene*

(r) Sr. Pseudole non audis . (s) Sr. fate chaline .

paene veteres, qui nihil cognosci, nihil percipi, nihil scire posse dixerunt. Haec Cicero. Sed quomodo, quaeso Socratem amare potuerunt Democritus, Anaxagoras, Empedocles, & vetères, illi, qui ante, ut opinor, mortui erant, quam avia Socratis nasceretur? An in re perspicua nihil pluribus verbis opus est? Neque enim quemquam posthac dubitaturum existimo, quin ita legendum sit: Quae ad confessionem ignorationis adduxerant Socratem, velut iam ante Socratem, Democritum, Anaxagoram, Empedoclem, omnes paene veteres. Ut significet illam confessionem ignorantiae non a Socrate primum inductam, sed multo ante eum a veteribus prolatam fuisse.

De locis quibusdame Truculento Plautina.

C A P. XV.

Versus hi sunt ex Truculento: (t)

Rus mane dudum hinc ire me iussit pater,

Ut bubus glandem prandio depromerem.

Post illuc veni, quam advenit, si dis placet,

Ad villam, argentum qui meo debebat patri:

Qui ovis Tarenti erat mercatus de patre.

Quaeris patrem. Dico esse in urbe. Interrogo, quid eum velit.

Homo crumenam sibi de collo detrahit.

Minas viginti mihi dat. Accipio libens.

Condo in crumenam. Ille abiit. Ego perperaminas

Ovis in crumena hac in urbem detuli.

Quis autem est, qui divinare possit, quas dicat oves perperaminas? sed nimirum corruptus est locus legendumque hoc modo:

ego propere minas

Ovis in crumena hac in urbem detuli.

De pecunia enim, id est, de illis viginti minis, quas
pro

[t] Sc. Rus mane d.

pro ovibus acceperat, ita ut de ovibus loquitur; eadem urbanitate, qua viginti item minas pro asinis acceptas vocat alibi asinos.

Nimis vellem habere perticam. Qui rei? qui verberarem Asinos. Si forte occeperint clamare hinc ex crimina.

Simul autem eo alludit, quod oves quae ventrem pilosum non haberent, vocabant oves minas aut apicas, quas etiam in emendo reiiciebant: ut est apud Varronem libro secundo (u) De re rustica. Erant illae igitur plane oves minae: neque enim pilosi sunt nummi. Quod autem sequitur:

Fuit edepol Mars meo periratus patri.

Nam oves illius haud longe absunt a lupis.

Inde dictum est, quod lupo Marti sacras putabant. Unde & huius urbis conditores, quod a Marte geniti essent, aluisse dicitur lupa. Lupo etiam vocabant metrices, a quibus non longe abesse dicit eas oves, quas ipse tunc in crumena ferebat. Parva sunt haec, & facilia, dicet aliquis. Fateor. Neque ego ea pro magnis aut reconditis vendito. Sed tamen quae homines eruditissimi obscura sibi esse facti sunt, ea illustrasse me nunquam pigebit.

De Mitylene Horatii loci duo illustrati.

C A P. XVI.

NON temere est, quod Horatius Mitylenen inter urbes pulcherrimas numerat, tum in Odis; (x)

Laudabunt alii pulchram Rhodon aut Mitylenen:

tum in Epistolis: (y)

Incolumi Rhodos & Mitylene pulchra facit, quod

Paenula solstitio, campestre navalibus auris.

Talem enim fere fuisse proditum est, quales sunt quae hodie non Italiae modo sed universo orbi terrarum ornato sunt Venetiae. Nam & in Mitylenen influens mare

(u) Cap. 2. (x) Lib. 1. Car. Od. 7. (y) Lib. 1. ep. 11.

mare multis eam euripis distinguebat, ac diffecabat, & pontes tota urbe plurimi erant ex candido ac polito lapide facti, ut non urbs, sed insula amoenissima videretur. Id ita exponit dulcissimus ac suavissimus scriptor Longus principio ποιηρικῶν his verbis. Πόλις δὲ Λέσβου Μιτυλήνη μεγάλη καὶ καλή. διείληπται γὰρ εὐρίποις, ὑπερρεούσης τῆς θαλάσσης, καὶ κεκόσμηται γεφύραις ξυτοῦ καὶ λευκοῦ λίθου νομίσις οὐ πόλιν ὄραν ἀλλὰ νῆσον. Eo autem libentius ex eo pauca hæc protuli, quod & confirmant Horatii de nobilissima urbe testimonium, & Longi liber lectu dignissimus nondum, quod sciam, publicum accepit.

Illustratus locus Horatii ex Odis.

C A P. XVII.

PEreleganti comparatione usus est Flaccus ode duodecima libri primi cum ornare Gaesarem vellet, (z)
*Micat, inquit, inter omnes
 Iulium fidus, velut inter ignes
 Luna minores:*

In eo autem imitatus est Pindarum, etsi quod hic noster de Luna, id Graecus ille in Isthimiis de lucifero dixerat: (a) *λάμπει ἐωσφόρος θα-
 ητος ὡς ἄστροις ἐν ἄλλοις.*

A Luna autem obscurari ceterarum stellarum splendorem, suavissimis versibus dixerat etiam Sappho: (b)

*Ἄστρες μὲν ἀμφὶ καλὰν σελάναν
 Ἄψ' ἀποκρύπτουσι φαεινὸν εἶδος,
 Ὅπποτ' ἂν πλήθεισα μάλιστα λάμπῃ.*

Sed & Quintus Smyrnaeus in celebranda Penthesilea eandem comparationem adhibuit:

*Ὡς δ' ἔτ' ἀπ' οὐρανὸν εὐρὺν ἐν ἄστράσι δῖα σελήνη
 ἐκτρίπτει.*

Puto autem huiusmodi locorum collatione, ac contentione inter se, & magis elucere veterum poetarum præstantiam

[z] Lib. 1. Cat. Od. 12. [2] Od. 4. Steph. 2. [b] Apud. Eustathium.

stantiam, & eiusdem gloriae cupidos, quomodo in eis imitandis versari debeant, admoneri.

Emendatus & illustratus locus quidam Plutarchi.

C A P. XVIII.

ERuditionis & prudentiae plenissimus scriptor Plutarchus, in commentariolo quo docuit principum virorum amicitiam ac consuetudinem eruditis hominibus non esse. Fugiendam, sed expetendam potius, & adhibito studio quaerendam, quod multo plus profint humano generi, si praeceptis, disputationibus, exemplo suo unum aliquem ex iis qui principem in civitate sua locum obtinent, quam si cerdonem quempiam aut baiulum, meliorem ac sapientiozem effecerint. Eo igitur in libro ita scribit: *πλοῦτον δὲ καὶ δόξαν ἡγεμονικῶς ἐδιωκμὲν ἐν φιλίαις οὐ διώκει οὐ μὲν οὐδὲ φεύγει ταῦτα προσόντα μετρίῳ ἦθει.*

Quae verba homo eruditissimus, quique labore & industria sua numquam desinit adiuvere honestarum artium studia, ita interpretatus est: *Divitias autem & principem dignam gloriam ac potentiam in amicitiiis neque sectabitur, neque, si modice affluant, aversabitur.* Sed si Plutarchi verba paulo attentius considerasset, vidisset omnino, verba illa, *προσόντα μετρίῳ ἦθει.* nullo modo ita reddenda esse, *si modice affluant.* Hoc enim ait Plutarchus: hominem vere philosophum in parandis ac conciliandis amicis, non illum quidem divitias spectare aut gloriam, ac potentiam, ut vulgus solet: sed tamen si inciderit in aliquem divitem ac potentem qui idem apto ad virtutem ingenio, & modestis, ac compositis moribus sit, non abfisterreri, neque ipsius consuetudinem propterea refugere, quod divitiis ac potentia praestet. Idque statim declarat eleganti similitudine, Philosophi, inquit, in amandis adolescentibus non formam sequuntur, sed mores, & ingenium, & studium erga liberales disciplinas: neque tamen formosos reformidant, neque abstinent ab
eorum

eorum consuetudine si eosdem modestos ac bene moratos & discendi cupidos esse videant. Deinde addit: οὕτως οὖν ἀξίας ἡγεμονικῆς καὶ δυνάμεως ἀνδρὶ μετρίῳ καὶ ἀείρῳ προ-
 ὤρουσι, ἐκ ἀρίξευται τῷ φιλεῖν καὶ ἀγαπᾶν, οὐδὲ φοβηθήσεται αὐλὶ-
 κὸς ἀκοῦσαι καὶ θεραπευτικός. Interpres autem hoc modo, *Ita*
dignitate & potentia principe digna praeditus homo civilis
ac moderatus non abstinebit amando & diligendo, nec vere-
bitur aulicus appellari, & qui principem colat. In quo
 certe a Plutarchi sententia aberravit, qui hoc ait, Si
 quis sit vir bonus & eleganti ingenio praeditus, cui
 praeterea adsit hoc quoque ut dignitate ac potentia ex-
 cellat, non idcirco abstenturum esse sapientem ab eo
 amando, ac colendo, neque veritum, ne propterea au-
 licus, aut adsentator vocetur, Sequitur apud Plutar-
 chum: οἱ γὰρ κύριον φεύγοντες ἀνθρώπων ἀγαθὸν νοσοῦσιν, ὁμοίως
 τοῖς ἀγαθὰ ἠρημένοις, καὶ οἱ πρὸς ἑνδοξον οὕτως καὶ ἡγεμονικῶς φι-
 λίας ἔχοντες. Quae ille ita reddidit.

Nam qui Venerem fugiunt nimis mortalium
Aegrotant, & qui bona sectantur itidem errant gloriam & gra-
tiam apud principes fugiendo, quam sententiam nullo mo-
do ex Plutarchi verbis effici posse, omnes, ut opinor, vi-
dent. Sed hoc facilius excusare debemus hominem in-
signiter & eruditum & industrium, quod Graeca ma-
nifesto depravata sunt. Quae mihi quidem videtur ita
emendari posse:

Οἱ γὰρ Κύριον φεύγοντες ἀνθρώπων ἀγαθόν.
 Νοσοῦσ' ὁμοίως τοῖς ἀγαθὸν ἠρημένοις. id est:

Namque Venerem quicumque refugiunt nimis,
Peraeque aegrotant, atque qui appetunt nimis.

itidemque qui erga principum ac potentum amicitiam aut
hoc aut illo modo affecti sunt. Et puto hanc veriore esse
scripturam horum Euripidis versuum, quam quae est
apud Stobaeum: (c)

Οἱ γὰρ κύριον φεύγοντες ἀνθρώπων ἄγαν
 Νοσοῦσ' ὁμοίως τοῖς δινώκεσιν ἄγαν .

Atque haec eo notavi, eiusdemque generis alia poss
 hac fortassis notabo, ut prosum studiosis non ut quidquam
 detraham de gloria & existimatione eruditorum homi-
 num, quos in magnis & arduis operibus interdum dor-
 mitantes qui non ferat, aut qui eos propterea minoris
 faciendos putet; is mihi ab omni humanitate alienissi-
 mus esse videatur.

Tres antiquae voces Ciceroni restitutae.

C A P. XIX.

VEtera quaedam vocabula sunt apud Ciceronem,
 corrupta ab iis qui quicquid minus usitatum est,
 pro suo iure expungere, & quicquid collibuit, substi-
 tuere audent, etiam invitis, nam hec nonnumquam
 profitentur, & reclamantibus omnibus libris. Quorum
 nisi regatur & coerceatur audacia, paucis in Cicerone.
 minima pars Ciceronis futura est. Quosdam hic pro-
 ponam locos, ex quibus hoc quod dico intelligi possit,
 Ita igitur scriptum est libro quinto De finibus: *Stoici
 restant. Hi quidem non unam aliquam aut alteram a nobis,
 sed totam ad se nostram philosophiam transfulerunt. Atque
 ut reliqui fures earum rerum quas ceperunt signa commutant,
 sic illi ut sententiis nostris pro suis uterentur, nomina, tan-
 quam rerum notas, mutaverunt. Sed in libris veteribus,
 clepserunt, legitur, non ceperunt. Quod sine dubio re-
 ctum est: Cicero ipse alibi: Spartae, repere ubi pueri &
 clepere discunt. Eodem modo peccatum est libro De di-
 vinatione, in versibus veteris poetae de Cassandra:*

Sed quid oculis rapere visa est detrepente ardentibus?

Non enim rapere, sed rabere legendum est. Et libro se-
 cundo Tusculanarum: *Ingemiscere nonnumquam viro con-
 cessum est, idque raro. Eiulatur ne mulieri quidem. Et hic
 nimirum est fletus, quem duodecim tabulae in iuneribus ad-
 liberi*

hiberi vetuerunt. Neque enim *fletus* in vetustis libris, sed *lessus* legitur. Quod autem quidam homo eruditus, pro *vetuerunt*, *voluerunt* legi vult, id tale est, ut ne ipsi quidem, si diligentius considerarit, probatum iri putem.

De quibusdam locis Laërtii.

C A P. XX.

Multa sunt adhuc apud Laërtium corrupta: etsi praeclaram in eo emendando navavit operam, homo & industria & eruditione praestans, qui libros ipsius cum vetustis exemplaribus collatos haud ita pridem edidit. Nos vero eum & amare ac laudare debemus ob ea quae praestitit, & si quid ipsius diligentiam fugit, id ingenue cum studiosis communicare. In vita igitur Socratis (d) (hinc enim exordiemur) ita scriptum est: Εὐθύφρων αὖ τῷ πατρὶ γραψάμενον ξενίας δίκην, καὶ ὅτις τινὰ διαλεχθεὶς ἀπήγαγε. Sed qui Platonem vel primoribus, ut dicitur, labris attigerunt, satis sciunt, non fuisse illam ξενίας δίκην, quam Eutyphro intendebat patri: accusabat enim eum, quod mercenarium quendam enecasset: ut dubium non sit, quin pro ξενίας legendum sit, ξυνοικονίας. Paulo post autem, ubi Euclidem a Socrate reprehensum narrat, quod in contentiosis Syllogismis nimium studium poneret, ita legitur: ἀρχεῖσιν ᾧ ᾧ ἐτα εἶναι τι καὶ ταῦτα αἰχρολογία: cum omnino legendum sit, μικρολογία: etsi aliter Victorius. Et quoniam, quam haec, quae tradimus, inter se cohaereant, non valde laboramus, addemus alium locum ex Heraclidis vita, ubi unius litterae depravatio festivam & elegantem historiam corrumpit. Est autem haec: Dionysius Matathemenus, qui, ut est apud Ciceronem, propter dolorem, oculorum a Stoi-

cis descendit, & in Epicuri castra se contulit: is igitur Dionysius cum tragoediam quandam scripisset, cui Parthenopeo-nomen fecerat, Sophoclis illi nomen inscripsit. Hac emen-tita inscriptione delusus Heraclides in commentariis quibusdam suis versus ex ea fabula pro Sophocleis ci-taverat. Tum ei Dionysius rem, ut erat, aperit, seque eius fabulae auctorem esse profitetur. Quod cum etiam tum Heraclides negaret, eique fidem habere nollet, scripsit ad eum Dionysius, ut quendam ex ipsa tragoe-dia locum inspiceret. In quo ex primis versuum litte-ris conficiebatur ac contexebatur nomen ΠΑΓΚΑΛΟΣ. Erat autem id nomen formosi pueri, quem Dionysius amabat; cuiusque nomen amoris causa, occulte & ar-tificiose poemati suo intexere voluerat. Sic olim En-nius versus quosdam, ut a Cicerone proditum est, scri-pserat, quorum ex primis litteris efficiebatur, Q. En-nius fecit. In Graecis autem Laertii libris ab eo quem supra significavi editis, nisi quod παγκάλως pro πάγκα-λῳ scriptum est, cetera omnia ἔχει παγκάλως. Qui pusil-lus error tantas tenebras obiecit interpreti, ut huius hi-storiolae in eius interpretatione nullum prope vestigium appareat. Ac putassem in Graecis erratum esse opera-rum vitio, nisi homo eruditus in iis notis, quas ad fi-nem libri adiecit, ostendisset, se verae illius scripturae sententiam non esse assecutum. Certè in optimo & ve-tustissimo libro Alexandri Farnesii Cardinalis multis nominibus Maximi aperte legitur ΠΑΓΚΑΛΟΣ: nequis de scripturae illius integritate dubitandum putet. Re-cte etiam idem ille liber in vita Cratetis, ubi ponitur iocosum quoddam eius Philosophi diarium, quo osten-debat a divitibus magnos sumptus fieri in coquos, in adulatores, in scorta, cum in bonos & eruditos viros parci ac restricti sint, recte inquam in eo libro scriptum est τέλαιντα πέττε, non, ut editum est, τέλαιντα δέκα.

Q

Sunt

Sunt enim tres versus iambici, qui propter vocis illius depravationem non agnoscuntur. (e)

Τίθει μαγείρῳ μνᾶς δίκ', ἰατρῷ δραχμῶν,
Κόλακι τάλαντα πέντε, συμβέλῳ καπνόν.
Πόρῳ τάλαντον, φιλοσφῶ τρεῖς ὅλον.

Sed & quod in vita Pythagorae legitur, fuisse medicum quendam Pythagoram, qui scripserit de Hernia, id non quidem omnino vere, sed tamen propius vero scriptum est eodem in libro *Περὶ κήλης*. enim habet, non *φει κήλης*. legendum autem *φει σκήλης*. Id ita esse constat ex Plinio cuius haec sunt ex capite quinto libri XIX. (f) ubi de generibus scillae, quod bulbi genus est, loquitur: *Unum de iis volumen condidit Pythagoras Philosophus, colligens medicas vires, quas proximo reddemus libro.*

[e] Laert. l. Orat. Theb [f] Cap. 5.



MARCI ANTONII MURETI
AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER DECIMUS.

*Quam vetus sit consuetudo, in honore alicui ha-
bendo, manum suam ad os admovendi.*

C A P. I.

QUod hodieque in consuetudine positum est, ut in salutandis potentibus, aut in honore eis habendo, nostram ipsi manum ori admovere soleamus, id quaesitum est ex me, num a veteribus quoque factitatum esset, an, ut alia pleraque, ita hoc quoque inepte adulandi genus servilia recentiorum aulicorum ingenia excogitassent. Respondi, eum morem usque ab impia illa, & ridicula veterum, qui multos deos colebant, superstitione ductum ac propagatum videri. Solebant enim & illi, cum aut fanum aliquod praeterirent, aut lignum, lapidem-ve aliquem aspicerent, in quo divinitatis aliquid esse opinarentur: neque enim vilior illis temporibus ullius rei, quam deorum, annona erat: manum ad os referre, & tenui murmure illos ligneos aut lapideos deos, ut sibi faverent, precari. Ovidius: (g)

Ecce lacu medio sacrorum nigra favilla

Ara vetus stabat tremulis circumdata cannis.

Q 2

Resistit,

(g) Lib. 6. *Metamorph.*

Refistit, & pavido, Faveas mihi, murmure dixit

Dux meus: & simili, Faveas mihi, murmure dixit.

Appuleius apologia prima: *Nam, ut audio, percrepantibus illis qui iustum novere, nulli deo ad hoc aevi supplicavit; nullum templum frequentavit: si sanum aliquod praetereat, nefas habet adorandi gratia manum labris admoveere.* Minutius Felix in Octavio: *Caecilius, simulacro Serapidis denotato, ut vulgus superstitiosus solet, manum ori admovens, osculum labiis pressit. Quod igitur gestu illi diis suis honorem exhibebant, eodem nos hodie in potentibus ac fortunatis hominibus colendis utimur.*

Unde sumpsisse videatur Ovidius, quod in Oraculo terram, matrem, lapides autem ossa illius vocavit.

C A P. II.

Sapienter interpretatur Ovidianus Deucalio sortem sibi a Themide datam, quaerenti qua arte genus humanum aquis extinctum reparare posset, qui iussus ossa magnae matris post tergum iacere, matris nomine terram intellexit, cuius in corpore ossa lapides vocarentur. Atque equidem existimo ingeniosissimum poetam illo responso confingendo quod terram quidem matrem vocavit, sumpsisse ex historia Romana, ubi, cum regiis adolescentibus responsum esset, eum regnaturum Romae qui primus matri osculum tulisset, Brutus is, qui reges exegit, e navi exiens, simulato casu, terram osculatus esse dicitur, quod autem *lapides, terrae ossa*, secundum esse auctoritatem veteris tragici, qui & ipse illos eodem nomine affecerat. Citantur enim haec a vetere Grammatico:

Τὸς ἐστὶν ὁ ἑγγυφθεὶς πόδα.

de eo qui ad lapidem offendisset. Sic autem, & *san-*
gui-

gultem terrae Aristoteles in quadam ad Alexandrum epistola vinum vocasse dicitur. Et vulgo *venas in terra* dicimus aut quibus aqua conclusa latet, aut e quibus metalla eruuntur.

Versum quendam ex Odyssaea multo aliter a nonnullis accipi, quam ut ab Horatio acceptus est.

C A P. III.

NON est dubium, quin Horatius in epistola ad Lollium, illo versu, (b)

Dum sibi, dum sociis reditum parat.

exprimere voluerit illum Homericum: (i)

Ἀρνύμενος ὡς τε ψυχῇ καὶ νόσον ἑταίρων.

sed Homericum tamen, non eodem quo Horatius sensu omnes accipiunt. Didymus enim, cuius extant in Odyssaeae eruditissimae notae, aliam etiam quandam eius declarationem tradit, an veriore nescio, ipsi certe Ulixi honestiorem ac gloriosiore. Illum videlicet eo animo fuisse, ut & vitam impendere, & omnem reditus spem sibi praecludere non recusaret, dum modo salutem sociorum cunsuleret. Verbum enim ἄρνυμι, ut apud Eustathium legitur, ab agnis ductum est, quod Graeci ἄρνας vocant: ut & ὠνείμι ἀπὸ τῆς ὄνης & πωλείν ἀπὸ τῆς πώλης: quod prisca nondum nummorum usu, agnis, asinis, equuleis, aliisque eiusdem generis animalibus parare ea, quibus indigebant, solebant. Hoc igitur Homerum dicere ait, paratum fuisse Ulixem, si res ita tulisset, ἄρνυμι id est, quasi pro pretio dare καὶ τῇ αὐτῇ ψυχῇ καὶ τὴν αὐτῇ νόσον, ἀντὶ τῆς ἑταίρων. Neque coniuncte legendum καὶ νόσον ἑταίρων. Lucianus tamen prorsus Horatianae sententiae adstipulatur, qui in φιλοφροσύνη Ulixem multa in errore ille suo mentiri solitum dixit, σώσει αὐτοῦ ψυχὴν ἄρνυμενος, καὶ τὴν νόσον τῆς ἑταίρων. Hanc sententiarum va-

Q 3.

rieta-

(h) Lib. 1. ep. 2. (i) 1. Odyss. v. 3.

rietatem. quam Horatiani interpretes vel non non animadverterant, vel praetermiserant, non indignam duxi, cuius rudiores admonerentur.

De duobus locis ex primo libro Commentariorum Caesaris de bello Gallico.

C A P. IV.

LEgebamus animi caussa primum librorum commentariorum Caesaris De bello Gallico ego, & Horatius Macaranus elegantissimo ingenio, & honestissimis moribus praeditus adolescens: & ut ei quidque occurrerat, in quo haereret, ita aut ex me sciscitabatur sententiam meam, aut etiam suam ipse modeste ac verecunde proferebat. Cum igitur ventum esset ad eum locum, ubi Ariovistus Caesaris legatis respondet *Aeduis se obsides redditurum non esse, neque iis, neque eorum sociis iniuria bellum illaturum, si in eo manerent quod convenisset, stipendiumque, quotannis penderent: si id non fecissent, longe iis fraternum nomen populi R. afuturum*: iis recitatis, paulum substitit Horatius: &, Quando, inquit, mihi licere voluisti, omnia dicere quae in mentem venirent, non dissimulabo vereri me, ne hoc loco, ubi est *afuturum*, una littera extrita, legi debeat *futurum*. Recens enim sum a lectione ultimi Aeneidos, ubi commemini ita Turnum loqui, (k)

Longe illi dea mater erit, quae nube fugacem

Feminea tegat, & vanis sese occulat umbris.

Ut ergo illic Turnus minatur, longe Aeneae futuram matrem, ita hic Ariovistus, longe Aeduis fratrum nomen populi R. fore. Tum ego, Acute, inquam, istuc a te Horati, & ingeniose cogitatum est: & quo tibi magis etiam de ista tua coniectura placeas, scito, eandem adprime eruditi hominis Gabrielis Faerni fuisse, cum

uno

(k) Lib. 12. vers. 52.

uno illo quo tu quoque usus es Virgilii testimonio niteretur: Certeque eodem modo locutus est optimus, & ipse Latinitatis auctor Ovidius octavo Metamorphoseon:

*Pone age, nec titulos intercipe femina nostros,
Thestiadae clamant: nec te fiducia formae
Decipiat, ne sit longe tibi captus amore
Auctor.*

Sed tamen cum eadem veterum librorum scriptura sit, quae vulgata: nihil est causae, cur quidquam mutandum putemus. Nam hoc quoque alterum loquendi genus veteribus non inusitatum fuisse, ex eodem illo quem modo citavi, Ovidio cognoscitur; apud quem ita legimus libro quarto:

*Huc quoque, vade procul, ne longe gloria rerum,
Quas mentiris, ait, longe tibi Iuppiter absit.*

Paulo autem infra eum, quem dixi Caesaris locum locus alius est in omnibus, quos ego quidem viderim, libris depravatus; quem qui nuper emendare voluerunt, magis etiam corruerunt. Nam cum dixisset Caesar e Gallorum sermonibus de Germanorum virtute, tantum extitisse in exercitu Romano metum, ut non mediocriter omnium mentes, animosque perturbaret: *Hic*, inquit, *primum ortus est a tribunis militum ac praefectis, reliquisque qui ex urbe, amicitiae causa, Caesarem secuti magnum periculum miserabantur; quod non magnum in re militari usum habebant.* Ita enim habent veteres tum calamo notati, tum typis descripti libri. At in iis qui postea editi sunt, avdita est negatio, hoc modo: *Non magnum periculum miserabantur.* Sed qui attente totum locum consideraverit, facile intelliget legendum esse. *Magnum periculum esse rebantur.*

Expensus locus ex Asinaria Plauti, in quo Poeta ipse quiddam non satis ex arte fecisse videri potest.

C A P. V.

Cum animi causa Plauti Asinariam evolverem, quidam repperi, quod mihi scrupulum obiecerit: neque audenti accusare ~~Asinariam~~ Plauti, neque tamen ad eum defendendum, ac vindicandum ab illo crimine quidquam satis probabile reperienti. Nam in prima fabula senex cum servulo colloquens, scire se ostendit, filio opus esse viginti minis. Ita enim loquitur: (1)

Nunc verba in pauca conferam, quid te velim.

Viginti iam usus filio argenti minis.

Face id ut paratum iam sit.

Multo autem post, Argyrippa lena super illis viginti minis cum adolescente paciscitur: cumque adolescens dixisset, (m)

Mane, mane, audi. Dic quid me aequum censes pro illa tibi dare

Annum hunc ne cum quiquam alio sit:

subiicit impura mulier: *Tene? viginti minas.*

Atque ea lege, si alius ad me prius attulerit, tu vale.

Ante igitur resciverat senex, quantum argenti filio opus esset, quam id filius ipse ex lena cognoscere potuisset. Ac scio, visum esse nonnullis etiam Terentium in Adelphis similiter ipsum quoque peccasse. Sed Terentii quidem causam veteres critici facile expediunt, eumque omnibus suffragiis liberant. Plautinum hoc, vereor, ut aeque facile defendi queat.

Locus

[1] *Demaeonetus. Sc. 1. [m] Cleaereta cum Argyrippe. Sc. annum quodque.*

*Locus quidam Iuvenalis adversus aliorum
omnium sententiam declaratus.*

C A P. VI.

MIrum est, quanto opere vexatus sit ab hominibus eruditis versus ille Iuvenalis e Satyra undecima: (n)

Qui Lacedaemonium pedumate lubricat orbem :

ut vix ullus iam superesse videatur novae aut emendationi, aut interpretationi locus. Primum enim Domitius, & alii eum secuti *ptismate* legerunt, non *pedumate*: cumque Lacedaemonium orbem interpretarentur annulum, putarunt hoc versu significari divitem delicatum, qui annulum, quem in digito gestaret, identidem extraheret sputoque illineret, ut habilis & commodius versari posset. At Merula, saltationis genus esse pytisma quo Lacedaemonii uterentur: idque homo ingenuus fassus est se nusquam legisse: sed ita sibi in mentem venisse, ut ea quae somniamus. Tertius accessit Georgius Valla, qui cum putaret, vix satis sibi decorum fore, si ad has epulas a symbolus veniret, orbem Lacedaemonium trochum esse dixit e pinu factum, quae Graece pitys diceretur. Adhuc haec erant, cum ecce tibi homo accutissimus, & eruditissimus Politianus, qui, explosis omnium superiorum sententiis, *pitylismate* legendum censuit: id enim ex Galeno esse exercitationis genus, quo in Laconicis, id est, in sudatoriis, uterentur, peruncto prius corpore: atque eo lubricandi verbum pertinere. Et fortassis obtinuisse haec sententia propter summam Politiani in litteris auctoritatem, nisi animadvertissent homines, eam cum iis de quibus eo loco Iuvenalis ageret, nullo modo cohaerere. Alciatus quidem cum se in idem illud a Politiano extractum sudatorium coniecisset, ut tamen adferret

(n) vers. 173.

ret aliquid novi, *pyreysmate* legendum censuit, novo, & ante ipsum inaudito vocabulo. Exiit deinde Flavius quidam, cuius scripta nondum in manus meas venerunt, qui ratus sit legendum, *poppsymate*: & orbis Lacedemonii nomine intellexerit τὸν σφυκτῆρα, versum hunc ad nefariam libidinem referendum putans: quod mihi quidem absurdissimum, & a poetae sententia alienissimum videtur. Secutus est homo multae ac variae lectionis Ioannes Brodaeus, qui *pedemate* legendum pronunciaverit. Huius ego Miscellanea, in quibus hoc tradidisse fertur, quanquam magno studio quaesita, nunquam usque adhuc reperire potui: sed facile tamen ex ipso *pedematis* nomine video eum aliquod saltationis genus intellexisse: & mihi verisimile sit eodem modo legisse etiam Merulam. Postremo Turnebus *pytisma* sputum; *orbem* trochum videri voluit. Quis post tot, ac tales viros quidquam sibi praeterea quaerendum putet? & aut idoneum se inter eos arbitrum profiteri, aut, quod eorum nemo intellexerit, id se verius explicaturum polliceri audeat? Quando tamen in hoc litterarum genere, minimo periculo peccatur; non deterreborego quoque, quid sentiam, dicere. Puto igitur quod in vetustis libris legitur *pedemate*, leviter depravatam esse, ac legendum *pettemate*, a verbo πετῖνω: significarique eo versu divitem aleae studio deditum. Quod confirmant & ea quae statim sequuntur:

*Namque ibi fortunae veniam damus, alea turpis,
Turpe & adulterium mediocribus, haec eadem illi
Omnia cum faciunt, bilares, nitidique vocantur.*

Orbem autem Lacedaemonium vocat mensam ex marmore Laconico, ut & Martialis Libycum orbem, mensam ex marmore Africano.

Tu Libycos Indis suspendis dentibus orbes:

Fulcitur testa fagina mensa mihi.

Et Seneca ad Albinam: *levatique mensarum orbes*. Lubri-

bricantur autem, id est, levantur, ac poliuntur ad sidua attrectatione marmora super quibus assidue alea luditur. Vix ullum reperiri posse versum in omnibus antiquorum poematis puto quam tam multi tam varie interpretati sint.

Non modo, *pro*, non modo non, *saepe apud veteres legi, idque loquendi genus a Graecis ductum esse.*

CAP. VII.

NOtaverat iam pridem Paulus Manutius, *non modo pro non modo non*, saepissime apud veteres legi: idque & ego postea libro primo commentariorum in Catilinaria confirmaveram, & alii homines eruditissimi suo calculo comprobarant. Sed inciderunt nuper in manus meas, cum in taberna quadam libraria otiosus federem, ibique cum amicis aliquot eruditis hominibus colloquerer, notae cuiusdam sane docti ac diligentis viri in scripta Ciceronis, in quibus, quodam loco vehementer nostrum omnium in eo iudicium improbat, & illis omnibus locis, quibus nos ad id confirmandum utebamur, negationem addendam esse contendit. Ego autem, si quis adversus veterum consuetudinem multorum librorum consensu testatam, opinione quadam, iudicio suo, aut etiam rationibus quae speciem aliquam probabilitatis habeant, niti velit, non sane propterea cum eo altercabor, neque pugnabo. Sed tamen non protinus de sententia demovebor. Scio enim in omnibus linguis multa dici, quorum ratio non constet: sed in usu loquendi, ipsam bene loquentium consuetudinem pro ratione habendam puto. Congeram igitur huc aliquot Ciceronis, & aliorum primae Classis scriptorum loca, quae ipse in optimaе notae libris, ita prorsus, ut subiiciam, scripta legi: ut eis inspectis, hac de re ab omni-

omnibus eruditis iudicetur. Cicero (o) in epistola ad Lentulum: *Non modo praemiis, quae apud me minimum valent, sed ne periculis quidem compulsus ullis.* Idem ad ad Paetum: (p) *Hoc tamen scito non modo me qui, consiliis non intersum, sed ne principem quidem ipsum scire, quid futurum sit.* Idem lib. decimo ad Atticum: (q) *Regnum non modo Romano homini, sed ne Persae quidem cuiquam tolerabile.* Et eodem lib. (r) *Mihi non modo irasci, gravissima iniuria accepta, sed ne dolere quidem impune licet.* Atque hi omnes loci ita leguntur etiam in libris proxime a Victorio editis, quos ex optimis omnium exemplaribus cum fide descriptos esse constat. Idem libro tertio in Verrem: *Voluerunt eos in suis rebus ipsos interesse: eorum animos non modo lege nova, sed ne nomine quidem legis novo commoveri.* Idem libro primo in Catilinam: *Nihil agis, nihil moliris, nihil cogitas, quod ego non modo audiam, sed etiam videam planeque sentiam.* Idem pro Sex. Roscio Amerino: *Qui tantum facinus commiserunt, non modo sine cura quiescere, sed ne spirare quidem sine metu possunt.* Idem pro Caelio: *Haec genera virtutum non solum in moribus nostris, sed vix iam in libris reperiuntur.* Sed in eadem oratione in libris veteribus ita legitur: *Huic oberit taum maledictum, qui istius facti non modo suspicione, sed ne infamia quidem est aspersus?* Et libro primo De oratore: *Neque solum inscientiam meam, sed ne rerum quidem magnitudinem perspicit.* Et libro secundo De officiis: *Quod eo firmiore animo facient, quia non modo illi invidetur aetati, verum etiam favetur.* Et libro tertio: *Etenim si is, qui non defendit iniuriam neque propulsat a suis cum potest, iniuste facit, ut in primo libro differui, qualis habendus est is, qui non modo repellit, sed etiam adiuvat iniuriam.* Varro libro primo De rustica: *Bono animo este, inquit Agrius: nam non modo illud sublatum est, quod ludis Circensibus novissimi curriculi finem facit*

(o) Lib. 1. ad fam. ep. 9. (p) Lib. 9. ep. 17. ep. 6. (q) Lib. 11. ep. 24.

facit quadrigis : sed ne illud quidem vidimus , quod Ceriali pompa solet esse primum . Livius libro XXV. Postremo ita assuetudine mali effecerant animos , ut non modo lachrimis iustoque comploratu prosequerentur mortuos , sed ne efferrent quidem , aut sepelirent . Haec inquam , omnia , aliaque eiusdem generis plurima ita in antiquissimis libris scripta sunt , quorum tantum consensum pro nihilo putare , hominis esse ingenio suo praesidentis puto . Praesertim cum Graeci quoque ita loquantur , apud quos , ἔχ' ὅτι , μὴ ὅτι , ἔχ' ἕως , interdum valent , non solum interdum . non solum non : quod & docuit , & multis praestantissimorum scriptorum testimoniis confirmavit decus , atque ornamentum Gallici nominis Gulielmus Budaeus in commentariis linguae Graecae .

De loco quodam ex secundo De Officiis .

C A P. VIII.

Dubitant eruditi homines quomodo accipiendum sit , quod ait Cicero libro secundo De Officiis : multa saecula expectanda fuisse C. Pontio Samniti si a fortuna reservatus esset ad id tempus quo Romani dona accipere coeperunt . Bellavit enim cum Romanis Pontius anno ab urbe condita CCCCXXXII. lex autem Calpurnia de pecuniis repetundis lata est anno ICCIII. ut si saeculum sit centum annorum , quomodo accipiendum , & Grammatici veteres docent , & ludorum saecularium appellatio confirmat : non tota duo saecula ei expectanda fuerint . Sed certe saeculum interdum est : γένεα ut ostendit & Naevius , qui Nestorem , ut est apud Gellium , trisaecclisenem vocavit , ex illis videlicet Homeri versibus : (s)

Τῷ δ' ἦδη δύο μὲν γένεα μερόπων ἀνθρώπων
 Ἐφθιάθ', οἳ οἱ πρόθεν ἄμα τέτρεν ἠδ' ἐγένοντο
 Ἐν πύλῳ ἠγαθήν , μετὰ δὲ τριτάτοις ἀνασεν .

γένεα

(s) 1. *Iliad.* vers. 250.

γενεὰ autem triginta annorum est. Itaque illi Homericū
versus ostendunt tantum, Nestorem, cum illa loqueretur,
sexagenario maiorem fuisse: quamvis illic quoque
γενεὰ pro centum annis accepisse etiam veteres Latini
poetae videntur.

Illustratus locus ex Oratione pro Flacco.

C A P. IX.

Mirifice abiicit, & extenuat Cicero in oratione pro
Flacco vim & auctoritatem plebiscitorum sive pse-
phismatum, quae fiebant in Graecia, quod in eis neque per
capita, neque per tribus, neque per centurias exquireban-
tur sententiae; sed per praeconem edicebatur, ut qui ita
sentirent, manus tollerent: atque ita clamore multi-
tudinis & sublatione manuum, de rebus gravissimis,
temere & inconsulte decernebatur. *Sic sunt*, ait sum-
mus orator, *expressa ista praeclara, quae recitantur, pse-
phismata non sententiis, neque auctoritatibus declarata, non
iureiurando constricta: sed porrigenda manu, profundendo-
que clamore multitudinis concitatae*. Et paulo post: *Por-
rexerunt manus: psephisma natum est*. Atque eo respicien-
tes apud Aristophanem αἱ ἐκκλησιάζουσαι, aiunt videndum
sibi esse, quomodo manus tollere debeant, ad confir-
mandum videlicet id quod Praxagora proposuerit: (r)

Εἰς αὐτὸν δ' ἡ πεφροντίκα μιν, ὅτε τρέπων

Τὰς χεῖρας ἄρειν μνημονεύσομαι τότε,

Εἰθισμέναι γὰρ ἔσμεν ἄρειν τὰ σέλην.

Et si Victorius libro duodecimo (u) Variarum lectionum
alio id referendum putavit. Huius autem consuetudi-
nis & apud Aeschylum in Supplicibus mentio est: (x)

Πανδημία γὰρ χερσὶ δεξιονύμοις

Ἐφριξεν αἰθὴρ. τὸν δὲ κραίνοντων λόγον, & paulo post

Το. αὐτ' ἀκύνων χερσὶν ἀργεῖον λέως

Εἴκει αὖ.

Ubi

(r) ἐκκλησιάζουσαι *Al. l.* (u) *Cap. 23.* (x) *Pag. 329. edit. H. S.*

Ubi etiam scholiastes formulam verborum ponit, quae in eiusmodi rebus praeconi usitata erat, ἀράται τὰς χεῖρας ὁ τῶ ταῦτα δικεῖ. Meminit & alicubi Scholistes Nicandri.

Emendatus Plauti locus in Epidico.

!C A P. X.

STulta quaedam consuetudo est ignavorum, & nullius pretii hominum, ut cum quid ignave, indecoreque fecerunt, si ostendere possint magno alicui, ac praeclaro viro idem quoquo modo contigisse, satis id sibi esse aut ad defensionem, atque excusationem, aut etiam ad gloriam, & commendationem arbitrentur. Sic iocans alicubi Martialis, quendam qui malos versus faciebat, etiam laudandum esse dicit, quod ea in re Ciceronis similis sit. Sic inepti olim quidam cum illud impedimentum linguae quo Demosthenem laborasse legant, imitarentur, germani sibi Demosthenes videbantur. Sic Platonis paulo elatiores humeros, Aristotelis unam *παιλότητα*, qui studiosae effingerent, multi erant. Et apud Terentium (y) Thraso cum aedes meretricis oppugnaturus, loco sibi cavisset, *Idem*, inquit, *hocce Pyrrhus facitavit*. Quasi eadem ratio Pyrrhi fuisset, quae tum erat illius. Et in eadem fabula cum de deditioe cogitaret, iamque se impurae mulierculae in servitutem mancipaturus esset, [z] *Qui minus*, inquit *quam Hercules servivit Omphalae*? Est autem horum consimilis iocus & apud Plautum in Epidico, ubi servus e militia rediens, de herili filio qui arma aut amiserat, aut vendiderat, loquens, ait, id ei gloriosam fore: nam idem olim etiam Achilli contigisse. Notum est autem, ut, interfecto Patroclo, ad Troianos Achillis arma pervenerint. Sed Plauti locus in omnibus vulgatis libris depravatus est. Ita enim legitur: (a)

Sed

[y] *Eunucho. Act. 4. sc. 7.* [z] *Act. 5. sc. 1.* [n] *Scen. Heus adolescens.*

Sed quid ais? TH. quid rogas? EP. ubi arma sunt Stratipocli?

TH. Pol illa ad hostes transfugerunt. EP. armant?

TH. & quidem cito.

EP. Serioque dicis haec tu? TH. serio, inquam, hostes habent.

EP. Aedepol facinus improbum. TH. at iam ante alii fecerant idem.

Erit illi illa res bonori.

sed pro alii, sine ulla dubitatione legendum est *Achilli* unico l, propter verbum, ut saepe apud Homerum: quod & ea quae statim sequuntur, manifesto declarant, Quod autem statim subiungit, se putare arma Stratipoclis fabricatum esse Vulcanum, quoniam ad hostes travolaverint, eo pertinet, quod τὰ ἡρσιόστευκτα plerumque animata erant, ut illi tripodes, de quibus apud Aristotelem primo Politicorum, quos ait Homerus αὐτομάτως θεῖον δίδωσι ἀγῶνα.

De libidine Eunuchorum verum esse quod Terentio dictum est.

C A P. XI.

Non vanum est quod de Eunuchis audisse se ancilla Terentiana dicit, eos amatores esse mulierum maximos. Neque enim quibuscumque amputantur testes, in eis libidinis ardor extinguitur: immo vero crescit, & intenditur in iis qui exsecti sunt iam puberes, ita ut olim libidinofae mulieres, quae tamen parere nolebant, cupide eis, ut in illa clinopale indomitae & indefectae ad libidinem suam explendam abuterentur. Idque hoc etiam tempore metuens immanis & barbara gens Turcarum, quibus Eunuchis uti ad mulierum suarum custodiam volunt, eis non testes modo, sed & caudam, ut ait Horatius, salacem ferro demetere plerumque

que solent. Multae enim alioqui facerent idem, quod Gelliam quandam facere solitam ait Martialis. Verum autem esse, quod modo dicebam, & exempla declarant, ut Phavorini philosophi, qui eunuchus cum esset, in adulterio deprehensus dicitur, & gravissimi, ac sanctissimi scriptoris Basilii confirmat auctoritas, qui hac de re ita scribit in ἀσκατικῶς. Τοὺς γὰρ μετὰ τῷ ἀνδρὸς θῆναι πρὸς συνουσίαν τὰ παιδὸς γυναικεία, τοὺς διδύμους ὑποτεμόντας, παρὰ δριμύτερόν τε καὶ ἀχέτον πρὸς τὰς συνουσίας οἰστροῦνται, καὶ οὐκ οἰστροῦνται μόνον, ἀλλὰ καὶ, ὡς αὐτοῖς δοκεῖ, ἀκινδυνῶς φθίσκειν τὰς προστυχούσας. Atque hoc ipsum plane Satyricè exsequitur Iuvenalis his versibus: (b)

*Sunt quas eunuchi imbelles, ac mollia semper
Oscula delectent, & desperatio barbae,
Et quod abortivo non est opus, illa voluptas
Summa tamen, quod iam calida, & matura inventa
Inguina traduntur medicis, iam pectine nigro.
Ergo expectator, ac iussos crescere primum
Testiculos, postquam coeperunt esse bilibres,
Tonsoris damno tantum rapit Heliodorus.*

*Euripides unus, Ciceronis ex epistolis ad
Atticum duo loci emendati.*

CAP. XII.

ERudite fane, ut solet, emendavit iam pridem locum Euripidis ex Hyppolyto coronato doctissimus homo Victorius. In quo cum vulgo legatur. (c)

Πότερον ὑπ' αἵτης, ἢ θυρεῖν περιωμένῃ;

monet ille pro αἵτης legendum videri αἴτης quo nihil verius dici potuisse censeo. Sed tamen scrupulus residere adhuc aliquis potest propter syllabae modum, qui ob stare, atque impedire huic mutationi videtur. Αἴτης enim priore syllaba producta, dicimus, αἴτης corrupta. Au-

R

ctor

(b) Satyr. 6. v. 374. (c) Lib. 13. var. 6. 17.

stor huius rei Eustathius, qui exponens illud Homericum, (d)]

Ἀσάμνω, ἔδ' αὐτὸς ἀναίνομαι,

ita scribit: τὸ δὲ ἀσάμνω, ῥημάδην ἐξ ἧ ἢ ἄτη γίνεται, αἰεὶ ἐκτείνετα ὡς ἀπὸ κράσεως τὸ ἐν ἀρχῇ δίχρονον. εἰ κὶ ἡ ἄση, ἄλλο τε παρὰ τινὲ ἄτην ἔσα, ὡς κὶ οἱ ἀσκληπιάδαι δηλοῦσι, συγγέλλει τινὲ ἀρχουσαν. καθὰ κὶ Εὐρυπιδὺς δηλοῖ ἐν τῷ, ἔπαυσεν καρδίαν ἄτης. Neque tamen propterea non illa recta ac vera est emendatio. tantum immutandus est duarum vocum ordo, ut ita legatur.

Πότῃρον ἄτης ὑπ', ἢ θανεῖν πειρωμένη;

Sed huius ipsius vocis ignoratio corrumpit etiam locum quendam ex epistola prima libri decimi ad Atticum, ubi; cum vulgati libri ita habeant: *Haec est ἄλη in qua pangs sumus, mortis instar*: mihi quidem dubium non sit, quin legi debeat, *Haec est ἄρη* Significat autem aestum quendam animi nihil quod satis probet reperientis. Est etiam in eadem epistola locus suparvacanea vocum aliquot adiectione depravatus, quem ita hoc loco describam, ut ex veteris libri mei auctoritate legendus est: *Nihil video quod sperem, aut quod iam putem fieri posse, sed tamen hoc ipsum est unum τῶν πολιτικωτάτων σημμάτων veniendum ne sit in consilium tyranni, si is aliqua de re bona de-liberaturus sit.* Hanc scripturam qui cum vulgatis conferet, de eius integritate dubitaturum non puto.

*Ex Amphitruone Plautina loci aliquot
emendati.*

C A P. XIII.

A Pud Plautum (e) Alcumena cum dixisset, multo plus esse in vita molestiarum, quam voluptatum, neque fere quidquam boni cuiquam obtingere, quin aliqua statim molestia consequatur: sibi id suo ipsius exemplo cognitum, ac compertum esse dicit:

Nam

[d] *Iliad.* 2. Vers. 116. [e] *Sc. Sasin' parva est.*

Nam ego inquit, id nunc experior de me, atque ipsa de me scio.

sed in meo vetere libro, multo, ut mihi quidem videtur, elegantius scriptum est :

Nam ego id nunc experior domo, atque ipsa de me scio.

Domo enim dixit, οἰκοθεν ut cum Graeci dicant, οἰκοθεν ὁ μαρτυς de eo qui se ipse indicat : & cum quod cuiusque proprium, ac suum est, id οἰκείον vocant. Eodem autem illo in diverbio cum Amphitruo ab exercitu rediens, ita salutasset uxorem :

*Amphitruo uxorem salutat laetus speratam suam,
Quam omnium Thebis vir unam esse optimam diiudicat,
Quamque adeo cives Thebani vero rumificant probant,
Valuistis usque? expectatus ne advenio?*

neque illa quidquam responderet, quod virum a se paulo ante abiisse, seque ab eo illudi arbitraretur, iocans, qui eis adstabat, servus Sofia,

..... *haud inquit, vidi magis
Expectatum, eum salutat magis haud quisquam, quam canem.*

ubi illud, *haud vidi magis*, venustissime dictum est, & ex contrario intelligendum. Sic in Captivis; (f)

*At etiam te suum sodalem esse aiebat. Haud vidi magis
Et quidem Alcimaco, atque Orestes, & Licurgus postea
Una opera mihi sunt sodales qua iste.*

Et in Poenulo, [g]

*At amans per amorem si quid feci Milphio,
Ignoscere id te mi aequum est. Haud vidi magis.
Et ego nunc amore pereo. Sine te verberem,
Item ut tu mihi fecisti ob nullam noxiam.
Post id locorum tu mihi amanti ignoscito.*

& simile illud Ciceronis pro Sextio:

Est enim homo iste populo Romano deditus. Nihil vidi magis.

R 2

Quod

[f] Tyndarus Sc. Quo illum. [g] Sc. Saepe ego res multis.

Quod autem in illo Amphitruonis, & Alcumenae colloquio ita vulgo legitur, [b]

Obsecro ecastor, quid tu me dericuli gratia

Sic salutas, atque appellas, quasi dudum non videris!

Quasque nunc primum recipias te domum huc ex hostibus?

Atque me nunc proinde appellas, quasi multo post videris?

moneo, horum quatuor versuum posteriores duo neque in meo illo vetusto libro legi, & plane otiosos videri. Et aliquanto inferius, ubi vulgo,

Si obsequare, una resolves plaga, melius in illo,

Si obsequare, una te resolves plaga.

Multis autem versibus interiectis,

Iam illud non placet principium de osculo.

Perge exsequi.

non ut in vulgatis, *pergam exsequi*, est autem *exsequi*, narrare, *διηγείσθαι*. Neque indignum puto quod notetur, verbum *capere*, Graeco more, positum esse pro eo quod est coarguere, ac convincere: in illo versu,

Tu si me impudicitiae captas, non potes capere.

Ita enim illi *ἀλίσκην* sed cum versus eo modo non constet, curtusque ac multus sit, facile equidem adducor, ut ita legendum putem,

Tu si me impudicitiae captas, capere non potes.

neque minori, aut commodiori mutatione arbitror eum redigi posse ad modum, ac mensuram ceterorum. Et, quando haec pusilla colligere coepi, addam illud quoque: ubi ita legitur,

Namque de illo subditio Sosa mirum nimis est.

Sine ulla dubitatione legendum esse, mirum est minus. Neque hoc omittam, ubi Mercurius se ad Amphitruonem deturbandum comparat, legendum videri: [i]

Ibo intro, ornatum capiam, qui potis docet.

non

(h) Sc. Sasin' parva est. (i) Sc. Consedite.

non vulgo qui potius docet. Idem enim significat, quod paulo ante dixerat;

Capiam coronam mi in caput, adsimulabo me esse ebrium. est autem ita dictum, quomodo in hac ipsa fabula, *nostro generi non decet, & apud Terentium, ut vobis decet*; Graecorum hoc quoque imitatione, & exemplo. Sic in libris iuris, *Decet enim tantae maiestati eas servare leges, quibus ipse solutus videtur.*

*Emendatus, & declaratus locus quidam ex
epistolis ad Atticum.*

C A P. XIV.

SOlet Cicero cum proverbiiis utitur, mutila saepe ea, & decurtata proferre, quod & alii tum Latini tum Graeci scriptores saepe faciunt, viderurque in eo inesse aliquid leporis, ac venustatis, cum unusquisque eius linguae non ignarus, audito eorum principio, facile reliqua per se subiecturus esse videatur. Sed adfert tamen ea res interdum orationi aliquid obscuritatis, cum ex una, aut ex altera vocula non quilibet statim proverbium esse animadvertit, neque eius statim recordatur. Itaque ea quoque res non paucas maculas scriptis veterum aspresit. Quomodo equidem arbitror depravatum fuisse locum quendam e libro XIII. (k) epistolarum ad Atticum, ubi ita legitur *Sed, quaeso, epistola mea ad Varonem valdene tibi placuit? Male mihi sit, si unquam quicquam tam enitar.* Quis enim haec postrema verba legens, non sentit insuave quiddam, & a consuetudine Ciceronis alienum? Cum autem in satis vetere libro quo me donavit lumen, ac splendor amplissimi ordinis Guilielmus Sirletus Cardinalis, legatur, *Male mihi sit, si unquam quidquam tam inita,* fieri potest, ut fallar, sed mihi plane persuadeo legendum esse; *si unquam quidquam*

R 3

tam

(k) *Epist. de retentione.*

tam invita, & subaudiendum, Minerva, ut significet, se nihil unquam tam invita Minerva scripsisse, quam illam epistolam ad Varronem, ob idque mirari, quod illa Attico tam valde placuerit.

Locus Caesaris emendatus.

C A P. XV.

IAmpridem animadverti, multa in optimis quibusque scriptoribus ita manifesto depravata, ut ea ipsa mihi caussa fuerit, ne publice testarer, quomodo emendanda viderentur, quod neminem ita hebetem arbitrabar fore, quin id per se videret, maleque mihi videbar iudicaturus de ceterorum ingeniis, si ne illa quidem quae in oculos incurrerent, nisi monente me, animadversum iri existimarem. Nunc, cum huius generis pleraque illis quoque in libris haerere, ac residere videam, qui quotidie emendati ab hominibus doctissimis prodeunt, dissimulandum amplius non puto, cum praesertim in illa tanta hominum multo maiori, quam ego sum, doctrinae copia, multoque acriori iudicio praedictorum consensus interdum addubitare me cogat, ne mihi nimis ipsemet blandiar, neve solus iis ipsis in locis caecutiam, in quibus alios parum esse arbitror perspicaces. Tale est, quod nunc e tertio libro commentariorum Caesaris De bello Gallico proferam. Ubi cum dixisset Caesar, in vico Veragrorum Octodoro, qui positus in valle, altissimis undique montibus contineretur, Galbam cum aliquot cohortibus ad hiemandum confedis-
 se: & qua is vicus in duas partes flumine divideretur, alteram partem concessisse Gallis, alteram attribuisse cohortibus, tum deinde cum dies complures hi-
 bernorum transiissent, subito captum a Gallis consilium renovandi belli, opprimendaeque legionis, eiusque rei caussa montes qui impenderent, noctu ab eis occupatos, haud ita multo post subiicit, *Hostes ex omnibus partibus, signo*

figno dato, decurrere, lapides, gessaque in vallum conicere. Nostri primo integris viribus fortiter repugnare, neque ullum frustra telum ex loco superiore mittere, ut quaeque pars castrorum nudata defensoribus premi videbatur, eo occurrere, & auxilium ferre. Sed profecto aut ego plane desipio, aut totum illud, aequè ullum frustra telum ex loco superiore mittere, alieno loco positum est. Neque enim Romanos convenit, qui, ut constat, in valle inclusi obsidebantur. Sed in Gallos, qui noctu, ut dictum est, iuga impendentium montium occupant. Censeo igitur, verba illa statim subiicienda post verbum conicere: idque mihi ita certum videtur, ut in re perspicua argumentis abutendum non putem.

Ovidii locum quendam ex Apollonio Rhodio sumptum esse.

C A P. XVI.

TErram Africam serpentibus plurimis infestam esse constat: eius autem rei Ovidius hanc causam adfert, quod Perseus

*Viperei referens spoliū memorabile monstri,
Aera carpebat tenerum stridentibus alis;
Cumque super Libycas victor penderet arenas,
Gorgonei capitis guttae cecidere cruentae,
Quas humus exceptas varios animavit in angues.*

Quam fabulam videtur hausisse ex Apollonio Rhodio, cuius versus ex quarto libro Argonauticōn subiicam: quod eos Ovidius non imitatus modo, sed prope interpretatus videtur:

Εὐτε γὰρ ἰσόθεος λιγύλλω ὑπὲρ ἤπιατο Περσεύς
Εὐρυμεδών, καὶ γὰρ τὸ κάλεσέ νιν ἕνμα μήτηρ,
Γοργόνος ἀρτίτομον κεφαλῇ βασιλῆϊ κομίζων,
Ὅσας κυανέου σώγες αἵματός τ' ἔδρας ἵκοντο.
Αἱ πᾶσαι κείνων ὀφείων γένος ἐχλᾶσαν.

De quibusdam qui habitati sunt impii cum ex omnibus popularibus suis longissime ab impietate abessent.

C A P. XVII.

DE Diagora Melio, Theodoro Cyreniaco, aliisque nonnullis ita plerique veteres, quasi de hominibus summe impiis, loquuntur, quique nullum omnino Deum esse crederent. Eandem etiam notam calumniatores Socrati inurere voluerunt: eamque ob causam Aristophanes, quem ipsum *ἄθεον* fuisse non dubito, Socratem Melium vocat. At de Socrate quidem longe alia est Iustini Martyris, sanctissimi, & eruditissimi viri sententia, qui in apologia secunda pro Christianis, eum quodam modo Christianum fuisse ait. Ita enim scribit: *Οἱ μετὰ λόγῳ βιάσαντες χριστιανοὶ εἰσι, καὶ ἂν ἄθεοι ἐπομίδησαν, οἷον ἐν ἑλλήσι μὲν Σωκράτης καὶ Ἡρακλεῖτος, καὶ οἱ ὅμοιοι αὐτοῖς. ἐν βαρβάροις δὲ Ἀβραάμ, καὶ Ἀναβίας, καὶ Ἀζαρίας, καὶ Μισαὴλ, καὶ Ἡλίας, καὶ ἄλλοι πολλοί.* Et certe Socrates nunquam docuit nullos deos esse: sed tantum esse supremum quendam Deum, immensum, infinitum, aeternum, multo superiorem, ac potentiorum iis omnibus, qui tum pro diis publice colebantur. De Diagora autem, & Theodoro, itemque de Evemero Agrigentino, & aliis quibusdam, Clemens Alexandrinus in Protreptico mirari se scribit, quid ita eos antiqui pro impiis & atheis habuerint: cum illi tamen, & modeste ac frugaliter viverent, & hoc propius accederent ad veram pietatem, quam ceteri, quod, etsi veri Dei cognitionem consecuti non erant, eos tamen qui colerentur a popularibus suis, deos non esse intelligebant. Verba pii ac sancti scriptoris haec sunt: *θαυμάζειν ἔπεισά μοι, ὅτε πρότερον Εὐήμερον τὸν Ἀκραγαντῖνον, καὶ Νικάνορα τὸν Κύπριον, καὶ Διαγόραν, καὶ Ἰππώνα τὸν Μήλιον, τὸν τε Κυρηνάιον ὅτι τέτοις ἐκείνων, ὁ Θεὸς ὠνόμα αὐτῶν, καὶ τινὰς ἄλλους συχνὰς, σωφρόνως βεβίω-*

βεβαιότατος, καὶ καθεωρακότατος ὁξύτερόν περ ἢ τοῖσι πῶν ἀνθρώπων τῶν
 ἀμφὶ τοὺς θεοὺς τούτους πλάνῳ, ἀθέους ὅπκι κληήκασιν, εἰ καὶ τῶν
 ἀληθείαν αὐτῶν μὴ νενοηκότατος, ἀλλ' αὐτῇ πλάνῳ γε ὑποπτευκότατος,
 ὅπερ οὐ μικρὸν εἰς ἀληθείας φρονήσεως ζώπυρον ἀναφύεται σπέρμα.
 Constat igitur, novum non esse, sed illis etiam tem-
 poribus in consuetudine positum fuisse, ut illi ipsi, qui
 in ratione divini numinis colendi foedissimis implicati
 erroribus tenebantur, hominibus eruditis, quibus intel-
 ligerent stultitiam suam non probari, impietatis, καὶ
 ἀθεότητος maculam aspergere cōfarentur.

*De loco quodam ex Euncho Terentiana verius vi-
 deri sensisse Donatum, quam Turnebum.*

C A P. XVIII.

Rectissime ac verissime exposuerat eruditissimus
 grammaticorum Donatus dictum illud Phaedriae
 Terentiani, si non tangendi copia est, (1)

Ebo! ne videndi quidem erit? si illud non licet,

Saltem hoc licebit. Certe extrema linea

Amare, haud nihil est.

Cum diceret quinque amoris quasi lineas esse, quarum pri-
 ma est, videre eam quam ames, secunda, cum ea sermonem
 conferre, tertia, posse eam contingere, quarta, osculari, quin-
 ta, potiri, Vetus tamen poeta Graecus eas tantum qua-
 tuor fecerat, noto disticho:

Εὐδαίμων ὁ βλέπων σε, τοῖς ὅλοις ὅστις ἀκύνει.

Ἡμίθεος δ' ὁ φιλῶν, ἀθάνατος δ' ὁ σιωπῶν.

Neque quicquam mirum videri debet, eandem, quae
 prima est, extremam vocari. Prima enim est in conci-
 liando amore, quasque munienda via ad id quod aman-
 tes concupiscunt. Sed si quis a fine, qui, ut ait Aristot-
 eles, omnis actionis principium est retro versus nume-
 rare incipiat, eadem efficitur extrema: ut ἐν ἀαλύσει δια-

γραμ-

(1) Euncho A. 7. 4. sc. 2.

ὑπάματ^ο extrema sunt, quae in componendo fuerant prima, & ut quod in deliberando ultimum est, idem in exsequendo consilio primum est. Ut nullo modo absurdum sit, idem primum & extremum nominari. Hadrianus tamen Turnebus, homo immensa quadam doctrinae copia instructus, sed interdum nimis propere, & nimis cupide amplexari solitus ea, quae sibi in mentem venerant, capite decimo libri duodecimo Adversariorum, longe aliam huius dicti interpretationem prodidit: *Amare inquit, extrema linea, est amare impensissime, ducta translatione a curriculis vel stadiis in quibus prima linea cursus erat in carceribus, ultima in fine quae & calx dicebatur, quod scilicet calce, vel creta notaretur.* Haec Turnebus, quae tamen, quod sine ulla contumelia dictum accipi volo; Turnebum enim & amavi, ac colui vivum, & me semper ab eo amari sensi: mihi videntur alienissima esse, neque ullo modo cum iis quae paulo ante Phaedria dixerat, cohaerere. Quid enim frigidius est hac sententia: Certe impensissime amare haud nihil est. At illud contra elegantissimum: Si nihil aliud consequi hoc biduo possum, certe tamen aliquid erit, amicam videre. Quare qui mihi auscultabunt, veterem interpretationem tenebunt. Eodem illo in capite emendat locum quendam ex eadem fabula, ubi ait vulgo legi, (m)

G. Rex te ergo in oculis. T. scilicet. G. gestire.

sed legendum, *gestare*, quod ut ferre, ita gestare in oculis, recte dicatur, gestiendi autem verbum ab hoc loco alienum sit. At ego totis decem annis antequam Turnebus adversaria ederet, ita emendaram, & edideram: ut & illum locum ex eadem fabula, (n)

qui illum flocci fecerim.

Neque fuit causa cur homo tam eruditus ea denuo reponeret, aut obtruderet pro suis. Sic *impetritum* Ciceroni,

roni, & Valerio restituisse primus videri voluit, capite XVIII. libri quinti, quod tamen cui acceptum ferendum sit, scient, qui legerint scholia Pauli Manutii in libros De divinatione, edita abhinc annos viginti. Atque ego, quae tum Manutio indicavi, eadem publice docueram Lutetiae, quinquennio ante, & cum ipso Turnebo communicaveram. Sic *venustatem arti tñs ἐν τοῖς ἐρωτικοῖς εὐδαμονίας*, & *invenustum* pro eo qui parum in amore felix esset, tanquam a se primum animadversa prodidit, cum ego ante annos plus minus triginta eadem docuissem in scholiis quibusdam meis in Terentium, quae tum edidit Lutetiae Michael Vascofanus. Sic *detestata* apud Cicetonem De legibus: quod tamen mihi se debere postea fassus est. Sic alia multa, quae percensere & longum, & molestum foret. Atque adeo haec ipsa reticuissem libens: scio enim lectoris nihil interesse, quis primus aliquid docuerit. Et tantus in literis Turnebus fuit, ut suo quodam iure mea omnia sibi vindicare potuisse videatur. Sed mihi stomachum interdum movent furunculi quidam egentes, ac famelici, qui, quod a me talia negligi ac dissimulari vident, mea iam Mysorum, ut dicitur praedam putant. Quos ut quiescant, moneo: & si quidvis sibi putant licere in ea quae a me privatim acceperunt, iis saltem abtineant manus, quae edita iam ac publicata sunt: ne etiam tacente me, plurimos & iniustitiae & impudentiae suae testes, suo sibi praeconio colligere velle vitentur.

Illustrati ex Odis Horatii aliquot loci.

C A P. XIX.

Solitas deorum tutelarium effigies in prora, aut in puppi navium edito atque eminenti loco collocari, & alii vere notarunt, ad illum Horatii versum, (o)

Non

(o) Lib. 1. Car. Ode. 14.

Non di, quos iterum pressa voces malo :

& confirmari potest auctoritate veteris Grammatici exponentis hos versus ex Iliados nono: (p)

Στεῦται γὰρ νηῶν ἀποκόλειν ἄκρα κόρυμβα,

· Αὐτάς τ' ἐμψήσεν μαλεροῦ πυρός .

Ait enim quaeri posse, cur Hector minari dicatur, se abscissurum summas Graecarum navium partes deinde autem ipsas naves incensurum. Respondetque id eum facere, ἐπειδὴ ὅτι τ' ἀκροσολίων ἦσαν ἀγάλματα καὶ εἰκόνες τῶν θεῶν. Ne videlicet deos quoque ipsos inflammare velle videatur, Sed quid est, quod Horatius in Archytæ Tarrentini epitaphio, quod eodem in libro legitur, bis pulverem nominat? Et opinor eum respexisse ad superstitionem veterum, qui non integras, ac solidas glebas, sed tritum, ac minutum pulverem iniiciebant mortuis: credo, ne pressu dolorem eis aliquem adferrent. Nam eis etiam levem ac mollem terram optare soliti erant. In quo non videntur abhorruisse a sententia Dēmocriti, qui cadauera quoque ipsa sentire opinabatur. Itaque Eustathius exponens illud Homericum, (q)

Τυδῆος δὲ θήσῃσι χυτὴ καὶ γαῖα καλύπτει,

χυτὴ δὲ, inquit, καὶ γαῖα ἡ ἐπιχεομένη νεκροῖς. καὶ γὰρ βῶλοι αὐτοῖς ἐπιτίθενται, ἀλλὰ χυτὴ, ὅς ἐστι γῆ χυτὴ.

Romani tamen, ut ex Cicerone ac Varrone notum est, glebam iniicere solebant. Libet adiicere, principium illud Odarii in Venerem, (r)

O Venus Regina Gnidi, Paphique,

Seperne dilectam Cypron:

expressum videri partim ex Alcmane, cuius haec citantur,

Κύπρον ἱμερτὰν λιπώισα καὶ πάρον περὶ ῥύταν.

partim ex Aeschilo, ex quo haec adducuntur,

Κύπρον πάρουτ' ἔχουσα πάντα κληῖρον.

Caesaris

(p) Vers. 241. (q) Iliad. 24. vers. 124. (r) Lib. 1. Cat. Ode 30.

*Caesaris locus e prime De bello civili
emendatus.*

C A P. XX.

Libro primo commentariorum Caesaris de bello civili haud procul a principio ita scriptum est: *Scipionis oratio, quod Senatus in urbe habebatur, Pompeiusque aderat, ex ipsius ore Pompeii mitti videbatur*, Sed quia perspicuum est, Pompeium tunc praesentem in Senatu non adfuisse: idcirco iampridem homo eruditissimus Petrus Victorius, capite primo libri tertii Variarum lectionum, legendum censuit, *aderat*. Quam in re auctoritatem ipsius secuti sunt omnes, quorum postea in eis libris emendandis versata est industria. Ego veterem librum habeo, in quo neque *aderat*, neque *aderat* legitur, sed *averat*. Quae scriptura etsi videri potest confirmare coniecturam Victorii: siquidem librariis veteribus nihil aequae usitatum fuit, quam V pro B, & pro V scribere, mihi tamen longe secus videtur. Puto enim legendum, A. V. *erat*, iisque notis significari, *ad urbem erat*. Etenim tunc Pompeium ad urbem fuisse, nemini esse obscurum potest, qui totam illam paginam legerit. Memini me hoc ipsum ante aliquot annos Paulo Manutio dicere, eique vehementer probatam esse coniecturam meam. Quam quidem ita nunc quoque probatum iri confido omnibus idoneis existimatoribus, ut pluribus verbis confirmandam non putem.



MARCI ANTONII MURETI
AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER UNDECIMUS.

*Emendati loci aliquot ex primo libro Annalium
Taciti ab excessu divi Augusti.*

C A P. I.

Multa iam pridem notaveram in C. Cornelium Tacitum, eaque ut soleo, cum amicis compluribus communicaveram: cogitabamque eum, si daretur occasio, edere a multis, studio, atque opera mea, errorum maculis vindicatum. Sed dum diem ex die duco, expectans, eius quod animo conceperam efficiendi atque exequendi maturitatem, ecce tibi Iustus Lipsius adolescens eleganti ingenio praeditus, mihiq; dum Romae fuit, perfamiliaris, tamdiu sibi cunctandum esse non putavit. Sed cum ipse quoque ex veteribus libris, quos hic nactus erat multa correxisset, nonnulla etiam acute, & ingeniose excogitasset, Taciti libros a se emendatos, & illustratos publicavit. Qui cum ad me perlati essent, eosque una ego, & Gibertus Oddus Perusinus, quicum ego ante hos duodecim annos Tacitum totum diligenter evolveram, curiose cum eo, qui tum a me emendatus erat, conferre ac contendere coepissemus,prehendimus ita saepe incurrisse utrumque nostrum in eadem vestigia, ut, qui rem non

nos-

nosset, pleraque sumpsisse alterum ab altero suspicarentur. Quam tamen suspicionem & a me, si nihil aliud temporum ratio facile amolitur, neque cadere in Lipsium finit fides ipsius, ac probitas; qua ille non minus, quam ingenio excellit. Gavissus sum adolescenti, cuius, ego crescenti gloriae plurimum faveo, tantam extitisse mecum his quoque in rebus consensionem, ac iudicii similitudinem, & tamen pauca quaedam in quorum nonnullis non prorsus mihi cum illo convenit, subiicienda duxi, non tam certandi studio, quam propter amorem, ut ait vetus poeta. Primum igitur sub principium libri primi annalium lego: *Donc gliscente adulatione detererentur*, ut Aemilius, non *detererentur*, ut Lipsius. Libertate enim aluntur, & gliscunt ingenia, adulatione, qua nihil servilius est, degenerant, & deteruntur. Est autem oratio venustior illa contrariorum contentione. gliscere enim est crescere, deteri, deminui. Illud, *pluribus munimentis insisteret*, iampridem a me ita emendatum erat, eodemque modo versus Ennianus apud Ciceronem:

Nam tibi munimenta mei peperere labores.

Paulo autem infra eum locum ita lego: *igitur verso civitatis statu, nihil usquam prisca, & integri moris, omnes, exuta aequalitate, iussa principis aspectare*, non ut vulgo *omnis* Et De Tiberio, *Ne iis quidem annis, quibus Rhodi, specie secessus, exul egerit, ubi vulgo exulem egerit*. Iam illud *serviendum feminae, duobusque insuper adolescentibus, qui remp. interim premant, quandoque distrahant*, prorsus integrum esse censeo, hoc sensu, fore ut duo illi adolescentes interim dum imperaturus est Tiberius remp. premant, quae eos quoque aliqua ex parte dominos habitura sit quandoque autem, nempe Tiberio mortuo, quandocumque tandem id futurum sit, eandem distrahuri sint. Cum verisimile sit, fore, ut uterque fautores, & sectatores habeat, per quos operam det, ut
sum-

summoto altero; ipse in imperium succedat Tunc igitur temp. in partes ac factiones distractum iri. *Quandoque* autem in positum est, ut in illo loco libri quinti: *Et tu Galba quandoque degustabis imperium*. Sed nihil mihi tam praeter opinionem accidit, quam ea coniecturam, qua ipse mihi praecipue placebam, quam eruditissimis hominibus saepissime ostentaveram, quam, ut filiolam amplexabar meam, legendum esse *Gnarum id Caesari*, ubi ante me omnes nullo sensu legerant, *C. Navum id Caesari*, eam Lipsio quoque in mentem venisse. Cogitavi autem idem mihi evenisse quod multis patribus qui dum adultas, ac nubiles filias nimium diu domi habent, eisque condicionem quaerere negligunt, efficiunt interdum ut ipsae sibi maritos quaerant. Sed utut sit, quoniam de eo Taciti loco multa dicenda sunt ea proximo capite exsequemur.

De aliquot aliis ex eodem libro locis.

C A P. II.

Cum secum cogitaret Augustus de Agrippa Postumo, suo ex filia nepote, quem in Iusulam Planasiam prolecerat, revocando, ac fortassis successore Imperii relinquendo, uni ex omnibus amicis consilium hoc suum aperuit Fabio Maximo. Ille quod celare debuerat, Martiae uxori aperuit; Martia Liviae: quae cum ea de re graviter apud virum conquesta esset facile intellexit Augustus arcanum suum a Fabio proditum esse. Itaque postridie ab eo salutatus, ita eum resalutavit, ut insaniam obiiceret. Iussit enim eum *ὕγιαίνων* id est, sana mente esse. Percussit illico Fabii animum id quod erat. Itaque peccati sui conscius, domum rediit, moriendi certus, & cum uxore, se garrulitate illius perditum, conqueri coepit. Illa contra, Tua, inquit prior culpa est, qui mecum tamdiu versatus, non cognoveris me eo ingenio esse, ut tacere non pessem, neque me celatam habueris id quod taceri, tantopere tua intererat. Sed de te quidem ipse videris. Ego, si quid peccavi,

cavit poenas a memet ipsa exigam. Simulque arrepto gladio, qui marito mortis causam prae buerat, eadem ei fortiter moriendi dux, & exemplum fuit. Ita fere Plutarchus in commentario *ἑὶ ἀδελφίας* Apud quem tamen Postumius pro Postumo, & pro Fabio Fulvius corrupte legitur: In ea re narranda scripsit Tacitus; Gnarum id Caesari. cum significare vellet, id Caesari cognitum, ac comper tum fuisse. Nam quod tum alii, tum Dionysius Halicarnasseus in Thucydide notarunt, solere eum plerumque ad conciliandam orationi peregrinitatem uti vocibus *ἰσχυρίσας* & contra id ipsum & Tacitus qui quam maxime Thucydideus esse studuit, facere confuevit. Cum igitur gnarus usitate dicatur qui scit, ignarus qui nescit, amat tamen ipse gnarum pro cognito, ignarum pro incognito dicere. Sic incautum iter dicit, de quo hostes non cogitarant, neque caverant, ne illac Romanus transire posset. Hoc ipso in libro: Inde saltus obscuros permeat, consultatque ex duobus itineribus, breve & solitum sequatur, an impeditius, & intentatum, eoque hostibus incautum. Sic in eodem nescium pro incognito dixit. Aliis gentibus ignorantia imperii Romani inexperta esse supplicia, nescia tributa: Gnari autem & ignari vocibus tam saepe *παιδιτικός* utitur, ut difficile sit locus omnes enumerare. Hoc ipso in libro: Quod gnarum duci. Et alibi: In paludem gnaram vincentibus. Libro secundo: Per occulta, & vigilibus ignara, libro tertio: Gnarum id Tiberio fueris. Eodem libro: Non quidem sibi ignara quae de Silano vulgabantur. Libro quarto: Non quidem sibi ignarum posse argui. Libro quinto: Sed quaedam secus quam dicta sint cadere, fallaciis ignara dicentium, Libro XI. Non rumor interea, sed undique nuntii incedunt. qui gnara Claudio cuncta, & venire promptum ultioni adferent. Libro XII. Nihil tam ignarum barbaris quam machinamenta & astus oppugnationum: At nobis ea pars militiae maxime gnara est. Libro XV. Idque nulli magis gnarum

274 M. ANTONII MURETI
rum, quam Neroni. Sed & libro XIII. ubi est, *Cognitum
id Neroni: e veteris scripturae vestigiis lego; Gnarum
id Neroni.*

Ex eodem libro alii aliquot loci.

C A P. III.

A Grippa interfecto, nuntianti centurioni, ut mos militiae, factum esse quod imperasset, neque imperasse sese, & rationem facti reddendam apud Senatum respondit. Verbis illis Taciti, ut mos militiae, propemodam adducor, ut illam quasi solemnem quandam fuisse verborum formulam putem: *Factum est quod imperasti.* Eo magis, quod hac ipsa in re narranda, eandem retinet & Svetonius, cuius haec verba sunt: *Tiberius renuntianti Tribuno factum esse quod imperasset, neque imperasse se, & redditurum eum senatui rationem respondit.* Itemque in Claudio: *Die ipso Claudii, & Agrippinae nuptiarum in quinque & triginta senatores, trecentosque amplius equites Romanos tantà facilitate animadvertit, ut de nece consularis viri renuntiante centurione, factum esse quod imperasset, negaret quidquam se imperasse: nihilominus rem comprobaret.* In eo autem, quod paulo post subiicitur: *Eam condicionem esse imperandi, ut non aliter ratio constet, quam si uni reddatur: frustra tentatur a quibusdam vetus scriptura, qui putant melius legi posse, ut non aliter rata constet.* Hoc enim dicit Tacitus, rationem cuiusque facti constare non posse, si pluribus, ut senatui, reddenda sit. Semper enim idem factum alios probaturos, alios improbaturos. Unum esse oportere, cui reddatur ratio, & cuius iudicio stetur, si aliter fiat, imperii vim resolvi, & pro monarchia Aristocratiā quandam, aut oligarchiam constitui. Paulo post autem, legendum puto: *Lachrimas gaudio, quaestus adulatione miscebant.* Nam hoc modo & venustior est, & numerosius cadit oratio. Iam vero ubi de testamento Augusti agitur, locus est mirifice corruptus, de quo quid

quid mihi videatur exponam. Primum igitur quod ait, *Legata non ultra civilem modum*, nihil omnino arbitror ad legem Falcidiam pertinere quae cum ut notum est, ne in militari quidem testamento locum habeat, multo minus locum habere potuit in testamento Imperatoris, quem huiusmodi legibus solutum esse constat: neque hoc dicere Tacitum non esse oneratam legatis ab Augusto hereditatem suam ultra modum *Falcidia lege praescriptum*: sed legata ab eo fuisse modica, & modesta, neque excedentia usitatum locopletibus civibus in testamentis condendis modum. Certe enim *civile* etiam in libris iuris saepe dicitur quod moderatum est, & usitatum, & ordinarium. Et ita dixit Cicero *odium civile*, non ulla propria, ac privata de causa susceptum, sed quod omnium bonorum civium commune esse solet adversus improbos. Quid enim odisset Claudium Milo, segetem, ac materiam suae gloriae, praeter hoc civile odium, quo omnes improbos odimus? Peccat enim Victorius qui *commune* eo loco, non *civile*, adversus omnium librorum fidem scribendum putat. Sic Ovid.

Exercet memores plusquam civiliter iras.

Augustus igitur legata non reliquit ultra civilem modum, praeter pauca quaedam, quae subiungit his verbis, *nisi quod populo, & plebi CCCC XXXV. praetoriarum cohortium militibus singula nummum millia, legionariis autem cohortibus civium R. trecentos nummos viritim dedit. Haec enim legata magna plane, & ampla sunt ultra civilem modum: & imperatoria potius, quam civilia. Sed verba Taciti, non dubito, quin corrupta, & ad hunc modum e Suetonio emendanda sint: Nisi quod populo & plebi quadringenties, tribubus tricies quinquies. Ut intelligamus, preter quadringenties legatum populo, etiam in singulas tribus centena millia relictæ esse. Quod autem apud Suetonium professus dicitur Augustus non plus ad heredes suos perventurum esse, quam millies,*

& quingenties non ita intelligendum est ut ex ea pecunia legata praestanda essent, sed omnibus legatis, atque omni onore deducto. Ita enim id verbum accipiendum esse, iuris auctores docent quod non adscripsissem, nisi a quibusdam quos minime decebat, aliter accipi viderem. Aliquanto post, ubi ita legitur: *Caesis Hirtio & Pansa sive hostis illos, seu Pansam venenum vulneri adfusus, sive milites Hirtium, & machinator doli Caesar abstrulere*, non dubito, quin illud posterius, *sive*, deleri debeat; Huius generis multa sciens omitto non quin e re sit, ea quoque indicari: sed quod arida quodammodo, & legentibus nihil voluptatis allatura videam: cuius in hoc scriptorum genere aliquam habendam esse rationem puto.

In eodem libro notata, & emendata nonnulla.

C A P. IV.

Modestiae nomen tribus omnino locis apud Tacitum animadverti longe aliter acceptum, quam vulgo solet. Nam cum *modestiam* fere vocare soleamus affectionem animi de se modice ac modeste sentientis, ipse contra interdum *modestiam* pro tenuitate quadam, & infirmitate virium dicit. Eorum locorum unus est hoc ipso in libro, ex quo pleraque iam emendavi: *Versae inde ad Tiberium preces: & ille varie differebat, de magnitudine imperii, sua modestia*. Modestiam enim dicit modicas & exiguas vires suas, & nequaquam tanto oneri pares. Alter est libro tertio: *Simul modestiae Nervonis, & suae magnitudini fidebat*. Etsi eo loco fortasse possit aliquis *modestiam*, animi moderationem interpretari. Sed mihi altera illa interpretatio verior videtur. Tertius est libro XII. *Quindecim dierum alimenta urbi amplius, superfuisse constitit: magnaue deum benignitate, & modestia hiemis, rebus extremis subventum*. Modestum quoque pro modico aliquoties dixit. Quando autem

autem semel Tacitum in manus sumpti non tam facile ab eo avellar: sed pauca quaedam ex eodem illo primo annalium libro, quomodo mihi legenda videantur aperiam. Ubi igitur Asinii Galli sententia refertur, puto legendum hoc modo: *Addidit de laudibus Augusti*: non, ut vulgo, *Addidit laudem de Augusto*, & paulo post ita lego: *Quippe Augustus supremis sermonibus cum tractaret, quinam adipisci principem locum suffecturi abnuerent: aut impares vellent: vel iidem possent, cuperentque M. Lepidum dixerat capacem, sed aspernantem: Gallum Asinium avidum sed minorem.* Verba autem Haterii, quae tam varie leguntur: ita puto legenda: *Quousque patieris Caesar desse caput reipublicae?* Est autem vetus scribendi ratio, *desse*, pro *desse*.

Notatus usus quidam verbi labor, aut dilabor.

C A P. V.

CUM coetus aliquis dissolvitur, seque, aut domum quisque, aut quo vocant negotia, aut denique quo fert animus, alius alio recipit, in eo significando *dilabendi* verbum ponere Tacitus solet. Ac fieri potest, ut & apud antiquiores quoque eius usurpationis exempla reperiantur, rariora tamen, ut opinor: quo mihi putavi minus vitio datum iri, si huc congesta nonnulla sub uno aspectu ponerem. Libro igitur primo annalium ab excessu D. Augusti ita scriptum est; *Impellere paulatim nocturnis colloquiis, aut flexo in vesperam die, & dilapsis melioribus deterrimum quemque congregare.* Id est, cum meliores iam se ad curanda corpora recepissent. Et libro secundo: *Neque Caesari copiam pugnae obsessores facere, ad famam adventus eius dilapsi.* Et libro XI. *Ceteris passim dilabentibus affuere centuriones:* Et libro XII. *Ut anteirent populatores, vel dilapsi improvisi circumfunde-*

rentur. Et libro tertio annalium ab excessu Neronis : *Donec fathisceret seditio : & extremo iam die sua quisque in tentoria dilaberetur*. Sed & aequalis Taciti Suetonius in Vitellio : *Cum deserta omnia reperisset, dilabentibus & qui simul erant, Zona se aureorum plena circumdedit* : Labi etiam pro eodem dixit Iuvenalis satyra sexta : *Labente officio crudis donanda*. Labente enim officio, est iis qui ad celebrandas nuptias officii causa convenerant, discedentibus, ac dilabentibus.

Inanes videri regulas duas, quas super versibus heroicis & trimetris iambicis tradidit Gellius.

CAP. VI

Non tantum in iure civili, sed etiam, in levioribus artibus periculosa est omnis definitio: per rarum enim est, ut subverti non possit. Certe duarum ad artem metricam pertinentium, quas Gellius libro duodevicesimo (s) tradit, quarumque alteram ad M. Varonem auctorem refert, neutram perpetuo veram esse, nullo negotio probari potest. Quod mihi eo magis indicandum putavi; quia meminisse quendam in urbe magni nominis grammaticum, quique etiam faciendorum versuum leges sibi aut uni, aut cum perquam paucis notas esse iactabat, duos illos canones, tanquam abditum quiddam, & *μυστηριώδες* familiaribus suis ἐν ἀπορρήτοις tradere solitum esse. Eorum prior est: *In longis versibus, qui hexametri vocantur, item in senariis duos primos pedes, item extremos duos habere singulas posse integras partes orationis: medios haud umquam posse*. Sed constare eos semper ex verbis aut divisis, aut mistis atque confusis. Sed nos quo ludicrum praeceptum refutemus, ex ludicro poemate sumamus. Homerus in Ranis.

Τὸ δρῶμας δὲ τὴ πέντε περὶ πρῶτον καιλίστα.

Quaero

Quaero, in eo versu tertius pes habeatne integram partem orationis, an minus. Et, si gravius testimonium requiritur, arcessamus hoc ex Iliade.

Ὡς εἰ πῶν, τὸς μὲν λῆπει αὐτῷ, βῆ δὲ μετ' ἄλλης.

Nonne hic & tertius & quartus partem orationis absolunt? Addam & alium ex Lucretio: (t)

Concutitur tum sanguis: viscera persentiscunt.

& ex Aristophanis Pluto:

Ἀλλ' ἴθι σὺ μὲν ταχέως δραμών. τί δρῶ; λέγε.

Altera regula est: *observasse M Varronem in versu hexametro, quod omni modo quintus semipes verbum finiret.* Sed hoc quoque quam sit ἀρχαῖον, tamen etsi ex iis ipsis versibus quos supra posui, cognosci potest: addamus tamen alios & primum quidem occurrit primus versus Odysseae:

Ἄνδρα μοι ἔννεπε μῦσα πολύτροπον.

Et secundus Iliados:

Οὐλομένω, ἢ μὲν ἀχαιοῖς ἄλγ' ἔθηκεν.

Quid in illis Virgilianis: (u) *Nil nostri miserere: & Cum venti posuere: & Infit. eo dicente:* ac similibus, num quintus semipes verbum finit? Sed si plura testimonia in te perspicua congeram, ipse mihi videor ridiculus fore.

Quiddam quod occulte significaverat Homerus, non minori artificio a Virgilio significatum esse.

C A P. VII.

UT inferos esse, ubi a sceleratis hominibus poenae post mortem exigantur, nemini unquam fano dubium fuit, ita excubantem pro inferorum foribus Cerberum, & Acherontis transvectionem, & caeterae dictionem ad Minois tribunal, & pertusis doliis aquam haurientes puellas, & Ixionis sibi assidue imminentem fugam, & metuentem ne aut siti, aut impendentis sax-

S

casu

[t] Lib. 5. [u] Eclog. 2. v. 7. Aeneid. 7. 27. Lib. 10. v. 101.

casu denuo moriatur; Tantalum, & totam denique illam in Plutonis domo tragoediam, quicumque ex veteribus paulo cordatiores erant, in somniorum, aut anilium fabellarum loco semper habuerunt. Itaque & Cicero primo libro Tusculanarum ea irridere, ac pictorum & poetarum portenta vocare non veretur, quae convincere nihil negotii sit, & aliorum quamlibet multa testimonia colligi possunt, ex quibus constet eandem illorum quoque his de rebus fuisse sententiam. Sed & antiquissimus poetarum Homerus testa quadam urbanitate significavit quaecumque ipse de inferis cecinisset, talia esse, qualia interdum mulierculis & puerulis ad focum sedentibus aut fallendi aut conciliandi somni gratia narrari solerent. Facit enim Ulixem moneri a matre, ut quamprimum superos repetat, quaeque apud inferos vidit, mente condita teneat, ut habeat quod uxori narrare possit. (x)

Ἀλλὰ φάσθαι τάχιστα λάλας. ταῦτα δὲ πάντα
ἴδ', ἵνα καὶ μετόπισθε τῶν εἰρηδῶ γυναικί.

ut tantum non aperte dicere videantur,

Παρ' πυρὶ ῥηὶ τοιαῦτα λέγειν χερμαῖνος ἐν ὄρῃ.

summus autem Homericarum virtutum imitator Virgilius aliam rationem commentus est, qua idem obscure ac symbolice indicaret. Nam cum duas, ex Homero hoc quoque, Somni portas fecisset, Corneam unam, qua vera; Eburneam alteram, qua falsa infomnia mittuntur. Aenean, spectatis illis inferorum portentis, porta eburna egredientem facit, ut sagacibus lectoribus suspicandum relinqueret, talem esse totam illam *τρατολογία* qualia somnia ex inferis eadem illa porta exire dixisset.

Vete-

Vetrum comicorum loci duo inter se collati.

C A P. VIII.

Facete expressit Plautus in Menaechmis Peniculi Parasiti edacitatem, qui cum Cylindrum coquum, iussu tribus parare prandium, interrogantem fecisset, qui nam illi tres futuri essent, respondissetque meretrix, se, & Menaechum & parasitum eius, ita statim rationantem inducit coquum: (s)

iam isti sunt decem.

Nam parasitus octo munus hominum facile fungitur.

Videtur autem Eubulum veterem comicum imitatus esse, qui Philocratem quendam in mensa facile pro duobus aut pro tribus esse dixerat. Sed Plautus, ut solet, modum excessit. Eubuli versus hi sunt apud Athenaeum: (z)

Εἰσὶν γὰρ ἡμῖν ὅντι κεκλημένων δύο

Ἐπὶ δὲ τῶν ἄμαχοι, Φιλοκράτης καὶ Φιλοκράτης.

Ἐνα γὰρ ἐκείνον ὄντα, δύο λογίζομαι,

Μᾶλλον δὲ τρεῖς.

sed Eubulus, ut mihi quidem videtur, urbanius, qui cum duos dixisset, unum Philocratem bis nominari fecerit. Nam insulsi profecto, & illepidi fuerunt, qui apud Athenaeum in secundo horum versuum, Φιλοκράτης καὶ Φιλοκράτης corruerunt enim & urbanitatem dicti, & versus modum. Eodem autem sale condiit vetus quidam poeta distichon, quo cum quaedam cavenda ac fugienda complexus esset, bis in eis Loadicenses nominavit. Id distichon in Synesii epistolis legitur; sed non satis emendate. Sic autem legendum videtur:

Λαοῖδα, φρῦνον, ὄφιν καὶ Λαδικέας περίφρυγε,

Καὶ κυῖα λυσάδην, καὶ πάλι Λαδικέας.

Ra-

[z] Cylind. Sc. Sportulam cape. [y] Lib. 1. Diph. cap. 3.

*Radians pro sole. Emendatus apud Ciceronem
veteris poetae versus.*

C A P. IX.

RAdiantem veteres poetae Latini interdum sine ulla adiectione vocabant solem. Et ita hoc nomen usus est Cicero in Arato :

Hoc motu radiantis, Etesiae in vada ponti.

neque enim dubium est, quin expresserit illud Arateum, (a)

Ἡελίε τὰ πρῶτα συναρχομένω αἰόντι,

Τῆμος ἢ κελεύδωντες Ἐτήσιαι εὐρέϊ πόντῳ

Ἀθροῖσι ἐμπύπλουσι.

Quo fit, ut in versibus vetusti poetae, qui citantur libro tertio De oratore,

Vive Ulixes, dum licet.

Oculis postremum lumen radiatum rape.

non dubitem, quin melius omnino sit, quod in vetere libro meo legitur,

Oculi postremum lumen radiantis rape.

*Cur Iuno apud Homerum Vulcano blandiens,
claudum eum vocet.*

C A P. X.

QUaerit P. Victorius libro XXIX: (b) Variarum lectionum, quo consilio Iuno apud Homerum Vulcano blandiens, verita tamen non sit eum (c) κυλοποδῶνα vocare, idque ea factum ait, quod cum vitium pedum ipsius apertum esset, neque ullo modo tegi posset, nullo verbo magis eum mater ostendere potuit, quam si inde ipsum vocasset. Id autem fecisse ὑποκορίζομένῳ, ut ostenderet eum a se valde amari. Quae fortassis vera sunt. Sed Plutarchus, gravis in primis & idoneus auctor, aliam huius rei causam adfert,

(a) Vers. 151. (b) Cap. 19. (c) Iliad. 21. vers. 331.

fert, nihilo, ut ego quidem arbitror, deteriorem. Ait enim, voluisse summum ac sapientissimum poetam ostendere, neque bona neque mala corporis talia esse, ut aut ad laudem, aut ad vituperationem cuiusquem valde pertineant: Itaque apud eum etiam qui aliquem obiurgant, ac reprehendunt, eo tamen ipso tempore commendare ipsius formam si bona est, non verentur. Ut Hector Parridi convicium faciens, (d)

Δύσπαρι, εἰ δ' ἄριστ', γυναιμανὲς ἠπεροπεντο.

& ipsi Hectori Glaucus, (e)

Ἐκτορ ὦ εἰ δ' ἄριστ', μάχης ἄρα πολλὸν εἰδεύσο.

neque unquam in probi loco obiiciunt ea quae corporis sunt, sed quae animi, ut Ulixes Therisitae non quod claudus esset, aut calvus, aut gibberus exprobrat, sed quod immodice, & intempestive loquax. Contraque mater ipsane tum quidem cum filio blanditur, veretur eum claudum ut erat, vocare; quod ea res nullo modo ad vituperationem ipsius pertineat, neque quidquam de dignitate ipsius detrahat. ἔως, inquit, ὁ μὴρ καταγελᾷ τῆς αἰχμωμένον ἐπὶ χαλότησιν, ἢ τυφλότησιν, ἔτε ψεκτὸν ἢ γέμῃ τὸ μὴ αἰχρὸν, αὐτὲ αἰχρὸν τὸ μὴ δι' ἡμᾶς, ἀλλ' ἐπὶ τύχης γινόμενον. Eodemque modo Attius in Philocteta, quem Ulixi blandientem induxerat, ab eo id commemorari facit, Ulixem formosum non esse.

Inclute, parva praedite forma,

Nomine celebri, claroque potens

Pectore Achivis classibus ductor,

Gravis Dardaniis gentibus ultor,

Laertiade.

Ubi etiam illud notant, quod patris nomen in ultimum locum reiecerit: quia in laudibus magnorum virorum postremum locum geueris nobilitas teneat: ea autem posuerit primo loco, quae ipsius Ulixis propria essent: in quibus nihil sibi neque Laertes, neque Anticlea, neque Acrisius vindicaret.

(d) *Iliad.* 3. *vers.* 39. (e) *Iliad.* 17. *vers.* 142.

Quod

Quod de Scipione & Laelio dictum est, idem de duobus antiquis Philosophis dictum esse. Diogenes Laertius locis aliquot illustratus.

C. A. P. XI.

Scipionis, & Laelii amicitia nemini ignota esse paulum modo humaniori potest. Cum autem praestaret sapientia Laelius, ex qua etiam ei cognomen inditum fuisse notum est, nihil admodum in rep. gerebat, nihil moliebatur, nihil suscipiebat Scipio, nisi de consilio, & sententia Laelii. Unde qui aut tales viros inter se committere, aut de Scipionis gloria aliquid deterrere, ac deminuere volebant, auctorem modo esse aiebant Scipionem, sed Laelium poetam. Eadem autem orationis figura dictum vulgo erat, & antea de duobus eruditissimis hominibus Eretrienti Menedemo, & Asclepiade. Qui cum inter se ita coniuncte viverent, ut Py-ladea quaedam esse ipsorum amicitia putaretur essetque Asclepiades natu grandior, non deerant, qui dicerent, poetam quidem Asclepiaden, nihil autem aliud quam actorem, & histriionem quendam, esse Menedemum. Hunc Menedemum, gravem postea, & severum philosophum, principio scenarum pictorem fuisse aiunt, id est σκηνογράφον, non ut vulgo putant σκηνοῦράρον. Quod & ex vetustis Laertii libris cognoscere poterant, & ex aliis quae in ipsius Menedemi vita leguntur. Ut quod cum psephisma quoddam scripsisset, dictum est in eum a quodam Alexini sectatore, ὅς ὄντε σκηνωδῶν, ὄντε ψήφισμα ποσὴν καὶ τῷ σοφῷ γράφειν. loci enim venustas est in multiplici lignificatione verbi γράφειν, quod est & scribere, & pingere. Item quod adolescentuli cuiusdam ferocientis audaciam conpescuit cum in eum quidem nihil dixisset, sed tantum humi delineasset muliebria patientem. Hoc enim est, περιένορμον: quod male interpres convertit, tra-
iectum

iectum & eodem modo accipitur verbum illud paulo post in illo mordaci, & aculeato adversus Hieroclem dicto, *εἰς τί αὐτὸν ἔδυνήσεν* περιίρει. Et in vita Arcefilai: quem locum ita male accipit: interpres, ut verae sententiae ne vestigium quidem appareat, Diogenis enim verba sunt, *παρὰ δὲ τὰ αἰτίαν ἔχοντα περιίνεσθαι ὅς ἀνέγκαν αὐτῷ, ὅτι ἔδειξεν ἕτερον ἕτερον μείζον εἶναι, ἡρώτησεν, εἰ δὲ τὸ δεκάδακτυλον τῷ ἑξαδακτύλῳ*. Et ita reddit interpres, *Quum retulisset ad eum quidam vitiosa concludens, non videri altero alterum maius, Nec decem, inquit, digitorum longitudo senorum longitudine*. Ego autem hoc modo, *Cum quidam, quem opinio erat, mollem, atque impudicum esse, ad eum retulisset, non videri sibi aliud alio maius: interrogavit eum, num ne id quidem, quod decem digitos longum esset longius videretur eo quod sex tantum digitos longum*. Quid autem significaret, neque difficile est cogitare, neque honestum eloqui.

Ciceronis locus e Sophocle expressus.

C A P. XII.

PRaeclarum sapientiae praeceptum est, debere unum, quemque nostrum maiorem curam habere eius temporis quod post mortem nostram consecuturum est, quam brevis illius & exigui, quo in hac vita sumus. Itaque graviter, & magnifice Cicero in quadam ad Atticum epistola: (f) *Longum*. Inquit, *illud tempus, cum non ero, magis me movet quam hoc exiguum*. Nam quod ita locutus est *cum non ero*, in eo secutus est consuetudinem vulgi, non quod eos, qui ex hac vita migrassent, non amplius esse opinaretur. Quamquam autem haec sententia suapte sponte in mentem ei venire facile potuerit; tamen facile adducor, ut hominem eruditissimum, & in Graecorum poetarum lectione exercitatissimum cogitasse putem de loco Sophoclis, apud quem Antigone, cum fratrem insepultum iacere nollit, & certo ta-

(f) Lib. 12. epist. 4.

men

men sciret, si eum adversus Creontis edictum sepeliisset, sibi quoque moriendum esse; non tamen propterea absterretur ab illius pii erga fratrem muneris functione, cum dicat, multo longius esse tempus quo se placere, ac probari oporteat inferis, apud quos perpetuo futura sit, quam iis qui in hac vita versantur. Verba ipsius haec sunt: (g)

Φίλη μετ' αὐτῷ κείσομαι φίλη μέτα,
Ὅσα παρρηήσας· ἐπὶ πλείων χρόνῳ,
Ὅν δι' μ' ἀρέσκειν τοῖς κάτω θῆ' ἐνθάδε,
Ἐκὶ γὰρ αἰὶ κείσομαι.

Eclogium. Conciliaturae: Divinaculi. Tres loci emendati apud Suetonium in Vitellio.

C A P. XIII.

Scripseram iampridem *elogii* nomen Graecum esse, neque Latinum, deinde mirantibus quibusdam amicis dixeram, ubicumque *elogium*, legeretur, neque *ello-gium*, neque *eulogium*, sed *eclogium* dici debere. Id duo ex ipsis a me acceptum in me torserunt, cum enim de *elogii* nomine disputassent, ultroque eos accusassent, ultroque eos accusassent, qui vocem probam, & antiquam nimis imperiose e civitate deturbare vellent, postremo eo venerunt, ut *elogium* quidem non, sed *eclogium* recte & emendate dici docerent. Ac mihi quidem, ne vivam, si non & haec, & talia omnia ridiculo sunt. Sed interdum tamen nescio quid stomachi movent. Nunc expungamus praeclarum istud *elogii* nomen e quodam Suetonii loco, in quo iampridem insedit. Ita enim vulgo legitur in Vitellio: (h) *Extatque elogii ad Q. Vitellium D. Augusti quaestorem libellus; quo continetur, Vitellios Fauno Aboriginum rege, & Vitellia, quae multis locis pro numine coleretur, ortos, toto Latro imperasse. Sed quis iste est libellus elogii, aut a quo scriptus? An fa-*
tuum

-(g) *Antigone* Pag. 226. edit. H. S. (h) *Cap. 1.*

tuum est id quaerere, cum in vetere libro ita legatur; *Extat. Q. Clodii ad Q. Vitellium D. Augusti quaestorem libellus*. Eodem modo peccatum est in omnibus libris editis lib. V. in Verrem, ubi legitur, *Posteaque Pompeius*, cum legendum sit, *Postea Q. Pompeius*. Sed ut ad Svetonium redeam, in eodem vetere libro paulo infra eum locum ita legitur: *Cuius filius sectionibus, & conciliaturis uberius compendium nactus*, non ut vulgo *confuturis*, aut ut quidam emendare voluit *cognituris*. Conciliatores autem erant, qui Graeco vocabulo proxenetæ, & in eodem Vitellio, (i) *Nullis tamen infensor quam divinaculis, & mathematicis*, ut quisque deferretur, inauditum capite puniebat. Ubi vulgo inepte legitur, *vernaculis*.

Restituiti Ciceronis loci duo, in quibus librarii duorum veterum scriptorum nomina corruperant.

C A P. XIV.

Libet duorum eruditorum hominum nomina apud Ciceronem corrupta integritati suae restituere: quando isti, qui tota plaustra librorum veterum habuisse se iactant, quorum collatione Ciceronem emendarint, aliquanto pauciora praestant, quam pollicentur. Apud Ciceronem igitur in Lucullo ita vulgo legitur: *Nicetas Syracusius*, ut ait Theophrastus, *caelum, Solem, Lunam, stellas, supera denique omnia stare censer, neque praeterea terram rem ullam in mundo moveri, quae cum circum axem se summa celeritate convertat, & torqueat, eadem effici omnia, quae, si, stante terra, caelum moveretur*. Atque hic etiam Platonem in Timaeo dicere quidam arbitrantur, sed paulo obscurius. Haec Cicero, sed, qui illius admirabilis sententiae auctor putatur est, ei Hicetas, non Nicetas nomen fuit, Laertius in vita Philolai: (k) *καὶ τὸ γῆ κατὰ κύκλον κινεῖται πρῶτον ἐπὶ τοῖς οἰ δὲ ἰκέταν Συρακούσιον φασιν*. Apud eun-

[i] Cap. 14. [k] Lib. 8.

eundem Ciceronem lib. primo de divinatione ita scriptum est : *Quid ego quae magi Cyro illi principi interpretati sunt , ex Dionysii Persicis libris proferam ? Sed praeclare in vetere libro meo , ex Dinonis Persicis proferam ?* Dinonis enim Persica saepe & ab Athenaeo, & a Diogene Laertio citantur . Neque vero addenda est vox ; *libris* . Non enim cum dicunt, Indica, Persica, Iberica, & similia, intelligunt *libra* : sed res Indorum , res Persarum, Iberorum, eodemque modo in ceteris .

De fictis quibusdam amicis , qui levia amicorum peccata reprehendunt , ad graviora connivent .

CAP. XV.

Vehementer vituperare ac reprehendere solebat Hippolytus Cardinalis Ferrariensis cuius ego memoriam perpetuo colere , eique , pacem ac veniam a Deo precibus omnibus exposcere debeo , sententiam Plauti de amici officio : neque unquam audiebat hos versus , (1)

Amicum castigare ob meritam noxiam,

Immane est facinus :

quin prope excandesceret, diceretque nihil potuisse stultius, aut a veri amici natura, ac consuetudine alienius cogitari . Vix enim ullum esse aut viri boni , aut amici hominis maius, ac praeclarius munus, quam amicum vel peccare parantem retinere, atque impedire, vel cum iam peccasset, reprehendere atque increpare , dum tamen constaret id non alio animo fieri , quam ad incutiendum ei pudorem, ne quid postea tale committeret . sed in eo magnam adhibendam esse cautionem , ne deciperemur ab hominibus improbis , qui ut amice ac libere agere videantur, in iis, quibus se amicos esse simulant, levia quaedam, & pusilla peccata reprehendunt ,

ad

[1] *Trinummio* sc. i.

ad maiora & graviora interim conniventes: cuiusmodi fere omnes esse dicebat Regum ac potentum tenuiores amicos: neque hac maiorem ullam esse in felicitate infelicitatem. Ac memini olim eum Tibure, cum inter prandium multa in hanc sententiam disputasset, meque postea, ut solebat, in cubiculum suum sevocasset, valde gauisum esse, ut ex me audiit, aut eadem quae ipse dixisset, aut certe valde iis consentanea a Plutarcho tradita esse eo in libro, quo adulatoris ab amico distinguendi viam, ac rationem doceret. Mirifice enim amabat Plutarchum: magisque confirmabatur in sententia sua, cum intelligeret eam, tam gravis, tamque cordati scriptoris iudicio comprobari. Verba autem quae tum protuli, haec sunt: (m) ἔπειτα δὲ τῶν ἀληθινῶν καὶ μεγάλων ἀμαρτημάτων εἶδέν εἶδέναι προποισιέμεν, ἐδὲ γινώσκειν, πρὸς δὲ τὰ μικρὰ καὶ τὰ ἐκτὸς ὑλλείμματα θεινὸς αἰῆσαι, καὶ μετὰ τὸν καθάψασθαι καὶ σφοδρότητι, ἃν σκευῶ ἀμελῶς ἴδῃ κείμενον, ἃν οἰκουῦτα φαύλως, ἃν ὀλιγωροῦτα κουράς, ἢ ἀμπεχόνης, ἢ κυνός; ἢ ἴππῃ μὴ κατ' ἀξίαν ἐπιμελέμενον. νοσήσαν δὲ ὀλιγοῦρία, καὶ παίδων ἀμέλεια, καὶ ἀτιμία γαμετῆς, καὶ πρὸς οἰκίαν, ὑποψία, καὶ ρημάτων ἐλεθροῦ οὐδὲν ὅτι πρὸς αὐτὸν, ἀλλ' ἄρῶν ἐν τοῦτοις καὶ ἀτολμοῖς. ὥσπερ ἀθλητῶν ἀλείψεως ἔων μεθύειν καὶ ἀκολασαίνειν, εἴτα σφαῖ ληκύθου χαλεπὸς ὢν καὶ στεγνὸς. ἢ γραμματικὸς ἐπιπλήτων τῷ παιδὶ σφαῖ δῖλου καὶ γραφεύς, σολοικίζοντος δὲ καὶ βαρβαρίζοντος οὐ δοκῶν ἀκούειν. Quae cum ei interpretatus essem, addidi huiusmodi praeposteros amicorum reprehensores exagitati etiam ab Horatio: qui etiam duobus exemplis iisdem, quibus Plutarchus usus esset, κυράς καὶ ἀμπεχόνης. statimque recitavi hos Horatii versus: (n)

*Si curvatus inaequali tonsore capillos
Occurri, rides, si forte subucula pexae
Trita subest tunicae, vel si toga dissidet impar,
Rides. Quid mea cum pugnant sententia secum,*

T

Quod

*Quod petiit, spernit, repetit quod nuper omisit,
 Aestuat, & vitæ disconvenit ordine totæ:
 Diruit, aedificat, mutat quadrata rotundis?
 Insanire putas solemnia me, neque rides,
 Nec medicj credis, nec curatoris egere
 A praetore dati, verum tutela mearum
 Cum sis, & pravae sectum stomacheris ob unguem
 De te pendentis, te respicientis amici:*

eumque cum huius loci collatione oblectatum viderem, addidi tertium e sanctissimo & disertissimo scriptore Ioanne Chrysostomo in oratione πρὸς τὰς ἐγκαλέσαντας ἑαυτὸν καὶ μὴ κοῦς τῇ προσομίῳν: ubi ita scribit: Νυνὶ δὲ ἐν ῥῶν ἰδὼν ἄνθρωπον τὸν χιτωνίσκον ἔχοντα παραλελυμένον ἐκ πλῆγῶν, ἢ τιμῇ ἄλλῃ πολλῇ κακῶς φεικτεμένῳ, διορθοῦν καὶ ὑπομιμνήσκειν. ἂν δὲ ἰδὼν αὐτοῦ τιμῇ ζῶντι παραλελυμένῳ, οὐδὲ λόγον προῖε-
 μεθα. Huius generis sermonibus partem aliquam tem-
 poris prope quotidie mecum consumebat ille omnium
 quos unquam vidi prudentissimus, & consilii plenissi-
 mus senex, cuius aut excelsitatem animi, aut perpetuam
 erga eruditos homines munificentiam ac liberalitatem
 qui exaequet, & adhuc requiro, & vereor, ne semper
 frustra requiram.

*Quod Epicurum merito a Plutarcho reprehensum
 A. Gellius frigide atque inepte defendere
 conatus sit.*

C A P. XVI.

EPicurum dialectices imperitum fuisse, ac putasse
 etiam omnem operam ludi, quae in ea cognoscen-
 da ac perdiscenda poneretur, ita notum est, ut confir-
 matione non egeat. Itaque illius artis ignorance rue-
 bat in dicendo: saepeque aliquid probare aggressus, ea
 sumebat, quibus datis ac concessis, id tamen quod pro-
 bare instituerat, non concluderetur. Quale est, quod
 cum

cum docere vellet, mortem nihil ad nos pertinere, ita ratiocinabatur: Ο θάνατος οὐδὲν πρὸς ἡμᾶς. τὸ γὰρ διαλυθὲν ἀναιδνται. τὸ δὲ ἀναιδντοῦν οὐδὲν πρὸς ἡμᾶς. Neque enim sequitur, si id quod dissolutum est, sensu vacat; idcirco ipsam quoque dissolutionem non sentiri. Neque mors est τὸ διαλυθὲν, ἀλλὰ αὐτὴ ἡ διάλυσις. Meritoque Plutarchus secundo librorum quos de Homero composuit, imperfecte, atque praepostere, atque syllogismo usum esse eum dixerat, non quod praetermisisset illud λῆμμα, ὁ θάνατος ψυχῆς καὶ σώματος διάλυσις: quod addito, nihilo magis efficietur, quod ipse voluit, sed quod, stupiditate quadam, & crassitudine ingenii, non pervidisset, quantum inter id quod dissolutum est, & ipsam dissolutionem interesset. Nactus autem est patronum tali prorsus cliente dignum Gellium, qui dum alienam stultitiam tegere vult, prodit, (q) Tantum enim abest ab eo defendendo, ut ne intellexisse quidem videatur, quid in eo reprehenderetur. Neque enim difficile est conijicere, ita eum a Plutarcho reprehensum, ut eruditissimo Aristotelis interprete Alexandro Aphrodisiensis reprehenditur: cuius haec sunt ex commentario in primum Topicorum: τοιοῦτος ἐστὶν ὁ περὶ τοῦ θανάτου λόγος Ἐπικουρίου λόγος εἰρημῆρος. οὐ γὰρ ἐκ τῆς λεγούσης προτάσεως, τὸ διαλυθὲν ἀναιδνται, τὸ ἀναιδντοῦν οὐδὲν πρὸς ἡμᾶς, συμπίπτει τὸ, ὁ θάνατος οὐδὲν πρὸς ἡμᾶς, ὡς αὐτὸς ἡγῶνται, ἀλλ' ὅτι τὸ διαλυθὲν οὐδὲν πρὸς ἡμᾶς. ἀλλ' οὐδὲ ὁ θάνατος τὸ διαλυθὲν ὄν, ἀλλ' ἡ διάλυσις. οὐκ ἔδωκε δὲ ὁ διὸς τὸ διαλυθὲν ἀναιδνται, καὶ τὸ τῇ διάλυσιν γενέσθαι ἀναιδνταί. Neque minus iuste ac graviter reprehenditur ab eodem Plutarcho, quod τὸ ἀλλοῦν posuisset ἀντὶ τοῦ ἀλγενοῦ Cuius enim stuporis est, confundere id quod dolerum excipit, ac patitur, cum eo quod dolorem facit? At istas curas vocum, verborumque elegantias, ait Gellius, non modò non sectatur Epicurus, sed etiam insectatur. Nostri sane nihil interest, quid ille aut sectetur aut insectetur.

T 2

Sed

Sed qui tam saepe monuerat diligenter videndum esse, quae vis, quaeque notio unicuique voci subiecta esset, tam negligens esse in loquendo non debuit, ut aliud sentiret, aliud diceret. Neque si Epicuro esse negligentem licuit, causa ulla est, cur aliis diligentibus esse non liceat.

*De duabus antiquis vocibus, Tamenetsi
& Insuperhabere.*

C A P. XVII.

VOces quasdam Latinas, quae iam ita exoleverant, ut prope a nemine agnoscerentur, retraxit ex fuga summus, & cum illis veteribus comparandus I. C. Iacobus Cuiacius, quas diligenter retinendas censeo, & quam plurimis testimoniis corroborandas, ne lingua satis per se inops, nostra negligentia, atque incuria magis etiam pauperetur. Ex illis vocibus est *tamenetsi*, pro tametsi, de qua quoniam nonnullos adhuc dubitare video, proponam hic locos aliquot, praeter eos quos attulit Cuiacius, ex quibus constet frequentem apud veteres illius usum fuisse. Plautus Milite: *Deos sperabo, teque postremo, tamenetsi istuc mihi acerbum est, quia hero te carendum est optimo.* Cicero in Verrem; *Hoc si tuus inimicus tibi fecisset, tamenetsi animo aequo provincia tulisset, inimici iudicium grave videretur.* Idem libro XII. (p) ad Atticum, & *tamenetsi continue congressuri sumus, scribes ad me, si quid habebis.* Caesar lib. septimo De bello Gallico, *Quae tamenetsi Caesar intelligebat, tamen quam mitissime potest, legatos appellat.* Idem eodem libro, *Ac tamenetsi dextris humeris exertis animadvertabantur* (q) Ennius: *At Romanus homo, tamenetsi res bene gesta est, Corda suo trepidat.* Lucanus in carmine ad Pisonem, *tamenetsi bella quierunt, Non periit virtus.* Seneca libro quinto De beneficiis, *Cui tamenetsi malus est, ipse quoque in simili materia gratus esse debet.*
Eiusdem

[p] Epist. 1. [q] Apud Cicer. 3. de Orat.

Eiusdem generis est verbum *insuperhabere*, pro eo quod est negligere, cuius ipse testimonia multa ex libris iuris, unum praeterea ex Appuleio protulit. Sed & Gellius cap. XIX. libri primi eo verbo usus est, *Eam inquit, constantiam, confidentiamque non insuperhabendam intelligit.* Ita enim plane, id est, non duabus vocibus, sed uno iuncto verbo legitur in vetere libro Fulvii Vrsini. Appuleius quoque libro primo De asino aureo, *Hic qui meis amoribus insuper habitis, non solum me diffamat probri, verum etiam fugam instruit:* Ita enim habent veteres libri, non, ut editi, *subterhabitis.*

Locos quosdam e primo Rhetoricorum Aristotelis e Platone sumptus videri.

C A P. VIII.

Non semper nominat Platonem Aristoteles, neque cum ab eo differit, neque cum ab eo aliquid sumit, neque denique cum quid dicit, quod ad aliquem Platonis locum pertineat, sed interdum, quasi praetereans, & aliud agens, id facit, ita ut lectorem minus attentum facile lateat. Ut libro primo De arte dicendi, cum opus, ac finem Rhetorices, ait, non in persuadendo positum esse, sed in videndo, quid in quaque re aptum sit ad persuadendum, non dubium est, quin verba illa, *ὅτι οὐ τὸ πείσαι ἔργον αὐτῆς*, dirigantur adversus id quod apud Platonem ait Gorgias: *τὴν ῥητορικὴν πειθοῦς διμμερῶς εἶναι, καὶ τὸ κεφάλαιον αὐτῆς εἰς τοῦτο τελευτᾷ.* Itemque paulo post, cum ait *τὸ σοφιστικὸν εἶναι οὐκ ἐν τῇ δυνάμει, ἀλλ' ἐν τῇ προαίρεσι:* & libro quarto *Νικομαχείαν*, cum idem dicit *ὅτι τοῦ ἀλάζονος*, duobus verbis persequat ea quae apud Platonem in Hippia minore fusius, ac copiosius disputantur. Illud quoque quod paulo infra eum locum tradit, unamquamque aliarum artium esse *διδασκαλικήν, καὶ πησιμὴν* in eo quod tractat, ut geometricam in iis quae magnitudinibus

accidunt : in numeris arithmetice, similiterque in aliis alias : manifesto sumptum est e disputatione Socratis adversus Gorgiam. Hæc notare non alienum putavi : quia P. Victorius, qui mihi adhuc videtur solus in eos libros scripsisse, id facere omiserat. Neque sane ab uno scribi omnia aut potuerunt, aut debuerunt. Satis esse debet Victorio ad gloriam, quod ea in illis libris præstitit, quæ nemo hæc tempestate alius præstitisset.

Loci aliquot e Poenulo Plautina emendati, & illustrati.

C A P. XIX.

A Pud Plautum in Poenulo ita cum Milphione ser-
vo Agorastocles adolescens colloquitur : (r)

*Quid nunc mihi es auctor Milphio? MIL. ut me verberes,
Atque auctionem facias. nam impunissime,
Tibi quidem hercle vendere hæc aedis licet.*

AG. *Quid iam? MIL. maiorem parte minore habitas mea.*

AG. *Supersede istis verbis.*

Sed Turnebus e veteri, ut ipse ait, membrana unam litteram addit, legitque hoc modo : (s)

maiorem partem minore habitas mea.

atque hanc sententiam esse dicit. Tibi licet impune hæc aedes vendere in auctione : maior enim pars tua est ; minor mea : ut accessiuncula mea impedire venditionem, legemque mancipii non possit. Quæ declaratio, si vera est, primum de Turnebi sententia novum ius civile recipiendum erit, ut quarum aedium maior pars alicuius est, ei, etiam invito eo, cuius est pars minor, eas totas aedes vendere liceat. Sed hoc ius, nisi obstet Turnebi auctoritas valde controversum futurum est : & vix quidem, illius sententia obtinebit. Sed & aliud nobis multo absurdus devorandum erit. Quomodo enim aedes domini, & servi communes esse possunt ; aut qui sui dominus non est, is partis aedium do-

(r) Sc. *Quod nunc mi.* (s) Lib. 15. c. 7.

minus esse; An eam partem dicatur habere in peculio?
At non ne dominus & servi, & peculii dominus est?
An qui facile pronuntiant, facile etiam παραλογίζονται:
nosque ipsi ridicule facimus, dum in declaratione tam
ridicula confutanda tam multi sumus? legendum
enim plane est,

maiozem partem in ore habitas meo.

hac sententia. Licet tibi has aedes impune vendere; ut
ut quibus tibi iam opus non sit: ita enim saepe mihi
contundis os pugnīs, & calcibus, ut, non in aedibus,
in ore meo maiozem temporis partem habitare videaris.
In eadē autem fabula, ubi legitur: (t)

res serias

Omnis extollo ex hoc die in alium diem.

Profecto festos habeam decretum est mihi:

una littera mutata, legendum, *Pro festo*. Habere autem
dies festos pro festo, ita dictum est, ut, *somnia pro som-*
niis habenda. Ut, apud hunc ipsum, *pro sano*: ut apud
iuris auctores; *pro herede*, *pro domino*; *pro possessore*. Ut
apud Apuleitum: *neque pro amico*, *neque pro Philosopho*
facturum. Et cum ait, se res omnes serias extollere in
alium diem, procul dubito respexit ad illud vetus di-
ctum εἰς αὐριον ἀναδύειν. Sed & in eadem fabula, in Ago-
rastoclis ἀναγνώστης depravati sunt hi versus: (u)

Ostende, ut inspiciam. Iam aperi, audi, atque ades.

AG. *Mi patruē salve. POE. & tu salveto Agorastocles.*

Legendique hoc modo:

Ostende, ut inspiciam, aperi. AG. Vide, eccum, adest.

Mi patruē salve. POE. & tu salveto Agorastocles.

Sed in illo versu, qui in extrema fabula legitur, (x)

Iniuriarum multo induci satius est,

qui vulgarem scripturam mutare conantur, nimis inge-
niosi sunt. *Induci* est ἐνδύειν: & de hoc verbo consu-
lendus est Budaeus in commentariis linguae Graecae.]

T 4

Unde

(c) *Lyons Sc. Dli illam.* (u) *Sc. Aij' in dix.* (x) *Sc. Si ego minam.* (y) *Pag. 116*

*Unde sumpserit Horatius, quod Amorem in
Chiae genis excubare dicit.*

C A P. XX.

NEminem esse opinor, duntaxat graecarum delicia-
rum οὐκ ἄγετες, quin peregrini, & transmarini sapo-
ris aliquid sentiat in his Horatii versibus: (2)

Et cantu tremulo pota Cupidinem

Mentem sollicitas. Ille virentis, &

Doctae psallere Chiae

Pulchris excubat in genis.

Ego quidem quoties illum tremulum Lyces cantum
cogito, videre mihi videor libidinofam illam & καπρῶ-
σαν anum, quae apud Aristophanem, (a) cerussa, & pur-
purisso fluentibus buccis, cantare se ait, ut virum ali-
quem sibi conciliet:

Εγὼ δὲ καταπεπλασμένη ψιμωθίῳ

Ἔσηκα, καὶ κροκωτὸν ἡμφοισμένη,

Ἀργός, μινυρομένη τι πρὸς ἐμοιτύῳ μέλῳ,

Παίζουσ', ἕως ἂν φειλάβοιμ' αὐτῶν τινὰ

Παριόντα. Μοῦσαι δ' εὐρ' ἴτ' ἔπ' ἵτ' οὐμὸν στόμα,

Μελύδριον εὐροῦσαι τι τῶν Ἰωνικῶν.

Iam in iis quae sequuntur, Graeca plane omnia. Non
in eo modo quod virentem Chiam dicit, id est, χλωρὰν
καὶ ἡβώσαν, sed multo etiam magis, quod Amorem ait in
pulchris illius genis excubare. Sumpsit autem hoc e
gravissimo poeta Sophocle, apud quem ita in Antigona
canit chorus: [b]

ἔρως ἀνίκατα μάχαν,

ἔρως, ὃς ἐν κτήμασι πίπτει,

ὃς ἐν μαλαγαῖσι παρειαῖς

παρίδης ἐννεχεύει.

Hoc certe quidam, si viveret, aut sibi subreptum esse
aut sibi alicubi in via excidisse diceret.

M. AN-

(2) Lib. 4. Car. Ode 13. (2) ἐκκλησιάζουσαις (b) Pag. 245. edit. H. S.

MARCI ANTONII MURETI

AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO- NUM

LIBER DUODECIMUS.

*Emendati loci aliquot e libro primo Senecae
De beneficiis.*

C A P. I.

UT emptoris & venditoris, locatoris & conditoris permutata esse inter se aliquot in iure civili locis nomina docuit princeps & nostrae & superioris memoriae iurisconsultorum Cuiacius, ita notasse mihi videor quodam apud Senecam loco creditorem pro debitore positum esse. Ita enim vulgo legitur, lib. primo (c) *De beneficiis: Nemo beneficia in kalendario scribit, nec avarus exactor, ad horam & diem creditorem appellat.* Ubi, nisi me fallit animus, legendum est *debitorem*. Neque hoc, quando haec rudioribus navatur opera monere omiserim, non id dicere Senecam, ab aureo exactore non appellari debitorem ad horam & diem, quod manifestum falsum esset, sed eum qui beneficium dat, non facere item ut avari exactores solent, qui, quod crediderunt, id sibi ad horam & diem solvi volunt. Similis ergo locus est illi Horatiano, (d) *Nec excitatur classico miles truci.* Non enim negat militem classico excitari; sed eum, qui ius suum

(c) Cap. 2. (d) Ode 2. Epod. vers. 5.

suum colit, negat ita excitari classico, ut milites solent. Sic epistola ad Pisones: (e) *Nec verbum verbo curabit reddere fides interpret.* Negat enim bonum imitatore id sibi studio habere, ut verbum verbo reddat, quemadmodum fidi interpretes solent. Emendabo & ex eodem libro alia. Ubi ergo de Gratiis loquens ait: (f) *Inveniam alium poetam, apud quem præcingantur, & spissis prædeant: legendum est ex veteribus libris, & spissis auro Phrygiæ prædeant.* Phrygianarum vestium mentio est & apud Plinium. Spissas autem auro dicit quibus Phrygio multum ac densum aurum intertexuisset. Et, ut quaedam in medio leviora omittat, veniam ad locum quandam mirifice depravatum, qui cum minimo negotio ex veteri scriptura sanari posset, tales medicos invenit, ut cullibet eorum dici potuerit,

Τὸ πάραυτον σου τὴν νόσον μεῖζω ποιεῖ.

Vulgo enim ita legitur: (g) *Ad hanc honestissimam contentionem beneficiis beneficia vincendi sic nos adhortantur Chrysippus, ut dicat verendum esse, ne quia Charites Iovis filiae sunt, putemus certe parvum ingerere sacrilegium, si tam bellis fiat iniuria.* Possem ostendere, quomodo alii scribendum censuerint. Sed quid opus est, exagitantis illis, ostentare me? Veterum librorum scriptura haec est: *parum sacrate gerere sacrilegium sit, & tam bellis puellis fiat iniuria.* Ubi est, *sacrata*, scribito, *se grate*, plana omnia & emendata erunt, Unum etiam locum ex eodem libro appingam qui vulgo ita legitur: (h) *Itaque boni etiam farre ac fidei religiosi sunt, mali rursus non effugiunt impietatem, quamvis aras sanguine multo cruentaverit.* Libri veteres, & ut Turnebus, manuales, pro *fidei* habent *frutilla*. Sed legendum *fitilla*. Id genus erat pultis, quo utebantur in sacris. Arnobius lib. septimo adversus Gentes: *Quid fitilla, quid frumen, quid africa, quid gratilla, catumeum, conspolium, cubula?* ex quibus duo, quae prima,

e] Vers. 133. f] Cap. 3. [g] Cap. 4. [h] Cap. 8.

prima, sunt pulchrum nomina; sed genere & qualitate diversa. Series vero, quae sequitur, librorum significantias continet.

Eiusdem Senecae locus illustratus.

C A P. II.

Multi sunt, qui, cum & libenter & prolixè alios laudent, neminem tamen habent, qui se, quod ab eis laudatus sit, quidquam propterea eis debere arbitrentur. Laudant enim sine ullo dilectu ac discrimine omnes, ut id non aut iudicio aut benevolentia adducti, sed morbo quodam animi facere videantur. Sed & in pecunia idem, quamquam rarius & a paucioribus, fieri videas. Eiusmodi igitur homines & elevat auctoritatem iudicii sui, & omnem benefactorum gratiam amittunt. De quibus preclare Seneca: *Beneficium inquit, (i) quod quibuscumque datur nulli gratum est. Nemo se stabularit aut cauponis hospitem iudicat, nec convivae dantis epulum, ubi dici potest, Quid enim in me contulit? Nempe hoc, quod in illum & vix notum sibi, & in illum etiam inimicum ac turpissimum hominem. Nunquid enim me dignum iudicavit? Morbo suo morem gessit. Puto autem hoc, quod postremo loco positum est, veteris poetae Graeci exemplo dictum esse, ex quo quadratum versum perelegantem citat Plutarchus: (k)*

Ὁ δὲ φιλοφρονῶν οὐδ' ἑαυτὸν. ἔχει νόσον. χαίρει δ' ἄλλοις
Ibi enim quisquis illa est, qui loquens inducitur, negat, quod alius quispiam multis pecuniam largitur, id ab ipsius humanitate ac liberalitate proficisci, enim enim illo quasi morbo teneri, ut dandis pecuniis gaudeat.

Alius eiusdem scriptoris locus emendatus.

C A P. III.

Excepta Macedonum gente, ait libro tertio De beneficiis

(i) Lib. 1. de Ben. cap. 14. (k) Publicola ex Epicharmo Pag. 119 ed. H. S.

ciis Seneca, (j) *non est in ulla data adversus ingratum actio.* Sed ubi quidquam tale de Macedonibus lectum est? Immo vero apud solos mortalium Persas ingrati actionem dari, ex Xenophonte didicimus; cuius verba describam, non ut vulgo leguntur, sed ut legenda sunt: (m) *δικάζου δὲ καὶ ἐγκλήματος οὐ ἕνεκα ἄνθρωποι μισοῦσι μὴ ἀλλὰ καὶ μάστιγα, δικάζου δὲ ἡκιστα ἀχρηστίας.* Nunquid igitur Senecam memoria lapsum esse dicemus? At eam ipsemet profitetur sibi usque eo firmam fuisse, ut non tantum ad usum sufficeret, sed in miraculum usque procederet. Equidem vidi veterem Senecae librum, in quo non *Macedonum* legebatur, sed *maedonum*. Neque dubium habeo, quin legendum sit, *Medorum*. Medos autem pro Persis antiqui saepe dicebant, ut iampridem docui in illum Catulli locum: (n)

Cum Medi irruperere novum mare.

Itaque Aristophanes gallinaceum, quem iocans ait olim Persis imperasse, ea de causa λέγει καὶ τὸς Πέρσας Μήδους ἑλεγον: ait qui scholia in eius fabulas scripsit. (o)

*Vetus quaedam consuetudo satisfaciendi iis,
quibus male precati erant.*

C A P. IV.

IN consuetudine apud veteres positum fuit, ut qui alicui male precatu erat, is si eum placare eique satisfacere vellet, optaret, eo praesente, ut in caput suum reciderent ea quae in ipsum dixisset. Duobus hoc e Seneca locis cognosci potest: quorum unus est libro tertio (p) De beneficiis, ubi ita scriptum est: *Rursus vir ordinis senatorii inter coenam optaverat, ne Caesar salvus rediret ex ea peregrinatione, quam parabat, & adiecerat idem omnes & tauros & vitulos optare. Fuerunt, qui illa diligenter audirent. Ut primum diluxit, servus, qui coenanti ad*

(l) Cap. 6. (m) Lib. 1. Cyrip (n) Comae Berensces. (o) Avibus post 1. Epod.
[p] Cap. 26.

pedes steterat, narrat, quae inter coenam ebrius dixisset. Hor-
tatur, ut Caesarem occupet, atque ipse se deferat. Usus consilio
descendentis Caesaris occurrit. Et cum malam mentem habuisset
se se pridie iurasset, id ut in se & filios suos recideret, opta-
vit, & Caesarem ut ignosceret sibi, rediretque in gratiam se-
cum, rogavit. Alter est libro quarto, quem & ipsum subii-
ciam: loquitur autem de homine impurissimo Mamerco
Scauro qui Pollioni Asinio iacenti, obsceno verbo usus
dixerat se facturum id, quod pati malebat, & cum Pol-
lionis attractiorem vidisset frontem: (q) *Quicquid, inquit,*
mali dixi, mihi & capiti meo. Sed & festivissimus poeta
Tibullus, cum ianuae cuidam multa mala dixisset;
eamque postremo placare vellet, ita canit: (r)

Et mala si qua tibi dixit dementia nostra,

Ignoscas. Capiti sunt precor illa meo.

Urbanissime autem apud Aristophanem Diaeopolis cum
Megarensē χαίρειν, id est, gaudere aut salvere iussisset:
idque ille respondisset sibi οὐκ ὄτρυνον εἶπαι precatur, ut id
in caput suum recidat.

Πολυπραγμοσύνης νῦν ἐς κεφαλὴν πρέπορ' ἐμοί.

Ubi Scholiastes eam, quam, dixi, consuetudinem etiam
Atheniensium fuisse tradit. (s)

Linguarium quid vocaverit Seneca.

C A P. VI

QUaerit Seneca libro quarto De beneficiis, si quis
cui quid tanquam digno se daturum promise-
rit, quem postea indignum esse comperiat,
quid facere debeat, num recedere ab eo, quod, pro-
misit, an etiam indigno dare. Et hanc quaestionem
distinctione dissolvit, [t] *Aut enim magnum aliquid*
promissum est: & tunc praestat semel pudere, quam semper
poenitere, aut exiguum aliquid, quo casu etiam indi-
gno. Hoc posterius ipse ita exprimit dari potest.

Si exi-

[q] Capl 31. [r] Lib. 2. eleg. [s] Acharn. enotemodiverbi [t] Cap. 36.

Si exiguum est, dabo, non quia dignus es, sed quia promisi. Nec tamquam munus dabo; sed verba mea redimam, & aurem mihi pervellam. Id est, scribam hoc in animo diligenter, & in memoria infigam, ut mihi documento sit in posterum, ne temere promittam. Aurem enim vellebant, cum quid volebant, in memoria haerere. Plinius libro undecimo: (u) *Est in aure ima memoriae locus, quem tangentes antestamur.* Ex inde est illud Horatii: (x) *licet antestari; ego vero Oppone auriculam.* Ac vidi veteres nummos aereos, in quibus viri duo insculpti erant, quorum unus alteri autem vellebat: in orbem autem scriptum erat, MNHMONETE. Seneca ipse libro quinto, (y) *Dicere solemus; sine tu, loquar tecum, & Ego mihi aurem pervellam.* Sed in eo loco de quo dicere coeperam, statim sequitur: *Damna castigabo promittendi temeritatem.* (z) *Ecce, ut doleat tibi, ut postea consideratius loquaris.* Quod dicitur, *linguarium dabo.* Quibus in verbis dubitari potest, quid sit *linguarium.* Et Turnebus quidem ait esse tanquam linguarum thecam & repositorium, in quo dicit Seneca (a) se linguam conditurum, ne temere promittat. Ego autem longe aliter eam vocem accipio: neque dubito, quin *linguarium* sit id quod pro lingua, quae temere locuta est, penditur. Idque mihi aperte ostendere videntur verba illa Senecae, *Verba mea redimam, & Damna castigabo promittendi temeritatem.* Sic *vasarium* dicebatur pecunia, quae pro vasis, id est, pro utensilibus attribuebatur ex aerario magistratibus in provincias proficiscentibus. Sic *cerarium* vocabat Verres pecuniam, quam quasi pro cera exigebat. (b) Sic *salarium* antiquitus, quod dabatur pro victu, in quo principem locum tribuebant sal. Sic *unguentarium* apud Plinium libro secundo Epistolarum, quod Marius (c) Priscus a provincialibus, quasi pro unguentis exegerat.

Sic

u] Cap. 5. x] Lib. 1 Saty. 9. ver. 76. y] Cap. 7. 2] L. 4. cap. 36. a] L. 12. c. 9.

b] Ait. 2. in Verrem, c] Ep. 11. Arriano.

Sic *honorarium vinum*, quod regibus & potentibus honoris gratia offertur. Cato de innocentia sua, *Cum essem in provincia legatus quamplures ad praetores & consules vinum honorarium dabant, numquam accepi nec privatus quidem*, Sic *hordearium*, quod equiti pro hordeo ad alendum equum dabatur. Sic denique *uxorium*, poena quae publice exigebatur ab iis qui uxores non haberent.

*De naturali quadam spei & metus
coniunctione.*

C A P. IV.

Cum sepi nihil aequè adversetur ac timor, notatum tamen est a sapientissimis viris, ubi omnis omnino sublata spes est, ne timorem quidem posse subsistere. Pendeat enim oportet metuentis animus, qui si spei, quo sustentetur, nihil prorsus reliquum sit, plane iacet. Atque hoc eleganter admodum expressisse videtur adolescens Terentius, {d}

Vae misero mihi,

Ue animus in spe atque in timore usque antehac attentus fuit,

*Ita postquam adempta spes est, lassus, cura confectus
stupet.*

Itaque negat Aristoteles eos qui ad mortem ducuntur, timere; ut quos iam spes omnis reliquit. Et qui timent; quaerunt, si qua ratione id, quod imminet vitare possint. At in rebus desperatis nemo consultat. Immo vero ita spe alitur metus, ut omni spe adempta, plerumque in audaciam transeat. Idque in extremum periculum adductis saepe salutis fuit. Hac de re dictum Hecatonis commemorat Seneca: (e) *Desines timere, si sperare desieris*. Cui ipse postea addit, *Dices, quomodo ista tam diversa pariter sunt? Ita est, mi Lucili, cum videantur
dissi-*

(d) *Charinus Andria* Act. 2. sc. 1. (e) *Lib. 1. ep. 4.*

dissidere, coniuncta sunt. Quemadmodum eadem catena & custodem & militem copulat, sic ista, quae tam dissimilia sunt, pariter incedunt. Sed in his postremis verbis omnes editiones depravatae sunt. Non enim custodem, legendum est, sed custodiam. Vocabant autem custodias reos ipsos, qui sub custodia erant; ut alibi: Cum adveheretur inter custodias quidam ad matutinum spectaculum missus. Et saepe ita accipitur hoc nomen in libris iuris civilis. Dabantur autem fere militibus custodiendi.

*De piscibus subterraneis emendati Senecae
loci duo.*

C A P. VII.

IMmensam quandam aquarum vim in subterraneis specubus latere philosophi tradunt, quae etiam interdum erumpant, secumque magnam piscium multitudinem efferant. Ceterum pisces illos, ut in tenebris faginatos, tum aspectu deformes atque horridos, tum gustatu noxios ac mortiferos esse. In Caria quidem cum id aliquando contigisset, quicumque illos ederant pisces, omnes ad unum periisse, litterarum monumentis proditum est. Sed quam ad urbem id contigisse Seneca dicit, is enim huius historiae auctor est, eius urbis nomen ita in libris ipsius corruptum circumfertur, ut sine veterum librorum ope vix quispiam, non dicam ad verum perveniret, sed de mendo suspicari queat [f] *Circa Myndum enim Cariae urbem id evenisse* in vulgatis libris legas. Ego olim librum veterem, habui, quem postea clarissimo, & cum incredibili omnigenae eruditionis copia, tum virtute atque integritate praestanti viro Vincentio Lauro Episcopo Montisdivitis dono dedi, quo in libro scriptum erat *factum id in Caria circa Iotuma urbem*. Ex qua leviter depravata scriptura, facile coniec-

legen-

[f] Lib. 3. Nat. 39. cap. 19.

legendum esse, circa *Loruma urbem*. Nam & in epitoma Stephani De urbibus nominatus, Λάρυμα πόλις Καρίας: & a Strabone libro XIV. & a Ptolemaeo libro quinto, & a Plinio, & a Mela, nisi quod apud hunc librario- rum vitio, (g) *Latumna* non *Loruma* legitur. Emendabo & alium ex eodem libro locum, quem omnes usque in hunc diem aliquot vocibus mancum ac mutilum edide- runt. Ubi enim narrat Seneca quosdam fluyios palam in specum aliquem decidere, & terra absorberi, deinde in remotissimis locis exire, cursumque ac nomen suum repetere: cum id de Lyco amne exposuisset Ovidii ver- sibus; subiungit; (h) *Idem & in oriente Tigris facit: ab- sorbetur, & desideratus diu, tandem longe remoto loco purga- menta eiecit, ut Arethusa in Sicilia quinta quaque aestate per Olympia.*

De Arimasps, cur. dicti sint unum tantum ocu- lum habere: item de populis, apud quos pueri oblongo capite nascuntur.

CAP. VIII.

Homines esse quosdam in Scythia tradiderunt ex antiquis nunnulli, qui unum tantum in media fronte oculum haberent. (i) *Arimasps* nomen est, quos & Aeschylus ex eo μονῶπας vocat. Ipsum quoque *Arimasporum* nomen ex re illis inditum putant. Scythica enim lingua *ari* unum esse: *maspon* oculum. Sed quibus curae fuit veritatem rerum diligentius indagare, eam gentem arcu & sagittis excelluisse memorant, quas cum dirigerent, alterumque, ut fit, oculum clauderent, adsiduique in eo studio essent, dicti sunt uno tan- tum oculo uti. Fortassis etiam, quod ei rei a pueris ad- suefierent, alterius oculi orbe erant contractiore: ver- saque paulatim, ut saepe accidit, in naturam consue-

U

tudine,

(g) L. 1. cap. 16. (h) Cap. 26. (i) *Prometh.* pag. 49. H. S.

tudine patrum similes filij nascebantur; quaeque in patribus deformitas ex oculorum inaequalitate *διετην* & adventicia, eadem in filiis innata atque insita erat. Ita certe de quibusdam in Asia populis gravis auctor Hippocrates narrat; cum apud eos pulchrum haberetur oblongo capite esse: ob idque nutrices recens editorum infantium tenella capita manibus contrectando ac comprimendo, globosam & orbicularem figuram corrumpent, &que fastigiarent, ac fasciis etiam adstricta in acumen crescere cogerent, paulatim studium in naturam vertisse; ut omnes ea in gente oblongis capitibus nascerentur; ex eoque Macrocephalos vocari. Idem & hodie, serio an ioco de gente quadam in Italia dicitur.

*De loco quodam Terentii ex Eunucho confutata
Marcelli Virgilii sententia.*

C A P. IX.

IOcoſe quidem dictum eſt a Chaerea in Eunucho Terentiana (k) *Peffulum oſtio obdo*: ſubeſtque omnino obſcoenior ſenſus: neque tamen adſentior Marcello Virgilio, (l) qui putat reſpexiſſe poetam ad medicorum *πρωές*, qui mulierum naturalibus ad provocandos mentes ſubiici ſolent. Primum enim ex voce non Graeca modo, ſed & medicorum propria quotuſque aſſectus eſſet vim loci? deinde non puto voces Graecas admittere eam formam imminuendi, quae Latinis uſitata eſt; neque ſi Graeci exiguum *πρωόν* dicunt *πρωάριον*, licere continuo Latinis peſſulum eo ſenſu dicere: non ſane magis quam logulum *ἀντὶ λογαρίῳ*, aut eiufmodi alia. Ipſumque Marcellum peccaſſe arbitror qui *πρωάρια* peſſulos vertit. Sed peſſulus eſt *πᾶσαλα* quo nomine ſignificabant interdum iocantes id, quo mares ſumus. Ariſtophanes: Ταῖς

[k] *Alf.* 3 ſc. 5. [l] *Comment. in Dioſcoridem Lib. 1. cap. 1.*

Ταῖς πρεσβυτέραις γυναιξίν ἔσω τὸν νόον
ἔλκην ἄπειρ, λαβομένας τῷ παττάλῳ.

Suspitor & Horatium in illo versu . (m)

nec tauri ruentis

In Venerem tolerare pondus ,

cum allegoriae serviret, eo etiam respexisse, quod illam partem Graeci interdum ταῦρον vocant: unde & λακώ-
ρος . Quin & temporibus Romuli cum consulta Iuno ,
matronas Romanas , si secundae fieri vellent , a capro
iniri oportere respondit, Graece potius quam Latine lo-
cuta est, neque tam caprum intellexit , quam illum κέ-
αρον, in quo praecipuum putatur esse remedium adver-
sus mulierum sterilitatem .

De quibusdam , qui piloso sunt corde .

C A P. X.

A Ristomenis Messenii , qui trecentos Lacedaemo-
nios occiderat, quique & fortitudine & callidita-
te praestiterat, mortui cor hirtum & densa quasi sylva
pilorum oblitum repertum esse tradit Plinius. Idem de
Lysandro Laoedaemonio, (n) qui & ipse tum fortissimus
tum astutissimus fuit, Graeci quidam memoriae prodi-
derunt. Ipse quoque memini, cum Venetiis essem,
sumptum esse capitis supplicium de nobili quodam la-
trone , qui cum a carnifice diffecaretur , corde admo-
dum piloso repertus est . Roboris quidam , astutiae &
calliditatis alii esse id argumentum volunt . Ab ingenti
certe calore proficiscitur, quo qui abundant, ii & ro-
busti esse , & callidi solent . Itaque eruditus & grandilo-
quus poeta Nonnus libro XXVI. Dionysiacon Sabiris
populis ait esse cor densis vestitum pilis: ideoque audaci-
ssimos esse , neque unquam in proeliis metuere .

τοῖς ἐπιδυσάμεν πυκνὴ καὶ εἰς ἄλγος, οἷσι καὶ αὐτῶν
φρικτὰ δαυσύρηνων ἐκπορεύετο φύλα Σαβείρων .

U 2

τοῖσιν

(m) Lib. 2. Car. ode. 3. (n) Lib. 11. cap. 47.

τοῖσιν ἐνὶ κραδίῳ λάττει πέλγες, ὧν χάριν αἰεὶ
 ψυχῆς θάρσος ἔχουσιν, καὶ οὐ μῆλασουσιν Ἐνυαί.

De adverbiiis quibusdam, quae aliter apud veteres interdum scribebantur, quam nunc solent. Emendatus Ciceronis apud Fabium locus.

C A P. XI.

QUOD nunc perpetuo *istinc* & *illinc* scribimus, veteres nonnumquam *istim* & *illim* scribere solitos constat. Recteque factum a Petro Victorio est, quod in libris epistolarum Ciceronis, antiquam scripturam hac quoque in parte cum fide repraesentandam putavit. Ut in epistola ad Valerium: (o) *Qui istim nunc veniunt*, & aliis locis. Huius autem rei ignorance depravatus est Ciceronis locus ex epistolis ad Brutum, qui citatur a Fabio: neque correctus ab eruditis hominibus qui Ciceronis fragmenta studiose collegerunt. Ita enim vulgo legitur, *Veritus fortasse, ne nos in Catonem nostrum transferamus illinc mali quid: etsi argumentum simile non erat*. In vetusto autem Fabii codice, qui penes me est, hoc modo: *Veritus fortasse, ne nos in Catonem nostrum transferremus illim aliquid: etsi argumentum simile non erat*. Hoc ne cui leve videatur; moneo alios quoque primae classis scriptorum locos eodem modo corruptos esse; quos aut nos ipsi, aut alii quandoque indicabant.

De Tbalete Milesio historia elegans.

C A P. XII.

THALES Milesius magno vir & sublimis, ut notum est, ingenio fuit: multaque admirabilia cum in aliis disciplinis, tum in astrologia primus excogitavit. Is cum reperisset, quam rationem haberet magnitudo Solis ad magnitudinem eius circuli, quem Sol ipse annuo cursu

curſu metitur ac conficit, quoque modo id Geometrica ſubtilitate demonſtrari poſſet: eam rationem cum Pri-
nienſi quodam, homine & talium rerum curioſo, & di-
vite ac copioſo communicavit. Qui & acumen Thale-
tis, & inventi pulchritudinem admiratus, praeſtium
a ſe illum, quantum vellet, optare iuſſit. Nullum te,
inquit, aliud praeſtium poſco, Thales, niſi, ut ne tibi un-
quam huius inventi gloriam arroges: ſed ſi quando eius alios
participes facere volueris, auctorem illius eſſe me perpetuo
proſitearis. Non igitur contemnunt gloriam ne ſapien-
tiſſimi quidem: nedum nos, qui ſapientes non ſumus,
aequo animo feramus, ſi quid a nobis interdum, ex quo
laus aliqua poſſit exiſtere animadverſum eſt, id iniuſto
atque impudenter ab aliis occupari.

*De quibuſdam locis e primo Rhetoricorum
Ariſtotelis.*

C A P. XIII.

Ariſtoteles libro primo De arte dicendi, ubi docet
neminem ſanae mentis deliberare de iis que uno
tantum modo evenire poſſunt, qui modo ea talia eſſe
exiſtimet: ira loquitur, *οτι οδ' εἰς ἀδυνατῶν ἄλλως ἢ γενέσθαι,
ἢ ἔχειν ὁδὸς ἐκλείνεται, ὥτως ὑπολαμβάνων*: ubi putat opti-
mos interpretes, cum complecti tria tempora. Et cer-
te tria verba, quibus utitur, facile id alicui perſuadere
poſſunt. Sed tamen cum omnis deliberatio futurum
tempus reſpiciat: quomodo, quaero, quis deliberare
de rebus praeteritis poteſt, ſive illae uno, ſive pluribus
modis aut eſſe aut fieri potuerint? Poſſunt quidem ur-
bes pluribus modis capi atque expugnari: Sed ſi quis
hodie deliberet atque in conſolatione ponat, quemad-
modum Troia capta ſit, nonne ad agnatos & gentiles
deducendus eſſe videatur? Quaerere, quomodo id fa-
ctum ſit, poſſumus: deliberare non poſſumus. Omnis

autem consulatio quaestio illa quidem est, sed non contra: Ne praesentia quidem in deliberationem cadunt, nisi ut eis in posterum consulatur, ac denique omnis deliberatio ad futurum tempus refertur. Ita igitur interpretor, ut cum rerum, quemadmodum multis locis Plato & Aristoteles docent, quaedam dicantur εἶναι, ut nummi, aedes: quaedam γίνεσθαι, ut bellum aut nuptiae: utrumque genus hic Aristoteles complexus sit, Aoristus enim γινέσθαι non magis praeteriti quam praesentis aut futuri temporis significationem habet. Et rectissime Victorius hoc ipso in libro verba illa Aristotelis, ὅσα ἐνδέχεται καὶ γινέσθαι καὶ μὴ, interpretatus est, quae eam naturam habent, ut & fieri & non fieri possint. Saep̄e autem consultamus non tam περὶ τῷ γινέσθαι, ἢ ἵστασθαι, quam περὶ τῷ πῶς μέλλει ἔχειν. Igitur & hoc addidit, non deliberare homines περὶ τῶν ἀδυνάτων ἄλλως ἔχιν. Deinde subiungit: ἴδιον γὰρ πλεόν, ἢ οὕτως ἐνδέχεται συμβαλεῖν. Sed ego totum illud, ἢ οὕτως ἐνδέχεται συμβαλεῖν, delendum censeo: legendumque simpliciter, οὐδὲν γὰρ πλεόν & ita interpretor: nullus enim usus eiusmodi deliberationis esset. Sic Plato libro quarto De Republica, ὅτι ἀνωφελὲς καὶ πλεόν οὐδὲν. Idem epistola quinta: εἰ μὴ μάτλω μὲν κινδυνεύσειν ᾤετο, πλεόν πλεονεῖν. Aristophanes in Pluto: καὶ τί τί πλεόν πλουτεῖν; quod Scholiastes ita exponit, τίς χρεῖα ὅτι τοῦ πλουτεῖν; Hoc qui non viderant, putarunt aliquid deesse.

Locus Virgilii expressus e Choerilo.

C A P. XIV.

Videtur Choerilus non ita contemptus & abiectus poeta fuisse, ut eum haberi voluit Horatius quamquam & alii, quorum maior est auctoritas, male de eo multo ante Horatium senserant. Sed tamen & hic verus ipseus:

Πότ' ἄν κοίλαινε φανὲς ὕδατος ἐνδελυχέη,
multos magnosque imitatores habuit: & prope ausim
dicere

dicere, locum quendam optimi maximi poetarum Virgilii, ex eo mihi expressum atque effictum videri. Cum enim Choerili versus quidam legantur, quibus quaeritur praecipua argumenta scribendorum poematum a vetustis poetis occupata iam esse: eadem etiam conquestio tertio libro Georgicon apud Virgilium legitur. Choerili versus hi sunt:

Ἄ μάκαρ, ὅς τις ἔλω κείνον χροόν ἱδρὶς αἰοιδῶν
 Μουσάων θεράπων, ὅτ' ἀκείρατος ὡς ἔτι λειμών.
 Νῦν δ' ὅτε πάντα δίδασαι, ἔχρη δὲ πείρατα τέχναι,
 ὧς αὐτοὶ ὥς εἰ δρόμον καταλειπόμεθ', οὐδέ τοι ἔσαι
 Πάντη παῖσιν ὅντα νεοζυγὶς ἄρμα πετάσαι.

Virgilii autem hi: (p)

*Cetera, quae vacuas tenuissent carmina mentes,
 Omnia iam vulgata. Quis aut Eurysybea durum,
 Aut illaudati nescit Busyridis aras?
 Cui non dictus Hylas puer, aut Latonia Delos,
 Hippodameque humeroque Pelops insignis eburno
 Acer equis? tentanda via est, qua me quoque possim
 Tollere humo, victorque virum volitare per ora.*

Illud certe, Omnia iam vulgata, prorsus compar ac geminum est illi, Νῦν δ' ὅτε πάντα δίδασαι.

*Emendata multa in oratione Ciceronis
 pro Archia.*

C A P. XV.

Cicero in oratione pro Archia cum multis verbis doctrinae studia commendasset, eaque magnam vim ad laudem atque virtutem habere dixisset: addit postea, etiamsi nihil ex eis aliud quam delectatio peteretur, nihil esse, quo quasi divertere, & in quo honestius ac liberalius requiescere fessus gravium negotiorum tractatione animus possit. In hac autem re expli-

U 4

canda

canda verba ipsius hac sunt: *Quod si non hic tantus fructus ostenderetur: & si ex his studiis delectatio sola peteretur: tamen at opinor; hanc animadversionem humanissimam ac liberalissimam iudicaretis*. Sed cum *animadversionis* nomen pro certo aliquo studiorum genere nusquam neque apud Ciceronem, neque apud ullum alium bonum Latinitatis auctorem legatur, Lazarum Bonamicum aiunt, cum eam orationem interpretaretur, non *animadversionem*, sed *animi remissionem*, ibi legendum censuisse; qui mihi videtur, quod *animadversionis* nomen ei loco non convenire censuit, recte ac vere iudicasse: sed in eo peccasse, quod a vetere scriptura nimis longe recessit. Ego cum eam orationem abhinc triennium publice in urbe interpretarer, usus sum vetere libro Fulvii Ursini; viri optimi & hominis eruditissimi; quo in libro scriptum erat *animadversionem*. Unde ego una littera detracta, scribendum censui, *animi aversionem*. Avertere enim animum aut cogitationem a reliqua, saepe ut notum est, Cicero dicit. Eodem in libro vetere aperte scriptum erat: *Haec studia adolescentiam agunt: non, ut vulgo, alunt*. Ferri tamen potest *alunt*. Sic enim alibi Cicero, *ingenia melius ali Graecis exercitationibus*. Iam quod eadem in oratione legitur: *Bestiae saepe immanes cantu fleuntur atque consistunt*: si quis attente consideret, videbit nullo modo referri posse ad Orphei & Arionis fabulam: quod tamen erudito homini Paulo Manutio visum est. Nam quod perraro factum poetae fabulantur, quo ore id Cicero dixisset saepe fieri? Melius igitur Victorius, qui id iampridem ad serpentes retulerat: quos carminibus flecti ac consistere opinio est. Gotthicarum quidem rerum scriptores narrant urfos ita delectari tiliarum & fistularum sono, ut, cum in pastores impetum facturi sunt, saepe ab eis cantu mulceantur; atque hanc usitatissimam pastoribus eius regionis rationem esse expediendae ab urforum impetu salutis suae.

Vix

Vix tamen est, ut existimem id Ciceroni notum fuisse. Illa autem de Homeri patria ita in eodem illo libro leguntur: *Homerum Colophonii civem esse dicunt suum: Chii suum vindicant: Salaminii repetunt: Smyrnaei vero suum esse confirmant*. Melius omnino, quam ut vulgo *confitentur*. Quis enim significatione gloriationis, confitendi verbo utitur? Quod autem statim sequitur: *Itaque etiam delubrum eius in oppido dedicaverant*: causa nulla est, cur mutetur. Quamvis enim letae quoque Homerum suum esse contenderent, non tamen Ciceroni propositum fuit eas omnis urbes nominare, quae sibi summum illum poetam vindicarent. Et notum est apud Smyrnaeos Homeri delubrum fuisse. Strabo libro quatuordecimo: *ἔστι δὲ καὶ βιβλιοθήκη καὶ τὸ Ὀμήρειον, εὐὰ τετραγώνῳ ἔχουσα πρὸς τὸν Ὀμήρου καὶ ἑόρην. ἀντιποιοῦνται γὰρ καὶ οὗτοι διαφύττειν τὸ ποιητοῦ. καὶ δὴ καὶ νόμισμα τι χαλκοῦν παρ' αὐτοῖς Ὀμήρειον λέγεται*. Cuius me loci admonuit, unumque eius generis aereum nummum perveterem ostendit idem ille, quem antea nominavi, summe doctus & summe in amicos officiosus Ursinus. Puto etiam in eadem oratione ita legendum: *Nam nisi Ilias extitisset, ille idem tumulus, non ut vulgo; Nam sit Ilias extitisset illa*. Sed hoc leviusculum est, & coniectura tantum nititur. Ad ipsum autem orationis finem ita vulgo legitur: *Haec vero sive a meo sensu post mortem afutura sunt: sive ut sapientissimi homines putaverunt, ad aliquam animi mei partem pertinebunt: nunc quidem certe cogitatione speque delector*. Sed a libro vetere abest vox *animi*, quod verius puto. Ita enim veteres loquebantur: Horatius, (q)

Non totus moriar, magnaque pars mei

Vitabit Libitinam, Ovidius (r)

Parte tamen meliore mei super alta perennis

Astra ferar.

Sequitur locus, qui valde torfit & alios homines eruditos,

(q) Lib. 3. Car. Od. 30. (r) Lib. 25. *metam extremo*.

tos, & in primis Manutium; ubi ita Cicero: *Quare conservate iudices hominem pudore eo, quem amicorum studiis videtis comprobari tum dignitate, tum etiam venustate.* Manutius autem ita: Quem hic locum habet dignitas aut venustas? satis valere debet ad conciliandam Archiae iudicium voluntatem pudor ipsius & ingenium: plurimum vero ipsa causa: quibus singulis aliquid addit, quo pateret illustrius. At haec tum dignitate, tum etiam venustate, nescio quo modo intrusa, prorsus nuda sunt. Ut omittam, quod hic loquendi modus, *Conservate hominem tum dignitate, tum etiam venustate*, mihi quidem parum satisfacit. Adde, quod venustas iucunda, quaedam vel in vultu vel in corporis motu species est, quae ad commendationem Archiae, praesertim aetate provecti nihil pertinet. Itaque prorsus videtur abundare. Glossema dicerem, si, quo adiungi posset, viderem. Nam glossamata, quae vocant, interpretandi causa ponuntur. Sed ita hic aperta sunt omnia de pudore Archiae, de ingenio, causa, ut nullum interpretationis lumen desiderent. Hoc tamen, quicquid est, & omnino, quaecumque sentimus & scribimus, ita probamus, dum ne hominibus eruditis, & in hoc studiorum genere exercitatis improbanda videantur. Haec Manutius: ut homo disertus ac copiosus, multa; ut in loco depravato, non multum opis adferentia. Ego rem paucis expediam. Vox *studii*, abest ab omnibus antiquis libris. Delenda igitur: & pro *venustate*, legendum *vetustate*. Hoc enim dicit: pudorem & integritatem morum in Archia comprobari amicorum ipsius tum dignitate tum vetustate. Luculli enim & Metelli & Catuli, & alii praeterea viri gravissimi, quos antea nominarat, non tantum Archiae amici, sed veterrimi amici erant. Numquam autem ille, nisi plane vir bonus fuisset, talium virorum amicitiam aut tam facile comparare, aut tam diu conservare potuisset. Vocem *studii* redundare, viderat

derat & alius : sed inepte in talibus viris, quasi in pulchellis pueris, venustatem commendari non viderat. Idque illorum qui eum noverant, nemo miratur. Nescio, an hoc quoque addere debeam ; quod paulo post legitur : *Quique est eo numero qui semper apud omnes sancti sunt habiti atque dicunt* : non esse, cur quisquam calumniatur. Ita enim & pro Marcello : *An ex eo numero, qui una tecum fuerunt ?*

*Proverbium ab aliis praetermissum e
Plutarcho.*

C A P. XVI.

REperiuntur nonnulli homines, qui dum faceti ac dicaces videri volunt, nullam false aliquid dicendi occasionem praetermittunt, maluntque saepe amicum, quam dictum perdere : faciliusque flammam ardentem in ore, quam dictum aliquod aculeatum continerent. Talis erat ille, de quo Horatius : [s]

dum modo risum

Excutiat sibi, non hic cuiquam parcat amico.

Neque in privatos modo ac fortis suae homines, sed & in principes immoderata illa maledicendi libidine abutuntur ; non cogitantes, quam stultum sit scribere in eos qui possunt proscribere ; &, ut Cicero alicubi loquitur, gladio ἀντιμουκτηρίζειν. Vitae igitur periculo dicacitatis famam aucupantur, sparguntque voces per iugulum fortasse redituras : ac plerumque levissimae rei, ut Plato ait, verborum gravissimas poenas sufferunt. Ac ne mortui quidem aliam mercedem ferunt, quam ut de eis dicatur, quod de Tantalo Euripides, (t)

ἀκόλαστον ἔχει γλῶσσαν, αἰχίσλω νόσον.

Eiusmodi homines Plutarchus in commentario quo tradit, quibus notis adulator ab amico discerni queat,

ait,

[s] Lib. 2. Sa. 24. vers. 34. [t] Oreste Prole.

ait, [u] τὴν πρὸς τὸ πρῶτον ὄρχησιν ἀρχὴν ἐρχεῖται. Quod cum proverbii figuram habere videatur, quæsi nuper, num in illam praeclaram congeriem adagiorum, quæ Florentiae cum tot speciosis ac magnificis titulis impressa tum primum prodierat, relatum esset. Sed hoc dum quaero, ea vidi, quæ vidisse piguit. Neque ego ullum unquam inspexi librum, qui magis confirmaret vetus dictum: *Magnus liber, magnum malum*. Sublata quidem omnia, quæ piorum animos offendere poterant, existimo: neque dubito, quin Episcopus Regiensis, quæ rerum sacrarum intelligentia, & qua in rebus sibi mandatis diligentia est, quod suarum partium erat egregie præstiterit: sed vellem aliquid diligentiae ab aliis collatum ad ea quoque tollenda, quæ ineruditis errorem obicere, eruditis nauseam movere possent. Nam cum is, qui primus aliquot proverbiorum millia collegerat, qui utinam aut ne attigisset unquam theologica, aut in eis religiosius & sincerius versatus esset, homo, qui neque legendo expleri, neque scribendo defatigari posset, multa in illo præcipiti scribendi calore male interpretatus esset, multa coniecisset in illum acervum proverbiorum, quæ proverbia non erant: decuit certe utriusque incommodi partem aliquam ab eis tolli, qui provinciam illius operis perpurgandi susceperant: & in eorum quæ detracta essent, locum sustitui, si qua ab eo omissa viderentur. Nunc omnes fatuas interpretationes intactas reliquerunt, eisque tanquam sacris pepercerunt: quæ proverbia non sunt, non tantum non rescuerunt, sed multa præterea, ut liber grandior fieret, addiderunt: & tamen sic quoque multa, quæ vere proverbia sunt, omiserunt. Ac vellem suum cuique tribuissent, eorum saltem, quorum omnia damnata non sunt. Ita enim sciret quisque, quid in quoque aut laudaret aut reprehenderet. Nunc quicumque rudem illam & indigestam molem

molem congeffit: Paulum enim Manutium fuiſſe, nemo mihi unquam perſuaſerit: qui etiam brevi ſcripto teſtatus eſt, ſe ea tantum, quae imprimenda acceperat, aliis imprimenda dediſſe: credo, quod ipſe non ſatis digna pleraque iudicaret, quae typis ſuis excuſa legerentur ille igitur: *ἑλξας ἐφ' ἑαυτὸν, ὡς ὁ χαυρίατ, νέου*, omnes omnium reprehenſiones in caput ſuum traxit. Cum enim nobis interdictum ſit lectione aliorum omnium librorum, quibus proverbialia explicantur: quicquid ſtolidè, quicquid imperite, quicquid ineleganter dictum erit: id ſcilicet ei uni, cuius ille liber eſt, imputari oportebit. Ita homines interdum, dum aliorum gloriam ad ſe trahere conantur, alienae ſtultitiae ſuccidant, ut Plautus loquitur, fiunt. Sed haec, ſi videbitur, alias: Nunc, quod coeperamus, exequamur: Quorum puteorum neque obſtructa ora ſunt, neque crepidines paulò altius exaggeratae: neque denique quidquam eſt, quò obiectu ſuo prohibeat, ne quis in eos incautiòr prolabatur, quales multos ruri videmus, ſi qui circa eos choreas agant, magnum periculum adeunt, ne, dum progrediuntur, regrediuntur, corpus in orbem movent, ſaltitant, in puteum delapſi mergantur. Proverbii igitur uſus eſſe poterit in eos, qui per ludum ac laſciviam tale aliquid ſactitant, ut eo ipſo ſe in magnum aliquod periculum coniciant.

De libro Proverbiorum nuper edito Florentiae.

C A P. XVII.

NE quis me putet, quae ſuperiori capite dixi de Florentina Proverbiorum editione ſine cauſa diſſiſſe, & alienae induſtriae iniquum exiſtimatorem fuiſſe: proponam hic aliquot exempla, ut quidque occurreret: non enim mihi tantum eſt otii, ut plures horas ea in re perdere libeat: ex quibus illa vere ac merito dicta eſſe

esse intelligatur. Atque ut hinc exordiar: sicut alicubi in Odis Horatius, (x) se Veneri sacrificare velle, quam in se nimis saevam experiatur: sperare autem, ubi ei hostiam mactaverit, illum sibi leniorem fore. Atque hoc ita exprimit *Mactata veniat lenior hostia*. Inde Erasmus, aliud cogitans, proverbium fecerat, *Mactata hostia lentior*. Et adfirmarat, dici de spontaneis ac mansuetis. Nonne oportuit tam ridiculam interpretationem tolli ab iis, qui a se falsas interpretationes sublatas esse profiterentur? Nam si quis vel inspecto Horatii loco, non viderit, quam hoc ridicule dictum sit: prope est, ut alia proverbii figura dicat aliquis, minus ei esse sensus, quam mactatae hostiae. Plautus ludens dixerat. (y) Amphitruonem suam neque tragoediam, neque tamen plane comoediam fore, sed tragocomoediam. Isti hanc ipsam vocem *κωμωδοτραγωδία* proverbium esse dixerunt, de re, quae ex laetis simul & tristibus constaret. Quis igitur modus proverbiorum scribendorum futurus est, si talia quoque proverbia accipimus? Cognoverant ex Varrone, in bulgam seu vesicam olim condi solitos nummos, statim natum proverbium est: *ad oculos magis, quam ad vesicam pertinet*. Quae praeclaro proverbio quis, quaeso, unquam antiquus scriptor usus est? Saltem unum citassent. Eiusdem generis sunt illa: *Fluvii cursus non detorquendus: Pauca male parta, multa bene comparata perdunt: Conscientia crimen prodit: Patere legem, quam ipse tulisti. Tonderi pecus, non radi debet: Temporibus servire decet: Pygmaei vel Thiodamas cum Hercule: Amor sit ira iucundior: Voluptas malorum esca: & talia, ὅσα νόμις*. Ut enim quibusdam hominibus male affectis, quicquid edunt, in bilem aut in pituitam, ita istis, quicquid legunt, in proverbium vertitur. Versus est Catulli ex Epithalmio: *Omnia omnibus annuit*. Descripserunt ad verbum, quae ego abhinc viginti annos ad

cum

(x) L. 1. Car. Ode. 19. (y) *Amphitruone Prologo*.

eum versum scripseram, eaque pro suis sumentes, novum proverbium concinnarunt, Versus est, opinor, Euripidis;

ἐπ' ἐχθρὸς θυμὸς ὀπλίζει χεῖρα, id est,

In hostes ipsamet ira armat manum.

Eum isti ita verterunt, *in inimicitia armabit ira manus.* Quid illa? *ὥς ἀγαθόν*: *Manuumque aes*: *Sternutaverunt Amores*: *Bilis in naribus*: *Planus semel crura fregit*: *Absens heres non erit*: *Oleo fraudare lucernas*: & illa, *Noxa caput sequitur*: *Herculis clypeus*: *Ab aula recessit*: *Levato velo de causa cognoscere*; & illud omnium stultissimum, *Lex Africani*: & qualia in eo libro tam multa sunt, ut ea quaerere, sit aquam in mari quaerere; tanti fuerunt ut propter tales nugas librum in tantam molem excrecere oporteret? Addam pauca quaedam, ut occurrent, & si potero, insignia quamquam ita multa sunt insignia, ut hoc ipso difficile sit reperire quae dicantur insignia. Versus est Luciani: *Πάγωνά τίλλει κρέων ὑπ' ὀλέλαις*, Hunc quidem ex illis proverbium facit, & ita vertit: *Barbam velle a puerorum ulnis*. Quot verba, tot peccata. *Πάγωνά*, id est *barbam* interpretatur pilos, qui in ulnis nascuntur, nihil ineptius. *Τίλλει*, non est *velle*, sed, *vellit*. Ridicule autem *ἐκ κρέων* facit *κρέως*: id est *ex tonsoribus, pueros*. Et *ὑπ' ὀλέλαις*, inepte interpretatur, *ab ulnis*: cum *ὑπ' ὀλέλαις κρέων*, sit, *sub manibus tonsorum*. Versus est Aristophanis, principio τῆς εἰρήνης: *Αἶψ' αἶρε μᾶζαν ὡς τάχιστα πανθάρα*. Eum aiunt isti ab eruditis proverbii loco referri, Quaero, qui sint isti eruditi: at quis unquam idoneus auctor hoc versu, ut proverbio, usus sit. Erasmus in quodam versu scripserat, facile videri, proverbia scribere; idque se non negare: sed difficile esse chiliadas scribere, At si talia proverbia recipiamus: iam non chiliadas, sed myriadum myriadas scribere facile fuerit. Quanto enim iustius in hunc ordinem refertur illud ex Pluto? (2)

(2) *Principio fabulae.*

Ως

ὦς ἀργαλέον πᾶσι μὲν ἔστιν ὧ ζεῦ καὶ θεοί ,

Δῦλον γένεσθαι παραφρονέοντες διαπύτε .

Ut dicas proverbii usum esse posse in eos, qui serviunt libidinoso amorī, aut avaritiae, aut denique alicui cupiditati . & Illa ex Nebulis : [α]

ὦ ζεῦ βασιλεῦ, τὸ χεῖμα τῆς νουθεσίας

Ἀπέραντον . ὑποθημέρα γενήσεται ;

Ut dicas proverbio uti posse aliquem, qui, exempli causa, doleat, tot gentes haereticorum praestigiis occaecatas tam diu in tam crassa errorum caligine versari: cuique longum videatur, dum eis veritas illucescat. Sed non quiequid commodē in varios sensus flecti potest, statim proverbium est. *Insuere in saccum vel culcum*, ait, quicumque est ex illis paroemiologis, vulgo dicimus pro circumvenire aliquem vel ludere. Nescio an ita loquantur in Germania, aut in alia quapiam gente, unde est, quisquis est, qui hoc scripsit. Sed ego putabam non Germanica, aut Gallica, aut Italica, sed Latina tantum, & Graeca vetera proverbia eo libro contineri. Latini autem de parricidis loquentes, dicunt quidem eos in culeum insuendos esse, non tamen ludo, neque ut eos circumveniant: neque hoc proverbio dicunt. Plato libro decimo De Rep dixerat poetarum metra, spoliata musices coloribus similia esse eorum vultui, qui aetate quidem integra sunt, sed formosi non sunt: id est, τοῖς ἑξ ὡραίων προσώποις, καλῶν δὲ μή. οἷα γίνεται ἰδίῳ ὅταν αὐτὰ τὸ ἀνθρώπου φρεσὶν ἴπῃ. Isti proverbium fecerunt: *Formosus sine pulchritudine*, in eos qui pigmentis exoticam, ita enim loquuntur, formam adsciverunt. Persarum reges, quibus a populis potestatem omnium rerum sibi tradi volebant, ab eis symbolice per legatos terram & aquam petebant. Quam qui dabant, significabant, se imperium accipere. Res vulgo nota est. Isti proverbium fecerunt, *Terram & aquam poscere; & terram & aquam*

(α) Principio.

aquam dare, (b) pro bellum alicui inferre, & bellum cum aliquo suscipere. *Massilienses mores* colere dixerat Plautus in *Casina* eum fenem, qui armigero filii sibi pro puella supposito facere id voluerat, quod novae nuptae solet, eo respiciens, quod Massilienses, etsi ab aliis ut severi predicantur, mollietiei tamen nomine male audiebant, ut est apud Athenaeum, credebanturque *γυναικαπαθεῖν*. At isti *Massilienses mores* apud Plautum, optimos & probatissimos interpretantur. S. Hieronymus verba, quibus usus erat Iovinianus, irridens, ita scripserat: (c) *Rogo, quae sunt haec portenta verborum? quodve scriptiois dedecus? Nonne vel febrem somnare eum putes, vel arreptum morbo phrenetico, Hippocratis vinculis alligandum?* respiciens videlicet ad ea vincula, de quibus Hippocrates *ἐν τῷ κατ' ἐνέργειαν*. At isti, quae argumentis fortissimis roborata sunt, vel scripturam testimoniiis, ea tradunt ab Hieronymo dici vinculis Hippocratis alligandus esse videatur. Sed haec hydra quaedam est. Quo plura capita amputaveris, plura succrescunt.

*Dictum elegans Io. Antonii Lucatelli
Episcopi Venusini.*

CAP. XVIII.

VEre & graviter dicere solitum memini Io. Antonium Lucatellum, & virum & philosophum optimum, qui postea episcopus Venusinus fuit, tunc autem in familia magni illius Hippolyti Cardinalis Ferrariensis mecum amicissime coniunctissimeque vivebat, quod Socrates in cibo ac potu faciendum esse monuisset; id contra fieri oportere in iis quibus animus aleretur. Etenim apud Xenophontem Socrates eos cibos summo studio vitandos esse dicit, quibus etiam qui non esuriunt, ad edendum provocantur, & eos potus, qui

X

(b) *Sc. ubi tu es &c, qui c.* (c) *L. i. adversus Iovinianum, non longe a princ.*

qui etiam non sitientem adducunt, ut bibat. Contra autem ii sermones utilissimi sunt, atque omni studio confectandi, qui in animis languentibus excitant cognitionis & scientiae cupiditatem

Emendatus Plauti locus e Bacchidibus.

C A P. XIX.

Demus aliquid istis qui Plautum alieno labore emendare cupiunt, quod, cum libuerit, ut solent, arripiant pro suo. Versus sunt e Bacchidibus: (d)

Postquam aurum abstulimus, in navem conscendimus,

Domum cupientes. forte ut adsedi in stega,

Dum circumspecto: atque ego tum lembum conspicer,

Longum est rigorem maleficum exornarier.

Ubi illud *Atque*, ita positum est, ut in illo Virgilii, (e)

Atque illum in praeceps prono rapit alveus amni.

Sed hoc fortassis omnes vident. Eorum autem versuum postremum quis, quaeso, intelligit? *Strigas* vocabant mulieres maleficas, quas etiam noctu volare arbitrabantur. Eodemque modo *strigones*, homines maleficos. Quorum vocabulorum utroque hodieque vulgus in Italia utitur. Vaser igitur ille servus, quem lembum maleficum vocaturus erat, quod eo piratas vectos esse simularet, cum prius, quasi idem valente vocabulo, *strigonem* nominavit. Ut plane legendum sit hoc modo:

Longum, strigonem, maleficum exornarier.

Loci quidam ex Oratore Ciceronis ad

Brutum illustrati.

C A P. XX.

M Cicero etsi de laudibus suis non invitatus praedicabat, potiusque in eam partem peccabat, ut in eis immodicus atque immoderatus esset: semper tamen diligenter cavet, ne sibi ingenii laudem arrogaret; potiusque videri voluit labore & diligentia, quam ingenii

(d) *Str. Ibo in Pireum.* [e] *Georg. v. 203.* prae-

praestantia aliquam dicendi facultatem consecutus. Intelligebat enim nihil esse invidiosius, quam de ingenio suo gloriari, cum quavis laude facilius homines aliis, quam laude ingenii cedant, ut vere cecinit Martialis: (f)

Aurum & opes & rura frequens donabit amicus.

Qui velit ingenio cedere, rarus erit.

Non igitur illa sunt: (g) *Quo minus ingenio possum, subsidio mihi diligentiam comparavi; & Si quid est in me ingenii, iudices, quod sentio quam sit exiguum; & Aristoteles ait omnes ingeniosos melancholicos esse, ut ego tardiores esse me non moleste feram; & similia.* Sed & in Oratore ad Brutum locus quidam est in quo sibi ingenii laudem detrahit, quod tamen eo minus animadvertitur, quia locus ille aliquot vocibus mancus ac mutilus legitur etiam in iis libris, qui cum librorum veterum acervis collati esse dicuntur. Ita enim eum vulgo scriptum videas: *Atque haud scio an plerique nostrorum Oratorum ingenio plus valuerint, quam doctrina, itaque illi dicere melius praecipere, nos contra fortasse possumus.* Sed complures iam anni sunt, cum Alexander Glorierius tunc quidem magnae spei adolescens, nunc autem vir clarissimus, quique magnis in rep. muneribus praefectus, concitatae iam pridem expectationi praeclare omni ex parte respondeat, librum veterem mihi utendum dedit, in quo ita integrius & emendatius legebatur: *Atque haud scio an plerique nostrum oratorum, contra atque nos, ingenio plus valuerint, quam doctrina. Itaque illi dicere melius quam praecipere: nos contra fortasse possumus melius docere.* Eodem illo in libro ita scriptum erat: *Quomodo enim vester Axilla Abala factus est, nisi fuga litterae vastioris? Quam litteram etiam e maxillis, & axillis, & vexillo, & pauxillo consuetudo elegans Latini sermonis evellit.* & paulo infra: *decemvirorum silitibus iudicandis; non ut vulgo, litibus iudicandis.* Neque haec indigna visa sunt, quae adnotarem.

X 2

M. AN-

[f] Lib 8. epig. ad Cirinium [g] Cicero pro Quinctio pro Archia 1, Tuscul.

MARCI ANTONII MURETI
AD HIPPOLITUM ESTENSEM S. R. E.

Cardinalem amplissimum & illustriss.

VARIARUM LECTIO-
NUM

LIBER TERTIUS DECIMUS.

Nigidii rationes quaedam quibus contendebat natura inesse in vocibus vim significandi. Unde sumptae sint, indicatum.

C A P. I.

LEvi prorsus & futili argumento usus est P. Nigidius, ut doceret nomina & verba naturalem quandam significandi vim habere, non quae eis hominum arbitratu, quasque conventionem quadam imposita esset. scripsit enim id perspicui posse ex vocibus, *Ego, Tu, Mihi, Tibi, Nos & Vos*. Itemque ex graecis provocabulis quae idem valerent. Nam, *Ego, Nos, Mihi*, neque profuso intentoque flatu vocis, neque proiectis labiis pronuntiari, sed & spiritu & labiis quasi intra nosmetipsos adductis atque compressis. At cum *Tu, Tibi, Vos*, dicimus, labias sensim primores emoveri, ac spiritum atque animam porro versum & ad eos quibus cum loqueremur, intendi. Dignum sane argumentum, quod ex multis feligeretur a Gellio, eique praeter caetera lepidum & festivum videretur. Existimo autem illud, qualecunque est, e Chrysippi fontibus haustum

ac derivatum fuisse. Qui cum superiorem animi partem, id est, τὸ ἡγεμονικόν, in corde, non in cerebro, esse condenderet: vel ex eo id colligi posse dicebat, quod cum dicimus, *Ego*, natura ipsa duce, & ita quodammodo cogente natura ipsius litterae quae eius vocis princeps est, mentum deorsum ad pectus, & ad cor movemus: ut quasi nutu ostendamus eam partem qua praecipue sumus id quod sumus: *Mens enim cuiusque*, ait Cicero, *is est quisque*. Addebat illud quoque, naturale esse, ut de nobis loquentes, nosque ipsos ostendere volentes, digitum indicem ad pectus referamus, non ad caput. Ex quo effici ut natura quodammodo dicere videatur, praecipue patris, & eius quae hominem constituit. Non in capite sed in corde, sedem ac domicilium esse. Quoniam autem videbat Chrysippus, promptam ac paratam esse ἔνστατον adversus illud prius argumentum ex voce λέγω, cuius idem esset principium, quod τὴν ἐγώ: subiecerat pulchram sane & ingeniosam dissolutionem. Neque enim tantum priorem syllabam vocis *Ego* ita conformatam esse, ut eam qui proferret, nutu se, id est syllabam γω, nihil habere, ut ipse loquebatur, apostematicon, id est, quo quidquam extra nos positum indicaretur. At vocem λέγω incipere quidem ab eadem syllaba; sed sequi statim syllabam κῆ: in qua inesset vis quaedam significandi aliquid a nobis seiunctum ac separatum. Haec tam ingeniose fatua vix a summis viris dicta crederemus, nisi ex Varrone dedicissemus, nihil a quoquam aegroto somnari posse tam stultum, quod non aliquis Philosophorum serio dixerit.

Virgilii locus e sexto Aeneidos illustratus.

C A P. II.

Quid est, quod doctissimo poetarum Maroni, qui infantes mortui sunt; eos dies ipsa abstulisse dicitur

326 M. ANTONII MURETI
citur? noti enim sunt versus illi e sexto divini poematis: (i)

*Continuo auditae voces, vagitus & ingens,
Infantumque animae flentes in limine primo,
Quos dulcis vitae exsortes, & ab ubere raptos,
Abstulit atra dies, & funere merfit acerbo:*

& existimo, eum ad consuetudinem & ad opinionem veterum respexisse: apud quos qui iuvenes immatutam, ut videbatur, mortem obiereant, albescente caelo, ante solis exortum, a propinquis efferri solebant: quod nefas opinarentur, tanti mali, tantaeque calamitatis spectatorem ac testem esse solem. Atque eam ob causam dies ipsa eos auferre ac rapere dicebatur: quod ut primum dies apparere coeperat, auferbantur. Qua de re ita Eustathius: *φασι γὰρ ὅτι τὸς τοιούτους νέους ἅμα ἡμέρα ἔξω-
σίωται τὰ φῶς οἱ προσήκοντες, ὥς μὴ ἀνεκτὸν ὂν ἡλίῳ θεαθῆναι τοιοῦ-
τον κακόν. διὸ καὶ ἡλέγετο ἀρπάζειν αὐτοὺς ἡμέρα.* Sic raptum ab aurora quae eadem & dies est, Orionem fabulantur. Atque hoc colore usus est Nero cum Britannicum fratrem suum, qua nocte veneno fustulerat, ea ipsa humandum curavit. Qua de re ita prudentissimus historiae scriptor Tacitus: (k) *Nox eadem necem Britannici & rogam contunxit.* Et paulo post: *Festinationem exequiarum edicto Caesar defendit, id a maioribus institutum referens, subtrahere oculis acerba funera, neque laudationibus aut pompa detinere.*

De Anchisae morte variae veterum Scripto- rum sententiae.

C A P. III.

VARIA admodum & inter se discrepantia de morte Anchisae, qui Aeneae pater fuit veteres prodiderunt. Sunt enim, qui annos natum octoginta in Phrygia

1) Lib. 6. Aene. V. 426. [k] Lib. 13. Annalium.

gia obiisse dicunt; ostendique tumulum ipsius in monte Ida: ubi pastores & bubulci quotannis per autumnum sacra faciant. Pausanias mortuum in regione Laconica tradit, antequam in Siciliam perveniret: (l) sepultumque in monte qui ex eo Anchisias vocetur. Virgilius in Sicilia (m) quam opinionem νεώτερον τινῶν esse ait Eustathius. Cato, ut a Servio relatum est, cum Aenea filio in Italiam pervenisse.

Versus Graecus in eos qui robusti cum sint mendicant tamen, emendatus.

C A P. IV.

Mendicos quosdam videmus, qui mendicandi victus quasi artem quandam facitiant, quique cum robusto sint corpore, & validis lacertis, languori tamen & ignaviae ita dediti sunt, quidvis ut malint, quam labore & industria sua sibi unde vivant quaerere. Eis veterem versu iubemur panem dare; & insuper quasi pro obsonio pugnum implgnere; illud quidem; quia homini parem petenti negare, vix hominis videtur, hoc autem, ut discant ab illa foeda parandi victus ratione abstinere & intelligant se bonis omnibus merito odiosos esse. Versus Graecus hic est: (n)

Δὲς ἄρτον πτωχῷ. καὶ κονδύλον ὄψον ἐπ' αὐτῷ.

est autem versus ἀνέφαλος, ut cuius prima syllaba brevis sit. Aliter eum ab Eustathio & legi & exponi scio; sed, ut suum cuique, mea mihi interpretatio magis aridet.

De loco quodam Horatii adversus sententiam cuiusdam, qui eum corrumpit, disputatum.

C A P. V.

Horatius cum veteres tragicos ac comicos Latinos

X 4

in

(l) Nreadicis. [m] s Aeneid. (n) Apud Eustathium.

in componendis Iambicis versibus mire negligentes fuisse dixisset, indignamque eis veniam datam esse; quaerit, num idcirco si quis scripturus sit, eorum negligentiam imitari debeat, & ut Teucer sub Aiacis clypeo, ita sub auctoritate eorum latere, an potius imitari severitatem ac diligentiam Graecorum, qui tantam sibi licentiam non sumpserunt, sed versus suos multo certioribus, multoque arctioribus legibus adstrinxerunt. Tum subiicit, eum qui nihil aliud in scribendo studeat, nisi ut tutus sit a reprehensoribus, & ut se aliorum exemplo tegat, neque ulterius cavet, quam ne quid admittat, in quo veniae spem promptam ac paratam non habeat, nullam laudem mereri; sed ut liberalissime cum eo agatur, hoc tantum dici posse eum vacare culpa. Hortatur ergo Pisones, ne id sibi satis esse ducant; sed versent diurna ac nocturna manu Graecos poetas, & ad eorum exemplum scripta sua dirigere conentur. Versus autem quibus id praecipit hi sunt. (o)

*Non quivis videt immodulata poemata Iudex;
Et data Romanis venia est indigna poetis.
Idcircone vager, peccemue licenter, an omnes
Visuros peccata putem mea? tutus & intra
Spem veniae cautus, vitavi denique culpam,
Non laudem merui, vos exemplaria Graeca
Nocturna versate manu, versate diurna.*

Tutus, inquit, id est, si tantum me tutum alieno exemplo praestitero; & si cautus fuero intra spem veniae; neque aliud caverò, quam ne illos quasi cancellos & limites transiliam, intra quos eandem veniam sperare possum, quae iam aliis ante concessa est; culpam denique vitasse non laudem meruisse dicar. Quae sententia cum & vera & perspicua sit, quidam tamen, qui eam non intelligeret, ausus est locum depravare; & ubi recte legabatur, *intra spem veniae*, quasi pro imperio

perio iubere, ut legatur, *extra spem ventae*. Verba eius subieci, e quibus hominis & cautio & modestia cognosceretur. Mendose in omnibus libris legebatur, *intra spem ventae cautus*. Quae scriptura mire torfit eos omnes, qui in hanc Epistolam commentarios scripserunt. Ego autem coniectura ductus & ab ipsius veritatis voce admonitus, locum corruptum ita emendavi: & *extra spem ventae cautus*. Neque hoc satis; addit sanctionem. Si quis dissentire audeat, e doctorum numero summotum iri. Sed ipsum audire praestat: *Sic*, inquit *legendum; quicquid obstrepat semidocti seu potius indocti quidam. Nam quid perversius lectione vulgata?* Haec ille. Mihi vero sive semidocto, sive etiam, si quis ita malit; indocto sesquidoctus ille plane extra spem veniae peccasse in Horatium non hoc tantum loco videtur.

Alius Horatii locus illustratus.

C A P. VI.

Horatii versus sunt e primo Epistolarum: (p)

Rupit Hyarbitan Timagenis aemula lingua

Dum studet urbanus, tenditque disertus haberi.

Quos in versus decuit interpretem illum, qui quicquid usquam viderat, legerat, audierat, somniaverat, *αὐτῷ τῷ θυλακῷ* in commentarios suos congerebat, de Timagene, si quid haberet, dicere. Et tamen in priori editione silentium; in posteriori pauca quaedam ex Suida. Praetermittenda certe non erant, quae de eo leguntur apud Senecam libro tertio De ira, ex quibus & Timagenis maledicentia & contumax animus, & Augusti comitas ac facilitas optime cognoscitur. Addi poterant & illa Plutarchi, ex libro De discrimine adulatoris & amici. *Τιμαγένης ἐξέπρεσε τῆς Καίσαρος φίλης, ἐκωθίρα μὴ εἰδότε φωνῇ χησάμενος, ἐν δὲ τοῖς συμποσίοις, καὶ τοῖς πλείστοις ἐκείνους πρὸς ἐδ' ἡντινοῦ ἀπεδύω. Ἀλλ' οἱ τί οἱ εἶσαι.*

π 36.

το γελῶν Ἀργείων, αἰτίαν φιλίας, ὥστερ σέφισμα λοιδορίας
προσφερόμεν. Sed non dubito, quin haec quoque ha-
buerit in scidis & adversariis suis: in quibus iam pri-
dem notaverat quicquid alii aut iam dixerant, aut quan-
doque dicturi erant.

Illustratus locus Tibulli.

C A P. VII.

Distichon est Tibulli ad amicam: (r)
Tunc veniam subito, nec quisquam nuntiet ante,
Sed videar caelo missus adesse tibi.

Cuius priorem partem interpretati sunt alii ex Plutar-
cho. Eam videlicet Romanorum fuisse consuetudinem
ut domum ex peregrinatione redituri, praemitterent,
qui uxoribus nuntiarent ipsos adventare, sive ut illae
se diligentius ad viros decenter excipiendos praepara-
rent; sive ne viri tamquam de illarum pudicitia dubi-
tantes, subito eas opprimere velle viderentur; sive, ut
quidam alii dixerunt, ne repentina vis gaudii ex subi-
to virorum adspectu eas graviore aliquo incommodo
adficeret. Sed ad posteriorem versum nemo adhuc,
quod sciam, quidquam notavit, quo is illustrior fieret.
Sciendum igitur est, fuisse illud vulgare loquendi ge-
nus, ut caelo missos dicerent, quos inopinato viderent.
Neque mihi hoc credi postulo, sed gravi & erudito
scriptori Minucio Felici, qui ita scribit in Octavio: *In*
hodiernum, inopinato visos, caelo missos, ignobiles & igno-
res, terrae filios nominamus.

Refutatum impudens et impium mendacium
Petri Criniti.

C A P. VIII.

Petrus Crinitus Florentinus patrum nostrorum me-
moriam libros aliquot scripsit De honesta disciplina,
de

de quibus in universum quid sentiam non habeo necesse dicere. Illud quidem certe negari non potest, multa in eis vulgaria pro reconditis, falsa pro veteribus legi. Quale est turpissimum illud & impudentissimum, ut ipse vocat, Senatus consultum, ex quo concinnavit caput octavum libri undecimi: quod nemo nisi plane obesae naris, non statim animadvertit, nihil prorsus redolere antiquitatis, sed aut ab ipso Crinito confictum esse, aut, quod credibilius est, a nebulone aliquo, qui ipsi Crinito illudere voverit. At hoc quidem non magni momenti est: nisi quod talia indigna certe erant quae referrentur in eos libros, quorum inscriptio honestam disciplinam polliceretur. Illud gravius & acriori reprehensione dignum, quod veritus non est optimo & religiosissimo imperatori Theodosio violatae Religionis crimen adingere. Etenim libri noni cap. 9. tradit Valentem & Theodosium Augustos ita scribere ad Eudoxium praefectum praetorio; & si ipse quidem Eudoxium non nominat: *Cum sit nobis cura diligens in rebus omnibus superni numinis religionem tueri: Signum Salvatoris CHRISTI nemini quidem concedimus, coloribus, lapide, aliave materia fingere, insculpere, aut pingere. Sed quocumque reperitur, tolli iubemus, gravissima poena eos multando, qui contrarium decretis nostris & imperio quidquam tentaverint.* Atque id referre se ait ex libris Augustalibus: ita enim, inepta quadam ostentatione, Codicem Iustinianum vocat; nolens eum usitato nomine appellare, ut reconditos aliquos libros tractare videretur. Sed profecto dignus fuit, qui falsi poena plecteretur ausus sanctissimae Constitutionis verba corrumpere, & eam ad impietatem detorquere. Ita enim legitur In Codicis Iustiniani libro primo, titulo octavo: *Impp. Theod. & Valent. AA. Eudoxio PP. Cum sit nobis cura diligens, per omnia superni numinis religionem tueri: Signum Salvatoris CHRISTI nemini licere vel in solo, vel in silice,*
vel

vel in marmoribus humi positis insculpere vel pingere : sed quodcumque reperitur , tolli , gravissima poena multando eo qui contrarium statutis nostris tentaverit , specialiter imperamus . Dat. xii Kal. Iun. Hierio & Ardaburio Coss. Ac ne quis fortasse putet, aliam veterum librorum scripturam fuisse, habeo ipse Codicem scriptum annos ab hinc fere sexcentos, in quo plane eodem modo, ut in vulgatis, legitur. Licuerit fortasse Crinito in rebus ludicris ac levibus leges ac Senatusconsulta confingere , certe in re ad cultum divini numinis pertinente, imperatoris memorabili pietate ac religione praediti constitutio corrumpenda non fuit.

Puerorum lusus quibus maximi momenti negotia praesignificata sunt.

C A P. IX.

Solent pueri interdum colludentes imitari ea quae maxime seria sunt; neque raro animadversum est, eorum ludicris quandam futurae fortis ac condicionis significationem contineri. Romulus certe, cum adhuc ignarus suae originis inter pastores educaretur, rex ab illis per ludum creatus, & per eam occasionem ad magnum patrum ductus, puerilis simplicitatis praesagitionem re ac factis comprobavit. Quod ipsum & de Cyro aliisque proditum novimus. Sed & L. Septimium Severum, qui postea Romano imperio praefuit, tradit Spartianus, cum adhuc puerulus esset, nullum alium ludum inter pueros exercuisse, nisi ad iudices, cum ipse praelatis fascibus ac securibus, ordine puerorum circumstante, federet ac iudicaret. Quod autem his omnibus multo maius ac praestantius est, sanctissimo viro Athanasio summus ordo in Ecclesia Dei puerili quodam ludo praesignificatus est. Nam cum cum aequales sui, festo quodam die in littore maris collu-

colludentes, Episcopum creassent, & ad eum alios quosdam puerulos nondum baptizatos perduxissent: ipseque eos, observatis ad unguem omnibus Ecclesiasticis ritibus salutari aqua tinxisset: Alexander episcopus Alexandriae, qui totum illum ludum eminus spectaverat, atque etiam a principio iniquo animo tulerat, cum, vocatis ad se pueris, rem totam diligenter cognovisset: pronuntiavit; pueros illos rite baptizatos videri, neque amplius baptizandos esse; adiicienda tantum ad illud mysterium ea, quae more atque instituto Christiano a sacerdotibus obiri oporteret. Eius autem Alexandri, S. Athanasius successor fuit. Neque absimile est, quod de S. Ambrosio Episcopo Mediolanensi S. Paulinus Nolanus Episcopus memoriae prodidit, eum adhuc puerulum solitum esse quasi per iocum manus sororibus suis osculandas dare; cum sacerdotibus eum honorem ab illis tribui videret; nam se aliquando Episcopum fore.

*Locus Demosthenis a Cicerone, singulari
artificio expressus.*

C A P. X.

Non quicquid more fit, iure fit, aliudque multo est, solere aliquid fieri, & aliud licere. Et haec tamen turpiter factis excusatio plerumque praetexti solet, neque fere quisquam est quin iniuriam sibi fieri putet, quod alii complures diu impune fecerunt, si a se potissimum eius ulciscendi ducatur exordium. Sed acerrimus ac pugnacissimus oratorum Demosthenes, quem perurbane amicus quidam meus Aristotelem oratorum vocat, quod, ut in Aristotele, ita in Demosthene nihil otiosum, nihil redundans reperiatur, densa & compacta omnia & nervorum ac virium plena, is igitur graviter labefactat ac concutit hanc rationem defendendi, eiusque funda-

fundamenta, impacto huius vehementissimi enthymematis quasi ariete quodam subruit: ἐγὼ εἴ τι πρόποτε μὴ καὶ τὰς νόμους ἐπαράξῃ, σὺ δὲ τοῦτο ἱμιμήσω, διὰ τοῦτο προθύγοις ἂν δικαίως, ἀλλὰ πολλῶν μᾶλλον ἀλίσκοις. ὥσπερ γὰρ εἴ τις ἐάλη, σὺ ταῦτα οὐκ ἂν ἔγραψας, ἕτως ἂν σὺ νῦν ἀλῶς, ἄλλος οὐ γράψῃ. Quae ita Latine reddita sunt a Fabio: Non enim si quid unquam contra leges factum est, idque tu es imitatus, idcirco te convenit poena liberari: quin e contrario damnari multo magis. Nam ut si quis eorum damnatus esset, tu haec non scripsisses: ita si tu damnatus fueris, non scribet alius. Summus autem Latinus orator, ut peritum imitatore decet, vim quidem ac pondus sententiae retinuit: sed eam, toto dicendi genere immutato, suam fecit. Ita enim scribit libro tertio accusationis: Quid igitur dicet? fecisse alios? quid est hoc utrum crimini defensio, an comitatus exilio quaeritur? Tu in hac repub. atque in hac hominum libidine, & ut adhuc habuit se status iudiciorum, etiam licentia, non ex iure, non ex aequitate, non ex lege, non ex eo quod licuerit, sed ex eo quod aliquis fecerit, id quod reprehenditur, recte factum esse defendes? & paulo post: Ut ego adsentiar orationi, defensionem tamen non probabo. Potius enim de damnato, caeteris angustior locus improbitatis defendendae relinquetur, quam te absoluto, alii, quod audacissime fecerunt, recte fecisse existimentur. Talium exemplorum collatione velim studiosis eloquentiae adolescentibus veram & rectam imitandi rationem indicari; non ut plerisque fieri video; qui cum, sicut picæ & psittaci, easdem voces reddiderunt, magnos se luculentorum scriptorum imitatores arbitrantur;

Oleum numquam congelare: contra quam a Gellio proditum est.

C A P. XI.

SAepenumero miratus sum quaestionem quam Gellius

lius libr. XVII. (s) propositam esse dicit in coena Athenis apud philosophum Taurum, cur oleum saepe & facile, vina rarius congelascant. Ac doluit mihi quod puer ille qui emptum oleum ierat, tam cito rediisset, aut non alicubi guttum fregisset in via; erat enim tanti, corrumpi ollam illam lentis Aegyptiae, & cucurbitae, dum quaestiones quae propositae erant, explicarentur. Saltem olla vacua, pleno ventre rediissent ad disputationes institutas, sed, ut opinor, una cum olla deferbuerat etiam ardor disputandi. Equidem ita semper accepi ab iis quibus omnis prope census in oleo est, oleum frigore crassescere quidem, sed nunquam congelascere. Quin & ii qui congelare usquam negant mare, inter caeteras eam quoque causam adferunt, quod innatet mari pinguis quidam & olei similis humor. Et Heracleo in Iliados ↓, nunquam ait congelare oleum, propter calorem qui ei admixtus est: τὸ ἔλαιον, inquit, οὐκ ὑπερυφαλλοῦται, πολὺ ἔχον ἐν αὐτῷ τὸ θερμὸν. Et hoc philosophus Taurus cognoscere potuerat ex Aristotelis libro quarto Meteorologicon, ubi docet summus Philosophus, οὔτε ὑπὸ ψυχροῦ πήγνυται τὸ ἔλαιον, οὐ τε ὑπὸ πυρὸς, ἀλλὰ ὑπὸ ἀμφοῖν παχύνεται. Propterea quod aeris plenum sit; ex quo etiam fieri, ut aquae innatet; quod ipsum tradit & libro secundo De generatione animalium, ubi ita legitur, ἐν τοῖς ψύχεσι δὲ καὶ πάγοις παχύνεται τὸ ἔλαιον, πήγνυται δ' οὐ. διὰ μὲν γὰρ θερμότητα οὐ πήγνυται, ὁ γὰρ αἰὲρ θερμὸν καὶ ἄπικτον. Ac dicerem, Gellium ita intellexisse non plane in crustam concreescere oleum, sed crassius ac densius fieri, nisi puerum aperte utentem fecisset verbo κεραιώσεται.

Iucunda narratio super ambiguitate voculae cuiusdam quae duobus eruditissimis hominibus errorem obiecit.

C A P. XII.

Interpretabar nuper publice librum Senecae, quo sanctus ille Philosophus quaerit, quare mala bonis viris accidant, cum sit Providentia. Cumque ventum esset ad eam partem in qua ipse graviter infectatur luxum temporum suorum, accidit, ut ego quoque in eo loco tractando enumerare multa genera peregrinarum avium quas veteres Romani e remotissimis totius orbis partibus petitas mensis inferre soliti essent. Venit ad me triduo post unus eorum qui tum interfuerant, homo & suo iudicio eruditissimus, & meo non ineruditus. Isque cum aliquot e familiaribus meis mecum una esse vidisset, dissimulanter quidem, sed ita tamen ut artificium appareret, coepit operam dare ut sermo noster, aliis de rebus susceptus, in mentionem eius disputationis quae triduo ante a me habita erat, sensim delabere-tur. Tum quasi occasionem nactus ostentandae eruditionis suae: Nollem, inquit, a te tum praetermissam unius avis mentionem, ex qua una inexplebilis veterum libido in exquisitis dapibus conquirendis vel maxime cognosci poterat. Quam, quaeso? inquam. Phoenicem, inquit ille. Obsecro te, etiam Phoenicem illi esitabant? certe inquit. Neque multi, inquam, neque saepe id facere paterant aiunt enim eam avem unicam toto orbe reperiri, & vivere annos, opinor, sexcentos sexaginta, & cum ipsa sibi rogam construxerit, funusque fecerit, tum eodem illo ex rogo renasci; Sed ego figmenta esse illa poetarum putabam. Tu vero, quem, ut illos rarae inventu dapes, ita omnia in studiis rara & exquisite dalestant, ede nobis nomen gulonis illius, qui tanti putaverit palato gratificari, ut tam pulchram

avem

avem in perpetuum sustulerit . Certe enim cum unica toto orbe sit , neque nisi ex se renascatur , interfecta una . totum genus extinctum est . Atque ea fortassis causa est , cur nullus iampridem Phoenix reperiatur . Ludis tu quidem , inquit ille , & solita illa tua dissimulatione uteris , sed si tum inspexisses librum Plutarchi De valetudine tuenda , didicisses ex eo , istius avis , quam tu nullam esse putas , cerebrum dulce quidem esse , sed dolorem capitis inducere , quod tam gravis auctor nunquam prodidisset , nisi saltem ab iis qui id gustassent , audisset . Istud vero , inquam , magis etiam mirum fuerit , qui semel eum cibum gustassent , neque enim potuerit saepius tam cito , & tam distincte naturam illius percipere potuisse . Nam ego ita ex Aristotele didiceram , e memoria eius quod saepe eodem modo contigisset , experientiam , e multis autem , (scio hoc Latinum non esse , sed dabitis veniam) experientiis artem effici . De isto , inquit , tu videris , mihi satis erit , si tibi Plutarchi locum ostendero . Simulque librum e sinu protulit , in quo cum aliis quibusdam erant & *ὕμνη* Plutarchi , Erasmo , ut puto , interprete : nomen enim ita deletum erat , ut tamen ex ductibus litterarum agnosceretur . In eo autem ita plane scriptum legebatur : *Nam Phœnicis cerebrum cum sit admodum dulce , tamen aiunt capitis dolorem parere .* Homo igitur qui eam unam ob causam venisset , atque id unum operis habuisset , cum dicto , vix salutatis nobis , causatus sibi nescio quid negotii esse , discessit . Eo digresso visum est iis qui aderant , etiam Xylandri interpretationem inspicere . Is autem ita locum illum reddiderat : *Cerebrum Phœnicis dulce admodum est , sed dolores capitis inducere fertur .* Tum ego , Una , inquam , Graeca vox paulo negligentius expressa , videte , quantum errorem & sodali illi nostro , qui modo discessit , fortasse etiam aliis obiecerit . *φαίνε* enim Graece palma est cuius arboris non tantum fructus esui sunt , sed etiam medulla ,

quam & Graeci ἐγκέφαλον, & Latini cerebrum vocant. De illa autem loquitur Plutarchus non de Phoenicis commenticiae avis cerebro. Theophrastus libro secundo περὶ φυτῶν, ubi de Palmarum generibus agit: καὶ τὸ ἐξαίρετόν τῷ ἐγκέφαλῳ, ζῶν. καὶ κοπέντες ἀπὸ τῶν ῥιζῶν παρὰ βλασάνων. Plinius: Sunt & caeduae Palmarum quoque filvae germinantes rursus ab radice succisae. Dulcis medulla earum in culmine, quod cerebrum appellant: exemptaque vivunt, quod non aliae. Meminit & Galenus libro octavo de Facultatibus simplicium medicamentorum, & alii. Quod autem hic ait Plutarchus e Xenophonte videlicet sumpsit apud quem id relatum est libro secundo Anabaseos.

*Quiddam de Urforum adipe dictum a Theophrasto,
non satis ex fide a Plinio relatum videri.*

C A P. XIII.

Videtur Plinius non semper inspexisse veterum libros, cum quae ab eis scripta erant, referre vellet: sed interdum nimis fidens memoriae suae quaedam non satis fideliter tradidisse. Quale est quod scribit libro octavo, Theophrastum credere, certo quodam tempore anni, quo latere urfi & supra modum pinguescere, altissimo somno oppressi solent, costas quoque eorum carnes, si asserventur, increfcere. Neque enim id Theophrastus de costis carnibus, quod prorsus incredibile est, sed περὶ σιᾶτος, id est, de adipe dixerat. Adscribam verba nobilissimi Philosophi ex libro de odoribus, ut ea politissimus & accuratissimus interpret Turnebus reddidit: ita enim nunc quidem malo, quam Graece: *Huiusmodi autem naturae consensio atque contagio in aliis etiam quodammodo evenit. Vinum enim cum uva efflorescens tentari videtur: & allia cepaeque tum acerrimi sunt odoris*
cum

cum in terra germinant . Sed praeterea accidit , ut una etiam ipsa germinet : atque omnino omnia quae tunicata constant radice modo non exaruerint germinationis tempore moventur : cum insita cuique vis sollicitetur & excitetur . Sed omnium istorum admirationem facile superat , quod in adipe Ursino evenit, qui latebrarum tempore exundant, intumescensque vasa implet . Theophrasti verba paulo altius repetii, ut e similium collatione magis intelligeretur , id quo de agebatur .

Cur maior in nonnullis civitatibus, quam in aliis, existere fortium virorum copia soleat, ex Hippocrate explicatum.

C A P. XIV.

QUOD lauti ac sumptuosi homines facere in cibis solent , ut iis quae in mari nascuntur , magis in mediterraneis, quam in maritimis locis gaudeant: contraque cum in mari versantur , iis vescantur libentius, quae nisi incontinenti reperiri non solent, ut ipsa peregrinitas pro condimento esse , & cibis praecipuam quandam gratiam conciliare videatur : idem ego in studiis interdum facio : & si quid aut apud grammaticos , quod ad ius civile aut apud physicos , quod ad politicen ; aut denique apud quemque, quod ad aliam artem quam eam , quae ab eo praecipue tractatur , pertineat , reperio , eo mirifice capior: multoque magis afficior , quam si id ipsum reperissem apud alium scriptorem , cuius ea tractatio propria esset. Ut nuper , cum quaestionem politicam , & magni quidem momenti , deprehendi a principe medicorum Hippocrate verissime ac sapientissime explicatam . Cum enim constet maiorem copiam virorum fortium existere solere in civitatibus liberis , quam in iis quae unius dominatu tenentur : ut in historiis veteribus

multo plures legimus Athenienses Lacedaemonios, Romanos; quam Assyrios, Persas, Medos, fortitudinis laude excelluisse: quaeri non iniuria potest, quae id caussa efficiat. Ait igitur Hippocrates, id ex eo evenire, quod homines pro suis quam pro alienis commodis, pro sua quam pro aliena gloria, longe alacrius atque animosius pugnant. In iis autem civitatibus, quae suis legibus vivunt, si quid bello partum sit, eius intelligit quisque civium aliquid ad se pro virili parte pertinere. At ubi summa rerum omnium penes unum est, ibi labores quidem militares, & pericula, & vulnera, & caedes pertinent ad eos qui imperio subsunt: gloriae autem & imperii amplificatio, & omnis denique fructus qui ex victoria capitur, ad eum unum redit, qui caeteros oppressos tenet, eosque habet in mancipiorum aut in pecudum loco. Haec in hanc fere sententiam disputantur ab Hippocrate in libello, quo explicat. Quid efficiant caeli, aquarum & locorum varietates.

Bacides tres.

C A P. XV.

Recte iudicavit P. Victorius, apud Aristotelem in Problematis, ubi vulgo legebatur, *οἱ βακχίδες καὶ Βακχίδες*, legendum esse, *Βάκιδες*. Sed non veram causam reddidit, cur Aristoteles Bacidas ac non potius Bacidem dixerit. Putavit enim, unum quidem fuisse Bacidem: sed numero multitudinis, nota figura usum, summum Philosophum dixisse *Βάκιδες*, cum intelligeret non illum solum, sed caeteros omnes eius generis atque illi similes. Id autem secus est. Duo enim Bacides fuerunt: quorum uterque futura praenoscere ac praedicere putabatur. Docet id Clemens Alexandrinus, cuius haec verba sunt e primo *γραμματίων*. *Ἡ δὲ καὶ παρ' Ἑλλήσι χηρηματολόγοι συχνοὶ γεγονέναι φέρονται, ὡς οἱ Βάκιδες, ὁ μὲν Βοιωτῶν, ὁ δὲ*

δὲ Ἀρκὰς πολλὰ πολλοῖς προαγορεύσαντες. Sed & tertium Atheniensem addit Philetas apud Suidam. Boeotii tamen frequentissima apud veteres mentio.

Locus Virgilii e Thucydide effictus.

C A P. XVI.

Qui collegerunt indicaruntque locos Virgilii ex aliis scriptoribus expressos, ad illum versum ex quarto Aneidos, (x)

ille dies primus lethi, primusque malorum

Causa fuit,

alii alia notarunt. Ego autem existimo, Virgilium habuisse tunc in animo dictum Melesippi Spartiatae, qui principio belli Peloponesiæ cum ad pertentandos animos Atheniensium missus esset: cumque illi inauditum statim ad suos redire iussissent, ex Atticæ finibus excedens dixisse fertur illum diem Græcis magnorum malorum principium fore. Qua de re ita Thucydides libro secundo. ὁ δὲ ἡμεῖς δὲ οὐκ ἔστιν ὅτις ὁρῶντες ἰγένετο, καὶ ἐμελλε διαλύεσθαι, ποσὶν δὲ εἰπὼν ἐπορεύετο, ὅτι ἡ δὲ ἡμέρα τοῖς Ἕλλησι μεγάλων κακῶν ἀρχή. Fuit autem Virgilius gravissimi illius rerum scriptoris studiosissimus: ut multis certisque argumentis pervinci facile potest.

*Probam vocem esse, Exanclare, & temere
ab aliis damnatam.*

C A P. XVII.

EXantlandi verbum numquid a Latinis scriptoribus usurpatum sit, pro certo & explorato statuere non auserim. Si quis tamen ex me, quid sentiam, roget, peregrinum esse existimo: & Græce quidem recte dici ἐξαντλῆν: sed Latine loquenti *exanclare*, non *exantlare*, dicendum. Quo magis miror, quid acciderit cuidam,

Y 3

qui

(x) Vers. 169.

qui eam vocem, ipsa enim hominis verba ponam, neque ab ulla Latina, neque ab ulla Graeca voce originem habere posse, & ex totius linguae Latinae finibus ablegandam esse, audacter pronuntiavit. Poterat certe, quin tam multis locis alienam in hoc genere audaciam accusat, ipsemet modestius loqui. Sed non est novum, ut quo quisque vitio maxime laborat, eius se in aliis acerrimum ac vehementissimum reprehensorem profiteatur. Ἀγκύλον curvum est, & inde est *angulus* & *ancylia*, scuta ut ait Nonius, grandia, & *ancyle* ut ait Hesychius, poculi genus, id est, ut ego arbitror, scutella, & inde est Latinis *ancularé* id est haurire: & συγκακομένον *anclare* & *exanclare*, id est, exhaurire, eadem forma, qua *populum* *propopulo*, & talia multa dicebant. Neque haec vel ex Festo & Nonio ignota esse debebant. Itaque apud Paulum, Ciceronem, aliosque scriptores Latinos ubicumque *exanclare* legitur, una littera mutata *exanclare* legendum puto.

Emendatus e Plauti Bacchidibus locus.

C A, P. XVIII.

THesaurum quendam malorum Plautinae fabulae continent: ita quo plura in eis: hucera coeunt, ac confanescunt, eo plura erumpunt ac deteguntur. Itaque non est verendum, ne istis, qui ex veterum scriptorum emendatione ingenii gloriam accupantur, quid agant, desit. Ut omnes omnia conferant, unus eis Plautus satis superque negotii usque & usque exhibebit. Quando igitur nos quoque in eis quorundam opinione censemur, agedum, opis ei aliquid pro nostra virili parte quantula ea cumque est, adferamus. Mnēsilochus in Bacchidibus cum amorem suum, quem per literas sodali Pistoclero, commendarat, recte & cum cura ab eo procuratum esse audiisset: itemque bonam sibi operam a servo Chrysale datam in reperienda techna, qua patrem argento

argento interverteret, negat, committendum sibi esse ut ingratus habeatur: ideoque diligenter sibi videndum, quomodo gratiam Chrysalis referat. Id exponit his versibus: (9)

*Nam ut in Ephesum hinc abii, hoc factum est ferme ab-
hinc biennium.*

*Ex Epheso huc ad Pistoclerum meum sodalem litteras
Misi, amicum ut mihi inveniret Bacchidem. Illum intelligo
Invenisse, ut servus meus mihi nuntiavit Chrysalis.*

*Condigne is quam tecum de auro adversum meum fecit
patrem,*

Ut mihi amanti copia esset. Sed eccum video incedere.

Sed quis, quaeso, ille est, quem ait videre se incedere? certe enim neque patrem suum, neque sodalem, neque Chrysalum videt: quos nominarat unos. Atque hoc non modo non emendavit is qui se Lynceum, caeteros Hypsaea caeciores putabat, sed ne mendum quidem subesse animadvertit. Legendum autem videtur hoc modo:

Sed aequum id ei reddere.

idque aperte declarant, quae statim subiicit:

*Nam pol meo quidem animo, ingrato homine nihil im-
pensu' st.*

Illa autem depravata scriptura extitisse videtur ex eo quod paulo post scriptum est:

*Utut eris, moneo, haut celabis. Sed eccos video incedere
Patrem sodalis, & magistrum. Hinc auscultabo, quam
rem agant.*

*Loci aliquot veterum scriptorum apud
Nonium emendati.*

C A P. XIX.

CORpora nostra vi animi moveri, ex se autem immobilia esse dixerat Varro, Mutuum muli scabunt. Cuius

Y 4

ea de

ea de re verba citantur a Nonio, sed ita depravata, ut difficile sit eorum sententiam consequi. Leguntur autem in voce Grallatores, hoc modo; Grallatores, qui gradiuntur grallis, quae sunt perticae lignae ab homine isto qui in ista tanguntur, sicilianim i nostri sunt, galeae crura ac pedes nostri efficere *χλντοι*: sed ab animo moventur. Puto autem ita emendari posse, partim veterum librorum auctoritate, partim coniectura fretus: Quae sunt perticae lignae sine animo; sed ab homine, qui in iis stat, agitantur. Sic illi animi nostri sunt: grallae, crura ac pedes nostri, ex se *χλντοι*: sed ab animo moventur. Aliter divinat Iunius. Erit igitur aliorum iudicium. Addam & corollarium ex eodem grammatico in voce Deprecor: ubi enim legitur, Ennius: Eripite o cui nunc aerumnam a libertate para quibus servitutem meam miseram deprecor: ita emendat Iunius;

Ennius: Eripite o cives quibus
Nunc aerumna mea libertatem paro,
Quibus servitutem mea miseria deprecor.

Ego, Ennius Erechtheo;

Quibus nunc aerumna mea libertatem paro.

In caeteris Iunium sequor. In voce Obscenum; versus Lucilii ita lego;

Vos ite adfuturum, atque opere magno edicite
Per urbem, ut omnes, qui arcem astuque accolunt,

non, ut Iunius. Arpinam & Arsam: quorsus enim necesse est, praecones, quibus per urbem aliquid edicendum est, in Elidem & in Hispaniam mittere? Video haec quam levia & pusilla sint: sed, ut horum temporum mos est, talia multa ab aliis quoque in censum deferuntur.

De Nili & Istrum magnitudine non idem videri sentire Sallustium, & Arrianum. Tum poenae cuiusdam militaris ratio aliter, quam a Gellio, explicata.

C A P. XX.

TRia maxima Europae flumina esse Nilum, Istrum, & Rhodanum, (z) traditum est : sed principem locum omnes tribuunt Nilo . Ab eo autem secundum Istrum facit Salustius . At Arrianus Istrum omnium maximum esse adfirmat his verbis : Ἀπὸ δὲ τῆς μάχης τριτάτος ἐφικνέται Ἀλέξανδρος ἐπὶ τὴν πόταμον τὴν Ἰστρον, ποταμῶν πρὸς τὴν Εὐρώπην μέγιστον ὄντα καὶ πλεῖστον γλῶσσε περιέχοντα . Hoc igitur appingi poterit ad ea quae de his fluminibus tradidit Gellius capite septimo libri decimi . Sed & hoc, quod dicam , adiici poterit ad id caput eiusdem scriptoris quod proxime sequitur , Ibi enim sanguinis missionem narrat fuisse olim inter ignominias militares : neque causam eius rei ullam a veteribus proditam esse . igitur putare id factum , quasi minus sani viderentur omnes qui delinquerent : ob idque tali purgatione egerent . Ego autem potius id factum puto ut sanguinem quem cum gloria fundere pro patria noluerant , cum ignominia amitterent ,

(z) A. Gellius l. 10. c. 7.



MARCI ANTONII MURETI
I. C. AC CIVIS R.

VARIARUM LECTIO- NUM

LIBER DECIMUSQUARTUS.

*Duo gravissimorum scriptorum loci, quorum in
utroque eadem macula haeserat, emendati.*

C A P. I.

VEreor interdum, ne sint quibus hoc totum scrip-
tionis genus leve ac contemnendum esse videatur, quod ad maculas e veterum libris eluendas refertur. Ut enim vera sint quae scribimus; fere tamen, simulatque quis unam aut alteram litteram vocemve in libro suo aut mutaverit, aut deleverit, aut addiderit, ita singula horum librorum capita concerpat licet: ut quorum vix usus praeterea ullus esse alius possit. Sed tamen si quis secum reputet, primum, quantam utilitas ex veterum scriptorum lectione capiatur, deinde, quantam difficultatem depravata scriptura illorum studiosis exhibere soleat, magnam gratiam habendam esse iudicabit iis, qui suo labore laborem aliis minuunt, & in quibus ipsi fortassis aliquando haesitarunt, in eis ne alii quoque haesitent, elaborant. Quae ipse fretus, subsecivis horis, eorum librorum, quibus olim usus sum, oras inspicio, & si quid in eis notatum video, quod usui etiam aliis esse posse arbitrer, colligo: atque ita haec qualiacumque concinno: ut, si minus ipse

ipse de meo excudere possum digna quae legantur, at certe aliquid efficiam, quo ii qui lectione digna scripserunt, facilius intelligantur. Nunc igitur duos locos indicabo, quorum in utroque. *διάνοια* legitur, cum utrobique *ἄνοια* legi debeat, idque eo libentius faciam, quod in utroque & eruditissimi interpretes lapsi sunt: neque id isti animadverterunt, qui, quasi ipsi nusquam offendant, exultant in aliorum erratis, eaque mimico orationis genere tam cupide persequuntur. Eorum prior est apud Thucydidem lib. sexto, in oratione qua Alcibiades adversus Niciam de mittendis in Siciliam copiis differit. Cum enim prior eum tetigisset Nicias, quod maiores sumptus quam pro re faceret: respondet delicatus ac sumptuosus adolescens sumptus illos ad ostentandam externis hominibus civitatis magnitudinem ac potentiam pertinere: neque illam imprudentiam inutilem esse (ita enim *εἰρωνευόμενος* vocat) cum quis sumptibus suis non sibi solum prodest, sed etiam civitati. Verba eius haec sunt: καὶ ἐκ ἀρχῆς ἢ δ' ἄνοια, ὅς ἔν τῷς ἰδίῃς τέλει μὴ ἑαυτὸν μένον, ἀλλὰ καὶ τῷ πόλει ὠφελῇ. Ita enim legendum esse, non ut omnes pervulgati libri habent, *διάνοια* vel de scholiis Graecis intelligi poterat, in quibus ita notatum est: *εἰρωνεύεται ὁ Ἀλκιβιάδης, λέγων ὅτι εἰ καὶ ἀνέητο φαίνομαι τινι, ἀλλ' οὖν τῇ πόλει ἐκ ἀρχῆς ἢ μου ὅτι ἢ ἄνοια, ἀλλὰ καὶ ὠφελίμῃ*. Idemque plane confirmur, quod in eadem oratione haud ita multo post legitur: καὶ ταῦτα ἢ ἐμὴ νεότης καὶ ἄνοια παρὰ φύσιν δουλοῦσα εἶναι, ἐς τῷ Πελοποννησίων διώματι λόγοις τε πρέπουσιν ὁμίλῃσι, καὶ ὀργῇ πῖσιν παραχομένη ἔπαισι. Alter locus est in libello, qui Plutarchi quidem non videtur, sed inter ipsius opuscula tamen legitur, De liberis educandis: ubi graviter peccare ostendit eos, qui parvulos quidem liberos sub magistris ac paedagogis habent: sed puberes iam factos, suo more ac modo vivere patiuntur: ait enim, eos non animadvertere, se in eo imprudentiae

dentiae ac temeritati licentiam ad faciendas iniurias dare. Atque hoc exponit his verius, ὥδ' οἱ μὴ τῆς ἡλικίας ταύτης ἐρρωμένως ἀντιλαμβάνομενοι, τῇ ἀνοίᾳ διδόντες ἐξουσίαν ὅτῃ τὰ ἀδικήματα λαμβάνουσι. Sed hic quoque τῇ διανοίᾳ perperam in vulgatis libris legitur.

Illustrati loci duo ex Aeneide.

C A P. II.

Nihil temere aut inconsiderate a Virgilio dicitur: omnia propriis & accommodatis ad id quod agitur vocibus exprimuntur: & ubi minime putes, aliquid plerumque reconditae eruditionis latet. Ut in illis versibus e sexto Aeneidos: (a)

*Sed non ante datur telluris operta subire,
Auricomos quam quis decerpserit arbore fetus.*

nemo, quod sciam, veterum, ac ne Fulvius quidem aut Guellius notarunt, cur *operta telluris* dixerit. Bonam deam & Tellurem eadem esse, vel ex Macrobio (b) constat. Ubi autem Bonae deae fiebat, opertum vocabant, quo viris ingredi nefas erat. Cicero primo Epistolarum ad Atticum: (c) *Quasi in operto dicas fuisse*. Et in Paradoxis: *Ut, si in opertum Bonae deae accessisses, exulares*. Iam igitur constat, cur *telluris operta* dixerit. Sed & in illis e quinto versibus: (d)

*Stans procul in prora pateram tenet, extaque salsos
Porricit in fluctus, ac vina liquentia fundit.*

ut veterem esse illam porriciendi exta in mare consuetudinem notarunt: ita vellem, aliquid de fundendi meri consuetudine notassent. Poterant autem e Thucydidis libro sexto: ubi Nicias, Lamachus, & Alcibiades solventes e Piraeo aureis & argenteis pateris vinum in mare fudisse dicuntur. Verba scriptoris omnium gravissimi haec sunt: κρατῆρας τε κέραντας παν' ἅπαν τὸ σπλάτυμμα, καὶ ἐκπώμασι χρυσοῖς τε καὶ ἀργυροῖς, οἷτε ἐπιβάται καὶ οἱ ἄρχοντες

(a) Vers. 140. (b) 1. SATUR. 12. [c] Epist. 13. Parad. 4. (d) Vers. 765.

χρῆτες ἀντίδοτες. Quod & a Diodoro libro tertio decimo bibliothecae, in eiusdem historiae explicatione memoriae proditum est.

*Emendati loci aliquot e tertio libro Ciceronis
De officiis.*

C A P. III.

Ciceronis e lib. tertio De officiis verba sunt: *Tollendum est igitur ex rebus contrahendis omne mendacium. Non licitatorem venditor, nec qui contra se liceatur, emptor apponet. Uterque, si ad loquendum venerit, non plus quam semel loquetur. Quibus in verbis memini ab eruditis hominibus dubitatum esse, cur diceretur emptor neminem, qui contra se liceretur, appositus. Certe enim solent interdum venditores in auctioribus licitatore aliquem apponere, qui se emere velle simulet, & pluris liceatur ea quae venum exposita sunt, quam quanti sunt, ut eo modo caeteri emptores iuducantur. Atque hoc saepe fieri vidimus. Emptor autem cur, quales, quemquam, qui contra te liceatur, apponat? Id enim si faciat, obstabit sibi: neque hoc dubium est, quin qui emere aliquid vult, illud potius optare debeat, ut nemo, qui contra liceri velit, reperiat. Quare si qui contra se liceatur apponat, non sibi consulet, sed venditori. Quid igitur est? Multa ab istis παρὰ διόφθαρται allata sunt, quae qui accurate refellere velit, ridiculus sit, ita sunt ridicula ipsa & levia. Peccatum hic est, ut & in aliis libris saepe, & in Pandectis Florentinis saepissime, ut semel tantum positae sint litterae, quas geminari oportebat. Legendum enim est, qui contra se liceatur, id est, qui contra se liceatur. Ut enim venditor dolose apponet, qui pluris liceantur, ita emptor qui minoris, ut sibi facilius res addicatur. Assen autem pro minimo pretio veteres saepe dicebant, eoque nomine in rebus*

bus extenuandis & abiiciendis utebantur. Socrates apud Varronem: (e) *Asse vinum, asse pulmentarium*. Cato, *Quod non opus est, asse carum est*. In ludicro poemate *Non assis faciunt, euntque recta*. Catullus: *Omnes unius aestimemus assis* Horatius, *In trivis fixum qui se demittit ob assem*. Persius: *Et centum Graecos curto centusse licetur*. (f) *Age igitur liberi*, est pretium rei extenuare & abiicere; quod qui faciat, si emptor apponat, improbe eum facturum Cicero putat. In eodem libro quod vulgo ita legitur, *ut omnes simul in rostra post meridiem descenderent*, vetus liber meus habet, *escenderent*. Recte omnino. Neque enim *descendere in rostra* discebant, sed *ascendere*. *Escendere* autem veteri lingua & *ascendere* idem est, ut alibi docui. In eodem libro ita legitur etiam in iis libris, qui ut hiantes inducantur emptores, cum totis plaustris librorum veterum collati esse dicuntur: *Nunc abeo ad vulgi opinionem, quae maior utilitas quam regnandi esse possit? nihil contra inutilius ei qui id iniuste consecutus sit, invenio, cum ad veritatem coepi revocare rationem*. Legendum autem hoc modo: *Nun habeo ad vulgi opinionem quae maior utilitas, quam regnandi esse possit. Nihil contra inutilius ei qui id iniuste consecutus sit, invenio, cum ad veritatem coepi revocare rationem*. Sed ut pisces sale, ita correctores isti correctore indigent. Quid autem est, quod in versu Ennii, qui eodem in libro citatur, *fides alma, apta pinnis* dicitur? Plerisque simulachris Deorum, ut Victoriae, ut Famae affingebant alas, ut Deos ubique praesto esse indicarent. *Apta autem pinnis* est *ἁπτα πτερόεντα*. Appuleius apologia prima: *Si verba, ita ut poetae aiunt, pinnis apta vulgo volarent*. Expressit autem illud Homericum, *ἁπτα πτερόεντα*. Attii autem versus eodem in libro ita legendus est:

Neque do infideli cuiquam, neque dedi fidem.

ut sit senarius.

Addam & alia, quae cum addidero, sic quoque alia super-

(e) Epig. 5. 1. Ep. 16. (f) Satyr 5. vers. 191.

pererunt: ita diligenter praeſtant iſti quae pollicentur. Ubi ergo de Epicureis ita ſcriptum eſt, *Dicunt enim voluptatis magnitudinem doloris detractiōe fieri: non fieri* legendum eſt, ſed *finiri*. Hoc enim dicebant Epicurei, ubi dolor detractus eſſet, finiri ac terminari, & quo verbo ipſi utebantur, *ἐπίλειπον* voluptatem: neque creſcere amplius, ſed variari tantum, id eſt, *ποιεῖν ἁλίστα*. Sed & paulo poſt, ubi vulgo legitur: *Nec vero finis bonorum & malorum qui ſimplex eſſe debet, ex diſſimilibus rebus miſceri & temperari poteſt*. Ibi ergo, ſi quis attente rem ipſam conſideraverit, animadvertet duas illas voces & malorum ab hominibus fortaiſſe minime malis, ſed certe non ſatis intelligentibus, additas eſſe.

Plinii locus emendatus.

C A P. IV.

R Iſi nuper Plinium legens, cum in ea, quae ille de Bonafſo refert, incidiſſem. Haec enim ipſius verba ſunt: (g) *Tradunt in Polonia feram quae Bonafſus vocetur, equina iuba, caetera tauro ſimilem, cornibus ita in ſe inflexis, ut non ſint utilia pugnae. Quapropter fuga ſibi auxiliari, reddentem & ſinum interdum trium iugerum longitudine, cuius contactus ſequentes, ut ignis aliquis, amburat*. Sane enim mirificum ſiphonem illius beſtiae eſſe oporteret, quo illa ſuum illud cauſticum ſtercus ad CXX. paſſus, tot enim efficiunt tria iugura, iacularetur. Quae autem balliſta aut quae catapulta cum illa ignivoma ſiſtula comparari poſſet? Sed modetiſtus Ariſtoteles, qui id ipſum referens, ait Bonafſum iacere ſtercoreum illud incendium *αἱς τέτταρας ἐργυῖας ἀπὸ τοῦ τοῦ*, id eſt, ad quatuor paſſus. Quare aut foede erravit Plinius, aut quod verius puto, peccatum eſt a librariis: & ubi legitur III. iugerum, legendum eſt IV. orgyiarum, Quod autem orgyiae nomen in Latine

tine loquentium consuetudine non esset, eam erroris causam fuisse librariis arbitror.

Plauti loci aliquot illustrati.

C A P. V.

EPicharmum Aristoteles, & post eum Demetrius in comentariolo *περὶ ἑρμηνείας*, risus captandi causa, interdum sententias quasdam ita conformasse, ut e contrariis constare viderentur, cum tamen in eis bis idem diceretur: quarum exemplum hoc uterque ponit: *Τόκα μὲν παρ' αἰνοῖς ἔγών μιν, τόκα δὲ παρ' καίνοῖς ἔγών*. Ita enim legendum est, ut trochaici metri ratio constet, quo gaudebat Epicharmus. Risum autem commovet illa stultitiae imitatio, καὶ τὸ παρὰ προσδοκίαν: cum auditor qui aliquid aliud expectabat, sua se spe delusum vider, quo in genere facetissimum est illud Ciceronis ad Atticum: (b) *Noli putare: pigritia facere me, quod non mea manu scribam; sed me bercule pigritia: nihil enim habeo aliud quod dicam, & tamen in tuis quoque epistolis Alexin videor agnoscere*, Plautus autem, quem dixit Horatius *ad exemplar Siculi properare Epicharmi*, & frequenter ita ludit, & interdum sine illa simulata contentione contrariorum, ridiculi causa eiusmodi enuntiationes ponit, in quibus, ut dialecticorum more loquar, idem sit τὸ κατηγορέμενον τῷ ἀποκρινόμενῳ; idque non numquam paulo aliis, non numquam etiam plane iisdem verbis. Sic ille in Curculione leno: (i)

Quoi homini di sunt propitii:

expectes dum dicat, ei omnia succedunt sub manum: aut aliquid eiusmodi. at ille,

ei inquit, non esse iratos puto.

quod tale est, ac si quis diceret, *Vinum quod album est, nigrum non esse arbitror*. Itaque ridicule quidam illic acu-

tus

[h] Lib. 16. Epist. 13 [i] Sc. Quoi hominis.

tus esse voluit, & argumentari eum, a contrariis dixit.
Simile illud e Sticho: [k]

*quanta mea sapientia est ,
E malis multis malum quod minimum est , id minimum
est malum .*

Talia erant illa quae ridentur in Stoicis: *Si dies est, dies
est . Est autem dies . Est igitur dies .* Cui enim dubium
esse potest, quin quod malum minimum est ; id sit mi-
nimum malum? Sed sunt quidam *μαρβόσσοι*, qui haec pe-
rinde accipiunt, ac si serio dicerentur . Simile est illud
e principio Captivorum: (l)

*Hos quos videtis stare hic captivos duos .
Illi qui stant hi stant, ambo, non sedent .*

Hoc enim dicit , eos captivos qui illic stant in conspe-
ctu omnium , eos igitur stare , non federe . Neque di-
ctum est , Hos tuos captivos , pro horum captivorum
duorum , ut quidam putat: sed talis verborum con-
structio est , qualis illa , (m)

*Urbem quam statuo , vestra est : & illa ,
Enuchum quem dedisti nobis ; quas turbas dedit ?
& in Amphitruone ,
Naucratem quem convenire volui ; in navi non erat .*

Deinde , quasi res dubia sit aut testibus egeat , itidem
risus caussa ,

Vos, vos, inquit, mihi testes estis, me verum loqui.

Ubi *Vos vos* , valet vosmetipsi : quomodo *meme* dici-
mus meipsum , & *tete* , teipsum . Haec omnia praeter-
missem , ut per se vel pueris nota , nisi istos sua &
quorundam opinione Lynceos nihil in eis vidisse vi-
dissem .

Z

Du-

[k] Pinacium Sc. Quimanes [l] Prolog. [m] 1. Aen. v. 171. Terent.
Eunuch. act. 4. sc. 3. Sc. Naucratem quem .

Dubitatum de iis quae tradit Gellius super vimuscorum cantuum in morbis quibusdam sanandis.

C A P. VI.

A Pud Gellium cap. XIII. libri quarti haec leguntur *Creditum hoc a plerisque est, & memoriae mandatum, Ischiaci cum maxime doleant, tum si modulis lenibus tibicen incinat, minui dolores. Ego nuperrime in libro Theophrasti scriptum inveni, viperarum moribus tibicinem scite modulateque adhibitum mederi. Haec Gellius: quae vereor, ut ab eo satis fideliter relata sint. Certe quidem Theophrastus non lenius modulis levare Ischiacos scripserat: sed harmonia Phrygia, quae omnium vehementissima est, & aptissima ad animos audientium divino quodam furore incitandos. Ideoque eam adhibebant in orgiis Bacchi & Berecynthiae. Et hoc est quod ait Catullus: (n)*

Tibicen ubi canit Phryx curvo grave calamo.

Et propterea ait Aristoteles tibiam adhibendam esse ἐν οἷς ἡ θεωρία κάθαρσιν μάλλον δύναιται ἢ μάθησιν. Quod non animadverterunt, qui eum Aristotelis locum interpretati sunt. Verum autem esse quod dixi de Theophrasto, constat ex his quae sunt apud Athenaeum libro XIV. ὅτι δὲ καὶ νόσους ἰᾶται μυκητὴ, Θεόφραστος ἰσορροπὴν ἐν τῷ περὶ ἐνθουσιασμοῦ, ἰσχιακὴν φάσκων ἀνόσους διατελεῖν, εἰ καταυλήσῃ τις τοῦ τόπου τῇ φρύγισι ἀρμονίᾳ. Sed & quod statim subiicit de morfu viperarum, vereor ne non de viperis scripserit Theophrastus, sed de iis phalangiis, quae hodie vulgo Tarantolae vocantur, quarum morfus hic Romae, quod sciam, innoxius. In Appulia si negligatur, lethalis est: neque aliud mali usitatus, aut exploratus remedium, quam in citharoedis & tibicinibus: quibus auditis, velut e gravi somno excitatus, qui morfus est attonitus & extra se positus saltare ac tripudiare incipit;

[n] *De Berecynthia.*

neque

neque unquam definit, dum ne illi quidem intermit-
tant, donec delassatus, ac sudore fluens, prope exani-
mis concidat. Hoc quidem & certissimum ac notissi-
mum est, & a praestanti medico Matthiolo litteris pro-
ditum. Apud Gellium autem eodem loco ubi legitur
περ' ῥοιμῶν ἢ λογικῶν, non dubium est quin ῥοιμικῶν, non
λογικῶν, legi debeat.

Quid significet vox περπερεύεσθαι.

C A P. VII.

Verbum περπερεύεσθαι, quo utitur M. Tullius in e-
pistola quadam libri primi ad Atticum: (verba
eius sunt: (Ego autem ipse, dii boni, quomodo ἐν περπερευ-
σάμῳ novo auditori Pompeio? quoque usus est & Paulus
Apostolus in priore epistola ad Corinthios ἡ δὲ γὰρ, in-
quiens, & περπερεύεται, raro admodum in scriptoribus
Graecis legitur: ideoque varie & a Grammaticis & ab
aliis exponitur. Est autem iactare & ostentare se, & ina-
nis gloriolae fructum ex re aliqua aucupari. Id didici ex il-
lo vere magno Basilio, cuius haec sunt ἐν ἀσκητικαῖς.
Πᾶν ὃ μὴ διὰ χρείαν, ἀλλὰ διὰ καλλωπισμὸν παραλαμβάνεται,
περπερεύας ἔχει κατηγορίαν. Neque usquam melior eius
vocis interpretatio reperiri potest.

*Loci aliquot ex epistolis ad Atticum
emendati.*

C A P. VIII.

EMendabo, saltem emendare conabor ex iisdem
epistolis alia. Libro igitur secundo ita vulgo legi-
tur: (p) Cura, amabo te, Ciceronem nostrum, ei nos θεῖοι
videmur. Ubi quam, quaeso; idoneam sententiam effi-
cere potest illud θεῖοι, sive patruos, sive divinos interpre-
tere? Sed non libet περπερεύεσθαι. In libro satis vetere, quo
me donavit vir multis nominibus illustrissimus Guliel-
mus

Z 2

mus

(p) *Epist. 2.*

mus Sirletus Cardinalis, ita scriptum est: *Cura amabo te Ciceronem nostrum* CINOS CUNOCTIN videmur. Ex quibus depravatæ veteris scripturæ vestigiis coniiicio legendum: *Cura, amabo te, Ciceronem nostrum: cui nos amicos videmur*. Aegrotabat apud Atticum Q. Cicero Q. F. Eum igitur patruus avunculo diligenter commendat: & quo magis declaret suam erga illum voluntatem, ait, se sibi videri una cum eo aegrotare. In ea autem epistola quæ statim sequitur, ubi vulgati libri habent, SED ME KATAKPICIC MEA ILLA COMMOVET. In meo est: *sed me pecis mea illa commovet*: ut suspicer pro *κατάκρικαις* legendum *πῆναις*. Ita enim veteres, *πῆναις* nomine usos scio. Illud autem miror in eodem libro a nemine emendatum esse, (q) *Subito cum mihi dixisset Caecilius quaestor puerum se Romam mittere hæc scripsi raptim*. Non enim subito legendum sed S.V.B. quo scribenti compendio significabant, *Si vales beneest*, & ita iampridem emendarat Rivius eodem modo corruptum locum nono earundem Epistolarum.

*E libro quarto earundem Epistolarum
emendata alia.*

C A P. IX.

SUppudet me interdum quaedam referte in litteras, verentem ne nimis obvia & protrita sint: sed cum in eis animadverto errasse eos qui quasi columnina quaedam litterarum habentur; venio in spem, fore, ut ea, quamvis levia & pusilla sunt, aliquos tamen inveniant amatores. In epistola quadam libri quarti (r) ad Atticum ita scriptum est in libris Manutianis *Sed quoniam qui nihil possunt, il me nolunt amare, demus operam ut ab iis qui possunt diligamur, Dices vellem iampridem, scio te voluisse, & me ast nugigeram manum fuisse. Sed illud, ast nugigeram*
manum

(q) Epist. 6. (r) Epist. 1.

manum, quid tandem monstri est? Manutius ingenue fatetur locum sibi depositum ac desperatum videri. Malaspina, sane fidenter, *müßigiam germanum* legit, & est qui occinat, nihil hac coniectura divinius. Eo enim iam stultitiae ventum est ut satis non sit in his quiquilibet laudandis dicere eleganter, acute, ingeniose, εὐσέχως: dicendum, nihil divinius: ne frigide laudasse videaris. In libro Victorii est: *scio te voluisse, & me. Ast num germanum fuisset?* Manutius in quodam se legisse ait: *Ast num gerammanum fuisset.* Meus habet, *Ast num germanum fuisse.* Muta unam litteram ut sit, *& me asinum germanum fuisse*: vitium omne sustuleris. Hoc enim dicit, se merum asinum fuisse, qui bene monenti Attico non obtemperarit. Erat autem illa iocularis contumelia. Terentius: (s) *qui status esset, flabellum tenere te asinum tantum*, idem, *Quid? tu asine huic auscultas?* in eodem autem libro, in epistola cuius principium est, *Epistola tua*. In extremo ita lego: (t) *Quia superest? etiam. Puerum Ciceronem curabis, & nos amabis ut facis*,

Item alia ex eodem libro.

C A P. X.

Q Uando quartus epistolam ad Atticum est in manibus, unum etiam locum ex eo emendabo, qui in omnibus editis libris mirabiliter depravatus est. Legitur autem in libris quidem Victorii, fere ad finem eius epistolae, cuius principium est, *Occupationum mearum*: at in aliis, in epistola, *O expectatus*. (u) Vulgo igitur ita scriptum reperias: *Quid aliud novi? & tamen absoluto Gabinio stomachantes alii iudices, hora post, Antiochum Gabinium nescio quem, ac censum Gabinii, solidis pectoribus libertum, lege Papia condemnarunt.* Itaque dixit statim reus *lege maiestatis*, * * OΥ COIMΠICAMA ΦΙΗΙ. Ego autem ita emendo: *Quid aliud novi? Est tamen Absolu-*

Z 3

luro

[s] *Encheir. Sc. 3. Ast. 3. & Adelp. Ast. 3. sen. 2.* (t) *Ep. 7.* [u] *Ed. 15.*

futo Gabinio, stomachantes alii iudices, & quae sequuntur, deinde Graeca illa hoc modo: ΟΥ ΟΥ ΜΕ ΠΡΟΙΚ' ΑΦΙΗΙC. Hoc autem dicit, Libertus ille Gabinii, cum patronum suum tam turpiter absolutum videret, se quoque sperabat absolutum iri, etiam si nulla mercede iudices corrupisset. At ubi se praeter spem, lege Papia condemnatum vidit, reus factus lege maiestatis, intellexit iudices eadem via sibi expugnandos, qua Philippus Macedo omnia castella expugnari posse dicebat. Itaque coepit eos circumire, & illam eis cantilenam occentare, ὃ σὺ μὲ πρὸς ἡ ἀπὸς. Qua significabat, qui se absoluisset, gratis id facturum non esse. Suspicio autem fuisse hemistichium veteris alicuius poetae: cuius eadem esset sententia cum illo Homérico, Ζῶρες Ἀγέε' ἦ, σὺ δ' ἄξια δέξαι ἄποινα. (x)

*E libro quinto earundem emendata
quaedam.*

C A P. XI.

PERsequar & alia ex iisdem Epistolis. Dignissime enim sunt ad quas perpurgandas omnia ab omnibus conferantur. Quod igitur est in epistola secunda libri quinti in Manutianis, *cum me e Pansae villa, nunquid vellem, rogasset, certocertius est exturbandum hinc esse Pansam.* Victoriani & veteres habent *cum me expense sua villa.* Unius litterulae mutatione locus integer fiet, ut sit *cum me extens e sua villa.* Epistola duodecima ubi vulgo ineptissime legitur: *Itaque erat in animo, nihil festinare, nec me Delo movere, nisi omnia ἀπαρνησίων iura vidissem.* E depravatis veteris scripturae vestigiis, quae haec sunt, ΑΚΡΑ ΤΗΚΙΙΑΡΑ: ex eis igitur legendum puto, ἀκρα ἦ τε ἡ ἔρια. Hoc enim dicit non esse sibi consilium navigare, nisi serena & tranquilla, ac secunda omnia viderit. (y) In illa quae sequitur, mirum est ho-

mines

(x) 6. *Iliad.* vers. 46. (y) *Epist.* 13.

mines eruditos, Manutium, Corradum, alios, tam nihil vidisse, ut cum paulum modo vetus scriptura abesset a recto, ipsi tam longe deflexerint. Veteres libri; *Veruntamen Decumanus venissem cum imperio*. At illi, *Veruntamen cum divi Romanus venissem cum imperio*. Erat autem rectum, *Veruntamen decumani*, ut si *venissem cum imperio*. Ne intellexerunt quidem id quod statim sequitur: *Ex quo te intelligere certo scio, multorum annorum ostentationes meas nunc in discrimen esse adductas*. Quorum verborum sententia haec est: Et ostentarat se Cicero semper amicissimum ordini publicanorum, & semper item servire instituerat provincialium commodis. Nunc cum inter decumanos & provinciales male conveniret: periculum erat, quicquid inter eos decrevisset in provincia sua, ne in alterorum offensionem incurreret. Ait igitur, se usum ea palestra, quam ab Attico didicerat. Multa sciens praetermitto: neque enim omnia huc congerere decrevi. In epistola: (2) *Quam vellem*, ita legitur: *Stamus animis, & quia consiliis, ut videmur, bonis utimur, speramus etiam manu, tuto confedimus, copioso a frumento, Ciliciam prope conspiciente expedito ad mutandum locum*. Sed neque illud sperare manu, recte dici arbitror, & illa tam multa epitheta, *tuto, copioso a frumento, conspiciente Ciliciam expedito*, cum quo cohaereant, non habent. Quid, quod illi ipsi qui ita legunt, fatentur, se hoc excogitasse, cum in antiquis libris extaret aliud? Illi enim habent *Stamus animis, & quia consiliis, ut videmur, bonis utimur, speramus etiam arvo tuto confedimus copioso a frumento*. Ubi si minima mutatione facta legas, *speramus & iam arvo tuto confedimus*, recte, ut mea quidem opinio est, legeris. Sic locus est & poeta: (a)

Nec venit in mentem, quorum confederis arvis?

Taurum autem montem, ubi tunc erat Cicero, magna

Z 4

ex par-

(1) Epist. 18. (2) A. Aenid. v. 39.

ex parte aruum esse notissimum est vel e Tibullo, cuius illud est, (b)

Frigidus intosus Taurus alat Cilicas.

Emendatus locus e secundo Politicorum

Aristotelis.

C A P. XII.

NOta est lex Pittaci, qua caverat, ut, qui ebrii peccassent, iis non modo poena non imminueretur sed duplaretur. Meminit eius Aristoteles tertio Ethicorum, secundo Rhetoricorum, & secundo Politicorum. Nisi quod in politicis dicere videtur, id tantum constitutum in eos qui ebrii aliquem pulsassent, aut verberassent. Ita enim ait: Εγένετο δὲ καὶ Πίττακος νόμον δημογῶς ἀλλ' ἢ πολιτείας νόμος δ' ἴδιος αὐτῷ, τὸ, τοὺς μεθύοντας ἂν τυπύσωσι, πλείων ζημίαν ἀποτίναι οὗς νηφόντων. Quid igitur, si in aliquo genere peccaverint? An tum tantum crescet poena, si quem percusserint? Et verius est, idem in caeteris quoque peccatis constitutum. Nam & in secundo Rhetoricorum καθόλου dicitur, maiores poenas statuiffe, εἰάν τις μεθύων ἀμαρτάνοι. Quare non dubito, quin locus ille e secundo politicorum depravatus sit, ut, ubi legitur ἂν τυπύσωσι legendum sit ἂν τι πηλείσωσι. Neque hoc ulla confirmatione egere arbitror.

Qui sint versus ἰσοψήφοι Declaratum epigramma Graecum. Item aliquot quaestiones ludicrae quae apud Gellium proponuntur, dissolutae.

C A P. XIII.

Non equidem unquam cuiquam auctor fuerim, ut quaerat apud Homerum versus ἰσοψήφους: si quis tamen neque habet quod agat, & nihil agere non potest,

(b) *Lib. 2. ele. 7.*

test, indicabo ei, qui versus dicantur *ισόφητοι*: quos si quaerere postea volet, praestabo, non defore illi ubi se exercent. Cum igitur litterae Graecorum etiam ad numeros significandos, ut notum est, adhibeantur, quorum versuum omnes litterae pro numeris acceptae eundem numerum efficerent ac constituerent, eos versus: *ισόφους* vocabant. Eius rei exemplum ostendam in duobus nominibus: eademque declarabo epigramma Graecum incerti auctoris e libro secundo [c] anthologias; quod qui explicarit neminem adhuc video extitisse. Primum igitur illud adscribam:

Δαμαγόραν ἢ λοιμὸν ἰσόφῃον τις ἀπέσας

Ἐΐησ' ἀμεινότεραν τὴν τρέπον ἐκ κανόνος.

Ὡς τὸ μέρος δὲ καθύλακ' ἀνελευθερὸν τὸ τάλαντον

Δαμαγόρε. Λοιμὸν δ' εὗρεν ἐλαφρότερον.

Locatur quisquis est in flagitiosum quendam, Demagoran nomine, cuius nomen cum pestis nomine *ισόφῃον* esset, quidam cum audiisset, quasi in statera expendit ingenium pestis & ingenium Damagorae: praeponderasse autem eam lancem, in quam Damagorae ingenium impositum erat: quod videlicet multo leviora essent mala, quae a peste, quam quae a Damagora, importarentur. Sunt autem *ισόφῃα* plane nomina *δεμαγόρας*, & *λοιμὸς*, ut e subiecta descriptione perspicui potest:

δ	4	λ	30
α	1	ο	70
μ	40	ι	10
α	1	μ	40
γ	3	ο	70
ο	70	ς	200
ρ	100		
α	1		420.
ς	200		

420

(c) εἰς πανήγυς.

Mul.

Multum igitur negotii habuit, aut potius multum ei ab re sua otii superfuit; quicumque ille fuit Gellii familiaris, qui conquiescat, quinam ita inter se affecti versus apud Homerum forent. (d) Quod autem praeterea notarat, quorum nominum in Homérico poemate reperiretur *παρὰ πηχίς*: notat Eustathius, e primis litteris quinque primarum versuum ultimi libri Iliados effici nomen *λευκή*, ubi etiam tradit veteres eiusmodi quaestiunculis lufitare solitos esse, quales aliquot ponit & explicat, leves illas quidem & ludicras, sed tamen cognitu non iniucundas. Nam quod ibidem amicus ille Gellianus quaerit, quis Homeri versus sit, qui per singula vocabula singulis syllabis increascit: non dubito, quin illum significaverit e tertio Iliados, (e)

Ὡς μάκρ' Ἀπείδην μοιρηγνὲς ὀλοοδαίμων

Sed & illius quaestionis explicationem, qua ratione dicat Homerus, singulas pecudes in Africa, in singulos annos terna parere, reperiret, qui hoc tanti putabit, apud Eustathium in quartum Odysseae. Levia haec esse fateor, sed ut in eis quaerendis defatigari stultum fuerit, ita cum se sponte offerunt, non omnino repudianda esse arbitror.

*Emendatus locus e septimo Politicorum
Aristotelis.*

C A P. XIV.

Cui unquam vel fando auditum est, vel persuaderi potest, eas domos eave cubacula quae Aquiloni exposita sunt, esse ad hiemandum accommodatiora? Certe enim si ita est, magnam hominum partem in magno errore versari necesse est, qui hieme quidem loca tepida praecoptant, aestate autem aliosia. Notum autem est, quae ad Aquilonem obversa sunt, omnium frigidissima esse. Itaque Horatius villam suam commendans,

Est,

(d) Lib. 14. cap. 6. (e) Vers. 132.

Est, inquit, *ubi plus tepeant hiemes*? Illae vero in locis Aquilonaribus minime tepent. Et Cornelius Celsus ad salubritatem monet habitandum esse aedificio lucido, perflatum aestivum, hibernum Solem habente. Et hoc est quod Aristoteles ait in Oeconomicis, *oportet domum*
 πρὸς τὴν ἰσην εἶναι εὐπνοῦν μὲν τὸ θέρος, εὐήλιον δὲ τὰ χειμῶν.

Quomodo autem ad septentriones exposita, hibernum Solem habitura sunt? Mirari igitur non immerito possit aliquis, cur Aristoteles lib. VII. Politicorum, ut nunc quidem libri illi collocari solent: mihi enim dubium non est, quin quartus liber sit, qui vulgo numeratur septimus: sed cur in eo libro, quotuscumque, tandem ille sit, obversas ad Boream habitationes, aptiores esse dicat ad hiemandum. Nam cum omnium saluberrimas esse dixisset eas quae excipiunt eos ventos qui ab Oriente flant, statim subiicit: *δεύτερον δὲ καὶ βορέαν. εὐχειμέροι γὰρ αὐτὰ μᾶλλον*. At quomodo, si Aquilonem spectabunt, futurae sunt *εὐήλιοι*? Tales autem, ut ex Oeconomicis retulimus, hieme esse oportet: sed non dubito, quin ubi legitur *εὐχειμέροι*, legendum sit, *εὐδίοροι*: quod cum per me suspicatus essem, magis etiam confirmatus sum in sententia, cum veterem interpretem eodem modo legisse animadverti. Vertit enim, *recentiores*. Sunt autem *εὐδίοροι μᾶλλον*, altiores & salubriores: quales esse, quae Aquilonem excipiunt. Si quis forte dubitat, audiat verba Varronis e libro primo De re rustica: *Permagni interest, ubi sint positae villae, quantae sint, quo spectent porticibus, ostiis ac fenestris*. An non ille Hippocrates medicus in magna pestilentia, non unum agrum, sed multa oppida scientia servavit? Sed quid ego illum voco ad testimonium? Non hic Varro noster, cum Corcyrae esset exercitus ac classis, & omnes domus repletae essent aegrotis ac funeribus, immisso fenestris novis Aquilone, & obstructis pestilentibus, ianvaeque permutata, caeteraque
 eius

364 M. ANTONII MURETI
cuius generis [diligentia, suos comites ac familiam in-
columnes reduxit ?

*Himerææ mulieris de Dionysio tyranno somnium
eodem prope modo Græce a Timefia, quo La-
tine a Valerio relatum.*

CAP. XV.

Non inutilem studiosis elegantioris doctrinae nava-
vit operam Sebastianus Corradus, qui brevibus
notis ad Valerii Maximi libros additis, aliorum scripto-
rum locos, unde ille singula sumpsisse videretur, aut
certe in quibus eadem historia legeretur, indicavit. Pau-
ca autem quaedam reliquit, quæ unde sumpta essent,
pervestigare non potuerat: quale illud est quod libro pri-
mo (f) legitur de somnio Himerææ mulieris, quo Dio-
nysii tyrannis præsignificata est. Ego igitur cum de-
prehenderim antiqui scriptoris Timeliæ locum e libro
sexto historiarum, quem prope ad verbum interpreta-
tus est Valerius, utriusque verba proponenda duxi, ut
conferri queant. Valerii igitur hæc sunt: *Intra priva-
tum habitum Dionysio Syracusano adhuc se continente, Hime-
ræa quaedam, non obscuri generis foemina, inter quietem opi-
nionem suam caelum conscendit; atque ibidem deorum omnium lu-
stratis sedibus animadvertit praevalentem virum, flavo colo-
ris, lentiginosi oris, ferreis catenis vinctum, Iovis solio pedi-
busque subiectum, interrogatoque iuvene, quo considerandi cae-
li duce fuerat usa, quisnam esset; audiit illum Siciliae atque
Italiae dirum esse fatum, solutumque vinculis multis urbibus
exitio futurum: quod somnium postero die sermone vulgavit.*
Postquam deinde Dionysium inimica Syracusarum libertati,
capitibusque insontium infesta fortuna caelesti custodia libera-
tum, velut fulmen aliquod, ortu ac tranquillitati iniecit, *Hi-
meræorum moenia, inter effusam ad officium & ad spectacu-
lum*

(f) Cap. 3.

lum eius turbam, intrantem ut aspexit, hunc esse quem in quiete viderat, vociferata est. Id cognitum tyranno caussam tollendae mulieris dedit. Timetis autem hoc modo: γυναικά τινα τὸ γένος Ἰμωραίαν ἰδεῖν ἄναρ, ἀνιοῦσαν αὐτῶν τὸν ἕρανόν, καὶ πρὸς τινος ἄγεαζ θεασσομένην τὰς ἐπὶ θεῶν οἰκῆσης. ἔνθα ἰδεῖν καὶ τὸν Δία καθεζόμενον ἐπὶ θρόνῳ, ὃς ὡς εἶδεντο πυρρὸς τις ἄνθρωπος καὶ μέγας ἀλύσει καὶ κλοιῷ. ἐρίωζ οὖν τὸν πειραζόντα ὅς τις ὄξιν, αὐτὸν δὲ εἰπεῖν· ἀλᾶστω ὅτι τῆς Σικελίας καὶ Ἰταλίας· καὶ εἴπερ ἀρεθῆς, τὰς χαίρας φηρεῖ. ἀναστᾶσαν δὲ, χροτοῖς ὑσέροις ὑπαντῆσαι Διονυσίῳ τῷ τυράννῳ μετὰ δορυφόρων ἰδύσαν δὲ ἀνακράξαι, ὡς ἔπος εἴη ὁ τότε ἀλᾶστω δεγχεῖς· καὶ ἅμα ταῦτα λέγουσαν, πεσθῆναι εἰς τούδαφος ἐκλυθεῖσαν· μετὰ δὲ τρίμηνον οὐκ ἔτι ἰσθῆναι τιτὼ γυναικά, ὑπὸ τοῦ Διονυσίου διασφαρῆσαν λάβρα. Putavi autem horum inter se neque inamoenam neque inutilem collationem fore.

In Plauto & in Euripide notata quaedam non satis ex arte facta.

C A P. XVI.

Multa admodum notavi in Plauto, in quibus puto illius oeconomiam merito redrehendi posse, ni vetustatis auctoritas obstet. Quale est quod in Captivis, vix unius horae spatio Philocratem ex Aetolia euntem in Elidem, & rursus ex Elide, confecto negotio, quod certi aliquid temporis postulabat, redeuntem in Aetoliam facit: ut non multo citius senex e foro domum se receperit, quam ille totum illud iter confecerit. itaque ridiculus est Hegio, cum ei profecturo dicit, (g)

Sequere me, viaticum ut dem hinc a Trapezita tibi.

Quid enim ante horam unam rediturus viatico eguit? Nisi forte & seni ipsi, cum in forum iret, viatico opus fuit. Sed si in peccatis magna exempla ad defensionem valent, tueri se Plautus Euripidis (h) exemplo potest: qui

(g) Sc. Quae res bene vers. (h) Añ. 3. Sc. 1.

qui in Supplicibus tam cito redeuntem Thebis Athenas nuntium facit, ut volasse, & ea qui interea facta refert, vix tantulo temporis spatio somnare potuisse videatur. At in Amphitruone nimis certe sibi Plautus licentiae sumpsit, qui eadem illa nocte quam triplo longiorem esse voluit Iuppiter in Hercule procudendo occupatus, redeuntem e bello Amphitruonem, (i) & eo ipso die qui illi nocti proximus illuxit, decimo post mense Alcumenam parientem facit. Si quis quid hodie tale faceret, exhiberetur, sed quadam antiquitatis maiestate fit, ut quae in nostris reprehenderemus, in veteribus admiremur.

Diverbium Plautinum e Rudente restitutum.

C A P. XVII.

PRincipium Stichi Plautinae iam pridem emendavi: & meam in ea re sententiam secuti sunt, qui postea Plautum ediderunt. Sed vellem, ipsi quoque ad versus distinguendos aliquid operae contulissent. Quod quando facere aut non potuerunt, aut noluerunt, alia quoque eodem modo a me emendata his libris inferam; si forte tam venustus poeta paulatim pristinum nitorem recipere possit. Nam ut nunc quidem est, qui ei post Ioachimum admoverunt manus, magna professi, parva admodum praestiterunt. Sed mihi quidem neque aliena abiicere animus est, neque mea venditare tanti videtur. In Rudente, ad ipsum finem actus primi, colloquium est aniculae, quae Veneris (k) sacerdos erat, cum puellis eiectis, ita confusum ac perturbatum, ut nullus prope versus integer sit. Id igitur proponam, ita uti legendum censeo:

S A C E R D O S .

Qui sunt, qui pacem a patrona expetunt mea?

Nam vox precantum me excitavit huc foras:

Bonam

[i] *At. 5. Sc. Spes atque opes.* [k] *Sc. Quid mihi melius.*

*Bonam deam sequuntur, obsequentemque haud gravatim
Multumque benignam. PALESTRA. Mater hem, salvere
te iubemus.*

SA. Salvete puellae. Sed unde cum vrida

Veste ire dicam, tam vestitas maestiter?

PA. Haud longule imus illico hinc ex hoc loco,

Verum longe hinc abest, unde huc vestae sumus.

SA. Nempe equo lingneo caeruleas per vias

Vestae estis. PA. admodum. SA. Aequius ergo vos erat

Venire candidatas hostiataeque ad hoc

Fanum istunc ad modum veniri non solet.

PA. Quae ne electae sumus e mare nunc ambae, obsecro,

Unde hostias nos agere voluisti huc tibi?

Ampectimur tibi nunc genua, egentes opum,

Quae nescia spe in nesciis locis sumus,

Tecto recipias ut tuo servesque nos:

Utique te miserarum ambarum misereat:

Quibus neque spes parata est ulla, nec locus:

Neque quidquam est nobis amplius, quam hoc quod vides.

SA. Manus mihi certe ambae a genibus exsurgite.

Me feminarum nulla est misericordior.

Sed res, puellae, hae pauperes inopesque sunt.

Egomet vix vitam colo. Veneri cibo meo

Servio. AM. Veneris fanum, obsecro, hoc est?

SA. Sane. Ego

Huius Sacerdos cluco. Verum, quicquid est,

Fient comiter a me omnia, quorum copia

Cluebit. ite hac mecum. PA. amice nostrum habes

Honorem mater, ac benigne. SA. oportet.

Sunt autem tertius & quartus versus iambici quadrati
catalectici: postremus trimeter catalecticis; caeteri
omnes trimetri acatalecti.

Num qui capiuntur in bello, ignavi propterea habendi sunt. Illustratus Plauti e Captivis locus..

C A P. XVIII.

FORTIUM virorum videtur in proeliis aut vincere aut mori, qui enim capiuntur, vix interdum effugiunt ignaviae aut certe φιλοφύλας notam, Atque hoc significavit Philocrates Plautinus, qui cum ex Hegione apud quam vinctus adservabatur audisset. (l)

Ut vos hic itidem illic apud vos meus adservatur filius, Captus est? inquit, deinde adfirmante sane; *Non igitur, inquit, nos soli ignavi fuimus.* Sed tamen Lacedaemonius quidam ex iis qui ab Atheniensibus capti sunt in Pylo, urbane a se ignaviae notam amolitus dicitur. Cum enim Atheniensis quidam ei per ludibrium dixisset, *Ex vestris videlicet optimi ac fortissimi quique ceciderunt: Magni,* inquit, *faciendus esset fusus, si viros fortes dignoscere ac discernere ab ignavis posset.* Fusum autem Lacedaemoniorum more, vocabat sagittam: & significabat, non fortissimos quosque mortuos esse, sed eos, qui casu sagittis icti fuissent: ut qui hostium potiti erant, non propterea minus fortes habendi essent, quam qui ceciderant. Eminus enim cum illis proeliati erant Athenienses. Ita hoc a gravissimo historiae scriptore Thucydide accepimus (m)

Nil esse verbum excolubrandi, quod quidem pro Plautino obtrudere conatus est.

C A P. XIX.

SAepe contingit, ut in magnis scriptoribus vitia lateant; & quae corrupta atque ὑπουλας sunt, integra putentur: nonnumquam etiam, ut quae recta & incorrupta sunt, hominibus non satis intelligentibus videantur.

(l) Sc. Iam ego revertar. (m) Gib. 4.

tur. Ut autem medicamenta bene valentibus, ita rectis & veris correctiones ac mutationes nocent. Eius rei exemplum proferam e Sticho Plautina, ubi Dinacium e portu rediens, iniquo animo fert, sibi a parasito Gelasimo molestiam exhiberi. Versus hi sunt: (n)

GE. Ibo, atque hunc compellabo.

Salvos sis, DI. Et tu salve,

GE. Iam tu piscator factus?

DI. Quampridem non edissi?

GE. Unde is? quid fers? quid festinas?

DI. Tua quod nihil refert, ne

Cures. GE. Quid istic inest?

DI. Quas tu vides colubras?

GE. Quid tam iracundus? DI. Si in te

Pudor assit, non me apelles.

Illud igitur de colubris Ioachimus quo pertineret, non videns, hanc notam ad illum locum addiderat: *Suspecta haec scriptura mihi est. Ac si sciam, quid hoc verbi sit, suspicor sic fecisse poetam, Qua tu id re excolubras?* Haec ille, frustra quidem, sed modeste tamen. Et alioqui homini erudito, qui Plauti fabulis hoc tempore, fatendum enim est, saluti fuit, sicubi falsus sit, facile condonari potest. Vetus est, non omnia uni, deos dare. Secutus est alter multo confidentior, qui illam tenuem & obscuram Ioachimi coniecturam, nihil dubitans, arripuit provera, & contestatus, sic sine ulla litura esse in suis veteribus libris (habebat autem plerumque bonos & obsequentes libros) interpretatus est etiam nobis verbum *excolubrandi*: ut sit *excolubrares*, illo quidem auctore, curiose, & oculis eminentibus, quales sunt oculi colubrorum, & cervicibus inflexis, & oculis extantibus exquisere. Verbosa sane declaratio, sed, cui si crediturus sim, locupletiolem eius auctorem requiro. Atque ut sine furo & fallaciis agam, emendationem illam non tam re-

A a

futa-

(n) Sc. Mercurium.

futatione, quam risu, dignam puto. Infanum enim dicit esse parasitum puer, & a furiis atque intemperiiis agitari: ideoque ex eo quaerit, quas colubras videat; quod furiae non tedis modo ardentibus, sed colubris quoque ac serpentibus insectari eos quos agitabant, putabantur. Et inde est illud e veteri tragoedia, (o)

ὦ μήτηρ, ἵκετεύω σε, μὴ πίστεύῃ μοι

Τὰς αἱματωπὲς καὶ δρακοντάφει κόρας.

Quare excolubrandi verbum, qui perpererunt, sibi habeant licet,

Detectum Ciceronis erratum in quinto

De finibus.

C A P. XX.

M Agnorum virorum errores qui notant, dum id modeste & sine scurrilitate faciant, publice prodesse arbitror. Nam neque quidquam propterea de illorum existimatione detrahitur: & caeteri, ut cautiores ac consideratiores in scribendo sint admonentur: & si quid cui, ut sunt humana, tale contigerit, habet exempla quibus aut excusare se aut solari queat. Eo igitur animo indicare hoc loco institui insignem Ciceronis negligentiam, quam a nemine usque adhuc notatam esse demiror. Quinque sunt, ut notum est, illius libri De finibus, quibus explicatae & excusae veterum philosophorum, sed praecipue Epicuri, Stoicorum, & Peripateticorum, de summo bono sententiae continentur. Et prima quidem disputatio, qua Epicuri sententia examinatur, habita fingitur in Cumano Ciceronis, cum eo L. Torquatus & C. Triarius salutandi Ciceronis causa venissent, neque quisquam praeterea alius interesset. Secunda autem in Tusculano Luculli, inter Ciceronem ipsum & M. Catonem, cum se

illi

(o) *Enripid. Oreste* *Act. 1.*

illi in Luculli bibliothecam sine arbitris abdidissent. At tertia Athenis in Academia, cum ibi una essent M. Q. & L. Cicerones, & Atticus, & is, cui disputandi partes tribuuntur, M. Piso. Certe igitur aperte constat tres illas disputationes & locis, & temporibus, & personis esse distinctas. Et tamen, perinde ac si unus & idem, iisdem superstitiis praesentibus, ut in formulis dicebant, & adversus Epicurum, & adversus Stoicos disputasset: ita Piso loquens inducitur: *Quoniam igitur & de voluptate cum Torquato, & de honestate, in qua una omne bonum poneretur, cum Catone est disputatum: & quae sequuntur.* Haec si Cicero ipse in proemio eius libri ex sua persona diceret, ferri possent: a Pisonem quidem quomodo apte & convenienter dici queant, neque video, neque videre quemquam puto. Sed certe Cicero, cum illa scriberet, oblitus erat, non se, sed Pisonem loqui. Quod ei tum quoque contigisse arbitror, cum eodem in libro versus Homericos, quibus Sirenes Ulixem alloquuntur, Pisonem sibi tribuentem ac vindicantem facit. Non enim dubium est, quin eos Cicero suos, ut erant, videri voluerit.



MARCI ANTONII MURETI
I. C. AC CIVIS R.

VARIARUM LECTIO- NUM

LIBER DECIMUSQUINTUS.

*Sermo habitus cum Dario Bernardo de stultitia
quorundam qui se Ciceronianos vocant.*

C A P. I.

Venerant ad me in Quirinalem visendi ac salu-
tandi causa nobiles aliquot Germani adole-
scentes, qui cum totam prope Italiam perlu-
strassent: neque quemquam fere praetermisissent eorum
qui nomen aliquod habent in litteris, quin eum vidis-
sent, allocutique essent, me quoque ut ipsi quidem di-
cebant, eadem de causa videre, mecumque colloqui
voluerant. Cumque ipsi me de studiis meis, ego con-
tra eos de Germaniae statu, deque iis qui illic hodie
florere dicerentur, eruditus hominibus interrogarem,
quae cuiusque aetas esset, quae habitudo corporis, quae
fortuna ac condicio vivendi, in primis autem quinam
ex eis patriam atque avitam religionem constanter tue-
rentur, neque illo se pestiferarum opinionum aestu abri-
pi sinerent: varie illis ut de quoque interrogati erant,
respondentibus, una atque altera hora consumpta est.
Complexus igitur illos, & abeuntes faustis ominibus
prosecutus, dimisi. Interfuerat illi sermoni ac col-
loquio nostro Darius Bernardus iuvenis & festivo in-
genio,

genio, & sanctis plane atque incorruptis moribus, qui eis digressis, Verum omnino, inquit, est quod dicitur, in nullis hominibus hoc tempore, praeterquam in transalpinis, promptam atque expeditam reperiri Latine loquendi facultatem. Vel ii, qui modo abierunt, ut nusquam in loquendo haerent, nusquam titubant, nusquam offendunt, ut omnia in numerato habent, ut tota eorum sine ullo impedimento ac salebris decurrit oratio. At nostri homines, etiam ii qui sibi e studiorum laboribus pallorem & maciem & senium contraxerunt, si quando Latine loquendum est, ut luctantur, ut sudant, ut anhelant. Credas eos magna vi ex imis pulmonibus verba eruere: cum istis contra sine ulla cura ac cogitatione iugis quaedam ac beata Latinarum vocum copia ultro ex ore manare ac decurrere videatur. Est istuc quidem, inquam, ita ut dicis, Dari: sed tamen habet & Italia praeclaros viros, quique & ornatissime scribant, & disertissime ac copiosissime, cum opus est, loquantur. Manutium, inquit, fortasse dicis, & Sigonium, & Petrum Ioannem Mafseium, aut ex eadem sodalitate eum cuius audita morte ubertim tibi nuper lachrymas isse memini, Perpinianum: & si quos tales vix singulae aetates ferunt. Et istos, inquam, & alios, quanquam is quidem quem tu postremo loco nominasti, Hispanus non Italus fuit: sed ita diu in Italia fuerat, ut pro Italo haberi posset. Quem tu virum Dari utinam audire potuisses, neque te, quo tempore ille in hac urbe eloquentiae praecepta tradebat, alio vitae genere implicatum aula tenuisset. Nunquam enim quenquam audiisti, ac ne audies quidem, ut opinor, in quem illud de Nestore eclogium melius conveniret, *Cutus ex ore melle dulcior fuebaturatio*. Sed quid est quod tu, colloquentibus nobis, bis terue nutu mihi nescio quid significare visus es? Egone? inquit: Dolebam ex cidere interdum grandiori

illi, qui tecum colloquebatur, voces quasdam minus Latinas, quibus ille perpetuus subitae orationis nitor, quasi maculis quibusdam, infuscaretur. Quos quaeso? inquam, nam me quidem alia cogitantem ptaetervolarunt. *Caelos*, inquit, & *caelorum orbes* aliquoties dixit, & *eam doctrinam quae caelitus ad homines lapsa esset*. Quid? tu recte haec dici non putas? *Caelestia* inquit *corpora & orbes caelestes*, & *caelo lapsam doctrinam* dixissem lubentius. Non male tu quidem, sed tamen ne illa quidem suos auctores non habent. Citat haec Servius e Ciceronis Hortensio, *Epicurei plures volunt esse caelos* Et Lucretii sunt haec e libro secundo: (p)

*Quis regere immensi summam, quis habere profundi
Endo manu validas potis est moderanter habenas?*

Quis pariter caelos omnis convertere?

Quamvis autem caelos illi dicebant mundos, quos putabant esse innumerabiles, tamen ex eo satis constat, *caeli* nomen apud Latinos & singulare esse & multitudinis. Nam de illo *caelitus*, me quoque olim reprehensum memini a quodam, qui nisi quod Ciceronis esset, nihil Latine dici putabat: Itaque irridebat me, non modo cum citarem Servium, qui versum illum e primo Georgicon; (q)

Si te digna manet divini gloria ruris;

ita exponit, *si id tibi concessum est caelitus, ut gloriam ruris habeas*: sed etiam, cum multo meliorem istis omnibus Ciceronis imitatore Lactantium, cuius haec sunt e libro quinto Institutionum: *Nemini dubium potest esse, quam is doctor qui caelitus mittitur, tam scientia sit rerum omnium quam virtute perfectus*. Quid tu igitur? inquit: satis-ne istos idoneos auctores Latinitatis putas? Ego dicam tibi, inquam, Dari. Diu & ipse in eo errore versatus sum, ut nisi qui aut Ciceronis aetate, aut paulo ante vixissent, aut certe illi aetati suppare fuissent, non
fatis

fatis dignos esse arbitrarer, quorum exemplo qui Latine aut scribere aut loqui vellent, niterentur. Sed postea, re tota mecum accuratius considerata, visus ipsi mihi sum nimio plus mihi sumere, qui de Seneca, Livio, Valerio, Celso, Quinctiliano, Columella, utroque Plinio, Tacito, Suetonio, Velleio, Q. Curtio, Lactantio, aliisque eiusmodi scriptoribus, quos & ab iis ipsis temporibus, quibus Latina lingua floruisse diceretur, propius afuisse, & suo quemque saeculo, disertissimos habitos esse constaret, temere pronuntiare auderem. Certe enim neque quisquam unquam veterum eos male Latine locutos esse dixit, neque nos, tam longo intervallo, valde boni eius rei existimatores sumus. At multa simplicia vocabula, multa etiam loquendi genera in eorum libris leguntur, quae apud Ciceronem & eius aequales nusquam reperias. Primum quis hoc praestare audeat? Ciceronis scriptorum vix decimam partem reliquam habemus, eamque multis partibus mancā ac mutilā, multis vulneribus, multis cicatricibus deformatā: Salustii vix centesimam, Varronis tantundem, Catonis e tam multis voluminibus unum De re rustica commentariolum, tot philosophorum, tot oratorum veterum, tot poetarum, tot historicorum, tot iurisconsultorum scripta perierunt; & ex illis fractis ac laceris, quae ad nos pervenerunt, Romani sermonis reliquiis adfirmare audemus, si quid in eis non reperiatur id apud veteres in usu non fuisse? Quanto credibilis est, nova multaque inusitata nobis videri, quae si eorum libri exstarent, in frequentissimo usu posita fuisse constaret? Illi autem, quos stulte & arroganter, ut minus eleganter locutos, despiciere audemus, cum & bibliothecas, haberent omni genere librorum instructissimas, & eas diligentissime pervolutarent, & acerrimo iudicio praediti essent, quis scit an ea ipsa ex vetustioribus sumpserint, quae frustra nobis aut novitatis

aut peregrinitatis nomine suspecta sunt? Cum saepe contingere videamus ut multae voces diu ab istis censeantur inter novas quae postea usque ab ultima antiquitate a nobilissimis auctoribus proditae ac propagatae reperiuntur. Quid quod in istis ipsis Ciceronis reliquiis multae sunt, quae semel tantum leguntur? Ergo si paulum chartae aut mus, aut tineae adrosisset, aut situs & caries corrupisset, aut scintilla e lucerna in certam aliquam libri partem incidisset, hodie *pigrandi & controversandi* verba, multaque alia istis delicatis barbara essent, quae nunc ita nonrefugiunt, ut inculcent. Et ut magis intelligas totum hoc e stulta quadam opinione pendere, scito multos ex istis inepte fastidiosos, quibus qui quid dicunt, quod Ciceronis non sit, meros lapides loqui videntur, quibus, ut olim, athletis in arenam descendentibus, circumdandae essent amphotides, quoties in publicum prodeunt, ne delicatae ipsorum aures vocum non Ciceronianarum ictibus contunderentur, saepe esse a me magna cum voluptate delusos. Nam cum voces quasdam observassem, Ciceronis quidem illas, sed minus contritas, neque a Nizolio in illum praeclarum indicem, qui istorum obruza est, relatas, admiscebam eas de industria orationi meae, cum ad me audiendum amici quidam hoc, de quo loquor, morbo laborantes venissent. Illi ut earum quamque audierant, cervicem contorquere, humeros attollere, frontem contrahere, alius alii in aurem insusurrare, excuti sibi cerebrum, perire aures, cum talibus vocibus verberarentur. Quin etiam coetu dimisso, cum me, ut sit, officii causa domum reducerent, male se a me habitos atque acceptos esse conquerebantur. Ego aliquandiu eos ambiguo sermone frustratus, tandem sponsione lacecebam, ni illae ipsae voces quibus auditis, caput sibi condoluisset dicere, ipsius Ciceronis essent. Quid quaeris? cum id ita esse pervicissem, iam voces illae omnem duritiam atque

atque asperitatem deposuerant ; iam lenes, suaves, iucundae auditu factae erant : & , ut lupini aqua macerati, omnem amaritiam exuerant, simul atque eas Ciceronis esse constiterat . Meministine cum vox *illustrissimus* apud istos censores in urbe ius togae tueri non poterat, sed pro peregrina habebatur ?

Nec miserae prodesse in tali tempore quibat, quod Gellius *illustrissimas orationes*, & *illustrissimos philosophorum* alicubi dixisset . Itaque si quis Latine loquens *Cardinalem* *quempiam illustrissimum*, ut fit, vocaverat, in eum *ἐκφρατὴς*, ut Graeci dicunt, utebantur . Neque extorqueri eis poterat, ut non *maxime illustrem*, pro *illustrissimo* dicerent, nisi, postquam ex Varrone audierunt (r) *illustrissimum quemque ex veteribus pastorem fuisse* . Et quidem eam vocem nemo maiori cachinno excipere solitus erat, quam ille quem sui ita esse Ciceronis similem praedicabant, ut dicerent, *οὐκ ἔστιν ἄλλος Διμήτριος* : eique illud occinerent, *οὐ πᾶσις Ἀρχαίος, Ἀλλ' ἀρχαίος αὐτὸς εἶ* . Quid cum aliquando ad me libros tum Aristotelis ad Nicomachum interpretantem venisset, audissetque adfirmantem innumerabilia esse in omnibus philosophiae partibus, quae Latine dici non possent ab iis qui tam severi esse vellent, egresso mihi, cum circumfusa nobis esset magna eruditorum hominum corona, mirari se dixit, quid ita mihi videretur fieri non posse, quod iam egregie Perionius praestitisset . Credo, inquit, illum dicis, qui quod quinto quoque anno faciendum significari vellet, id *singulis quinque annis* fieri oportere scripsit . Eum ipsum, inquam, & Ciceronis eloquentiam vides . Sed ut me ad propositum referam, etiam si hoc demus, novata esse multa ab iis qui post Ciceronem fuerut, quid causae est, cur ea reiicere debeamus ? Quorsus igitur illud Horatii ? [s] *Ut folia in silvis* & illud :

—*licuit semperque licebit*

Signa-

Signatum praesente nota producere nomen.

Nonne Cicero & multa novavit ipse, & Catonem, Varonem, Brutum, aliosque ut idem facerent hortatus est? An fortassis personale illud privilegium fuit, ut cum Cicerone, & cum iis,

Qui tum vivebant homines atque aevum agitabant, extinctum esse videatur? Incomprehensibile Ciceroni fingere licuit, quid ni aliis alia ad eundem modum postea licuerit? Equidem existimo Ciceronem, si ad Quintilianii & Plinii, & Taciti tempora vitam producere potuisset, & Romanam linguam multis vocibus eleganter conformatis eorum studio auctam ac locupletatam vidisset, magnam eis gratiam habiturum, atque illis vocibus cupide usurum fuisse. Nam istorum quidem audire est operae pretium amentiam. Ad Taciti aut Suetonii voces nauseant, ipsi eas scriptis suis intexunt, quae ne in culina quidem illorum patienter audiri potuissent. Mentior, nisi tibi, cum voles, in scriptis quorundam qui huius sectae coryphaei habentur; *speculationem, ingratitude, contrarietatem*, aliaque eiusdem generis plurima ostendero: *Sed, satis est dixisse, ego pulchra poemata pango.* Cum semel in hanc disciplinam nomen dederis quocumque modo & scribas, & loquare, dicas licebit;

Ταύτης τοι γένεις τε καὶ ἀίματος εὐχόμεαι εἶναι.

Fuit haec de principio laboriosa quaedam, & exquisita diligentia, nunc in ignaviam vertit. Quid enim magis in promptu est, quam, cum quid scribere ingressus sis, de singulis v oculis Nizolium consulere? Quid tu igitur? inquires. Ex omnibus antiquis scriptoribus, nullo discrimine, verba quibus utare, depromes? Immo vero adhibebo iudicium, habebo dilectum, &, cum ex iis potissimum qui antiquitatis quoque ipsi principes visi sunt, Cicerone, Caesare, Terentio, aliis, quamplurima sumpsero, cum orationis meae genus ad eorum exemplar quam maxime potuero, conformaro, ex aliis quoque

que bellissimum quodque carpam, & quo quisque maxime excelluisse videbitur, id imitari atque exprimere conabor, neque in iis modo quos paulo ante nominavi, sed in Tertulliano, Arnobio, Hieronymo, Augustino, Ambrosio, & quod magis mireris, Appuleio, Cassidoro, Martiano etiam & Sidonio Apollinari multa reperiam, quibus suo loco positis oratio uberior & ornatio fiat. Tibi quoque, Dari, auctor sum, ut idem facias, in primisque ut ne eorum stultitiam imiteris, qui usque eo antiquitatis studiosi sunt, ut voces quoque Christianae religionis proprias refugiant, & in earum locum alias substituant, quarum nonnullae etiam impietatem olent, qui non *fidem*, sed *persuasionem*; non *sacramentum corporis Domini*, sed *sanctificum crustulum*: non *excommunicare*, sed *diris divovere*, non *Angelos*, sed *genios*: non *baptizare*, sed *abluere* dicunt: aliaque eodem modo depravant; qui, ut opinor, nisi sibi metuerent, etiam pro Christo *Iovem optimum maximum* dicerent. Est enim magis Ciceronianum. Quae autem insania est, cum *porricere*, cum *impetire*, cum *tripudium solistimum*, cum *pateras* & *symptinia* legimus, notare ea tamquam dicta sapienter: quod ex auguralibus & pontificalibus libris deprompta sint; propria Christianae fidei, & Christianorum rituum verba, ut non satis Latina contemnere? Plura dicere cum pararem, amicorum quorundam interventus sermonem abrumpere coegit.

*Conatus emendandi locum quendam Taciti
pessime a librariis acceptum.*

C A P. II.

Solent interdum medici eos quoque aegrotos, quorum salus ab omnibus deposita iam ac desperata est, curandos suscipere, interposita prius cautione, fraudi sibi non fore, si eis interea deterius acciderit. Eadem ego quoque conditione locum quendam Taciti

citi suspiciam, ita male affectum & in vulgatis & in veteribus libris, vix ut ulla spes eius sanandi superfit. Si quid igitur boni efficere potuero, si minus, veniam tamen ut spero, ab aequis iudicibus consequar. Ita ergo scriptum est libro XIV. annalium ab excessu Divi Augusti: *Nec tamen ludicrae tantum imperatoris artes notescerent, carminum quoque studium affectavit contractis quibus aliqua pangendi facultas. Nec dum insignis aetatis nati considerare simul, & allatos vel ibidem repertos versus connectere; atque ipsius verba quoquo modo prolata suppelere, quod species ipsa carminum docet, non impetu & instinctu, nec ore uno fluens.* Neque multum opis in veteribus libris, in quibus ita legitur: *Nec dum insignis aetatis tati considerare simul & natos vel repertos ibidem versus connectere.* Nunc quomodo ei mederi coner, aperiam. Primum illud *tati*, ex quo ab aliis factum est, *nati*, deleo & puto frustra geminatas esse ab indocto & oscitante librario litteras eius vocis quae proxime praecesserat. Deinde ex illo *aetatis*, facio erat. li. Postremo ubi est & *natos vel repertos*, deleo illud *vel repertos*, & puto dubitationem fuisse librarii legere nescientis. Quae si mihi concedantur, praestare ausim, locum integrum esse hoc modo: *Ne tamen ludicrae tantum imperatoris artes notescerent, carminum quoque studium affectavit, contractis quibus aliqua pangendi facultas, nec dum insignis erat. Iti considerare simul, & natos ibidem versus connectere atque ipsius verba quoquo modo prolata suppelere, quod species ipsa carminum docet, non impetu & instinctu nec ore uno fluens.* Si quis igitur melius aliquid novit, impertiat, si non, his mecum utatur licet.

Emendata quaedam apud Tacitum in vita

Iulii Agricolae.

C A P. III.

IN vita Iulii Agricolae, quam idem ille Latinus Thucy-

Thucydides scripsit, oratio est ducis Britannorum Galgaci, ardoris & vehementiae plena, qua ille milites suos ad fortiter pugnandum cohortatur, facilemque eis, si praesenti animo sint, spem victoriae ostendat. In ea ita vulgo legitur: *Brigantes foemina duce, exurere coloniam, expugnare castra, ac, nisi felicitas in socordiam vertisset, exueve iugum potuere: integri & indomiti, & libertatem non in praesentia laturo, primo statim congressu unde ostendamus quos sibi Caledonia viros seposuerit.* In quibus acute vidit Lipsius, legendum, *prima statim congressione.* Idque ipsi mihi magis placet, quam quod ego antea suspicatus eram, vocem unde delendam esse, tamenetsi utroque modo eadem sententia efficitur. Sed ea quae proxime antecedunt, ut obscuriora, & ad corrigendum difficiliora sint, Rhenani temeritate factum est, qui, ut in Taciti libris nonnulla correxerit, multo certe plura corripuit. Libri Romae impressi habebant, & *in libertatem non in praesentia laturo.* Rhenanus fecit, & *libertatem non in praesentiam inlaturo.* Et stultae mutationi stultiorem interpretationem addit. Significat, inquit, prius ipsi libertatem fecisse, pro qua adipiscenda non erat opus pugnare, sed conservanda. In praesentia dixit de futuro. Equidem Rhenanum, cum illa scriberet, sobrium fuisse non puto. Sed, eo omisso, adferamus si quid verius possumus. Censeo igitur ubi est, *in praesentia laturo*, legendum esse, *in P. R. servitium nati.* Ut totus locus legatur hoc modo: *Nos integri & indomiti, & in libertatem, non in populi Romani servitium nati, prima statim congressione ostendamus, quos sibi Caledonia viros seposuerit.* Non magnam neque violentam esse mutationem, qui in hoc genere exercitati sunt facile vident, vulgus quid probet, quid non probet, numquam laboravi.

Quid sit apud Ciceronem amor amicitiae: & cur idem in flagitiosi amoris mentione, dixerit, more Graeciae.

C A P. IV.

Veteres philosophi Graeci libentius fere versabantur cum adolescentulis, quam ut sermones hominum, & aliquam turpitudinis suspicionem effugerent; quanquam enim illorum se ingenia amare dicebant, ea tamen fere potissimum amabant, quae bene habitarent. Itaque id Cicero in eis urbane, ut solet, exagitans, ita scribit libro quarto Tusculanarum: *Ad magistros virtutis philosophos veniamus: qui amorem negant superbi esse, & in eo litigant cum Epicuro, non multum, ut opinio mea fert, mentiente. Quis est enim amor iste amicitiae? cur neque deformem adolescentem quemquam amat, neque formosum senem?* Quibus in verbis quaesitum est ex me, quem aut Cicero, aut illi amorem amicitiae dicerent. Respondi hoc eos προκαλῦμμα nequitiae suae obtendere solitos esse, ut dicerent, amorem suum non ad foedam & nefariam corporum commissionem, sed ad constituendam amicitiam referri: atque ita eum vocasse ἔρωτα ὅτι φιλία, id est, ut Cicero interpretatur, *amorem amicitiae*. Plutarchus: (τ) ἔρως γὰρ εὐφροῦν καὶ νέας ψυχῆς αἰσάμενον, εἰς ἀρετὴν διὰ φιλίας τελεῖται. & paulo post: ἡ συνουσία γὰρ αὐτὸς ὁ ἔρως, καθάπερ ἦν γυναικῶν. Idem in Numma: ἀνδρὶ δὲ οὐκ ὄρεται σύμμιξις πρὸς θεόν, οὐδὲ ὁμιλία σώματι. ἀγνοῦσι δὲ ὅτι τὸ μίγνυμενον ἢ μίγνυται, τιμῇ ἴσως ἀνταποδίδωσι κοινωνίαν. οὐ μὲν ἀλλὰ φιλίαν γε πρὸς ἄνθρωπον εἶναι θεῶν καὶ τὸν ἐπὶ ταύτῃ λεγόμενον ἔρωτα. Fuisse autem amores illos in Graecia usitatos, etiam illud indicio est, quod qui eo vicio laborabant, more Graecorum facere dicebantur. Cicero quinto Tusculanarum de Dionysio tyranno loquens: *Cum abundaret & aequalium familiaritatibus &*

con-

(τ) *Amatorio p. 1136. ed. H. S.*

consuetudine propinquorum, haberet etiam, more Graeciae, quosdam adolescentes amore coniunctos credebatur eorum nemini. Aemilius Probus in Alcibiade: Incunte adolescentia, amatus est a multis, more Graecorum. Xenophon libro secundo παιδείας. Ἀλλ' ἢ καὶ σὺ, καὶ τὸν ἑλληνικὸν τρόπον, ὅτι καλὸν ὄζει παλαιὰ γὰρ τοῦτο τὸ μεράκιον.

Vetus quaedam Aemilii Probi reprehensio adversus eruditum virum qui Aemilium defendere voluit confirmata.

C A P. V.

Scripsi iampridem errasse mihi videri Aemilium Probum, (u) qui negasset, turpe fuisse Cimoni, summo Atheniensium viro, sororem germanam habere in matrimonio, quippe cum cives eius eodem uterentur instituto. Extitit biennio aut triennio post homo non indoctus, qui in notis, quas ad Plutarchi vitas in Latinum sermonem a se conversas addidit, a me dissentiens, Aemilium defendere conatus est. Ait enim Cimonem pulsum esse in exilium. non quod sororem duxisset uxorem, sed quod ea citra nuptias abusus crederetur; idque ex ipsis Plutarchi verbis colligi posse, si quis attentius ea consideret. Addit Athenaeum libro XIII. [x] hac ipsa de re loquentem non simpliciter dicere, τῇ ἀδελφῇ συνόντος sed addere παρανόμως: ex quo intelligi damnatum Cimonem, non simpliciter quod cum sorore germana corpus comiscuisset, sed quod id fecisset, adversus leges, id est, priusquam illam uxorem duceret. Postremo Plutarchum aperte idem quod Aemilium dicere, qui Themistoclis filio Mneseptolemam Themistoclis (y) ipsam quoque, sed ex alia matre filiam, ex ea consuetudine nupuisse narrat. Ego autem non eram nescius licuisse Atheniensibus, sorores eodem patre,

[u] Lib. 7. cap. 1. [x] Cap. 41. [y] Themistocle sub finem,

tre, dum ne eadem matre, notas uxores ducere. Docuerat me id Theon, qui in Nebulas Aristophanis ita scribit: παρ' Ἀθηναίοις ἔξῃσι γαμεῖν τὰς ἐκ ὅσων πατέρων ἀδελφάς. Sciebam hoc interfuisse inter Solonem & Lycurgum, quod ille τὰς ὁμοπατρίους ducere permiserat; hic τὰς ὁμομητρίους. Docuerat me id Philo, cuius haec sunt: Ὁ μὲν οὖν Ἀθηναῖος Σόλων ὁμοπατρίους ἐπιτεῖς ἀγεῖν, τὰς ὁμομητρίους ἐκάλυπεν. ὁ δὲ Λακεδαιμονίων νομοθέτης ἔμπαινον, τὸν δὲ τῶν ὁμογαστρίοις γάμον ἐπιτρέψας τὸν πρὸς τὰς ὁμοπατρίους ἀπέπειν. At de germanis sororibus nusquam tale quidquam legere memineram. Ita enim semper existimaui, qui eodem patre, sed non eadem matre, geniti essent consanguineos, qui eadem matre, sed non eodem patre, uterinos; qui iisdem & patre & matre interdum quidem consanguineos, sed suo ac proprio vocabulo germanos vocari. Itaque neque unquam apud Athenienses germanam sororem habere in matrimonio licuit; &, si Elpinice consanguinea tantum Cimonis fuit, non etiam ὁμομήτριος: bis erravit Aemilius, qui eam germanam ipsius sororem fuisse dixit. Imo vero si consanguinea tantum fuit, dicere ausim, causam non fuisse, cur Atheniensium legibus Cimon in exilium pelleretur. Stuprum enim, non incestum fuisset. Incestum siquidem non committitur cum ea, quam quis ducere uxorem potest. Sed certe verisimilius est, germanam fuisse; & eo illum exulasse, quod eam *παρμόμενος*, uxorem ducere ausus esset. Nam illud quidem argumentum ex Athenaeo, non fuisse additurum *παρμόμενος*, nisi idem fieri posset etiam *οὐ παρμόμενος*, aequè bellum est, ac si quis, quia Cicero alicubi dicit, Catilinam pestem patriae nefarie moliri, colligat, idem non semper nefarie, sed interdum etiam sine scelere fieri posse. Postremo sanctissimus & eruditissimus vir Cyrillus Alexandrinus libro sexto adversus Iulianum, non furtivos concubitus sed nuptias cum sorore Cimoni, ut scelus nefarium obiicit

obiicit: non facturus, si id apud Athenienses legitimum & usitatum fuisset. Tunc enim accusari Solonem oportuerat, qui id permisisset, non civem qui patriae suae legibus paruisset.

De Chaldeis Ciceronis locum e Theophrasto conversum videri.

C A P. VI.

Chaldaeï, ait Cicero libro primo De divinatione, non ex artis, sed ex gentis vocabulo nominati diuturna observatione siderum, scientiam putantur effecisse, ut praedici posset, quid cuique eventurum, & quo quisque fato natus esset. In quo, quod ait Chaldaeos ex gentis, non ex artis, vocabulo nominatos, pertinet ad communem errorem refellendum, quo genethliacos, cuiuscumque gentis, forent, Chaldaeos vocabant: ita ut id artis, non gentis vocabulum haberetur. Quod autem ait de illorum scientia, aut vanitate potius, & falsa opinione scientiae, ex Theophrasto sumptum videri potest: qui eos temporibus suis in magna admiratione fuisse dicit: quod non ea tantum praedicerent, quae communia essent, ut tempestatem, serenitatem, & iis similia, sed etiam quomodo quisque victurus, quomodo moriturus esset. Atque hoc de Proculo cognovimus: apud quem, ita scriptum est: Θαυμασιωτάτῳ δὲ εἶναι, φησὶν ὁ Θεόφραστος ἐν τοῖς καθ' αὐτὸν χρόνοις τίλῃ τῶν Χαλδαίων περὶ ταῦτα θεωρίαν, τὰ τε ἄλλα προλιγούσαν, καὶ τὸς βίους ἐκάστων, καὶ τὸς θανάτους, καὶ τὰ κοινὰ μόνον, ὅσον χειμῶνα, καὶ δίδας ὥσπερ καὶ τίλῃ ἀστέρα τῷ Ἑρμοῦ χειμῶνος μὲν ἰκτανῇ γενέμερον ψύχη σημαίνειν, καύματα δὲ θεοῦς εἰς ἐκείνους ἀναπίμπει. πάντα δ' οὕτω αὐτοὺς καὶ τὰ ἴδια, καὶ τὰ κοινὰ προγινώσκειν ὑπὸ τῶν οὐρανίων, ἐν τῇ περὶ σημείων βιβλῳ φησὶν ἰκτανόν.

De honore qui Olympionicis & interdum imperatoribus re praeclare gesta habebatur. Emendatus Aemilii Probi locus.

C A P. VII.

QUanto in honore fuerint antiquitus Olympionicae, nemini, qui paulum modo versatus sit in hoc litterarum genere ignotum est. Solebant autem inter caetera, donari coronis aureis: unde & Pindarus Olympiam (2) vocat *μητέρα χρυσοσεφάνων ἀέθλων*. Imperatores quoque, re bene & feliciter gesta, interdum quamquam admodum raro, eodem honoris genere afficiebantur. Sic Cyro, post tam multas tamque insignes victorias in avitum regnum redeunti Cyaxaris filia, quae ipsius postea uxor fuit, coronam auream offert. Xenophon libro octavo: ὁ δὲ Κυαξάρης ταῦτα μὲν εἶδετο, προσέειπε δὲ αὐτῷ τῷ θυγατέρα σεφάνον τε χρυσοῦ, καὶ φέλλια φέρουσαν. Habitus est hic honos Alcibiadi quoque, cum domita Lacedaemoniorum superbia in patriam rediret: qua de re ita Probus: *Hic ut navi egressus est, quamquam Theramenes, & Thrasibulus eisdem rebus praefuerant, simulque venerant in Piraeum, tamen illum unum omnes prosequiebantur: & id quod numquam antea usu venerat nisi Olympiae victoribus, coronis aureis aeneisque vulgo donabatur.* Sed cur aeneas quoque coronas addat, non immerito quaeri potest. Nam ut Glauci Homericici vaecordia ridetur permutantis χρύσεια χαλκείων, ita ridicula videri potest haec χρυσίων καὶ χαλκείων permistio. Ego vero non dubito, quin Probi verba corrupta sint, ita ut ubi est aeneisque, legendum sit taeniisque. Solebant enim fere taeniae cum coronis coniungi. Empedocles: (a).

Ταινίας τε περίετθε, σέφεσί τε θαλαίοις.

Idque manifesto confirmat quod apud Thucydidem
de

[2] *Olymp. Od. 8. [a] Lib. 4. non longe extremo.*

de Brasida legitur: quem Scionaei, re praeclare gesta, ut Olympionicen excepisse, & ut Graeciae liberatorem, corona aurea & taeniis revinxisse dicuntur. Thucydidis verba haec sunt: καὶ οἱ μὲν Συκιωναῖοι ἐπήρθησαν τε τοῖς λόγοις, καὶ θαρσύναντες πάντες ὁμοῦς, καὶ οἷς μὴ πρότερον ἤρακε τὰ πραοσόμια, τὴν τε πόλεμον διανοῦντο προθύμως οἶσιν, καὶ τὸν Βρασίδαν τέτ' ἄλλα καλῶς ἐδέξαντο, καὶ δημοσίᾳ μὲν χευσὼ σφάται ἀνέδησαν, ὥς ἰλευθεροῦντα τὴν Ἑλλάδα, ἰδίᾳ τε ἐταίριον αὐτῶν καὶ προσήρχοντο, ὡς ἀθλητῆν. Athletam autem cum dicit, Olympionicen intelligit.

Emendata quaedam e libro sexto Epistolarum ad Atticum.

C A P. VIII.

IN hoc scribendi genere non modo exigi ordo non solet: sed ipsa potius ἀταξία & melius Variarum lectionum nomen tueri, & minus satietatis adferre lectoribus creditur. Ego itaque qui horis exceptis haec qualiacumque procudo, ut quisque liber venit in manus, ita ex eo aliquid excerpo, quo mea haec auctiora fiant. Nunc igitur percurram sextum librum Epistolarum ad Atticum. In cuius prima epistola haud procul a fine legitur: *Nam Coelius libertum ad me misit, & litteras accurate scriptas, & de pantheris, & de civitatibus. Puto pro civitatibus legendum cibyrtis: idque iis qui rem totam accurate consideraverint, probatum iri confido. In eadem epistola paulo infra libri editi sic habent: C. Vennonius domum Vindulli venit. Cum omnia obfignaret; in Vedianas res incidit. In iis inventae sunt quinque imagunculae matronarum, in quibus una sororis amici tui hominis Bruti, qui hoc utatur; & illius Lepidi qui haec tam negligenter ferat. Vetus liber meus pro illo amici tui habet amici tuos. Bruti autem & lepidi nomina non habet. Quare totum locum ita lego: In quibus una sororis amici*

tui. *Os hominis, qui hoc utatur, & illius qui haec tam negligenter ferat.* Significat enim duri admodum oris esse & Brutum, qui utatur eo, propter quem soror sua adulterii suspecta esse possit, & Lepidum, qui tam turpem suspicionem in uxore tam lente ac negligenter ferat. Neque dubium est, quin de Bruto & Lepido loquatur, sed in talium rerum narratione ac significatione, propria eorum de quibus agitur, nomina multo venustius multoque verecundius subticentur. Addita autem puto iampridem ab aliquo erudito homine, qui locum declarare vellet. Iam illud *os hominis*, ita dictum est, ut apud Martialem, (b)

Santonica medicata dedit mihi pocula virga.

Os hominis mulsu me rogat Hippocrates.

Libet & notare usum verbi *placet*, sane elegantem, si quis forte eum minus adverterit. Cum igitur in manifesto peccato aliquem deprehenderant, ita ut ne ipse quidem factum suum defendere posse videretur, ita eum interrogabant: *Placet hoc tibi?* Sic Thais Terentiana (c) de prehensum Chaeream leviter obiurgans, *Statin' hoc tibi placet?* Cicero epistola sexta eius libri in quo nunc versamur, *Sed heus tu ποῦός εἰς δῆμον.* *Placet hoc tibi?* Tibullus carmine obsceno, *Placet... qui sub arborum coma,* & quae sequuntur. Piget enim adscribere. In eadem epistola, ubi vulgo legitur, *At nunc Coelius non dico equidem, quid egerit,* legendum est. *Quidquid egerit.* In octava, *meros terrores,* non ut vulgo, *miros.* In ultima vero, *Accepi ab Acasto, meo flatore, tuas litteras,* non ut editi libri habent, *Accepi ab Acasto servo meo statim tuas litteras.*

Emendata multa e libro tertio De officiis.

C A P. IX.

Cicero's verba sunt e tertio De officiis: *Accedit eodem testis locuples Posidonius, qui etiam scribit in quadam*

(b) Lib. 6. epig. 96. [c] *Ennuch. Act. 1. sc. 2.*

quadam epistola, P Rutilium Rufum, qui Panaetium audiverat, dicere solere, ut nemo pictor esset inventus, qui Veneris eam partem, quam Appelles inchoatam reliquisset, absolveret, oris enim pulchritudo reliqui corporis imitandi spem auferebat, sic ea quae Panaetius praetermisset, & non perfecisset, propter eorum quae fecisset praestantiam, neminem persecuturum Quibus in verbis saepe admiratus eram, cur additum esset illud, & non perfecisset. Certe enim quae praetermiserat Panaetius, ea non modo non perfecerat, sed ne inchoaverat quidem. Sed veteres libri admirationem sustulerunt, quorum in plerisque postrema eius comprehensionis pars ita legitur: *Sic ea quae Panaetius praetermisset, propter eorum quae perfecisset praestantiam, neminem persecutum*. In eodem libro, ubi de Caesaris caede, etsi eum non nominat, loquitur, ita vulgo legas: *Vicit igitur utilitas honestatem, imo vero honestas utilitatem secuta est*. At in vetustioribus quanto melius? *Vicit igitur utilitas honestatem? imo vero honestatem utilitas consecuta est*. Significat enim factum illud honestum fuisse per se utile *καὶ συμφεβνός*. Unum praeterea locum subiiciam, qui nusquam ille quidem in vulgatis libris emendate legitur, sed in libris praeclari illius correctoris ita depravatus est, ut ipsius sententiae, aliquot vocum temere additarum congestu obrutae, vix, quasi per nebulam, tenue quoddam vestigium appareat. Et fuit ea illius consuetudo, ut non tam quaereret interdum, quid dixisset Cicero, quam, quid ipse eum dicere oportuisse censeret. Sed tota res mihi paulo altius repetenda est, ut etiam in iis Ciceronis verbis, quae non multo antecedunt eum quem purgare instituimus locum, maculae quaedam eluantur. Quaerit igitur Cicero, liceatne interdum viro bono alium laedere, deque illius commodis aliquid detrahere. Ac primum illud quasi principium ponit humanae societatis arctissimum vinculum esse; magis arbitrari esse contra naturam, hominem homini detrahere

fui commodi caussa, quam omnia incommoda subire vel externa, vel corporis, vel etiam ipsius animi, *servantem iustitiam*. Ita enim plane legendum est, non ut vulgo, *quae vacent iustitia*. Vetus scriptura depravata est, *cevatent iustitiam*. Deinde, paucis interiectis, addit, *Quid? si Phalarim, crudelem tyrannum, & immanem vir bonus, ne ipse frigore conficiatur, vestitu spoliare possit, nonne faciat?* Hic libri mei veteres habent, *ne ipse algore pereat*. Sed utroque modo eadem sententia efficitur. Deinde totam quaestionem, adhibita distinctione, explicat his verbis, *Nam si quid homini ad nullam partem utili, utilitatis tuae caussa detraxerit, inhumane feceris, contraque naturae legem*. Quibus verbis ne homini quidem plane inutili significat, quidquam sapientem detrahere debere, utilitatis suae caussa. At ille, quidem dico, ita addit, *Nam si quid homini homo ad nullam rem utilis, utilitatis tuae caussa detraxeris*. Inepte. Instituta enim quaestio est hoc modo, *Num sapiens homini ad nullam rem utili aliquid aliquando detrahere possit*. Non autem, *Num homo ad nullam rem utilis*. Ita enim paulo ante quaesitum erat, *Nonne igitur sapiens, si fame ipse conficiatur, abstulerit cibum alteri homini ad nullam rem utili*. Negat igitur Cicero, id utilitatis privatae caussa licere. Deinde addit, *Sin autem is tu sis, qui multam utilitatem Reip. atque hominum societati, si in vita remaneas, adferre possis, si quid ob eam causam alteri detraxeris, non sit reprehendendum*. Ob eam causam, id est, non ob tuam utilitatem, sed publicam. Sequitur, *Sin autem id non sit eiusmodi, suum cuique incommodum ferendum est potius, quam de alterius commodis detrabendum*. Liber autem vetus, quo nunc utor, ita habet, *Sin autem is non sis eiusmodi*. Unde colligo librarium, primo per errorem, cum scripisset, *sin*, rediisse denuo ad superius membrum cuius principium erat, *Sin autem is tu sis* deinde errore animadverso non delevisse quidem duas voces quas frustra reperierat, *autem is*, sed caetera persecutum. Ut sit vera lectio, *sin non sis eiusmodi*,
Sole-

Solebant enim homines imperiti, qui avorum aut proavorum nostrorum temporibus, victum sibi describendis libris quaeritabant, quae perperam scripserant, non delere, ne libros suos multis lituris deformatos, minus vendibiles redderent, iterumve totas paginas describere cogerentur, sed iis ut erant omissis, caetera persequi. Atque ea res innumerabilem errorum copiam in omne scriptorum genus invenit.

Xenophontis loci duo emendati.

C A P. X.

Libet hoc loco proferre coniecturam meam de duobus locis Xenophontis e primo ἀναβάσεως: de quibus dubium non habeo, quin & in omnibus usque in hunc diem editis libris corrupte legantur, & tuto ac facile corrigi possit. Eorum primus est, ubi Cyrus in Ciliciam transit, superatis montibus in quibus Synnefis praesidium collocarat. Cum enim Cilices ad primam Cyri adventantis famam sese in fugam dedissent, sine ullo negotio Cyrus & montes conscendit, & Cilicium castra coepit. Ibi Xenophontis verba sunt: Κύρος δὲ ἀνέβη ὅπῃ τὰ ὄρη, ὑπερὸς καλύοντος ἢ εἴδε τὰς σκηνὰς ἢ ἐφύλαττον εἰ Κίλικες. Quid autem attinuit dicere eum, superatis montibus, vidisse castra quae Cilicum fuerant? Certe enim ita necesse fuit, nisi aut caecus fuisset, aut clausisset oculos. Sed nos quoque caeci, opinor, fuerimus, nisi videamus, εἴτε, non εἴτε legendum esse. Alter locus est, ubi Cyrus ad flumen Chalum pervenisse dicitur, cuius pisces Syri, ut & columbas, pro diis habebant. Ibi, enim ita legimus. Αἱ δὲ κῶμαι ἐν αὐτῷ ἐσκηλεύου, Περυσάτιδος ἦσαν, εἰς ζῶντι δεδομένα. Sed mihi excuti non potest, quin ζῶντι non ζῶντι legere oporteat, ut dicamus eam totam regionem reginae Parysatidi in cingulum attributam fuisse. Reginis enim Persarum multa oppida,

multaeque regiones in singulas mundi muliebris partes adtribui solebant: verbi caussa, in *strophium*, in *amiculum*, in *cingulum*, in *sandalia*. Idque locupletissimus testis confirmat Plato in Alcibiade primo his verbis: ἰπεὶ ποτ' ἤκουσα ἰσθ' ἀνδρὸς ἀξιοπύτου ὅμ' ἀναβεβηκότων παρὰ βασιλέα, ὃς ἔφη παρελθεῖν χώραν πάνυ πολλῶν καὶ ἀγαθῶν, ἰγγυὺς ἡμερησίαν ὁδόν, ὡς καλεῖν τοὺς ἐπιχωρίους ζώνῳ τῆς βασιλῆως γυναικός, εἶναι δὲ καὶ ἄλλῳ, ὡς αὖ καλεῖσθαι καλύπτραν. καὶ ἄλλους πολλοὺς τὸ τοὺς καλοὺς καὶ ἀγαθοὺς εἰς τὸν κόσμον, ἐξηρημένους τὸν τῆς γυναικός, καὶ ὀνόματα ἔχει ἐκάστους ὅμ' ὅπων ὑπὸ ἐκάστου ὅμ' κόσμων. Sed & Lutetiae Parisiorum vestigal quoddam vino impositum est, quod vulgo *cingulum reginae* vocant. Sic Themistocli (d) apud eosdem Persas quinque urbes, Magnesia, Lampacus, Myus, Percope, & Palaescepsis, in panem, vinum opsonium, stragula & vestitum adtributae fuisse dicuntur.

*Suetonii in Galba unus, & alter in Otthone
emendatus & illustratus locus.*

C A P. XI.

Miram & prope sordidam Galbae Imperatoris parsimoniam fuisse & Tacitus & Suetonius, (e) & alii tradiderunt. Cuius exempla multa cum retulisset Suetonius, adiicit: *Quare adventus eius non perinde gratus fuit: idque proximo spectaculo apparuit. Siquidem Atellanis notissimum canticum exorsis, Venit io simus a villa: cuncti simul spectatores, consentiente voce reliquam partem retulerunt, ac saepius versu repetito egerunt. Quae Turnebus libro quinto (f) Adversariorum emendaturum se & explicaturum professus, nihil de suo adfert, nisi Io esse interiectionem exultantis omnibus notissimam. Miror autem cur tantus vir, cum manus depravato loco admovisset, nihil protulerit, nisi quod pueri paulo grandiores*

(d) *Plutarchus Themistocle*. (e) *Cap. 13.* (f) *Cap.*

diores in schola si ignorarent, caederentur. Certe si nodus ille tam facile solvi poterat, non tali vindice indigebat. Quomodo autem populus, iterando eam vocem, quae exultantium propria est, declarare potuisset, parum sibi gratum esse imperatoris adventum? Sed nos tentemus, si quid melius possumus. Servis olim & libertis interdum nomina ex moribus ipsorum imponi solebant. Atque id magis etiam fiebat in comoediis. Puto igitur in vetere Atellana vel servuum vel libertum dispensatorem fuisse, qui, quod frugi & parcus, & dominis utilis foret, ex re Onesimus vocaretur. Servile autem illud nomen esse, etiam e S. Pauli epistolis notum est. Eum igitur conservi cum in Atellana fabula viderent redeuntem e villa, intelligerentque parcius sibi iam edendum ac bibendum fore, quod eos Onesimus dure contenteque habiturus esset, cecinerant, *Venit Onesimus a villa*: & addiderant, opinor, alia quae ad parsimoniam & severitatem ipsius exagitandam pertinerent. Eadem igitur illa cum in Galbam, qui nuper venerat, praeclare convenire viderentur, populus iocans crebro iterasse dicitur. Plane autem in veteribus libris legitur *Venit onesimus*. Quod testati sunt & alii, & minimo negotio mendum tolli potuerit. Sed saepe fit, ut etiam perspicacissimos ea quae sunt ante oculos posita, fugiant. Fuit autem ipsi Svetonio pater vir fortissimus, & spectatae virtutis, cuius nomen cum in filii libris decurtatum ac depravatum legatur, restituere, operae fuerit. Sic ergo legimus in Otthone, *Interfuit huic bello pater meus Svetonius Lenis, tertiae decimae legionis tribunus angusticlavus*. Ita vulgo. At vidi ego librum qui cariem & tineas senserat, in quo post nomen *Suetonius* foramen erat exiguum, deinde sequebatur *linus*, & supra alia manu emendatum *lenis*, Omnino autem legendum est *Pallinus*. Id enim ei verum cognomen fuit. Testem in eam rem lauda-

laudabo Tacitum, qui fortis viri neque nomen, neque virtutem tacitam esse sivit. Eius enim & saepe in animalibus & in Agricolae vita perhonorificam mentionem facit.

Aristoteles e primo Politicorum, Hippocratis e libro περὶ τροφῆς emendati & illustrati loci.

C A P. XII.

Aristoteles libro primo Politicorum erudite ac copiose disputat de origine servitutis: ostenditque verae servitutis causam in natura positam esse: ita ut ii qui mente ac consilio valent, corpore autem sunt ad obeunda necessaria munera non satis habili, natura facti sint, ad imperandum: qui contra valido ac robusto corpore, sed ingenio habeti ac stolido, tantum ut imperata facere, non etiam ipsi, quid agendum sit, prospicere possint, eos natura ipsa eorum qui plus sapiunt imperio subiecisse videatur. Qui autem bello capti, aut alio modo in servitutem redacti sunt, ii, si liberali sint ingenio, fortuna quidem ac condicione servi sunt, sed natura liberi. Sunt igitur quidam liberi natura, quos in servilem sortem casus aliquis deduxit: sunt contra multi quos servire oportet, quique natura servi sunt, qui melioribus & natura liberis imperant. Neque omnis aut libertas, aut servitus contra naturam est: neque omnis congruens ac consentanea naturae. Sed ad ipsum eius disputationis finem ita legitur in libris emendatis a Victorio, & in aliis prope omnibus: ὅτι μὴ ἔν ἔχει τινὰ λόγον ἢ ἀμεισθήτητος, καὶ οὐκ εἰσὶν οἱ μὴ φύσει δούλοι, δ' ἐλευθεροὶ δῆλον. Quae ita interpretatur Victorius: *Continere igitur in se rationem quandam hanc controversiam, & non esse, hos quidem natura servos, hos autem liberos, planum est. Atqui Aristoteles ipse nihil tam docere conatus est, in iis quae antecesserunt, quam esse quosdam natura*

tura servos, & quosdam natura liberos. Itaque in libris Aldinis hoc modo legimus : καὶ εἰσὶν οἱ μὲν φύσει δοῦλοι, οἱ δ' ἐλευθεροί, id est, & esse alios natura servos, alios liberos. Sed ne hoc quidem ferri potest. Utrumque enim docuit, quosdam natura, quosdam praeter naturam, & servos & liberos esse. Verum igitur est, quod ego, cum prius coniecissem, postea scriptum repperi in eis libris, quos Aldi haeredes edidere : καὶ εἰσὶ καὶ οὐκ εἰσὶν οἱ μὲν φύσει δοῦλοι, οἱ δ' ἐλευθεροί, id est, Et esse, & non esse alios quidem natura servos, alios autem liberos : Similis locus est in libro Hippocratis De alimento : qui ita lacer ac mutilus est, ut & Cardanus & caeteri, quos ego quidem viderim, aetatis nostrae medici, qui eum declarare voluerunt, meras nugas attulerint. Ego autem eum ita interpretabor, ut non verear, ne quis mihi illud obiiciat : τέκτων γὰρ ἂν ἔπαρῃ οὐ τέκτωνικά. Exposuerat Hippocrates varias super tempore puerperii sententias. Dixeratque aliis quidem videri tempus id esse dierum CCX. qui quidem efficiunt septem menses, siquis Aegyptiorum more, quem tum fere sequebantur, tricenos dies singulis mensibus tribuat : aliis trecentorum, qui eadem ratione efficiunt decem menses : aliis denique CCXL. qui eadem ratione octo menses efficiunt. Deinde ad hanc postremam opinionem respiciens, subiicit : οὐκ ἔστι καὶ ἔστι. Quae verba quid sibi velint, ne Mopsus quidem aut Oedipus divinarit. Legendum autem hoc modo : ἔστι δὲ καὶ οὐκ ἔστι ὀκταμηνίῳ γένεσι. Atque ita intelligendum esse quodammodo partum octimestrem, & quodammodo non esse. Potest enim mense octavo mulier parere ; sed fetus vitalis non est. Atque ideo Sabinus, Galeno, ut notum est, antiquior medicus, ea sic exposuerat : ἔστι μὲν φαινόμενα ὡς ζῶα, μετὰ τὴν ἔκτρωσιν, οὐκ ἔστι δὲ ὡς θνήσκοντα μετὰ ταῦτα. καὶ ἔστιν οὐ φαντασίῃ μὲν πυραυτικά ὄντα, διωάμεν δὲ οὐκ ἔστι. Ex quibus etiam Sabini verbis, conicio, ubi apud Hippocratem legimus ἐκτρώσιν, legendum ἐκτρώσιν, & quae

quae sequuntur, depravata in Hippocratis libris, quae quomodo emendanda sint, cognosci poterit e Gellio, libri tertii capite XVI. unde etiam sumpta sunt quae modo attuli. Ut mirum sit ea tandiu latuisse, cum tam aperto ac celebri in loco paterent. Eodem autem loquendi genere usus est & Plautus in Trinummo: (b)

Est atque non est mihi in manu Megaronides.

Quin dicant, non est. Merito ut ne dicant, id est.

Emendati e Trinummo Plautina libri duo.

C A P. XIV.

FActa me Trinummini mentio admonet, ut insignem ex ea locum emendem: in quo & versus perperam collocati sunt, & personarum nomina locis non suis posita, & depravati versus, & denique *εἰς τὴν ὕψιν*. Nolo autem otium, quo minime abundo, inanibus verbis consumere: Tantum proponam locum ipsum, ita ut mihi legendus videtur: (i)

P H I L T.

Non edepol tibi pernegare possum quidquam quod velis.

Cui egestatem tolerare vis? loquere audacter patri,

L Y S I T E L E S.

Lesbonico huic adolescenti, Charmidae huius filio.

Qui illic habitat. PH. qui comedit, quod fuit, quod non fuit?

LY. Ne opprobra pater. Eveniunt multa homini quae vult quae ne vult.

Sapientiae aetas condimentum est, sapientia aetati cibust.

PH. Mentire edepol nate. Atque id nunc facis baud consuetudine.

Nam sapiens quidem pol ipse fingit fortunam sibi.

Nulli quae ne vult eveniunt, nisi fictor malus sit.

LY. Multa est opera opus ficturae, qui se fictorem probum Vitae agendaesse expetit. Sed hic admodum adolescentulus.

PH. Non aetate, verum ingenio apiscitur sapientia.

Age-

(b) Sc. Larem. corona. (i) Sc. Quo illis homo.

Agedum, eloquere . Quid dare illi nunc? LY. nihil quidquam pater .

Tu modo ne me prohibeas accipere, si quid det mihi.

Quod autem ait Lysiteles ad excusandum sodalem, sapientiae esse condimentum aetatem, & sapientiam aetati cibum; hanc sententiam habet. Quidam cibi sunt, qui recentes quidem non sunt esui; sed seponi solent in longam usionem, & multa aut aceto, aut sale, aliisve modis condiri. Mirescunt autem, ac concoquuntur tempore, & ad vescendum utiles fiunt. Sic sapientiam ait in juvenibus immaturam esse, procedente aetate condiri ac mitigari, quasque maturescere. In eadem autem fabula iocularis quidam versus qui a Stasimo, pronuntiatur, & corrupte legitur, & male explicatur. Labinus hoc modo: (k)

Coena haec annona est, sine sacris hereditas .

& exponit, Coena haec est instar annonae. At Lipsius ἐρωτηματικῶς: *Coena haec an non est?* Ego veterem scripturam retineo:

Coena, hac annona, est, sine sacris hereditas .

Est autem, *hac annona*, ablativus, ut grammatici vulgo loquuntur, absolutus, & hoc significat, hac annonae caritate quae nunc est. Sic alibi: (l)

Mirum est lolio visitare te, tam vili tritico:

id est, cum triticum tam vile sit.

Notata quaedam apud Livium, in quibus ipse sibi pugnare videri potest.

C A P. XIV.

Livii historiarum scriptoris disertissimi ac copiosissimi errores quosdam notavit olim Laurentius Valla, unum etiam homo eruditissimus mihiq; amicissimus Carolus Sigonius, qui hoc tempore tantum in Livii

anna-

[k] Sc. Minus quindceim. (l) Milite Sc. Nisi quidem.

annalibus praestitit, quantum vix sperare fas erat. Superfunt & alii, quos notare non ab re fuerit, ut incendatur scribentium industria; & ut intelligatur τὸ ἀναμάρτητον maius quiddam esse quam ut ab homine praestari queat. Libro igitur annalium quarto, multis argumentis docet, errare eos, qui tradunt A. Cornelium Cossium tribunum militum, secunda opima spolia Iovis Feretrii templo intulisse. At eodem in libro Mam. Aemilium dicentem facit, se eundem dictatorem esse, qui ante Veientium Fidenatiumque, adiunctis Faliscis, ad Nomentum exercitu fuderit; & magistrum equitum A. Cornelium eundem in acie fore, qui priore bello tribunus militum, Larte Tolumnio, & rege Veientium, in conspectu duorum exercituum occiso, spolia opima Iovis Feretrii templo intulerit. Ne illud quidem defendi posse arbitror, quod libro nono in laudando L. Papirio Cursore ita scribit: *Haud dubie illa aetate, qua nulla virtutum feracior fuit, nemo unus erat vir, quo magis innixa res Romana staret. Quin eum parem destinarent animis magno Alexandro ducem, si arma, Asia perdomita, in Europam vertisset.* At paulo post ait, se arbitrari, Alexandrum ne fama quidem Romanis notum fuisse. Quomodo igitur L. Papirium quem ei opponerent, animis destinare potuerant? Sed & illud recte ac vere notavit Glareanus, manifesto eum sibi pugnare, cum Hannibalem vix dum puberem Hasdrubalis litteris accersitum scribit, cum ex ipsis Livii verbis necessario colligatur, Hannibalem eo tempore annos non minus viginti tres natum fuisse. Qua aetate qui alium tutore egere dicat, ipsemet curatore potius indigere videatur.

Cur videatur Assa nutricibus dici solitum.

Emendatus quidam Varronis locus.

A C P. XV.

Quod Nonius assas nutrices olim vocatas scribit, quia

quia affint eis quod nutriant, (m) id quam verum sit, videbimus. Fortassis enim verius est esse a Graeco ἄφα. ἄφα δὲ τὸ μὴ τέλα, φίλνι. τὸ δὲ ἄφα, τροφείας. τὸ δὲ πάπα, παππός. τὸ δὲ ἡθεῖε, ἀδελφεῖον, (n) ait Eustathius. Sed quod homo eruditus putat, se apud ipsum Nonium eius vocis exemplum reperisse in exemplo Varronis ab eo adducto, cum verbi Betere notionem explicat, de eo mihi quidem longe aliter videtur. Verba Varronis in veteribus libris ita scripta sunt *Affanos multos quod ea parere non poterat mulier, eum betere foras iussit*. Quae is, quem dico ita emendat: *Affa non multo post, quod ea parere non poterat mulier, eum betere foras iussit*: Et tamen ait ibi affam vocari non nutricem, sed obstetricem. Quod si admitteremus, non tamen dicendum esset, repertum exemplum eius quod Nonius dixerat; sed repertam aliam significationem nominis *Affa*, quae ipsum quoque latuisset Nonium, neque usquam a veteribus tradita esset. Id autem quam credibile sit, non disputo, mihi certe nondum displicet, quod de illis Varronis verbis iampridem existimavi, ea pertinere ad Sp. Carviliū, qui primus Romanorum uxorem repudiasse dicitur, non quod eius mores aut ingenium parum probaret, sed quod coniugem se velle diceret liberorum quaerendorum gratia, illam autem sterilem esse. Lego igitur hoc modo, *A se annos multos quod ea parere non poterat mulier, eam batere foras iussit*. Erat enim hoc quoque verbum usitatum in repudiis. Cicero: (o) *Claves ademit, Foras exegit*. Martialis, *Uxor vade foras, aut moribus nostris*.

Emendati complures variorum scriptorum loci in quibus a librariis eodem modo peccatum erat.

C A P. XVI.

AD medicinam melius & certius facitandam, non mediocriter utile est, scire, quibus in rebus is qui aegro-

(m) V. *Affas*. [n] In *Iliad*, lib. 6. v. 518. (o) *Philip*. 2. lib. 16. ep. 105.

aegrotat, peccare solitus sit: quo & caussa morbi facilius reperiatur, & ad eam medendi ratio accomodetur. Sic & iis, qui se veterum scriptorum quasi medicos quosdam esse profitentur, nosse expedit, quibus potissimum modis veteres librarii peccare soliti sint, ut latentia hulcera quae in optimis quibusque scriptoribus inveterarunt, sagacius deprehendant. Inter caetera igitur sane multa genera depravationum, animadverti, solitos eos, si quando vetustioris libri ex quo aliquid describebant, scripturam satis certo ac liquido perspicere non poterant, dubitabantque hoc an illo modo scriptum foret, aut si quando aliud in aliis exemplaribus scriptum reperiebant, utrumque ponere, & lectorum iudicio permittere; utrum verius videretur. Eo modo, vix credibile est, quam multa in optimis & nobilissimis quibusque scriptoribus maculata sint. Libet eius rei aliquot exempla proponere: ut ab aliis quoque alia consimilia probentur. Apud Xenophontem libro primo Anabaseos ita legimus: τὸ δὲ κράτευμα ὃ σὶν ἐπίλιπε, καὶ φράσσαι οὐκ ἔω, εἰ μὴ ἐν τῇ Λυδία ἀγορᾷ, ἐν τῷ Κύρου βαρβαρικῷ τῶν καπὶθλαλέων ἢ ἀλφειῶν τετάρων σίγλων. Ubi qui diligenter attenderit, facile videbit, legendum tantum esse, τῶν καπὶθλαλέων ἀλφειῶν. Apud Aristotelem libro primo De arte dicendi: Ἀνάγκη συλλογισμένον ἢ ἰσχυρόντα δεικνύειν ὅτι οὐκ ἢ ὀντινοῦν. Ubi frustra se torquet Victorius. Illud enim ἢ ὀντινοῦν plane delendum est: quod ego cum iampridem coniecissem, confirmatus sum in sententia, auctoritate Halicarnassei, qui hunc locum ita citat, ut illam librariorum προδήκω non agnoscat. Apud Ciceronem in Academicis: & veluti amantes Socratem. Ubi docui legendum, & iam ante Socratem. Apud Livium libro xxiv. in libris a doctissimo Sigonio emendatis: Cum illud potius agendum, atque eis cogitandum sit, si quomodo fieri possit, ne qui socii a populo R. desciscant: & non vocitent, documentum autem ducant, statui oportere, si quis

quis respiciat, & antiquam societatem respiciat. Libriaudem veteres habent: Documentum aut ducant, statui oportere non nocitivum. Ita igitur emendo eum locum quem insanabilem esse pronuntiavit Sigonius primum illud, Documentum aut ducant, scio librarii esse, utro modo scriptum esset, ambigentis. Deinde illud, & non vocitent, factum esse ex eo, quod paulo post sequitur non nocitivum, & positum loco non suo. Quibus positis ita lego: Documentum statui oportere, non nociturum, si quis respiciat & antiquam societatem respiciat. Est autem optima & gravissima sententia, & Thucydidea: οὔτε δὲ ληπίσον κατασῆσαι τοῖς ἀποσῶν, ὡς οὐκ ἔσαι μεταγνώσαι. Apud Senecam libro primo De beneficiis: Ergo & Mercurius una stat, non quia beneficia ratio commendat vel oratio, sed quia pictori ita visum est. legendum, Non quia benefica commendat oratio. Apud eundem epistola XXXIII. Ego vero utar via veteri: sed si priorem planioremque invenero, hanc muniam. Libri veteres: Sed si priorem vel planiorem. Ego, sed si planiorem invenero. Apud Plinium capite XXII. libri XIV. Spectante, miraculi gratia Tiberio princepe in senecta iam severo, acque etiam alias saevo, sed ipsa iuventuta ad meorum pronior fuerat. Totum illud, atque etiam alias saevo, delendum est. Apud eundem capite. III. libri XXV. Abstinentiam cibi, alias vini. Dele illud, alias vini. Dicit enim δόρτιαν. Apud Tacitum libro VI. ab excessu Divi Augusti, Ut sacrificantes vel insipientes Bacchae. Utrum non facile dixerim, alterum certe παρλιναι. Apud eundem libro XIII. Audiretur hinc Germanici filia, inde villis rursus Burrus. Liber vetus, inde devillis rursus aut Burrus. legendum, inde debilis Burrus. Debilem autem vocat, quia trunca erat manu, ut statim subiicit, Apud eundem libro XIV. Per insidias serviles, quas nemo prohibuit, aut prodidit, delendum illud, aut prodidit. Apud Plutarchum in Theseo: ἐπεισὶ αὐτὸν ἢ διηπάτησε τῇ ἀνδρᾷ συγγενέσθαι. Delendum illud ἢ,

Confirmatum quod de Aristotele & Hippodamo in superioribus scriptum est adversus frigidam defensionem eius qui quod ipsemet ignoravit aliis pro certo & explorato obtrudere voluit.

C A P. XVIII.

SCriperam, non satis bona fide versatum Aristotelem videri (q) in Hippodami rep. reprehendenda; idque cognosci posse de quibusdam ipsius Hippodami fragmentis quae apud Stobaeum extarent. Extitit, qui decennio post, Aristotelis defensionem susciperet; meque eius rei historiam ignorasse diceret; se autem planum facturum, fideliter, ut docebat se summum philosophum in toto illo negotio praestitisse. Expectabam igitur, ut ipse quoque in suscepto negotio fideliter praestaret; & quando me inani argumento usum dixerat; solidis ipse ac gravibus argumentis in mea opinione refutanda uteretur. Reperio historiam quidem nullam; argumenta autem ita levia, ut ea dum refello, videar mihi cum Aenea Virgiliano persequi tenues sine corpore vitas. Alium esse ait Hippodamum, cuius multa apud Stobaeum leguntur, alium qui ab Aristotele reprehenditur. Illum enim Italicum, hunc Milesium fuisse. Vellem alicuius veteris scriptoribus testimonium protulisset, a quo horum duorum Hippodamorum Milesii & Italici, quorum uterque optimae reip. speciem informasset, mentio fieret. Quamquam enim plurimum illi tribuo; non tantum tamen, ut satis sit, αὐτὸς ἔφα. Haec videlicet; illa historia est, cuius ignoratione lapsus esse me dicit. Quae si in ipsius ingenio delituerat, neque a quoquam veterum prodita erat, qui, quaeso, eam non ignorasse potui? At quia testimonia non suppetunt, ab argumentis auxilium mutuatur. *Hippodamus*, inquit,

C c 2

Aristote-

(q) Lib. cap. 14.

Aristotelis Milefus fuit. Fateor Stobaei vero ut existimare licet, Italicus, quod disciplina illius, & sermo etiam Doricus, quo utitur, declarat, Alter Hippodamus Ionico usus fuisset. Miletus enim Ioniae civitas fuit. Nego quidquam hac ratione concludi. Nam neque omnes qui Italicam philosophiam coluere, fuerunt genere atque origine Italici: cum Pythagoras eius disciplinae auctor Samius fuerit: neque omnes Dorico sermone scripsere Empedocles certe Ionice scripsit; qui tamen Pythagoreus fuit. At alter inquit, Hippodamus Ionico usus fuisset. Miletus enim Ioniae civitas fuit. Quasi vero necesse sit, unumquemque eius gentis lingua in scribendo uti in qua ipse natus est. Frustra certassent septem urbes de stirpe insignis Homeri, si ulla in hoc argumento firmitas esset. Neque ego puto ea lingua usos Stagiritas, qua Aristoteles scripsit, aut, quia ἀλιγάρτα scripsit Theophrastus ideo ita locutos Ephesios. Petrum Bembum optime Etrusce scripsisse ait bonus in primis eius rei existimator Ioannes Casa, at Bembus Venetus fuit. Quid autem vetat, Hippodamum, cum Mileti quidem natus esset, sed diu versatus in magna Graecia: in qua philosophia illa florebat, eius gentis sermone scripsisse, non in qua natus esset, sed in qua viveret, & cui fortasse potissimum scriberet? Doriensis fuit Hippocrates, ait Aelianus, sed in Democriti gratiam Ionice scripsit. Qui magis licuerit Doriensi Ionice quam Ionico Dorice scribere? Hoc saltem admonere debuit ipsum, non minus aciiudicio quam acuto ingenio praeditum, ut non statim propterea duos Hippodamos esse concluderet. Addit: Quanto autem plura sunt, quae iudicio Stobaei, in scriptis ipsius Hippodami discrepant a sententiis Aristoteleis, tanto facilius intelligere poterat, ipsos longe alios esse. Neque enim existimandum est, philosophum ita perfricuisse frontem, ut tam aperte mentiretur: praesertim eo tempore, cum omnes nullo negotio hoc redarguere potuissent. Hoc loco ar-
duam

duam mihi & lubricam defensionem esse fateor . Nam neque de Aristotele, quem quanti faciam, norunt, quicumque me norunt, quidquam sequius loqui velim. Et tamen res ipsa subigit me, ut dicam, eum non nunquam reprehendorum veterum paulo quam par erat cupidiorum fuisse . Plato civitatis salutem in eo positam esse dixerat, si quam maxime una esset . Quam id sophisticè Aristoteles calumniatus est? Non libet de Ideis dicere . Sed tamen non desunt ex ipsis Aristoteleis, qui Aristotelem in eis labefactandis non optima fide cum Platone egisse fateantur . Parmenidem quidem defendit Simplicius, nihil Aristotelis auctoritate deterritus . Et Platonis aut Parmenidis scripta non minus illa tempestate in manibus erant, quam Hippodami . Sed si duo Hippodami fuerant, quorum uterque de republica scripserat, cur eorum alterum Aristoteles infectatus est, alterum ne nominavit quidem? cum praesertim quosdam nominaverit, quorum usquam alibi memoria extat . An illud verius est ex his duobus Hippodamis alterum Miletii, alterum, ut Palladem e Iovis, ita ex hominis eruditissimi cerebro Florentiae natum? Et addit postremo, *Quod autem Aristoteles significavit, eum, quem improbat, Milesium fuisse, putari debet id fecisse, ut distingueret ab altero hoc, eodem nomine vocato, Pythagoreo .* Non video, cur ita putari debeat, multos enim a patria nominat, etiam ubi nihil opus est distinctione . Ut cum dicit, Γοργίας ὁ Λεοντίνος . Et libro primo cum dicit : οἶον καὶ τὸ Θάλεω τῷ Μιλησίῳ, non opinor, Milesium dixit, ut eum ab aliquo Thalete Italico distingueret . Illum igitur ὑπὸ τῷ Ἰπποδάμῳ Hippodamum omittam, pertinacius contendenti occinam,

Σοὶ μὲν ταῦτα δοκοῦντ' ὄντιν, ἐμοὶ δὲ τὰδε .

D. litteram vocibus in vocalem desinentibus antiquitus interdum addi solitam. Et eius rei proposita aliquot exempla.

C A P. XIX.

A Latinis veteribus concursum vocalium non amantibus fieri saepe solitum, ut vocibus in vocalem desinentibus adderent litteram *D*, tum maxime, cum subsequenter vocis prima littera vocalis esset, notum est & ex Fabio, & e fragmento columnae rostratae C. Duillio positae, quod e foro superioribus annis erutum, nunc in Capitolio visitur. Atque idem observatum est in iungendis verbis, ut ex *re & eo*, *redeo*, ex *re & emo*, *redimo*, ad eundemque modum plurima. Sed & *mederga*, *tederga*, *suderga*, ad *sed eas*, ita frequenter apud Plautum leguntur, ut nemini ignota esse possint. Superessent & in posterioris aevi scriptoribus multa eius consuetudinis vestigia, nisi per errorem oblitterata essent. Nam & apud Catullum plane ita legendum: *At tu Catulle obstinatus obdura*. Quod ex me in sermone familiari auditum probavit Turnebus, & apud Horatium duo loci sunt huius vetustae consuetudinis ignorance depravati. Nam & libro tertio Carminum ubi vulgo est, (r)

vos o pueri & puellae

Iam virum expertae male ominatis

Parcite verbis;

Ex quo alii fecerunt, *male nominatis*, plerique veteres libri habent *maled ominatis*. Quod ut verum est & libro primo epistolarum, (s)

Omnem crede diem tibi diluxisse supremum.

ex quo factum est, *tibi diluxisse*. Est autem ita locutus Horatius, ut Livius in illo: *Hic spectosus ultimus dies P. Scipioni illuxit*. Apud Plautum quoque in Rudente, in extrema fabula, ubi vulgo ita legitur: (s)

Tibi

[r] Od. 14. v. 10. [s] Ep. 4. v. 13. [t] Stich. Agite ite.

Tibi propino decuma fonte : tu tibi inde si sapiſ.

non habeo dubium, quin ita legendum ſit :

Tibi propinod eccum a fonte : tu tibi inde ſi sapiſ.

Aquam enim conſervo propinat, & eum iubet vinum ſibi ipſum miſcere. Quin etiam lib. XLIII Digeflorum, ſub titulo, Ne quid in loco publico vel itinere fiat, ubi legitur : *Idem ait, ſi odore ſolo locus peſtilentioſus fiat non eſſe ab re de ea interdicto uti : legendum cenſeo : non eſſe ab red eo interdicto uti.*

*Effentiae nomen a Cicerone novatum eſſe. Emen-
datus Senecae ex epistoſis locus.*

C A P. XX.

Magnam ſaeculo ſuo laudem conſecutus eſt & di-
cendi facultate, & philoſophiae ſcientia & gra-
vitate morum Ser. Flavius Fabianus : multaque de eo
cum alii, tum locupletiffimus teſtis Seneca honorificen-
tiſſime ſcripſit. Is cum philoſophiam civitate donare
vellet, multa vocabula novaverat; neque enim aliter
fieri poterat; cum in Graeco quoque ſermone, qui Ro-
mano immenſum quantum copioſior eſt, veteres illi ne-
ceſſe habuiſſent multa producere. Putabatur autem
primus, quam Graeci *uſiam* dicunt, eam Latine *effen-
tiam* nominaviſſe. Ita certe Qninſtilianus credidit, qui
libro ſecundo, cum rhetoricam a quibuſdam Latine lo-
quentibus oratoriam aut oratricem vocari dixiſſet : &
*haec, inquit, interpretatio non minus dura eſt quam illa Fla-
vii eſſentia, & libro tertio : uſiam, quam Flavius eſſentiam
vocat, neque ſane aliud eſt eius nomen Latinum. & libro
oſtavo : Multa ex Graeco formata nova, ac plurima a Ser.
Flavio : quorum dura quaedam admodum videntur. ut ens
& eſſentia : quae cur tantopere aſpernemur, nihil video: niſi
quod iniqui iudices adverſus nos ſumus ideoque paupertate
ſermonis laboramus.* Primus tamen eam vocem finxerat

Cicero : sed quod eam Fabianus primus usu trivisset , quodque alias multas fabricatus esset , huius quoque origo ad eum referebatur . Sed eam Ciceroni vindicat Seneca epistola LIX. nisi quod locus corruptus , ne id vulgo animadvertatur , impedimento est . Ita enim legitur , *Cupio , si fieri potest , propitiis auribus tuis quid sentiam dicere . Sin minus , dicam & iratis* . Ciceronem auctorem huius verbi habeo , puto locupletem . Si recentiorem quaeris , Fabianum , disertum & eloquentem , orationis , etiam ad nostrum fastidium nitidae . Sed pro illo *quid sentiam* , omnino legendum est *essentiam* . Alioqui enim cuius illos verbi habere se auctores diceret ? Idque manifesto declarant , quae statim sequuntur : *Quid enim fiet mi Lucili ? quomodo dicetur ΟΥΣΙΑ , res necessaria naturam continens , fundamentum omnium ?* Rogo itaque permittas mihi hoc verbo uti . Quanquam autem res aperta est , ne quis tamen calumniatur , alium testem in eam rem dabo . Is erit Sidonius Apollinarius : (u) cuius haec sunt ex epistola quadam ad Polemium : *Lecturus es hic etiam novum verbum , id est , essentiam . Sed scias hoc ipsum dixisse Cicronem . Nam essentiam , nec non & indoloriam nominavit , addens : Licet enim novis rebus nova nomina impone- re* . Et recte dixit : Nam sicut ab eo quod est , verbi gratia , sapere & intelligere , sapientiam & intelligentiam nominamus regulariter , & ab eo quod est esse , essentiam non taceamus . Iam igitur qui ad Nizolii epulas bellaria inferunt , essentiae nomine auctiorem eius librum faciant licet . *Indoloriam* , me quidem auctore , non addent . Nam & apud Sidonium ipsum *indolentiam* legi debere arbitror .

(u) Po3 Carmen 13.





GRAECORUM, QUAE A MURETO CONVERSA NON SUNT LATINA INTERPRETATIO.

L E C T O R I.

In hac Graecorum locorum interpretatione quam in rudiorum gratiam adiunximus ; nonnulla sunt a nobis & quidem studio praetermissa . Sed ea duntaxat, quae aut imperitis linguae Graecae, ne latina quidem facta, profutura erant, aut castiores legentium aures non leviter offensura . Quamobrem nec illa explicari e re fuit tua ; & haec minore iactura sileri Graece poterant, quam repeti latine . Id te monitum volui, ne frustra requiras .

Pag. 2. Ἰσοκράτης μὲν] Isocrates quidem , tuus sodalis & meus , o Echecrates , in Paraenese ad Hipponici filium , oportere ait inesse bonis hominibus , si quicquam aliud, etiam affabilitatem : quae quidem in eo sita est, quemadmodum ipse ait, ut libenter alloquamur eos qui nobis obvii sunt .

Eadem τῷ μὲν πρῶτῳ] Moribus quidem affabilis esto, oratione autem comis . Est autem affabilitatis quidem alloqui obvios : comitatis autem familiares cum illis conferre sermones .

Ead. ἐπακτὸς ὄρεσθαι] delatum iusiurandum. Budaeus p. 374.

Pag. 3. οἱ μὲν κατὰ μῦθον] execrandi quidem Theffali, & sensus expertes Thebani amicum, beneficum, salutis auctorem Philippum arbitrabantur . omnia ille ipsis erat.
Ead.

GRAECORUM LOCORUM

Ead. τὰ πρόβατα) pecudes.

Pag. 6. νοῦσα δ' εὖπας) *Iisdem numeris ita reddi possunt .*

Nunc aegra cum sis, qua licet, morbum doma .

Sunt quippe cantus, verba sunt, quae mulceant,

Hinc aliquod huius pharmacum morbi pete .

Ead. κατ' ἀλληγορίαν) Per allegoriam quandam .

Pag. 7. ἐγγενομένῃ) Cum autem insitum illud nobis sit

a natura , ut alii aliis persuadeamus , & inter nos

communicemus, quae volumus , non modo a ferino

vitae cultu abducti sumus ; verum etiam in unum

congregati oppida condidimus, leges tulimus &c.

Pag. 9. καὶ μὴν ὃ περίρρυτος) Ac vero cum aquis circumfu-

sa non sit; tamen insulae in morem, omnibus ventis,

& importat ea, quorum indiget, & exportat, ea, quae

vult . Bimaris enim est .

Pag. 11. ὑγιὲς νοσοῦντα)

Facillime aegrum commonet, qui sanus est .

Ead. τὸ τῆς λέξεως) Dictionis novitatem & peregrinitatem .

Ead. ζεφύρου πνοαῖς)

Zephyri equitantis flatibus per aera .

Pag. 12. θαλασσοπλάκτα)

Aequorivagos quin ipse solus repperi

Alis volantes lineis currus maris.

Ead. ὃ δεινὸν ἔργον)

O quae parasti facinus atrox , impium,

Medea profuge, profuge : sive nautico

Subvecta curru, sive terrestri, fuge .

Ead. θείγεται δ' ἀνίχθ)

Navis caeruleae sic est auriga locutus .

Ead. νῆων ἀκυπόρων)

Scandere veloces naves, quae per mare nobis

Sunt velut instar equum .

Pag. 13. ἀνδρόπαιδος) Pueri ad virilem aetatem tendentis.

Pag. 15. εὐκ' ὅφρ' Ὀδύσει)

Nullius

INTERPRETATIO.

Nullius Solo utique mentis, nulliusque consili;
 Nam bona Deus ipse cum dedisset, haud cepit tamen:
 Cumque praedam iam teneret, non retraxit cominus
 Rete magnum; devius mente, haud fatis compos sui.
 Mallet enim cum potestate assequi magnas opes.
 Cumque diem solum Athenis imperasset, postea
 Utris instar diripi, totumque conteri genus.

Pag. 16. κατερέναζεν δὲ) Instruxit autem civitatem, multitudinem quidem decem millia capitum numerantem; distributam vero in tres partes; unam artificum; alteram agricolarum; tertiam bellatorum, & arma tractantium.

Ead. παρί δ' ἵστανται) Aio autem ego universam civitatem tribus partibus contineri. Atque unum quidem esse ordinem bonorum, rempublicam administrantium: alterum eorum, qui viribus, & potentia praestant: tertium eorum, qui explent ac suppeditant res necessarias. Appello autem primum quidem ordinem, consiliarium; proximum, auxiliarium; postremum sordidum ac quaestuosum.

Ead. τῷ δὲ θανάτῳ) Sordidum autem illud genus, quod sibi victum labore quaerit, partim est agricolarum, qui terram exercent & colunt, partim opificum varia instrumenta & machinas ad vitae subsidia conferentium, partim denique eorum qui ultro, citroque commutant, & mercaturam faciunt; atque ea quidem quibus civitatis abundat, in exterarum oras convehunt: alia vero important ab exteris in civitatem.

Pag. 17. ἐν τῷ δὲ) Sermone de Republica.

Ead. ἰσχυρὰ δ' αὖτε)

Salutis auctor tibi fui, ut Graeci sciunt
 Quoscumque tecum vexi Argo Pelias.

Pag. 18. τυφλὸς τὰς ὄψεις.)

Caecae tibi aures, caeca mens, ac lumina.

Ead. μὴ δὲ γῆρα) Neve senem vexes vexatum.

Pag.

GRAECORUM LOCORUM

Pag. 21. τὰς δὲ ἑλληνικάς) Graecas autem aiunt apud veteres, omnes fuisse ad eum modum factis, argumento a Comoediis sumpto: quod cum in publicum sunt prodituri, ianuas suas intus pulsent, & crepitum edant; quo foris qui progrediuntur, aut pro ostio stant, caveant ubi id audiunt, ne fores in vicum expulsae illidantur in ipsos. *pag. 195. H. S.*

Ead. ἰθὺματα μὲν χίρσφι)

Tellurem pedibus, capite attingebat Olympum.

Ead. ἥ τ' ἐλίγη μὲν)

Primum parva quidem assurgit; mox viribus aucta Ingrediturque solo, & caput inter sydera condit.

Pag. 22. καὶ ἑστ' ἄλλων) Et aliis figuris *distinctas*, quod dictione oratoria splendent; atque auditores admirationem suam significare, & applaudere cogunt.

Ead. εὐλαχρίνεϊς] sincere: *συρίζειν*, sibilare.

Pag. 23. τὸ δὲ κῦρος τούτων] At horum robur nosse, & simul de iis iudicare, & eum qui non pareret multare, non erat illud fistulae munus, nec in hac re dominabantur imperitae quaedam voces & exclamationes multitudinis, quemadmodum hoc tempore, nec vero plausus ad laudes personandas; sed res tota erat penes eos qui eruditionem atque disciplinam litterarum profitebantur. lis ea reverentia tribuebatur, ut ad finem usque cum attentione & silentio quodam exaudirentur; pueris vero & pedagogis, frequentique populo, virga magisterii illius insigni, admonitio fiebat.

Pag. 24. ῥητορικῶς] eloquuntur.

Ead. ἢ μάλλον δειλαί]

Si genus infoelix, hydri immanibus esca.

Clarius e summo ranae dent flumine vocem.

Pag. 26. οὐ γὰρ ὥσπερ] Non enim, ut quidam eorum qui de arte scripserunt, ponunt in arte & probitatem dicentis.

Ead. ὡς οὐδὲν συμβαλ] ut quod nihil conferat ad persuadendum.

Ead.

INTERPRETATIO.

Ead. ἀλλὰ δεῖν) Sed praecipuum, prope dixerim, momentum habent mores ad faciendam fidem.

Ead. οὐ γὰρ ὅσπερ] Non enim ita est, ut quidam artis magistri, in libris de arte scripserunt: probitatem dicentis ad persuadendum nihil conferre: imo vero, fere dixerim, praecipuum faciendae fidei momentum situm esse in moribus.

Pag. 27. δεῖν fere. ὑποδείξεις demonstrationes.

Pag. 28. ὀφιογενεῖς) serpentigenae.

Pag. 29. καὶ γὰρ οἱ φύσει) Etenim, qui natura quidem ciues sunt opinione autem ita sentiunt, Patriam sibi esse, ubicumque habuerint res necessarias; de his dubitari non potest, quin neglecto reip. communi commodo, ad privatum lucrum se conferant, propterea quod non civitatem, sed opes, sibi patriam esse putant.

Ead. ἀπας μὲν ἀήρ)

Aquila universum transuolat per aera,

Omnisque tellus patria est forti viro.

Pag. 31. ἡλιεπηκῶς) per eclipsin, defective.

Ead. εὐκαταφρόνητον) Contemnendum negotium, & non magni pretii.

Ead. ξενῶ) Hospes est negotium, quod facile contemnitur.

Ead. σοφὸν τι χρῆμα) Sapiens quaedam res est homo.

Pag. 32. φίλος δὲ μιμητὴς) Philistū autem imitator est Thucydidis, praeterquam quod in moribus non imitatur. Nam ille quidem liber est, ac spirituum plenus: hic vero inseruit regum, aliorumque cupiditati. Aemulatus autem est, primum illud quidem, ut imperfectum argumentum relinqueret, quemadmodum ille fecerat: deinde & illius in disponendo ordinis negligentiam: Quin & opus suum difficile ad intelligendum reddidit, eorum, quae dixit conclusione. In dictione autem linguarum varietatem, & exquisitum Thucydidis ornatum imitatus non est: sed rotundū, & pref-

GRAECORUM LOCORUM

pressum, & nervosum, forense orationis genus valde diligenter expressit; non autem peraeque dictionis pulchritudinem, & gravitatem, & copiam enthy-mematum, & molestias, & concitatos affectus, & figuras. Exilis enim est & humilis atque abiectus propemodum, descriptionibus locorum, pugnarum navalium, aut terrestrium praeliorum, aut exstructio-nis urbium. Neque oratio rerum magnitudini respon-det. Prudens tamen est, & quod attinet ad rerum ex-positionem, Thucydidi merito anteponendus.

Pag. 35. ὁρᾶτε γὰρ ὦ) Videtis enim, Athenienses, apud vos quidem de hoc Demosthene iudicari; apud alios vero, de vobis. Qui quidem observant, quae tan-dem, de iis quae ad patriae utilitatem pertinent, ve-strā sit futura sententia. Utrum horum privatas lar-gitiones, ac munerum corruptelas, & improbitates in vos ipsos suscepturi sitis; an omnibus manifesto declaraturi, odio vobis esse eos, qui adversus remp. dona capiunt.

Ead. ἐν τῷ πρὸς) Paraenesi ad Gentes.

Pag. 36. ἰχθύων δ' ἔτε δίκην.)

Piscibus inter se non iustum, non pudor ullus,
Non amor est: longe sed mutua bella capeffunt,
Hostilesque gerunt animos. fortissimus horum
Devorat imbelles; uno propior natat alter.
Fata ferens: aliis alii sunt piscibus esca.

Pag. 37. ὥς δ' ἐν τῷ Δελφίνῳ) *Hos ita vertit interpres Homeri.*

Ac veluti viso delphino saepe minores
In latebras fugiunt pisces; quia devorat omnes
Quoscumque assequitur: sic tum formidine capti
Troes, in undosae latuerunt margine ripae.

Pag. 41. ἡδίστος τινὲς) suavissimam quandam redolens pe-regrinitatem.

Ead. ὦ πάτερ ἡμέτερε]

Caelicolum pater, o Saturnie maxime regum,
Si

INTERPRETATIO.

Si modo nunc Divis foelicibus istud amicum:

Ut patriam antiquam repetat generosus Ulysses.

Ead. *οὐκ ἔρασανταῦ*] De eo quod agendum est. *qui Crito*
inscribitur.

Ead. *τὰ δὲ οὐκ ἔρασαντα*] Prisca igitur illa mittantur & valeant:
atque ut diis amicum est, ita dicantur.

Ead. *ὡς μάθοι τι γὰρ*) ut sciat, quid vel loqui vel agere
doceat, quod & amicum sit diis.

Ead. *πολυδάμα*) Polydama nec grata mihi, nec amica
prolaris.

Ead. *ἔἰ σοι φίλον*) Si tibi amicum est.

Ead. *τῷ θεῷ γάρ*) Deo enim erat amicum.

Pag. 42. *ἀλλὰ μὲν γὰρ*) Atqui volo, quasi scriptis ludere-
mus, reponere quicquid volueris eorum, quae sunt
a nobis explicata: ne te a me circumveniri arbitreris.

Edd. *ἀλλ' ἔτι καὶ νῦν*) At nunc etiam reducere licet.

Pag. 43. *ἀλλὰ μεταδώμεθα*) Sed reponamus. Verendum
enim est ne minus recte amicum, & inimicum po-
fuerimus.

Pag. 44. *ἀμνησία*) oblivio.

Ead. *ἐν τοῖς πολιτικοῖς*) in civilibus praeceptis.

Ead. *τὸ τῆς ἀμνησίας*) oblivionis decretum.

Ead. *μὴ μνησικαχεῖν*) Non meminisse iniuriarum,

Ead. *ἑλληνικῶν*) Historiae Graecorum.

Ead. *καὶ ὁμώσαντες*) Quumque sacramenta sancte praestita
essent, nequis iniuriarum esset memor, etiam num po-
pulo iis inhaerente, quae tum iureiurando sancita
sunt, una in eadem rep. vivunt.

Ead. *νῦν δὲ ἐκείνοι*) Nunc vero illi quidem, cum maxi-
mis malis premeretur, civitatem liberarunt, pulcher-
rimum illud verbum usurpantes, *μὴ μνησικαχεῖν*, non
meminisse iniuriae.

Ead. *μὴ μνησικαχήσω*.)

Iniuriae obliviscere, Phylam ubi ceperis.

Pag. 45. *οὐ μνησικαχήσω*) Non recordabor iniuriae cuius-
quam

GRAECORUM LOCORUM

quam civium praeterquam XXX. virorum & XI. ac ne horum quidem, si quis voluerit rationes reddere magistratus quem gessit. Administratae reip.

Ead. καὶ οὐδέξομαι) Neque admittam nominis delationem, aut libellum abductionis in carcerem, ob ea quae prius facta sunt, nisi reorum nomine.

Ead. οὐ μνησικακήσω) Non ero memor iniuriae, neque alia ratione corrumpi me sinam, sententiam autem feram secundum leges constitutas.

Ead. ἔλκισι ῥύοντες) Ulceribus scatentes.

Pag. 46. ἀποβλητέα δῶρα) reicienda dona.

Ead. ἐλωρίαις) Sic vocantur quae praedae exposita sunt.

Pag. 49. ἢ μὲν ἔνθα) Nam si de iis tantummodo, quae iudicio persequabatur, accusationem instituisset Aeschines, ego quoque de ipso decreto statim respondissem. Nunc vero cum in aliis rebus perconsensendis non minorem partem orationis consumpserit, multaque in me ipsum mentitus sit; necessarium esse puto, atque iustum, Athenienses, ut primum ad ea breviter respondeam.

Ead. ὁ δὲ σπέρμα) Nam qui semen praebuit, is malorum quae ex eo enata sunt, causa est.

Ead. ἀδωνιαζούσαις) Adonidis festum celebrantibus.

Pag. 50. μὰ πῶθεν ἄνθρωπος) Hoc ita reddidit interpretes Theocriti.

Gorg. Unde homo? quidue tibi, si nos iuvat esse loquaces?

Si potes imperio nos obrue, nempe iubebis

Ista Syracusiis, sed noveris hoc quoque cives

Nos sumus e clara pars non spernanda Corintho

Sicut & ipse fuit volucer pene Bellorophontes

E Peloponneso sermo nos esse fatetur.

Dorica verba loqui, quum simus Dores, opinor

Possumus, & nobis, nisi fallunt omnia, fas est.

Prax. Ne sine caelifuga umbrarum regina silentium

Ut quisquam imperitet nobis, ni fortior unus.

Non metuo ne mensura tibi ludar inani.

Ead.

INTERPRETATIO

Ead. γήσασθαι) degustare. κτήσασθαι, possidere.

Ead. πολυπάμμαν) qui multa possidet.

Pag. 51. ὦτ' ἐν τῷ) de antro Nympharum, cuius mentio in Odyssæa.

Ead. πηγὰς δὲ καὶ νάματα) Fontes vero, & flumenta propria sunt, nympharum quæ aquis præsidet aut potius Nympharum *hoc est*, animarum, quas proprie Melissas *quasi opes* antiqui appellabant, quod conciliatrices sint voluptatis. Unde & Sophocles non inepte de animabus dixit

Iam mortuorum resonat examen vagum.

Et Cereris item sacerdotes, ut pote subterraneæ antistitas, Melissas nominarunt; ipsamque adeo filiam, *μελιστώδη*.

Pag. 52. ἄ τις καὶ ἀρχὴν)

Vicit & hæc iam Sperchin Ialemon ante canendo.

Ead. ὁ θίμις) fas non est.

Pag. 55. ὁ δαμμόνιος ἐκείνος) divinus ille.

Pag. 56. ὅν ὑ ὁ αὐτόν) Imperatorum quos sub se habebat

Ead. πασιδία) Cyripædiæ.

Ead. Μνήμην δ' ὅτινα φημὶ) Sic possunt aliis numeris.

Memoria nulli contigit præstantior,
Quam filio Leoprepis Simonidi,
Qui lustra vitæ sexdecim compleverat.

Pag. 56. ὄργανον) Instrumentum

Pag. 57. ἴδιος) speciem.

Ead. ἐν τῷ ὑπέρ) Sermone de pulchritudine.

Ead. ἄξιον. Digna.) ἀξίως dignos.

Ead. ἴδμε δ' αὐτῶν ἔκγον' ἄρρεν)

Videamque natos liberis ortos meis,
Quos primum honestæ regiae formæ decus:
Nam summa laus est, cui potest contingere,
Insit ut honesti dignitas in corpore.

Ead. φύσει βασιλικὸν) Natura regale quiddam esse pulchritudinem.

GRAECORUM LOCORUM

Pag. 58. βασιλίσκῃ) Regulos pro regibus.

Ead. ἐν τῷ περὶ) Libro de puerorum educatione. Non reges sed reginas.

Ead. περὶ ἐρμηνείας) De elocutione.

Ead. οὐὐ ὦ μήτηρ) Heu o mater orta regiis e stemmatis.

Ead. ἦα πολυμήτορ) Polymeftor, ehem te quis evertit miser?

Ead. οὐὐ πῶς αὖ σ') Eheu. quibusnam laudibus te praedicem?

Ead. εἴεν ᾗ δὴ] Esto. perierint: quod recipiet me opipidum?

Pag. 59. βίην Ἡρακλεΐν) Virtutem Herculeam, & virtutem Iphicleam.

Ead. ἰγὼ τὸ μὲν σὸν)

Tuum ipse corpus quod mihi faustum fuit

Servare promptus sum.

Ead. ἀλλ' εἶσορῶ] At ecce corpus conspicio heri Agamemnonis.

Ead. σὸν δῖμας θηρ) Persequens corpus tuum.

Pag. 60. μνημονικὸν ἀμάρτημα) memoriae lapsus.

Pag. 62. καὶ ἥπειται εἰς τὸν)

Deinde sacco protinus vos abdite.

Cumque hinc reclusae grunnietis, & sonum

Dabit, sues quem redderent mystericas.

Ead. Δ. τί δαὶ φέρεις) At tu quid affers? M. Mysticas porcas fero.

Pag. 66. δὴν γὰρ.)

Metuenda sane est: Nec facile victoriam

Refert in illam si quis odia exercent.

Ead. ἄσπεται canet. ὅσπεται, feret.

Ead. τὸν καλλίνικον) Salutavit una Callinicum cum Diis

Ead. ἔτι τῶν] Et adhuc Herculeum

Callinicum ego psallam

Ead. ἀλλ' ἔπαισθε) Verum age canta

Callinicum cum choro meo.

INTERPRETATIO.

Pag. 67. οἶδ' οὖν ὃ δράσεις)

Scin' ergo quid ages? neve vi retraxeris,
Mecumue manibus ne velis contendere .

Ead. ἀπικώτερον) Magis Attice .

Ead. οἶδ' ὅτι πόησον) Vis scire, quid agas?

Ead. οἶδ' οὖν ὃ δρᾷσον ὃ γυνάαι ;)

Scin' ergo quid ages, uxor? ausculta mihi .

Ead. οἶδ' οὖν ὃ δρᾷσον ἢ πάρο .)

Scin ergo quid ages? vetera ne meminerimus .

Ead. οἶδ' οὖν δρᾷσον, χειρὸς)

Scin ergo quid agas? e manu capiens mea
Vas aureum Minervae

Ead. οἶδ' οὖν ὃ δρᾷσον ὃ Τροχίλε .)

Scis ergo, quid ages, Trochile, tu nobis eum
Accerfe .

Ead. οἶδ' οὖν ὃ δράσεις) Scis ergo quid ages? hoc relinqua-
mus solum .

Pag. 71. πολλοσημόριον) Multesima pars, ut loquitur Lu-
cretius .

Ead. καθ' ὅσον οἶόν τε) quoad fieri potest.

Pag. 73. εἰ μὴ ἄρα) Nisi forte callidum & peritum di-
cendi artificem eum vocant, qui vera dicat . Quod si
dicunt, ne ego me ex illorum sententia oratorem ef-
fe confiteor .

Pag. 76. θρυσῶσι) lugent παλαίῳσι καὶ) cum lugentibus si-
mul lugent & lamentantur .

Ead. αὐτὸς δ' ἰλῶρια .)

Alitibus, canibusque obiecit corpora praedam.

Pag. 77. ἢ δὲ κ' ἰγῶν) Seu quis detrectarit opus, pugnae-
que laborem

Seu quis ad aeratas devitans praelia naves

Restiterit, non effugiet, quin corpore sparso

Pascat aves, canibusque inhumatus praebeat escam.

Ead. εὐτ' ἂν πολλοί) donec multos sub tartara mittat

Prostratos homicida Hector .

)*(2

Ead.

GRAECORUM LOCORUM

Ead. θειασίῳ) Hectors mirifico fugiunt clamore homicidiam

Ead. Εκτορῷ ἀνδρῶν) Andromache manibus viricidam amplexa maritum

Ipsa caput manibus viricidae amplexa mariti.

Pag. 79. ἀντὶ λιπάραι κ.) Insignes & celebratae, Graeciae propugnaculum, Athenae.

Pag. 80. ἐξαγωγὴν εὐλογον.) Migrationem e vita, rationi consentaneam.

Ead. τὸ δ' ἀποθνήσκειν] Mori autem quempiam ut fugiat paupertatem, aut amoris vim, aut molestiam, non fortis est viri, sed potius ignavi. Mollitia enim animi est res laboriosas subterfugere. Neque vero, quia id honestum est, ideo perferi; sed ut fugiat malum.

Pag. 81. ἐσκεψάμην δὲ) Curavi ut, etsi multa me praemant mala,

Ne lumen hoc linquens, notam ignavi feram,

Nam calamitati qui nequit resistere,

Nec sustinere spiculum inimici potest.

Pag. 82. ἀνισόρητος] Ignarus & expers omnis historiae.

Ead. καλὸν παρὰ καλὸν) pulchrum a vocando, quoniam omnes ad sese vocat.

Pag. 83 ὅ, τι καλὸν] Pulchrum quod est, semper placet.

Ead. ἀλλὰ τῷ ὄντι] Sed revera & ipse rei dubitatione plane aestuo; mihi adeo videtur ex antiquo proverbio, Pulchrum esse amicum.

Ead. μῦσαι καὶ χάριτες.)

O Musae & Charites, proles Iovis aurea quarum

Carminibus Cadmi est concelebratus hymen.

Quod pulchrum est amicum: quod non est, nec amicum est:

Hoc immortalis carmen ab ore venit.

Ead. ἁρμονίας δὲ] Harmoniae ad celebres hymenaeos Venerant Dii.

Pag. 84. ἀντιπαραβαλεῖν) Ex aequo conferre.

Ead.

INTERPRETATIO.

Ead. οὗς γὰρ οἱ Θεοὶ) Quos enim, qui Antipatrum sequuntur, monolemmatos syllogismos vocant, non sunt syllogismi: sed non plene interrogantur.

Pag. 85. ἀκολουθία) Consequentia.

Pag. 86. λέγουσι δ' ἡμᾶς ὥς.)

Vitam periculis nos carentem degere
Domi asseverant; ferre sese lanceam:
Errore ducti, nam ter in acie prius
Armata certem, liberos quam edam semel.

Pag. 87. ὃ δ' αὖ θάνατος) Mors & fugacem semper assequitur virum.

Ead. ἀρπύιδων ὕσσι) Latae quicumque fructu vescimur terrae.

Ead. εἰ δὲ τις ἰσὶ)

Si quisquam est hominum, terrae qui munera pascunt.

Pag. 88. ἱκετίσι Supplicibus. τὴν δ' ὑμνοποιὸν)

Melicum poetam, cum quidem versus parit
Hos parere laetum, quod nisi laetus foret
Non posset utique, tristis & maestus domi,
Recreare caeteros, neque id iustum fiet.

Pag. 89. διὰ γὰρ τῆς) Nam propterea cum eadem sit methodus concionalis generis: cumque multo pulchrior & civilior sit deliberatio, quam conventionum tractatio: de illa quidem nihil dicunt; de iudiciis autem omnes praecepta tradere conantur.

Ead. λοιποὶ δὲ τίσι) Reliqui nobis sunt ii, qui ante nos fuerunt, qui artes, ut vocant scripserunt: qui quidem non sunt nobis sine reprehensione praetereundi. Profitiebantur enim se tradituros Iudicialium causarum praecepta, nomen id seligentes quod omnium erat odiosissimum: quodque ab iis imponi potius decuisset, qui inviderent, quam ab iis, qui talem disciplinam, profiterentur. Atque haec quidem illi, cum artis praecepta nihilo magis ad lites iudiciarias, quam ad quodlibet aliud orationis genus pertineant.

GRAECORUM LOCORUM

Pag. 90. ἐμπιπλάσθαι) Impleri. *Διανοησιμον*) Ientaculum.
ἀριστον prandium, *ἀρσένειν*, strenueagere. *εσπέρισμα*,
vespertina. *δῖπνον*, coena. *ἐπιδρῆσις*, coenula, Postcoe-
nium.

Pag. 91. ἐπιχαιρεκακία) Gaudium ex rebus malis.

Pag. 92. ἀμυχανοῦντος) aestuantis & dubitantis.

Ead. ἀναμφισβήτητος) Sine ulla dubitatione.

Pag. 93. ἀπωλόματα)

H. Periimus, at num Thestias superstes est?

T. Ledamne dicis? ultimum clausit diem.

H. Num turpis Helenae fama mortem illi attulit?

T. Aiunt, ita quidem laqueum ut aptarit sibi.

Pag. 94. Λήδα δ') Leda autem laqueo mortua est infamiae meae prae doloribus.

Ead. ἱπαύζων) q. allamentans. Mater quidem abiit.

Pag. 95. εἰ δὲ τις αὐτοῖς) Quod si quis censet eos, aut sine voluptate cibum capere, cum solum nasturtium pro obsonio habeant: aut sine voluptate bibere, cum aquam bibant, recordetur quam suave sit esurienti maza & panis ad edendum: & quam suavis sit potus aquae sitienti.

Ead. αἰσχρὸν γ') Turpe enim ducunt etiamnum Persae & spueri & emungi, & corpore sufflato videri.

Pag. 96. οἷον χύσεισι)

Utque boni sobolem post se liquere parentes

Degenerem: sic vos gignetis deteriolem.

Ead. πῶροι γ' οἱ)

Pauci etenim patribus similes sunt indole nati,

Peiores multi, pauci quoque sunt meliores.

Pag. 97. σείχω δ' ἐπ' αὐτὴν.)

Nunc pergo ad ipsam, cuspide ut libem sacra,

Namque ille sacer est manibus diis: cui

Haec hasta crinem verticis libaverit.

Ead. ὁ Θάνατος) Mors.

INTERPRETATIO.

Pag. 99. πολιτειῶν. de Repub. τὰ πρῶτῃα) primas partes.

Ead. ὁ τῷ τίλκε λίγος) finis ratio.

Ead. συμφωνεῖν) concinere, & consentire.

Pag. 101. διαγωγῆς χάριν) oblectationis gratia.

Pag. 102. μῦσας ὅσους)

Nam quos blandae aspexere puellus

Musae oculis, illos & coluere senes.

Ead. ὁ δ' ἦεν) Invidia dulcius hic cecinit.

Pag. 103. ἀειδίον) In aspectabilibus. ἀμύσους) alienos a musis.

Pag. 108. μικρὸν ἐπὶ) Parvum parvo addens.

Pag. 109. ἀμνηστίας) haesitantiae.

Pag. 112. ἰσὺς ὅσους)

Nam & ipsa pariter quempiam manu mea

Quicumque fuerit omnium carissimus

Ulciscar hisce spiculis lethalibus

Ead. Ἀδωνις ἔτι) Adonis cum adhuc puer esset, Dianae ira percussus inter venandum interiit.

Pag. 114. περὶ καλῆς) De pulchro & de voluptate.

Ead. ἡ πίννη καὶ ὁ πιννοτήρ) Pinna & Pinnoteres operis fo-
cia inter se sunt, cum seorsim degere non possint. Ac
prima quidem e genere ostreorum est: pinnoteres ve-
ro parvus cancer. Pinna igitur cum diduxerit con-
cham, quieta manet, observans ingredientes piscicu-
los. Pinnoteres autem adstans, ubi quid ingressum
est, ipsam mordet, tanquam id signum daret: illa
vero morsu ista comprimit conchas. Sic quod captum
est, intus una comedunt: aiunt autem nonnulli a-
nimalia haec etiam una generari, & quasi uno ex se-
mine nasci.

Ead. ὅν ἐστι καὶ) Quo quidem in numero cum primis est is,
de quo scribens plurimum atramenti consumpsit
Chrysippus, pinnoteres qui primas in omnibus hu-
jus & Physicis & moralibus libris habet,

apud Plutarchum legitur πιννοτήρας.

Pag. 115. φιλοσοφεῖν) Philosophari.

GRAECORUM LOCORUM

Pag. 116. καῖνος ὀλβιώτατος) Ille felicissimus ,
 Cuicumque in unum nil mali obtingit diem .

Pag. 117. ἀπομνημονευμάτων) rerum memorabilium .

Pag. 118. δοκεῖ δὲ μοι .) videtur autem mihi , Cyre, difficilius esse reperire virum qui bona recte ferat, quam qui mala . Illa enim ad insolentiam & contumeliam multos, haec vero ad moderationem omnes adducunt.

Ead. εἰ δὲ δὴ τιν' ἄνδρα) Quod si quemquem mortalem virum Olympi praesides honore affecerunt , is Tantalus fuit, atenim concoquere magnam felicitatem non potuit .

Pag. 119. μέθη δὲ βρεχθεὶς)
 At ille vino madidus , egregius meae
 Matris maritus, nunc quoque insultat ferox,
 Tumulumque saxi impetit patris mei .

Ead. οἱ γὰρ πλούτῳ) Divitiis enim ebrii qui sunt iniuriam hominibus inferunt .

Pag. 120. ἐλληνίζει) Graeciffat .

Ead. μηδ' ἔβελ' ἐξ ἔριδος .)

Neu properes pugna meliorem tendere contra .

Pag. 123. ἐπτά ἐπὶ Θήβαις) Septem ad Thebas .

Ete. Orate ut hastas hostium turris tegat .

Chor. Non ergo protegent Dii ? Ete. At Deos ferunt
 Dum capitur, urbis praesides excedere .

Ead. λέγεται γὰρ) Aiunt enim cum prope esset ut Troia caperetur, apparuisse Deos Trojanis auferentes e templis simulachra sua .

Pag. 124. τί φῆς ; ἑρᾶς)

N. Quid ais amasne quempiam mortalium ?

P. Quicumque demum ? natus est Amazone .

N. Hippolytum ais ? P. Tibi ipsa narras, non ego .

Pag. 129. ἀξιώματα, ὅτι πάντες) Axiomata, quod omnes ita sentiant .

Pag. 132. πῶς οὐν οὐκ αἶν) Quomodo igitur non fuisset hominum omnium miserrimus qui servos meos, non
 am-

INTERPRETATIO.

amplius servos habiturus eram, sed dominos in reliquum vitae tempus; qui mihi tanti facinoris conficii forent: ut etiam si in me gravissime peccassent, tamen ab illis poenas repetere non possem; cum satis intelligerem in ipsis situm esse, ut me ulciscerentur; atque ut nomen meum deferentes ipsi liberi fierent?

Pag. 135. ἔξωμεν δὲ τελείως] Habebimus autem perfecte methodum cum similiter habuerimus, atque in rhetorica, medicina, aliisque eiusmodi facultatibus. Id autem est, ex contingentibus facere quod volumus. τοῦτο δὲ] id autem est &c.

Pag. 136. ἀμύχανον ὅσον] Nimum quantum.

Ead. ἔστι δὲ ἀριθμῶν] Sunt autem numero aequalia & eadem ea ex quibus fiunt orationes: & ea de quibus syllogismi, nam orationes fiunt ex propositionibus de quibus autem syllogismi, problemata sunt.

Ead. ἔστι διὰ ἀριθμῶν] Sunt autem numero aequalia & eadem ea, ex quibus orationes, & ea de quibus: nam fiunt quidem ex propositionibus: de quibus autem, problemata sunt.

Ead. ὅδ' ἀδικῶν] Iniustus autem non semper eligit id quod maius est, sed & quod minus in simpliciter malis. At quoniam quod minus malum est, bonum quodammodo videtur esse, in bono autem versatur plaris cupiditas: propterea videtur plaris avidus esse. Est item iniquus; hoc enim continet, & commune est vocabulum: & legum violator; haec enim legum transgressio, siue iniquitas continet omnem iniustitiam: idque commune est omnis iniustitiae.

Ead. ἔστι δ' ἀνίσος] Est item inaequalis & legum violator: hoc enim continet & commune est vocabulum.

Pag. 137. πᾶσαν ἀδικίαν] omnem iniustitiam, & omnis iniustitiae.

Ead. περιέχει καὶ κοινὸν] continet & commune est.

Ead.

GRÆCORUM LOCORUM

Ead. πρὸς πᾶσαν) non ad omnem iniustitiam, sed ad plus
& ad minus referenda sunt ,

Ead. φιλόφρον γδ) Res foeminarum semper est mordacior.

Ead. γένος) genus .

Pag. 138. παιδείας) institutionis .

Ead. τὸν Ἀράβιον) Maragdus autem Arabs ducere fertur e-
quitum decem millia, currus centum, & funditorum
infinitam quandam rem & copiam .

Ead. πολλόν τι) magnamque rem serpentum excludunt .

Ead. πολὺ χεῖμα τιμαχῶν)

Res vis magna & assae carnis est, & piscium .

Pag. 139. γέροντικόν ὄν) Senile est .

Ead. μνημονικά ἀμαρτήματα) memoriae peccata .

Pag. 140. ζηνὸς γδ) love nata cum sit, vivere aeternum
debet .

Caelo sub alto fratribus Dioscoris

Socia assidebit, certa nautarum salus .

Ead. οἶνος πινομενός)

Vinum, si bibitur multum, nocet: at moderate

Si potet quisquam, proderit, haud oberit .

Pag. 141. ἄλλοι δ' αὖ)

Praeterea caelo, terraque parentibus orti

Tres pueri magnique & fortes, non referendi.

Cottusque, Briareusque, Gygesque, superba propago

Illorum ex humeris surgebant brachia centum ,

Informes totidemque manus: capita alta gerebant

Quinquaginta humeri .

Pag. 150. ἀνέμνητε δὲ καὶ) Recordamini autem etiam ma-
iorum quam boni, quamque temperantes fuerint .
Qui quidem ex urbe eiecerunt Cimonem ob legum
contemptum, propterea quod cum sorore sua concu-
bisset, etsi non modo ipse Olympia vicerat, sed
etiam pater ipsius Miltiades . Veruntamen nullo in
numero ponebant victorias . Non enim e certamini-
bus, sed ex institutis iudicabant .

Pag.

INTERPRETATIO.

Pag. 151. καὶ τοι ἐδὴ] Et vero non sane quisquam ad nuptas mulieres comessatum ire auderet: neque nuptae mulieres eunt cum viris ad convivia: neque aequum censent convivari cum alienis praesertim cum quibuslibet.

Pag. 155. ὀρθάν τὰν ναῦν] Rectam navem.

Ead. θάνοιμ' ἄν) Moriar, mori me si quidem omnes expetunt.

Pag. 157. ἔσι δὲ καὶ] Est autem, & ex corporis bonis, atque fortunae nam qui morbis non careat, neque sit robustus; ne is quidem perturbationum erit expers, nec sine molestiis. Et longaevus, non fortunatus permanferit.

Ead. μὴ ἄνσος γάρ) Nam qui morbis non careat, neque sit robustus, non erit perturbationum expers; neque sine fortuna potest quisquam aut expers molestiarum aut longaevus esse.

Pag. 158. δ' ὑπρίαν) commodam senectutem.

Ead. ἀπαθής) Perturbationum expers.

Ead. ἄνεν τύχης) Sine fortuna nec molestiarum vacuitatem, nec vitae longinquitatem esse posse.

Ead. ἐδὲ χορὸς) Nec chorus iste die Phaebum modo concinet uno.

Undique laus Phaebi: per montes concinit illum.

Ead. ἔσι γάρ) Undique laus Phaebi, quis non facile ornet eundem?

Pag. 159. διὸ δὲ λαθάνειν) Quo circa latenter id facere oportet; neque videri exquisitè dicere; sed naturaliter: hoc enim aptum est ad persuadendum: illud contra nam velut adversus insidiantem, calumniantur.

Ead. διαβάλλονται) calumniantur. διδλαβύται) cavent sibi.

Ead. ἐν δὲ τοῖς) In simplicibus autem sermonibus multo paucioribus.

Ead.

GRAECORUM LOCORUM

Ead. ἐν δὲ τοῖς) In simplicibus autem sermonibus multo pauciora sunt.

Ead. ἀκολουθία) Consecutio.

Pag. 163. κατ' ἐκείνο πῶς] Iuxta illud Euripidis, Mutatio omnium rerum dulcis.

Pag. 164. παθητικῶς) passive.

Ead. παντοδείτορες] omnium corruptores.

Ead. ἔχεις γὰρ ἃ] Habes enim, quae ego sero.

Ead. ἔχεις γὰρ] Habes enim quae novi habuerint.

Pag. 166. δότε μοι λεκάνην] date mihi pelvim, ex *Aristophane*, *Nub.* cum *nauseam moveri significaret*.

Pag. 168. ἐν αἰνιγμαῖς] in aenigmatibus.

Ead. τὰ δ' οὐκ ἐν αἰνιγμαῖσι)

Mala hic quidem non significat in aenigmatibus
Periisse socios evidenter asserit

Ead. παροιμιῶν) Proverbiorum.

Pag. 169. Ἡρακλεῖ μαινομένῳ) Hercule furente.

Ead. ἀνέοτας μοι φίλον]

Iuventus mihi cara est

Senectus autem pondus & semper

Gravius Aetnae scopulis

Supra caput situm est.

Ead. κατὰ ὑμῖν) Et ego vobis demonstrare conabor, quid tandem sit illud, quod mihi & famam confecerit & calumniam.

Pag. 170. σκίας) umbras volare.

Pag. 172. ἠσιόδειον] Hesiodium.

Ead. ψευδοσιόδειον] falso tributum Hesiodo.

Ead. μηδὲ δὲ μὴν δικάσεις)

Neu dirimas litem quin partes noveris ambas.

Ead. περὶ αἰρέσεων.) De sectis.

Pag. 274. ἠγασάμην Εὐαγόραν) Existimavi Evagoram si quis sensus est mortuis, eorum quae hic fiunt, libenter quidem haec accipere & gaudere videntem & diligentiam tuam in iis quae ad ipsum pertinent, & magni-

INTERPRETATIO.

magnificentiam: multo autem maiorem gratiam habiturum, quam aliis omnibus.

Pag. 175. φιλῶ λέγειν] Verum dicere semper amo: nec natura finxit duplicem.

Pag. 177. ἐξ ὑπὲρ τὰ] Metaphysicorum.

Ead. φυσικῆς] De Physica auscultatione.

Ead. περὶ ἀγαθοῦ] De bono, vel de Philosophia.

Ead. περὶ φιλοσοφίας] De Philosophia 1. 2. 3.

Pag. 178. ὁμοίως δὲ καὶ] Similiter vero & in libris de Philosophia definitum est.

Ead. περὶ φιλοσοφίας] De Philosophia nunc dicit, quod ipse ex Platonis consuetudine de bono conscripsit, in quibus perceret Pythagoricas & Platonicas de rebus omnibus sententias.

Pag. 179. πράξεις δὲ ποίας] Actiones autem quales tribuere oportet ipsis? an istas, an ridiculi videbuntur contrahentes & deposita reddentes, & quaecumque alia talia sunt! an fortes? sustinentes terribilia, & periclitantes eo quod pulchrum est? an liberales? cui autem dabunt? absurdum autem. An ipsis quoque esse dicemus nummum, aut aliquid tale? Sin autem temperantes, quid nam erant? aut inepta est laus? neque enim habent pravas cupiditates. Percurrentibus autem omnia, videbuntur ea quae ad actiones pertinent, parva & indigna diis.

Ead. τὰς θεωρητικὰς] Virtutes quae in contemplatione cernuntur p. iis quae versantur in actione.

Ead. παραδειγματικὰς] Exemplares & causales.

Pag. 182. σοφὸς] Sapiens autem is, qui multa novit Natura: Qui autem didicerunt, insanientes Clamoribus tanquam corvi imperfecta sonant Iovis adversus avem divinam.

Pag. 184. ζῶον εἶναι] Animal esse cognatum poesi, tum propter laborem quem suscipit in opere faciendo, tum propter operis ipsius dulcedinem, & aptam cellarum
compe-

GRAECORUM LOCORUM

compositionem, quae omnia itidem habet & poesis ,
quae & labore progreditur, nihil enim pulchrum sine
labore ; & dulcedinem adinvicem habet non medio-
crem, simulque metri recta compositione resplendet .

Ead. σωὲ εὐμενείῃ] Libenter accipe coronam hanc .

Pag. 186. διὰ τῆς λόγῳ] Quocirca oratione oportet prius ca-
stigare, minus enim indignantur sic castigati etiam
servi .

Pag. 193. ἡδ' ἐς δίφρον ἔβαινε .]

Illa subit currum Tyriden propter amicum
Considerans, magnum ingemuit tum faginus axis
Pondere tantorum Divaeque, virique gravatus

Pag. 194. πᾶσαι γ') Omnes enim artes & effectrices &
scientiae, facultates sunt .

Pag. 195. ἡ γὰρ αὐτὴ) Eadem enim potestas contrario-
rum, contraria .

Ead. ὑποκειμένη) subiecto

Pag. 196. κατὰ συμβεβηκός) Per accidens .

Ead. ἀφιλόσοφα) aliena a Philosophia .

Ead. δυνατὸν) Quod potest esse .

Ead. καὶ κατὰ τὰς) Et secundum alias temporis differentias

Ead. καὶ ἀντιδιαίρεταις) Et opponitur ei quod necessario fit

Ead. ἢ δυνατῶν) Eorum quae esse possunt .

Pag. 197. τὰ ἑναντία) Contraria pro quomodocumque op-
positis .

Ead. πᾶν τὸ δυνατὸν) Quicquid potest esse, idem potest
non esse .

Ead. περὶ ἑρμηνείας) De interpretatione .

Pag. 198. ἀλλ' ἐπὶ πρῶτον) At non praedicebant, non prae-
significabant nobis dii , ut caveremus , tantum non
assumptis hominum vocibus ?

Ead. ὁρᾶτε τοὺς ὀφθαλμοῖς) videtis oculis detestabilem &
execrandum portum moenibus cinctum .

Pag. 199. γίνεσθε δὴ μοι) Adeste mihi ad breve tempus
cogitatione non in iudicio , sed in theatro : ac puta-
te vos

INTERPRETATIO.

te vos videre prodeuntem praeconem . *Et paulo post .*
Sed quandoquidem corporibus non adfuistis , animis
saltem aspiciite illorum calamitates ac ponite vobis
ante oculos urbem captam , murorum everfiones do-
morum conflagrationes , abductas mulieres , & pue-
ros in servitutem , viros senio confectos , vetulas mu-
lieres sero dedifcentes libertatem , lugentes , suppli-
cantes vobis , irascentes non iis qui poenas repossunt ,
sed iis qui horum in causa sunt .

Ead. ἤδη γάρ ποτε] Iam enim aliquando vidi odio habitos
eos , qui aliena flagitia nimis aperte dicerent .

Ead. ἐκνώ μὴ φέε'] Vereor ne de te dicens quae te de-
cent , ipse non decoram mihi videar orationem de-
legisse ,

Ead. πολλά γοῦν ἔτιρ'] Cum igitur mihi alia multa quae
de ipso dicam suppetant , praetermittam . Non enim
quaecumque turpia & inhonesta inesse in ipso possum
ostendere , ea mihi libenter dicenda omnia esse arbi-
tor : sed quaecumque dicere mihi turpe non est .

Pag. 202. πῶς ῥᾶ' οὐκ εἶναι] Ut igitur iis qui dicunt, fides
habeatur, tres sunt causae; tot enim sunt ea, propter
quae credimus praeter probationes . Sunt autem
haec : prudentia , virtus & benevolentia . Mentiu-
tur enim de iis , de quibus dicunt , aut consulunt ,
vel propter haec omnia, vel propter eorum quippiam,
aut enim propter imprudentiam non recte opinantur;
aut recte opinantes , propter improbitatem , non di-
cunt ea , quae videntur : aut prudentes quidem &
boni sunt, sed non benevoli , Quo circa contingit ut
non dent optima consilia , cum tamen cognoscant ,
quid sit optimum factu , & praeter haec nihil .

Ead. πλῆσσημον] Quod multa significat .

Pag. 207. μιστῖν τὸ σήμερον] Odisse factum , quodque non
cunctis placet .

Ead. οἱ μοι] Hei mihi , tua ut me conficit superbia .

Ead.

GRAECORUM LOCORUM

Ead. ὅντας δὲ θνητοὺς / Humana sapere nos dicet, qui homines sumus :

Siquidem superbis omnibus, qui contrahunt
Tumore frontem, sic mea est sententia,

Non vera vita est, quam trahunt, sed calamitas.

Pag. 208. παρτωρακέναι) non satis acute vidisse.

Ead. καὶ σοι ἐγώ) Et tibi ego, ut novem archontes solent, polliceor me consecraturum Delphis statuam eiusdem mensurae non meam modo, sed & tuam.

Pag. 209. τοῖς στεφάνοις) de corona. Quamvis hoc quoque, Athenienses, maledictionem ab accusatione differre puto, quod accusatio habeat ea crimina, quibus supplicia legibus constituta sunt: maledictio autem contumelias, quas in se invicem inimici temere iacerent pro sua quisque natura.

Ead. ἐν τῷ κατὰ) In oratione contra Timarchum. Adeo fortis & valida est veritas, ut omnes hominum calliditates superet.

Pag. 210. διὰ χρίνου) interiecto tempore. ἀριλόσιμον εἶναι) Gloriae amore non tangi.

Ead. λεπτολογεῖν) Minute ac subtiliter singula persequi.

Pag. 212. εἰ γὰρ ἰθέλοι) Nam si velit quis cum Lacedaemoniorum abiectissimo congredi: plerumque quidem in sermonibus inveniet ipsum talem, ut haud magni pretii esse videatur. deinde vero alicubi inter loquendum iniicit verbum memorabile breve & contortum, tanquam peritus iaculator: ita ut is, quicum ipse loquitur, nihilo melior puero appareat.

Pag. 213. τῶν ἐσφαλμένων) erratorum, quam eorum in quibus haud aberravi.

Pag. εἰς Βασίλειον) In Basilium. Et addere aliquam vitae suae partem unusquisque illi, si quomodo id fieri posset, paratus erat.

Ead. ῥιψάσας) Clypeum abiicientes.

Ead. μεθ' ὑμῶν) Equidem vobiscum, o amici.

Pag.

INTERPRETATIO.

Pag. 218. ἀπιδὲ παρ' αἰών] *ex interpretatione* H. S.

Nunc aliquis Saiōn parma se iactitat illa,

Quae iacta in vepres est mihi labe carens.

Sic mortem effugi, quid tum si parma peribit

Haud peiorem illa'namque parare queo .

Ead. ἡ φιλοψυχία) Nimius vitae amor .

Ead. ἢ σοι τέκνον ἐμὸν .)

Non tibi bellorum fortes sunt , filia , curae

Tu iucunda thori, tibi credita, munera tracta :

Haec autem fortis Mavors & Pallas obibunt .

Pag. 219. οἷον πίπτουται) Solus intellexit .

Ead. μετὰ φρονασκάνει) Cum praefiscino .

P. 220. αὐτοὶ δὲ ἄρτι) Ipsi autem e vico commodum egressi, cum Nili ripas legerent , crocodilōn vident , a dextra in alteram partem proreptantem , & fluminis alveum summō impetu subeuntem . Atque alii quidem , de more & sine perturbatione quod viderant praeteribant ; nisi quod Calasiris, impedimentum quoddam ex iis quae in via obici solent , significari praedixit .

Pag. 221. διὸ καὶ νομίζουσιν) Quamobrem etiam existimant homines faelicitatis causas in bonis externis sitas esse: perinde ut si citharam clare & recte pulsandi, causam dicerent esse lyram potius quam artem .

Ead. πῶς κίθαριν] Pulsandi citharam clare & recte , *sed*, quod citharam recte pulsaret Lamprus .

Pag. 228. καὶ πληγῇ ἀφ' οὗ) Et afflicto capite, nautis iussit cymbam admitterent .

Pag. 229. ἀνάθημα) anathema , *quam* Solis anathema .

Pag. 231. ἡμεῶν δὲ γενομένων) verum cum nascimur, quod ait Comicus , ne ipsi quidem valde sentiunt vicini , Alcibiade .

Ead. Δημήτρα δὲ τῷ υἱῷ] Demeae filio uxorem despondens, Quum ego inquit matrem tuam , fili, ducerem , ne
)**(
vicinus

GRAECORUM LOGORUM

vicinus quidem sensit : ad tuarum vero nuptiarum sumptus reges conferunt & dynastae.

Ead. ἐμὸν γαμοῦντας] Ducente me uxorem nec audiit proximus.

Pag. 232. ὁ μακάριος] qui defunctus est.

Pag. 236. πόλις δὲ Λέσβου] Urbs est Lesbi Mitylene magna & pulchra. Intercipitur enim Euripis fretis, affluente mari, ornaturque pontibus e polito lapide & candido. Credas te non urbem videre, sed insulam.

Ead. λάμπει ἀνσφόρῳ] Splendet Lucifer spectandus inter alia sydera.

Ead. ἀστέρες μὲν)

Stellae quidem circa pulchram Lunam
Mox occultant splendidam comam
Cum plena maxime refulserit.

Ead. ὡς δ' ὅτ' αὖ οὐρανὸν)

Ut lato in caelo quando inter sydera Luna
Emicat effulgens.

Pag. 240. Εὐθύφρωνας δὲ) Eutyphronem qui patri diem dixerat ob violatum hospitium cum pauca de iustitia & pietate differuisset ab instituto revocavit.

Ead. ξενίας δίκην) Hospitii causam.

Ead. ξενίας) Hospitii. ξενοκτηρίας) caedis in hospite patratae.

Ead. ἀχρηστον δ' ὤλην) Inutile enim arbitrabatur in his rebus turpiter occupari.

Ead. μικρολογίαν) Anxiam circa res viles occupationem.

Pag. 241. παγκάλῳ) Pancatus. παγκάλως, pulcherrime pro Pancatus.

Ead. ἔχῃ παγκάλως) Recte habent.

Ead. τάλαντα πέντε) Talenta quinque, non talenta decem.

Pag. 242. τίθει μαχαίρῳ μῆας.)

Coquo decem assigna minas, medico drachmam.

Parasito talenta quinque, consultori sumum.

Lenae talentum, Philosopho triobolum.

Pag.

INTERPRETATIO.

Pag. 244. γῆς ὀστέοισιν) Terrae ossibus impingens pedem .

Pag. 245. ἀνυμῶν ἦν τε ψυχῇν)

Ipse suo socios redimens reditu atque salute .

Ead. ἀνυμῶν) Permutare agno rem quampiam .

Ead. ἀνυμῶν) Emere ab asinis , & vendere , a pullis equorum .

Ead. καὶ τὴν αἰσυχὴν) Et suam ipsius animam , & suum reditum pro sociis .

Ead. φιλοψύχῃ) Amico mendacii .

Ead. σὺν τε αὐτοῦ) Dum vitam suam incolumem servare cupit , & reditum sociorum consequi .

Pag. 248. ἀτεχνίαν) nullam artem .

Pag. 250. πεπιδῶ) calculis ludo .

Pag. 253. τῷ δ' ἦδη δῖο .)

Secula praeteriti iam bina peregrat aevi

Quicum floruerat , multis iam lumine cassis

Tertia namque Pyli senior iam regna tenebat.

Pag. 254. αἱ ἐκκλησιάζουσαι) concionantes .

Ead. ἐκείνο δ' οὐ)

Verum illud haud curae fuit , quonam modo

Manus in altum tolleremus dexteras .

Ead. πανδημία) Ubique manibus dexteris inhorruit.

Aether , iubentum liberos nos egredi .

Pag. 255. ἀράτω τὰς) tollat manus cuicumque haec ita videntur .

Ead. πρᾶλότητα) Balbutiem .

Pag. 256. τὰ ἤφαιστίδεντα) a Vulcano fabricata .

Ead. ὤτομάτης) sponte sua divinum certamen inire .

Pag. 257. τοὺς δ' ἔμετα) Eos enim qui cum iam ad utilem aetatem pervenissent , partes eas corporis quibus liberi procreantur , exciderint , aiunt acrius & impotentius ad libidinem velut oestro quodam incita , nec incitari modo , verum etiam ut iis visum fuerit obvias quasque sine periculo corrumpere .

Ead. πότερον ὤπ' αἵτης) Num Noxa miseram vexat , an meri cupit ?

)** (2

Ead.

GRAECORUM LOCORUM

Ead. ἄτης) a Noxa, quae Dea est vindex, & damni auctor.
ἄσως) fastidio.

Ead. ἀσάμην οὐδ' αὐτὸς) Offendi neque ipse id nego.

Pag. 258. τὸ δ' ἀσάμην) ἀσάμην verbum est, ex quo fit
ἄτη, cuius nominis prior syllaba semper producitur,
quia ex crasi duorum temporum nata est: quamvis
ἄση) quae vox aliud significat quam ἄτη, ut & medi-
ci docent) corripit priorem: quemadmodum indi-
cat Euripides his verbis - - cor liberavit calamitate.

Ead. πότιρον) Fastidione, an exitum vitae petens?

Ead. τῶν πολιτικῶτάτων) quaestionum maxime civilium.

Pag. 259. οἰκοθεν ὁ μάρτυς) Domesticus testis.

Pag. 263. εὖτε γὰρ ἰσόθει)

Nam cum diis similis Libyae super arva volaret
Perseus Eurymedon (genitrice hoc nomen ab ipsa)
Gorgoneae modo caesa ferens regi ora Medusae,
Quoiquot humum passim guttae tetigere cruentae,
Protinus exceptas istos animavit in angues.

Pag. 264. οἱ μετὰ λόγῳ) Qui vitam cum ratione traduxe-
runt Christiani sunt, etsi Athei habiti fuerint, ut
apud Graecos Socrates & Heraclitus, alique similes
illorum, apud Barbaros autem Abraham & Ananias,
& Asarias, & Misael, & Helias, & alii complures.

Ead. θαυμάζην ἐπὶ σί μιν) Mirari mihi venit in mentem,
quonam pacto Euhemerum Acragantinum & Nica-
norem Cyprium & Diagoram, & Hipponem Melium,
& Cyrenaeum illum praeterea, cui nomen Theodo-
rus, & multos alios, qui modeste, frugaliterque vi-
xerunt, & acutius quodammodo, quam caeteri ho-
mines, hunc de diis errorem perspexerunt, impios
& atheos appellarint: qui ut veritatem ipsam non
viderint, de errore certe suspicati sunt: in quo qui-
dem non parva est scintilla ad veritatis & sapientiae
cognitionem excitandam.

Pag. 265. ἐν ἀναλύσει) In resolutione descriptae figurae.

Pag. 267.

INTERPRETATIO.

Pag. 267. ἀπὶ τῆς) Pro faelicitate in amoribus .

Pag. 263. εὐχεται ὅτι)

Namque excissurum puppes se iactat, & ipsas
Igne incensurum rutilo .

Ead. ἐπειδὴ) Quoniam in ora navis simulachra erant
& imagines Deorum .

Ead. Τυδεΐδην) Tydei qui Thebis fusa est tellure sepultus .

Ead. χυτὴ δέ) Minuta etiamvum terra quae mortuis iniicitur : non enim glebae ipsae imponuntur sed pulvis , qui est terra fusa & comminuta .

Ead. Κύπρον) Caram Cyprum relinquens & Paphum circumfluam .

Ead. Κύπρῳ, Πάφῳ τε) Cypri , Paphique sola possidens sortem .

Pag. 273. περὶ ἀδολείας) de garrulitate.

Ead. ἐνεργῆτινός) activis passive .

Pag. 278. μὲν ἐν κρυπτοῖς) Arcanum , & mysteriorum plenum.

Ead. ἐν ἀποκρύτοις) Inter secreta .

Ead. ὃν ὁρῶχαρις δέ τε) Hydrocharis vero occidit Pernivorum regem .

Ead. ὡς εἶπὼν) Sic fatus , hos quidem reliquit ibi : perrexit autem ad alios .

Pag. 279. ἀλλ' ἴθι σὺ μὲν) At tu celeriter hinc abi. quid vis agam ?

Ead. ἀρχαῖον) Priscum .

Ead. εἰς δὲ μοι ἔννεπε) Dic mihi Musa virum versutum.

Ead. οὐλομένην) Pestiferam multas clades quae invexit Achivis .

Pag. 280 ἀλλὰ φέωσθε .)

Verum age quamprimum lucem, superosque revise .

Atque haec uxori posthac narrare memento .

Ead. παρ' πυρί) Ante focum haec dicenda, hyberni frigoris hora .

Ead. τερατολογίαν) Portentorum narrationem .

GRAECORUM LOCORUM

Pag. 281.) εἰπὼν γὰρ ἡμῖν.)

Caenae parati ex convocatis sunt duo
Inviſti edendo, Philocrates & Philocrates:
Nam cum ſit unus, ego duos ratiocinor,
Aut tres potius.

Ead. Φιλοκράτης καὶ Φιλοκτήτης) Philocrates & Philoctetes.

Ead. ἀσπίδα, φρὺνόν)

Aſpida, buſonem fuge, & anguem & Laodicenſes
Atque canem rabidum, Laodicēſque iterum.

Pag. 282. ἡελίκα τὰ πρῶτα]

Cum primum rapidi ſubiit Sol aſtra leonis,
Tunc & Eteſiae ingenti ſtridorē per altum.
Praecipitant.

Ead. κυλλοποδῖονα) Claudum; cruribus incurvis.

Ead. ὑποκοριζομένην) Blandientem.

Pag. 183. Ὀυαρι) Vane Pari, & forma tantum bone,
qui muliebri.

Victus amorē iaces, deceptor.

Ead. Ἑκτορ) O formoſe Hector, pugnam ergo deſeruisti?

Ead. ἔτις Ὁμηροῦ) Sic Homerus eos deridet, quos pudet
claudos eſſe vel caecos: neque vituperandum ducens,
quod turpe non eſt; nec turpe quicquam exiſtimans,
quod non a nobis, ſed a fortuna fiat.

Pag. 284. σκηνορράρον) q. ſcenarum conſutorem.

Ead. ὡς ἔτε σκηνῶν) Sapientem decere nec ſcenam γράφειν,
nec decretum.

Pag. 286. φίλη μὲν αὐτῷ)

Iacebo amica ſimul cum amico, facinore
Sancto peracto, longius enim tempus eſt
Quo me placere mortuis, quā aliis, decet:
Cum illis enim ſemper ero.

Pag. 287. καὶ τὴν γῆν καὶ) Et terram in orbem cieri, pri-
mum dixiſſe ſerunt Hicetam Syracuſium.

Pag. 289. ἔπειτα δὲ] Deinde idem in veris ac magnis eo-
rum quibus adulatur peccatis, nihil ſe ſcire, nec in-
telli-

INTERPRETATIO.

telligere simulans, ad errata levissima, nihil ad eos pertinentia mire concitatur, si quod vas neglectum iacere conspexerit, si parum splendide habitantem: si tondeatur negligenter, si togam, canem, aut equum, parum, ut oportet curantem videat. Caeterum parentum contemptus, liberorum neglectus, uxoris contumelia, fastus in familiares, pecuniarum consumptio, nihil hunc movent; in his elinguis est in his timidus, perinde quasi aliptes athletam inebriari scortarique sineis, circa lecythum & strigilem morosus sit: aut grammaticus de tabula deque stilo castiget, porro syllogismum aut barbarismum committentem audire se dissimulet.

Ead. καὶ καὶ ἀμπεχόνες] tonsurae, & vestis.

Pag. 290. πρὸς τὰς ἐγκαλίσαντας] In eos qui reprehendebant prolixitatem exordiorum.

Ead. νῦν δὲ ἄν] Nunc vero si viderimus hominem, qui tunicam habeat oblique pendentem, aut aliam vestem male compositam, erigimus & admonemus: Sin viderimus vitam dissolutam, ne verbum quidem emittimus.

Pag. 291. ὁ θάνατος] Mors nihil ad nos. Quod enim dissolutum est sensu vacat: quod vero sensu vacat, nihil ad nos.

Ead. τὸ διαλυθὲν] id quod dissolutum est, sed ipsa dissolutio.

Ead. ἁῖμα] assumptum, Mors animae & corporis dissolutio.

Ead. τοῦτος καὶ ὁ παῖς] Talis est Epicuri de morte oratio. Neque enim ex praemissis propositionibus, Quod dissolutum est sensu vacat & quod sensu vacat nihil ad nos, colligitur, mortem nihil ad nos ut ipse putat. Sed, id quod dissolutum est nihil ad nos pertinere. Atqui mors est non id quod dissolutum; sed ipsa dissolutio: nec vero qui id, quod dissolutum

GRAECORUM LOCORUM

est, sensu vacare dederit, continuo dissolutionem sine sensu fieri concesserit.

Ead. τὸ ἀλγῦν] Id quod dolorem sentit. ἀντὶ τῆς) pro eo quod dolorem adfert.

Pag. 293. καὶ ὅτι) Et quod non sit eius munus persuadere.

Ead. τὴν ῥητορικὴν] Eloquentiam persuasionis effectricem esse, & summum illius caput in eo terminari, ac perfici.

Ead. τὸ σοφιστικόν) Sophisticum opus cerni non ex facultate, sed ex consilio & instituto.

Ead. περὶ τῷ ἀλαζόνος) De arrogante.

Ead. διδυσκαλικὴν καὶ πεντικὴν) Ad docendum comparatam aut ad persuadendum.

Pag. 295. παραλογίζονται) Vitiose ratiocinantur, decipiuntur.

Ead. εἰς αὔριον) in crastinum res seriae.

Ead. ἀναγνώρισις) Agnitione.

Pag. 296. ἐκ ἀγῶστος) Non penitus ieiunum.

Ead. ἐγὼ δὲ] Ego purpurisso diffluens, fuce illita.

Et fimbriata veste corpus obtegens

Steti otiosa lenae carmen occinens,

Ludensque, ut aliquem forte captarem virum.

Adeste Musae, in os meum descendite.

Date carmen aliquod mollius ex Ionicis.

Ead. χλωρὰν) virentem & pubescentem.

Ead. ἔρως ἀνίκατε) Amor invicte pugna.

Amor, qui in divitias incidis

Qui in mollibus genis

Puellae pernoctas,

Pag. 298. τὸ φάρμακόν σε)

Tuo ingravescit morbus ab medicamine.

Pag. 299. οὐ φιλόανθρωπος.) Humanus haud es nam tibi gratum est dare.

Pag. 300. δικάζουσι) Dant etiam actionem eius criminis, cuius causa maxima quidem inter homines odia sunt; iudicia vero nequaquam. Est autem ingratitude crimen.

Ead.

INTERPRETATIO.

Ead. Μηδον ὄρνιν) Medam avem vocat quoniam Persas etiam Medos vocabant.

Pag. 301. οὐκ ἐπιχάριον) Non esse tunc ex usu & more, praesentis scilicet fortunae.

Ead. πολυπραγμοσύνης] Quod ergo dixi, recidat in caput meum.

Pag. 302. μνημύνδε) Memor esto.

Pag. 303. Λόρυμα) Lorum urbs Cariae.

Pag. 306. ἄσκιτος) Ascitia

Pag. 307. τοὺς ἐπὶ θυγατέρων)

Pone sequebatur rabidorum turba Sabirum,

Queis hirsuta rigent condensis pectora fetis:

Hispida pectoribus corda. Hinc interrita mens est:

Nec fera magnanimi Bellonae signa pavescunt.

Pag. 309. οὐ γὰρ ἔστι) De iis enim quae aliter fieri, aut esse, aut habere non possunt, nemo deliberat, qui modo ita existimet.

Pag. 310. εἶναι] esse; γίνεσθαι] fieri.

Ead. ὅτι ἀνωφελές] Quia inutile, & nullius usus.

Ead. εἰ μὴ μάτην) Nisi frustra quidem periclitaturum atque bitrabatur nihilque amplius profecturum.

Ead. καὶ τῇ) Et vero quid utilitatis adfert, locupletari?

Ead. πέτραι κοιλαίνεσι) Assidue petram cavat undae gutta cadendo.

Pag. 311. ὃ μάκαρ ὅσις] Foelix Musarum qui sacra colebat in illo.

Tempore: cum intonso surgebant gramina campo:

Omnia nunc dispersa: suis stant finibus artes.

Postremi in stadio superamus: nec licet ulli

Quocumque aspiciat modo iunctum impellere currum.

Pag. 313. ἔστι δὲ καὶ βιβλιοθήκη] Est & bibliotheca, & Homereum, porticus quadrata, in qua templum est Homeri & statua. Vendicant enim sibi & ipsi Poetam. Et quidem numisma quoddam est apud ipsos, quod

GRÆCORUM LOCORUM

quod Homereum dicitur .

Pag. 315. ἀντιμυκτηρίζειν) Vicissim irridere .

Ead. ἀκολάστον) Intemperanti lingua erat ; turpi malo .

Pag. 316 πῶσδε τὸ φρίσσει) Circa puteum sine arte saltare .

Pag. 317. ἔλξας ἑρ) Trahens ad se , ut caecias nubes .

Pag. 318. ὅσα κόνις) innumerabilia quantum est pulveris .

Pag. 319. φῶς ἀγαθόν) Lumen bonum .

Ead. τῆς εἰρήνης) Pacis . Tolle ; tolle matrem cantharo celerrime .

Pag. 320. ὡς ἀργαλίον)

Quam dura res est Iuppiter summe , & Diis ,

Infansientis ferre heri libidinem !

Ead. ὦ Ζεῦ βασιλεῦ) Vide pag. 137 .

Pag. 321. ἐν τῷ κατ' ἰατρείῳ) In libro de iis , quæ sunt in officina medici .

Pag. 326. φάνηδ) Hinc enim iuvenes , ut aiunt , illucescente die sepeliebant propinqui : quasi sol tanti mali aspectum ferre non posset . Ideoque rapere ipsos dies dicebatur .

Pag. 327. νεωτέρων τινῶν) recentiorum quorundam .

Ead. δὲς ἄρτον) Da panem mendico , atque obsoni vice pugnum .

Ead. ἀκράτος) Sine capite .

Ead. αὐτῷ τῷ θυλάκῳ) ipso sacco , non manu Proverb .

P. 329. Τιμαγενης ἐξέπεσε) Timagenes Caesaris excidit amicitia quum nullam quidem unquam liberam vocem emisisset : verum passim in conviviis , & in ambulationibus , nullum cessum ad finem .

Sed fore ridiculum quodcumque putabat Achivis . amicitiae prætextu abutebatur ad iacienda convicia .

Pag. 335. οὔτε ὑπὸ) Neque vi frigoris congelare oleum ; neque vi igni , : sed ab utroque densari .

Ead. ἐν τοῖς ψυχροῖς) Frigoribus & gelu densatur oleum , non congelat autem , propter calorem enim , non congelat , aer quippe calidus est , & congelare nequit .

Ead.

INTERPRETATIO.

Ead. κερυς ἀλλυται] conglaciavit .

Pag. 333. φει φειφ] De plantis .

Ead. καὶ ρ] Nam & medulla exempta , & ab radice excisa rursus germinant .

Pag. 340. σίβυλαι] Sibyllae & Bacchides . l. e. Bacides .

Ead. ἢ δὲ καὶ] Iam vero & apud Graecos vates fatidici frequentes esse dicuntur , ut Bacides ; unus quidem Baeotius , alter Arcas ; qui multa multis praedixerunt .

Pag. 344. ἀκίνητοι] immobiles .

Pag. 345. ὅπο' δὲ τῆς μάχης] Post pugnam vero Alexander duobus tantum comitibus venit ad Istrum fluvium eorum , qui in Europa sunt , maximum & plurimas terras obeuntē .

Pag. 347. δάνοια] cogitatio .

Ead. ἀνοια] amentia .

Ead. εἰρωνεῖν ὁ μῦθος] per ironiam loquens .

Ead. εἰρωνεύεται ο] Ironice loquitur Alcibiades , cum de se ait , etiāsi demens quibusdam videatur ; suam certē amentiam non inutilem esse civitati sed planē utilem .

Ead. καὶ ταῦτα] Ac mea certē iuventus & amentia quam asserre natura videbatur ; contra potentiam Poloponnensium , oratione apposita dicendo ; tum etiam irae fidem faciendo , persuasit eam non esse metuendam .

Pag. 348. ὥδ' οἱ μὴ) Quare qui non severe coercent hanc aetatem , non animadvertunt se in eo impudentiae licentiam ad faciendas iniurias dare .

Eadem. κρατῆρας τε κεράσαντες) Paterasque miscentes in universo exercita , poculisque aureis & argenteis libantes ; tum duces , tum caeteri qui vehebantur .

Pag. 349. παναδρῶνταις) Correctoribus .

Pag. 350. ἔπεα πτερόεντα) Verba alata .

Pag. 352.

GRAECORUM LOCORUM

Pag. 352. περὶ ἐρμηνείας) De interpretatione .

Ead. τόχα μὲν) Tum quidem apud illos eram, tum vero apud illos ego .

Ead. καὶ τὸ παρὰ προσδοκίαν) Praeter expectationem dictum .

Ead. τὸ κατηγορεύμενον) Praedicatum cum subiecto .

Pag. 353. μωρόσοφοι) Stultifapientes .

Pag. 354. ἐν οἷς ἡ θεωρία) In quibus contemplatio purificationem potius efficit , quam disciplina .

Ead. ὅτι δὲ καὶ νόσος) Quod vero etiam morbis medeatur Musica narrat Theophrastus in libro de entusiasmo, dicens Ischiacos morbo levare, si quis phrygiam harmoniam incinat tibicen .

Pag. 355. ἐνπερὶ δόσῃ μιν] Ostentavi me .

Ead. ἡ ἀγάπη) Charitas non agit perperam .

Ead. ἐν ἀσκητικοῖς) De vita monachorum .

Quicquid non propter utilitatem , sed ornamenti tantum

gratia fit perperam fieri dicitur .

Pag. 358. οὐ σὺ μὲν) Non me gratis dimiseris .

Ead. ζῶντες) Duc vivum Atride , tu munera digna capesses .

Pag. 360. ἐγένετο δὲ καὶ) Fuit & Pittacus legum conditor non politicae reip. lex autem ipsius praecipua haec est, ebrios si quid peccarint graviores poenas pendere, quam sobrios .

Ead. καθόλου) in universum .

Ead. ἐάν τις) si quis ebrius peccaret .

Ead. ἂν τυγῇσι) Si verberarint l. s. si quid peccarint .

Pag. 361. Δαμαγόραν)

Damagorae & Pestis numerum qui audiverat unum Esse, utrumque simul lancibus imposuit

At gravior depressa fuit, qua lance locatus.

Damagoras , levior altera pestis erat .

Pag. 362. παρατεχίς) notatio ex primis versuum literis .

Ead.

INTERPRETATIO.

Ead. λαύκη) populus alba.

Ead. ὦ μάκαρ) O foelix Attrida fato genite, Fortunare.

Pag. πρὸς ὑγίαν) Ad salubritatem, aestate quidem ventis perflassi, hyeme vero Soli expositam esse.

Ead. δεύτερον) Deinde vero quae ad Boream: commodiorem enim habent hyemem.

Ead. ἀήλιοι) Soli expositae.

Pag. 368. ὑπελα) subaegra.

Pag. 370. ὦ μήτηρ)

O mater, oro, ne mihi ne concute.

Sanguine madentes viperaeque palpebras.

Pag. 377. ὅλω τῷ μυκτῆρι] Toto naso suspendentes.

Ead. συκωμάτῃν) Ficu per Cererem similior.

Ead. οὐ πάϊς Ἀχιλλεύς) Non satus Achille, verum Achilles ipse es.

Pag. 278. ταύτης τοι) Horum ego generis me iacto, & sanguinis esse.

Pag. 282. προκαλυμμα) Velum.

Ead. ἔρω γὰρ) Amor enim cum iuvenilem & probae indolis animam attigerit, in virtutem definit per amicitiam.

Pag. 384. παρ' Ἀθηναίους] Apud Athenienses licet uxores ducere, sorores ex eodem patre natas.

Ead. τὰς ὁμοπατρίδας) Eodem patre natas.

Ead. τὰς ὁμομητρίδας) Eadem matre.

Ead. ὁ μὲν οὖν Ἀθηναῖος) Atheniensis quidem Solo permisisset ducere ex eodem patre genitas, ex eadem matre vetuit. At contra Lacedaemonius legislator, cum inter uterinos nuptias permisisset, interdixit iis, qui ex eodem patre geniti essent.

Ead. ὁμομήτριος) Uterina.

Pag. 385. θαύμασιωτάτην) Admirabilem fuisse ait Theophrastus suis temporibus Chaldaeorum de hisce rebus scientiam: qui & alia praedicerent, & vitam cuius-

GRÆCORUM LOCORUM

cuiusque ac mortem . Nec tantum, quae communia essent , qualia sunt tempestas & serenitas , ut Mercurii stellam , cum hyeme fulgida apparet , frigora significare : ardores vero , cum aestate . Omnia , inquam , illos & privata & communia ex caelestibus praenoscere , scripsit Theophrastus in libro de signis .

Pag. 386. μητέρα χρυσοτέραν) Matrem certaminum in quibus sunt aureae coronae .

Ead. ὁ δὲ Κυαξάρης) Cyaxares vero haec quidem accepit : misit porro ad illum filiam , coronam auream & torques ferentem .

Ead. χρύσεια χαλκείαν) aurea aeneis .

Ead. ταυνίαις τε) Taeniis redimitus , fertisque festivis .

Pag. 387. καὶ οἱ μὲν Συκιωναῖται) Quibus verbis erecto animo effecti Sicyonii , omnes pariter etiam illi , quibus antea res acta displicuerat , constituerunt strenue bellum suscipere . Et Brasidam cum in caeteris honeste acceperunt , tum vero & publice aurea corona redimierunt , ut Graeciae liberatorum : & privatim taeniis coronaverunt , ac tanquam athletam divinis honoribus cumulabant .

Pag. 388. πυροὺς εἰς δῆμον) Triticum in populum .

Pag. 389. καὶ συμβέβηκε) per accidens .

Pag. 391. ἀναβάσεως) Expeditionis Cyri .

Ead. Κύρος δὲ ἀνέβη) Cyrus autem conscendit montes , nemine prohibente , & vidit tentoria , ubi custodias agebant Cilices .

Ead. εἶλε) cepit , non εἶδε vidit .

Ead. αἰδὲ κόμαι) vici autem in quibus castra metabantur , Parysatidis erant , illi ad vitam dati .

Ead. Ζώνην) Zonam non vitam .

Pag. 392. ἠκούσας) Audivi equidem a quodam fide digno , eorum qui legati ad regem profecti erant , cum diceret .

INTERPRETATIO.

ret se magnum quendam fertilemque agrum unius prope diei itinere patentem peragrasse, quem incolae Zonam reginae nuncuparent. Esse & alium quempiam, quem reginae Calyptram: aliaque adeo loca esse & lata & feracia ad mundum muliebrem illi supeditandum destinata.

Pag. 395. τέκτων] Faber cum sis fecisti non fabrilia.

Ead. ἐσι μὲρ παρμόμῃα) Sunt quidem, quia apparent tanquam animalia post abortionem: non sunt autem, quia moriuntur postea. Et sunt quidem phantasia, quia in breve tempus existunt; viribus autem non sunt.

Ead. ἐκπῶσιν) prolapsionem.

Ead. ἐκτρῶσιν) abortivum partum.

Pag. 396. οὐδὲν ὕγις] nihil sani.

Pag. 398. τὸ ἀναμάρτητον) Nihil peccare.

Ead. ἐσι δὲ πὶ) Est aut Tetta quidem, amici: atta vero alumni, pappa patris: ἡθῆς fratris.

Pag. 400. τὸ δὲ σπάδμα) Ita exercitum iam defecerat commeatus, neque coemendi facultas erat reliqua, nisi in Lydio foro ab iis barbaris, qui imperio Cyri parebant, ubi farinae aut ferinae capitha siclis quatuor vendebatur.

Ead. τὴν καπίθην) capitham farinae.

Ead. ἀνάγκη) Necessesse est eum qui syllogismum facit aut inductionem demonstrare quolibet, vel quemlibet.

Ead. ἢ ὄντιν οὖν] Vel quemlibet.

Ead. προσθήκην] Additamentum.

Pag. 401. οὐτ' ἀνέλπισον] Neque spem omnem praecidere iis, qui defecerunt, quasi nullus esset respiciendi locus.

Ead. περίλεξι) Redundat.

Ead. ἐπεισεν αὐτὸν) Persuasit ipsi, aut imposuit, ut Aethrae se iungeret.

Ead. ὃν δὲ ππάτης) Aut imposuit, decepit.

Pag.

GRAECORUM LOCORUM INTERPRETATIO.

Pag. 402. σίγα πᾶς) Tacite maneat omnis populus.

Ead. ὧν ἵχθυος) Quorum vestigia etiam num retinentes,
cum magistratus auguriis, aut sacrificiis vacat, cla-
mant HOC AGE.

Pag. 403. αὐτὸς ἴπα) Ipse dixit.

Pag. 404. ἀλλικώτατα) Attice vel maxime.

Pag. 405. Γοργίας) Georgias Lentinus.

Ead. οἷον καὶ τὸ) Quale & illud Thaletis Milefii.

Ead. ὑπνέμιον) Inanem & ventosum.

Ead. σοὶ μὲν) Tibi haec videntur, at mihi quidem secus.

Pag. 408. οὐσία) Essentia.

F I N I S.



